



58,085/B SUPP.

with the  
Supra-libris  
of Maximilian  
Abbot of Lambach



Digitized by the Internet Archive  
in 2019 with funding from  
Wellcome Library





# ENCHYRIDIVM PRACTICUM MEDICUM

Seu ad manus libellus; atque appendix Secunda ad  
libellum de Conservanda Valetudine.

*In quo Domestica, & usitatoria auxilia recentiorum. Pro universis morbis  
curandis exarantur.*

**SEX PARTICULIS, SEU SECTIONIBUS DISSECTUM.**

In Prima pro morbis mulierum auxilia proponuntur.

In Secunda pro morbis capitis.

In Tertia pro morbis pectoris.

In quarta pro morbis abdominis.

In quinta pro febribus, ac earum symptomatibus.

In sexta pro morbis ad Chyrurgiam spectantibus.

A U C T O R E

**MICHAELE ANGELO ANDRIOLLO**

Philosopho, Medico Veronensi.

D I C A T U M

*Excellentissimo, & Clarissimo Viro*

**PYRRHO MARIAE<sup>2/3</sup>  
GABRIELLI**

Senensi Philosopho ac Medico Praestantissimo:

*Joannis Bogner*  *Werloschnig, Phil. et  
Med. Dr. 1704*  
**VENETIIS, M. DCC.**

Apud Hieronymum Albricium.

**SVPERIORVM PERMISSV.**





125

# PRACITICUM MEDICUM

... ..

RECEIVED: 1978 JAN 10 11 45 AM FROM: 100-344741

THE UNIVERSITY OF CHICAGO

THE UNIVERSITY OF CHICAGO

HELLOOKE

**HISTORICAL MEDICAL**

LIBRARY



MEMORANDUM

1891

# GRAMMAR

GALE

*[Faint bleed-through from the reverse side of the page]*

*[Faint, illegible markings]*

21173497

... in the ...

0 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99



# Excellentissime Domine



Va profectò laude digni sunt,  
qui vile ocium averfatî tentant  
humo surgere, neque patiuntur  
ingenium crasso torpere veterno, sed illud ad subli-  
mum rerum contemplationem acutis velut stimulis  
agentes per omnia naturæ arcana excurrunt, omnes



rimantur latebras, & modò severà exquirunt trutinà  
nùm stet hęc, quam incolimus terra ponderibus lib-  
rata suis, & irrequieti cœlorum orbes motu haud inter-  
misso circumagantur in gyrum, vel potius in quiete  
constantes sistant perpetuò, tellusque nunquam quie-  
scens rotetur assiduè; sua, inquam, laude digni sunt,  
qui talia mente volvunt, revolvuntque, ac varios rerum  
ortus, & interitus observantes, illorum causas, &  
quibus fiant modis solerter inquirunt, verum multò  
majori cum hominum utilitate suam impendunt o-  
perā in Arte Apollinea Viri sagaci præstantes ingenio,  
qui satius ducentes Vniversi contemplatione seposita  
in parvi Mundi, quem Greci Microcosmon appellant  
indagine gradum sistere, in quo cum nihil nisi admi-  
rabile, & summa dignum cōtemplatione reperiaturiu-  
cundius in illius, humani scilicet corporis diligenti ob-  
servatione mentes eorum hærent defixę, & vel uni-  
versam membrorum penetrant structuram, vel mor-  
borum, quibus humani artus miserrime conflictantur,  
latentes causas solerti ingenij perspicacitate patefaci-  
unt, unde fit ut nonnulla ad mortalium infirmitates, &  
ægritudines sublevandas remedia semper queant ex-  
cogitari. In huiusmodi Præstantium Virorum albo  
susceptas partes optime explevit Excellentissimus Vir  
Michael Angelus Andreolius Medicus doctrina sin-  
gulari, Patria Veronensis, qui cum magna sui nomi-  
nis celebritate ad non paruum ægrorum levamen plu-



ra usque adhuc opera medica dederit in lucem aditum  
sibi ad immortalitatem aperuit, cuius cum nunc quo-  
que prodeat volumen hoc, & de eo dicando esset co-  
gitandum, vix mentis aciem intendenti mihi tu sta-  
tim occurristi, Gabrieli Doctissime, cui multas ob cau-  
sas debere me plurimum agnosco. Debeo humanitati  
erga me tuæ singulari, debeo officijs, beneficijsque,  
debeo virtuti. Quem enim inveniam qui in præstantis  
animi ornamentis tecum possit comparari? Novi can-  
dorem tuum, & benevolum animum, novi alacrita-  
tem, qua promptissimè soles amicis operam tuam  
impendere, id egomet iam diù sum expertus, experi-  
untur quotidie omnes. Quæ sit autem Doctrina  
tua dicunt Eruditorum lingue non Hetruriæ mo-  
do sed totius Italiæ, dum ex eruditissimis elucubra-  
tionibus tuis non utilitatem modò, sed & voluptatem  
hauriunt singularem. De melliflui vero eloquij dul-  
cedine satius est ut taceam quam pauca dicam, uno  
ore altius deprædicabunt Senarum Academiæ, qua-  
rum egregium existis ornamentum, dum ex disertè  
dicentis pendent ab ore, ac rerum sublimitatem, &  
sententiarum robur sermonis dulcedini admirantur  
adiunctum. Verum non mei nunc muneris est de tuis  
laudibus dicere, nec est quod in te exornando diu-  
tius immorer, cum satis, superque pateat omnibus,  
qua polleas ingenij præstantia, atque in tam excelsò,  
& illustri loco sita sit laus tua, ut lux citius Soli, igni  
calor quam ea tibi possit denegari. Summis igitur me-  
ritis tuis, & observantia in te mea inductus Volumen  
hoc,



hoc, quod nunc primum prodit è typis nostris dicavi,  
& illud offero modò libens, rogoque ut hilari excipi-  
as vultu, & ea qua soles humanitate complectare;  
quod si agere non dedignaberis, ut spero, in dies magis  
magisque me tibi Devinctum esse profitebor. Vale.

Dominationis Vestræ Excell:

*Venetis 5. Ian. 1700.*

*Humillimus. & Devinctiss. Servus*  
Hieronymus Albricius





# CANDIDO LECTORI

## P R A E F A T I O.



Non est animus hic, totam Asclepiadum artem exarare. Et ut Græculus olim universam Homeri Illiadem nucis cortice includere. Amplissima namque scientia medica nullis Herculeis terminis clausa, paucis foliis consarcinata complecti non potest. Sed ea præcipua intentio est, ut mihi senescenti, dum naturali cursu memoratricem facultatem in dies labescere observem, enchyridium, seu manuum libellum constituendo, in quo, quæ longa præ-

xi efficacia debellandis morbis auxilia observavi, Laconico calamo exarata torpenti memoriæ excitamenta sint. Aliisque interim medicis senescentibus quibus labor meus acceptus, & gratus sit, eadem ratione utiliter inservire possit. Pro quibus etiam hoc loco sollicitum me non esse de dosi ad vnguem præscribenda observabis. Ratus longa præxi exercitatis notissimam esse. Neque superfluitatibus vacandum, quibus onerosus liber excrevisset, qui quantum fieri potest in angustum contrahendus erat; ut quilibet expedite secum gestare valeret.

Neque summis laboribus, longaque temporis patientia præparata spargyrica arte auxilia hoc loco expectanda. Nimis enim prægrandibus istis, ac magnæ caudæ auxiliis, angusta hæc nostra mensa est. In qua domesticorum auxiliorum, ac facile parabilium apparatu simpliciore, quæ in dies familiaria nobis sunt, & humilia victus rationis auxilia exponuntur. Expectaturi potius à nutritiva potentia sanitatis impetrandæ gratiam, quam violentis, & incertis auxiliis, naturam ad dubios motus sollicitando, ægritudinis impetum adaugere, & ægrum ad Acherontis ripam deducere.

Neque ad crapulam usque in apparatu nostræ parvæ mensæ auxilia apposita reperies; sed magna parsimonia, ea tantum quæ utilia, certa que experientia nota sunt, & quæ pro repentina occasione oblata fideiiter inservire possint hoc loco congerere volui.

Singulorum auxiliorum dosim, & administrandi peculiares rationes præscribere recusavi, ne ad hæc minutiora me descendisse arguas, contra primum libelli institutum (quod enchyridium est) & jam propositam brevitatem. Cumque perpetua variatio ybique locorum facienda sit, juxta ætates, anni tempora



pora, regiones, sexus, conditionesque multas. Modo in arte tyrō non sit; nostris propositis se se rationabiliter accommodare poterit. Ipsique sufficere memoriæ oculis obieciſſe, quæ in ſingulo morbo eligenda magis familiaria. Cum victus ratione occurrere poſſent.

Si quædam ſpargyrica præparatione concinata remedia hoc modo propoſita invenias. Incidenter, & præter inſtituti intentionem lapſa reputabis, accipienda in conſortio tamen, ut potè magis nota, uſu, atque noſtris officiis familiaria, neque admodum difficultè parabilia. Quæ enim longa, ſubtili, ac laborioſa arte parari debent, alibi in praxi exarare decrevi.

Rarò etiam graviffimorum doctorum auctoritate uſum fuiſſe ( Hippocrate excepto ) me fortè carpere poteris. Sed eodem quoque momento excuſabis, dum in anguſto libello notiora tantum, magiſque hoc ſæculo plauſibilia compilare. Atque non longo examini ſubjicere. ſed veluti judicata, brevi proceſſu exarare aggreſſus fuerim.

In affectuum verò curatione de ſanguinis miſſione. Ex electivè purgantibus, de pillulis, electuariis, aliisſque innumeris formulis, quæ agris injucunda, incommoda, & odioſa eſſe per longam experientiam edocui, hoc loco verba fundere nolui. De rebus tantum quæ guſtui jucundiora. Vel abſque multa arte concinari. Vel minimo negotio haberi, aut præparari poſſunt exaraturus. Quæ etenim magno artificio, magniſque auri impenſis, & temporum diſpendiis à Quercetano, & à regiis pharmacopeis ſpecioſi apparatus pharmaca concinantur vltro medicis aulicis reliquimus, quibus ſicuti nuda veritas, nec placere, nec juvare poteſt, ita noſtrorum auxiliorum ſimplicitas riſus forſitan materia erit. Atque ex alto veluti aſpicientes, quæ facile parabilia, & in noſtris Venetis hypotecis communia, parvaque impenſa venalia proſtant, omni tempore expoſita deſpicient, licet pro oblatis indicationibus, ac intentionibus ſufficere poſſe cognoſcant ſimplici artificio, plano, naturali, ac facile parabili.

Pro morbis, debellandis, auxilia me propoſuiſſe obſervabis, ad alterantia tantummodò animum convertens, & totius providentiam jam præceſſiſſe ſupponens, per aptas purgationes, & ſanguinis miſſiones aliaque chyrurgica auxilia opportuna. Morborum etiam cauſas non univerſas, nimisſque multiplices. Sed fræquentiores delibaſſe artis ſtudioſis ſufficere debebit. Quibus etiam generalis doctrina, & adumbrata monita iſthæc ad ingeniū lumen illuſtrandum affulgebit. Intelligentiamque pauca. Superbis interim indolis, errorum occaſio ſubtrahetur, qui noſtra nihili facienti, neque addere, neque demere ſcientes, in aliorum receptis integre exaratis, ſpem & notitiam ſuam omninò reponunt. Quibus hæc occulta eſſe, ſicuti nobis parum refert. Ita agris magnæ utilitatis hoc futurum eſſe denunciamus.

In tanta interim veterum, & Neotericorum remediorum abundantia, & magiſtraliū receptarum Oceano, cum videam profeſſorum ſpem veluti naufragium pati, dubiaque ſit præceptorum univerſorum fides. Ut gaudeat hiſmeis unusquiſque, ſe artis magiſtrum in receptando præſeferre poſſe. Et ſperant quod præſcriptiones meæ acceptæ ſint prudentibus, materias tantum proportionatas indigitans, pondera menſuras, & concinandi formulas, nō  
accu-



accuratè præscribere nolui. Viris in arte peritis hoc onus relinquens, quibus magistralis suæ receptæ gloriam captare, & electionis, ac prudentiæ majora molientis laudem non invidemus.

Cum interim duo præcipua in morbis tractandis occurrant. Causarum cognitio. Et remedium administratio. Hæc in angusto libello non universa ostendere, sed peculiaria tantum, quæ nostris culinis familiaria, & facile parabilia sunt animo destinavi. Ampliora (ut dixi) selectioribus auxiliis intermixta Deo dante in nostra praxi ostensuri.

Nostraque intentio est hoc loco vias faciliores præmostrare, & artes commodas, victus rationis, quibus mediantibus quilibet citò, tutò, & jucundè se se à morborum compedibus solvere possit. Citò quidem quia domi familiaria, vel ubique exposita, ac prompta proponuntur. Tutò, nam quæ nostræ naturæ per experientiam nota, alimenta quotidiana, ac familiaria, eligenda exponuntur. Jucundè tandem quoniam à coquis, & à familiaribus nostris juxta petita, ac imperata præparantur, & concinantur.

Nostra etiam præcipua intentio fuit; hæc nostris mensis usualiora, magisque familiaria, ac simplicia congerere; Ut juniores potissimum nostrorum temporum medici, ea quæ quotidie inter manus habent, assidua observatione examini subjicientes, energiam tantam habere edoceantur. Ut per hæc dum optimè calluerint ægros incrassare, vel attenuare, aliisque elicitis intentionibus alterare. Tunc peregrinis Indorum, ac Americanorum pharmacis ignotis, vel paucis, tantum, ac incertis experimentis approbatis se non indigere cognoscant, ad sanitatem citò, tutò, & jucundè adducendam. Cominiscentes præcipuè, quod vita brevis (*ut insinuat Hippocrates in præfatione 1. aph.*) At universa, quæ in rerum natura sunt, velle experiri, stultum assumptum eorum est, qui cœli stellas numerare universas aggressi sunt. Quamobrem pars magnæ prudentiæ, ac sapientiæ erit, pauca, nota, vulgata, & ad manus facilia experiri, easque cum magna securitate ad opportunitates expeditas, ac paratas habere. Quam in amplissimo indagationum Oceano, sine portu, sola ancora spei fisis velificare. Immensa etenim medicinæ spacia, quæ exterminatas animalium, plantarum, & fossilium familias complectuntur, brevissimo vitæ curriculo emetiri posse, cum unum ex impossibilibus esse mecum reputarem. Vix medicinæ initiatus duo in animo proposui. Quænam essent artis præcipua præcepta indagare quæque remedia efficaciora ad morbos debellandos. Imbecillitatem (ne dicam vellaniam) reputans longo receptarum catalogo facto, atque novis semper tentatis auxiliis, veluti ex vrna Pandoræ, ægrorum fortem elycere. Si etenim Sors tulerit, ut Mors, vel sanitas contingat. Neque à quo sanitas, aut mors venerit animadvertere re possunt isti. Hinc est, quod trepidantes. Et veluti de medicina hæretici, ad ægros accedere observantur, quidquid fortuita memoria fugesserit præscribentes, immemores se consimiles ægros hoc præcisè, vel illo auxilio, ad sanitatem perduxisse.

Senex ergo quæ validiora, quæque certiora remedia expertus fuerim, amico, atque caritativo in proximum studio in medium profero. Eaque pauca, & selectiora in variis provinciis experta auxilia. Meoque non solumodò Marte ob-



teobservata. Sed ab amicis in arte eximiiis in usu posita, nunc publici juris facio. Quæ certè non tantum in alienum usum, sed in meæ reminiscentiæ gratiam, hac indigesta mole congesti. Annitens quantum fieri potuit, ut verborum Atticorum serie postergata, compendiosè omnia contraherentur.

Bonum igitur consilium junioribus medicis sit, pauca, fida, familia, & nota auxilia fræquentare, atque in iis insistere, ut demum rationes cur quandoque incassum propinata sint optimè calere possint. Non semel enim mihi occurrit videre medicos, in immensum remediorum pelagus descendentes, absque notorum syderum directione, qui cum ad senium pervenissent, nullam artem esse fatebantur, ideoque desperatorum more sine tentatis auxiliis se mortis faucibus præcipites tradidere. Cum tamen penès ingenuos viros, & in arte peritos, sicuti incerta est morborum essentia, causæ, & modus agendi medicamentorum, ita certis, repetitis, & longis experimentis constat, illud fermè artificium quo nautæ (firma existente nave, neque senio corruente) observato scopulo, & tempestate, temonem inflectentes, vel naviggium ancora firmantes, aut ventis impellentibus velecula à claudentes, tumentis maris aquas excludere post procellas. Eadem arte prudens medicus senex, & paucorum auxiliorum practicus, in morborum agone absque hæsitacione operari observatur. Perperam verò, & veluti in gurgite vasto errantes aguntur, qui ut nomen magni viri aucupentur, totam aromatarii hypotecham suis receptis sus, \* deque vertere faciunt, rationem postmodum ignoraturi à quo symptomatum augmentum, vel decrementum processerit. Præterquam quod velle morbos debellare, indiscriminatim quæ mens fugesserit obvia præscribendo absque bonorum, certaue experientia sua notorum auxilio, prælium est Andabatarum more, oculis clausis committere.

Quamobrem pro illis, qui adhuc praxis suæ enchyridium, seu ad manus expeditum auxiliorum scelectorum libellum nondum construxere, labor iste meus aprimè interfervire poterit, in quo notiora, promptiora, ac faciliora remedia, pro qualibet insurgente repentina occasione, semper invenire poterunt.

Medicis etiam conductis, & ruri degentibus, qui ægros quandoque visitant, procul à pharmacopeis ad multa millia passuum distantes, vel pressanti gravatos paupertate, hæc mea monita adamusim interfervire poterunt. Dum in angusto libello adversus omnes morbos, non paucam utilium remediorum materiam invenient, ex rebus domi familiaribus, vel quæ in hortis nostris nasci, aut in pratis exerescere consuevere.

Pro viris nobiles, longa ægritudine conflictatis, medico, & pharmacopeo uti nolentibus, liber laborque noster alterutriusque vices benè gerere poterit. Modò enim innotescat morbus, & causas à viro perito edocuerint. In hoc postmodum libello invenient auxilia intentionibus, ac indicationibus elycitis correspondentia, quibus strenuè victus ratione servata, æsculentis, & aliis præscriptis, contra morbum pugnare possint, atque constanti patientia vincere valeant.

Interfervire quoque poterit libellus noster infelicibus illis mancipiis, qui adtissima multiplicium negotiorum tyrannide compressi, magis auri lucra, quam  
fami-



sanitatis dispēdia repūtantes , pallidi, tremuli, sub importabili pondere cum ingentibus, imò giganteis ægritudinibus inscii luctantur. Ne verò se à negotiis avertant, viribus adhuc constantibus, medicum vocare procrastinant. Donec tandem prostrati, serò medicinam sibi parari fateantur. Ut ergo morborum suorum principiis saltem obstare possint, per libellum nostrum ea in usu ponere edocebuntur, quæ pro læsa actione, distinctas dieteticas regulas, cum electis cibis, & potibus proponuntur. Hæc postmodum cum sufficere non posse cognoverint, ( si sapiant ) ad peritorum consilia postmodum in tempore accedere poterunt.

Tandem cum omnibus hominibus in populatissimis vrbibus vbique vivere suis commodis non detur. Neque omnibus semper proximæ sint seplasiariorum officinæ omnibus instructæ remediis. Sed maxima viventium pars, procul ab his commodis victitet, Fortuna, vel Genio coacta. Ideò qui enchyridium hoc ad manus habuerit, tam in repentinis, quam in diuturnis morbis armamentarium possidebit, quo si non tollere, saltem languores suos admodum imminuere poterit.

Conditiones calidæ, vel frigidæ ( de quibus hoc loco sepiùs mentionem fecimus ) à me dicuntur, temperamentum, ætas, sexus, regio, consuetudo, victus prætergressus, & si quæ alia sunt, quæ in singulis agris variationem subeunt. Quorum ratione morbus, an causam foventem, calidam, vel frigidam habeat, perspicaci indagine, ac enumeratione medicus colligere potest.

Præceptorem esse partis culinariæ medicinæ, penès viros probos, & Christianos probos esse non debet. Quibus in pauperes charitas, & in proximum dilectio, religiosa cura semper esse debet.

Hæc interim veluti quædam prælibamina sunt, antequam de universis morbis praxim conscriberem aggrediar. Si etenim hæc tenua arridere observaverim, allacriùs ad majora exaranda, juxta concilium veterum, & Neotericorum me accingam.

Ut igitur valeas, longoque tempore benè valeas, hæc conscripta grato animo accipias. Et si his forte, vel ratione uti tibi non occurrat, summum dispositorum bonorum lauda, rectam intentionem meam placitis tuis obsequendi ne vituperes, sed me amare pergas. Valeasque etiam atque etiam rogo.



# Noi Refformatori dello Studio di Padova.

**H**Avendo veduto per la fede di revisione, & approvatione del P. F. Raimondo Asperti Inquisitore, nel Libro intitolato *Enchyridium Practicum Medicum*, Auttore Michiel Angelo Andriolli Veronese, non esservi cos' alcuna contra la Santa Fede Cattolica, e parimente per attestato del Segretario nostro niente contro Principi, & buoni costumi, concediamo licenza, che possi essere stampato, osservando gl'ordini in materia di stampe, e presentando le solite copie nelle publiche Librarie di Venezia, & di Padoa.

Data li 10 Gennaro 1700.

( *Alvise da Mosto Proc. Refform.*

( *Ferigo Marcello Proc. Refform.*

(

*Agostino Gadaldini Segretario.*



D E

## MORBIS MVLIERVM

## PARTICULA PRIMA

*Pro menstruæ purgationis suppressione , vel  
imminutione auxilia .*



Ujus fræquentis affec-  
tionis fræquentiores  
causæ solent esse cras-  
sities , & glutinosa  
visciditas , quæ mas-  
sæ sanguineæ tenuem,  
fluidam , ac volati-

lem crasim invertentes, ac subvertentes.  
Ejusque fluxibilitatem , & fermenta-  
tionem impediētes. motum progressi-  
vum , tum intestinum retardare, tum  
vitiare valent . Spirituumque univer-  
salem generationem inhibentes, parti-  
cularem spirituum in capite elabora-  
tionem obnubilare, ac deteriorem red-  
dere solent . Quare in universis facul-  
tatū actionibus vitia contingent . In  
naturali etenim cachexia. In vitali febris  
alba . In animali torpor in operationi-  
bus advenit .

Quandoque non tantum glutinosa  
visciditas liquoris albuginei , vel cras-  
samentum cruoris tenax , sunt hujus  
affectionis proximæ causæ ; sed etiam  
naturalis vasorum , ac viarum expur-  
gandarum angustia , quæ per morbos  
organicos à tumoribus , obstructioni-  
bus uteri , vel partium circumsitaram  
oriuntur .

Vel ob malam vivendi rationem in

sex rebus non naturalibus servatam  
acquisita est . Dum tractu temporis  
interni vasorum parietes à materia vi-  
scida , mucilaginosâ obliniuntur , at-  
que prætereuntibus liquoribus transitus  
angustiat , potissimum circa vasa ge-  
nitalium , & vaginæ uteri , per quæ  
menstrualis purgatio quodammodo per-  
colata , ac imminuta prodire cogi-  
tur .

Sanguis etenim menstruus, plurimo  
fero , seu liquore albugineo dilutus ,  
postquam sub quadam naturæ nota  
proportionē per mensem sensim in va-  
sis sanguifluis coagmentatus, tum co-  
pia , tum acore ( diuturnioris causa  
more ) concepto , expultricem irritat ,  
acri solventi vi arteriolarum oscula  
uteri vaginæ aperit , & sibi viam pan-  
dit , ut foras ammandetur ,

*Auxilia .*

**S**I viscida pituita acidâ circa primas  
vias hæreat , vomitorio deturbe-  
tur , granis tribus tartari emetici . Vel  
saltem pulvis Cornacchini exhibeatur ,  
ex stybio diaphoretico & diagridio cum  
cremore tartari .

Vinum medicatum paretur potissi-  
mum



num pro illis quibus ultra sex menses talis suppressio, atque in huius vini usu longo tempore obstinatè perseverent. Paratur verò infusione facta radicum brionis in taleolas concisarum, & exiccatarum, corticum aurantium, atque limatura calybis in nodulo ligata, Tali itaque vino in prima mensa, seu in primo poculo ad vncias sex, manè & vespèri utantur.

Post præviam aptam purgationem, acidulæ Martiales propinatæ longas ab obstructionibus suppressiones menstruorum tollere consuevere.

In conditionibus pituitosis, viscidis, amara universa proficua sunt, ut absinthiaca auxilia, conserva, vel absintii vinum, vel ejus tinctura prout, mirrhæ, aloes, rhabarbari.

Si de acido melancholico coagulatore, ac obstructionum fomite suspicio sit, ea quæ acida absorbent exhibeantur, oculi cancri, atque testacea &c. prout salia volatilia alibi indigitata, nomine dulcorantium, vel absorbentium.

Si contumacem affectionem, & inveterata impedimenta removerè animus sit. Decocta ex lignis consuetis, & falsa in usu ponantur, addito etiam pulvere viperino, aliisque diaphoreticis cordis fermentationem, ac sanguinis agitationem adaugendo, per dietam sudoriferam de qua alibi sermonem fecimus in prima appendice.

Pro nuptis, vel mulieribus jam effætis, ob recentes aliquos in victu errores suppressione menstruum laborantibus. Summo mane in decocto ciccerum rubrorum, & radicum petroselinæ guttæ aliquot essentia sabinae, vel olei sabinae, vel etiam merum decoctum sabinae exiccatae, per viginti dies adhibere sufficere poterit.

In pituitosis habitibus, vinum cinnamomo, & radicibus enulæ accommo-

datum reperies. Prout decoctum lignorum cum copiosis baccis juniperi, foliisque scordii, dictami, & cardui benedicti. Quod manè summatur, stragulisque benè contacta patiens sudorem patienter expectet, guttulis olei succini admixtis. Pillularum ex aloe longus usus vespèri parum ante cœnam continuatus bis, vel etiam ter in hebdomada contumacissimas menstruum suppressiones, tandem debellare poterit.

Ad uterum calefaciendum, ejusque vasa aperienda, per 20. dies manè propinetur aqua capillorum veneris, & sabinae, instillatis guttulis olei sabinae premisso bolo ex therebentina cum pulvere trochiscorum de myrrha confecto.

Foveatur interim uteri regio filis canabinis in lixivio cinerum, & modicæ calcis excoctis. Illisque post horam circiter remotis, pubes & circumstita loca inungantur olio liliorum alborum, & formicarum, vel saltem scorpio-

Etate jam provectionibus proderit fermentum vetus, castaneæ magnitudine, subactum cum trochiscis de myrrha, saccharo, & dictamo pulveris-

Decoctum splenis bovis, dictami, & visci quercini summo mane longo tempore adhibitum in biliosis complexionibus incrassatas obstructiones removere potuisse observavimus, in cæteris victu humectante, & attenuante adhibito.

Vinum folis baccis juniperinis medicatum in menstrui excrementi suppressionibus semper cum fructu usurpatur.

Theriaca cum pulvere dictami, & sorbiciuncula decoctionis ejusdem dictami eundo cubitum, hyeme, & in conditionibus frigidis magni erit auxilii. Prout oleum succini ad gutt.



vii. singulo manè, jejuno stomacho sumptum.

Mulieres Hispanæ viperarum carne utuntur. Neque caro sola cum cibis assumpta prodest; sed jascula quæ parari possent incocta carne viperarum in ventre pulli columbini, cum dicta mo scordio passulis, & consimilibus, miræ sunt efficacix, prout Zac. Lusit. lib. 3. praxis hist. expertus est.

Splen bovis quocumque modo adhibitum efficax est in biliosis conductionibus ob suæ contrarietatis rationem, dum in crassatam, & ligatam bilem colliquat.

Apium, feniculum, petroselinum, fabina, dictamnium, majorana, artemisia, camomellum, bacæ juniperi, myrrha, castoreum, pro his affectibus familiaria sunt auxilia. Prout succinum, crocus, borax naturalis.

Arcanum quorundam est spiritus salis armoniaci, cum oleo fabinæ, vel corticum aurantium, in decocto fabinæ, vel aqua florum aurantium.

Ab aliis verò summis laudibus deprecatur tinctura myrrhæ, cum spiritu salis armoniaci ad scrupulum semis. Myrrhata, succinata, martialia cæteris palmam præripere solent, prout acidulæ ferratæ. Vel saltem in potione mensæ consueta limatura martis infundatur in bona quantitate, & obsonia plurimo croco condiantur.

Tinctura aloës, & salis armoniaci in spiritu vini parata, in conductionibus frigidis longo tempore jejuno stomacho usurpata validissima est.

Valent omnia sanguinem edulcorantia, & acida coagula remonentia, ut oculi caneri, mater perlarum, corallia, atque crustacea in juvenculis.

Suffitus ex fabina, myrrha, & colocyntide in cathedra perforata multas frigida uteri intemperie af-

fectus, liberavit seniores.

Flores sulphuris in ovo sorbili ad grana septem epoti. Vel succus marubii ad uncias duas cum saccharo, vel melle admixtus consimiles plurimas sanavit.

*Pro virginibus clorosi laborantibus auxilia.*

**V**irginum sedus iste color ab impedi-  
mentis vasorum depurationi succo-  
rum intervientium fieri cōsuevit, potissi-  
mum abdomine contentorum, atque  
peculiaritèr circa uterum; dum ma-  
gna sit spiritus plastici uteri oppres-  
sio, à sanguinis crassitie, orta à de-  
pravatione, & aciditate ejusdem, ute-  
ri vasa angusta obstruente. Acceden-  
te spirituum animalium torpore, à  
materia crassa, frigida, inertis procu-  
rato. Fit ergo ut plurimum à pitui-  
ta viscidior.

Sepè etiam fit à liquore longo tem-  
pore circa uteri vasa vaginalia retar-  
dato, vitiato atque acore corrupto,  
per venas ad massam sanguineam re-  
duce, ipsamque perturbante. Hinc  
vitiosam febrilem fermentationem con-  
cipiens nomine febris albæ insignitur.

Qua febrili fermentatione median-  
te, & cordis micatione depravata,  
massa sanguinea impura redditur, mi-  
nusque vivido colore suffulta virgines  
decolorantur, atque ambulantis cada-  
veris speciem reppresentant.

Et quia à regurgitantibus his liquo-  
ribus simul cum sanguine ab utero,  
viscerum fermenta in transitu labefa-  
ctantur, glandulæ separationi succi al-  
buginei, feri, & lymphæ destinata,  
his liquoribus in crassatis obstruuntur.  
Inde ad irreparabilem cachexiam hu-  
jusmodi virgines rapiuntur sero impu-  
ro turgentes.

Prava autem in vivendi ratione ser-



vata regula; remota hujus affectus causa, consuevit esse. Vita sedentaria, & usus alimentorum frigidorum, & incrassantium.

### Auxilia

**U**T ab inveteratis oppillationibus istis liberari quæant, domesticum, & longo tempore adhibitum (ad quadraginta, & ultra dies) auxilium erit rhabarbarum, à scrupulo semis ad scrupulum unum, cum passulis premanum jejuno stomacho.

Si interim aliqua signa prodeuntium menstruorum appareant, cantarides decem circiter, auulsis alis, pedibus, & capite, cum myrrha, & ficibus pinguibus ad duplam cantaridum, & myrrhæ quantitatem contundes, & glandem efformabis. Quam tenuissimo linteo involutam, curabis ut altè ad uteri cervicem immitatur. Cum verò morsum inferre observetur, auferatur. Atque unguentum rosaceum cum pessario illiniatur. Si cui cantarides displiceant, brioniam cum myrrha subactam eodem modo concinatham proponimus. Consimilis etenim propè efficaciam else reperietur.

Verum quia ut plurimum, est affectus, qui ortum ducit à vasis uterinis nimis exilibus, cum uteri frigida intemperie, & excrementi seminalis diu retenti corruptione. Ideò consilium Hippocraticum accipiat talis virgo, in matrimonii siliet jugo se submittat, ut ab immenso calamitatum onere se subtrahat, in toto vitæ tempore compressuro. Ait enim prudentissimus Medicorum omnium senex in *lib. de virginum morbis*. Ego jubeo virgines cum hæc patiuntur, quam primum viris cohabitare. Si enim conceperint sanæ fiunt. Docuit etiam alibi quod per concubi-

tum uterus incalescit, & venulæ flui- diore, fiunt. Per abstinentiam verò à coitu uterum in se contrahi, infrigidari, & exivari morbosa ratione; pro- ut in parte quinta de tuenda valetudi- ne insinuavimus, & experientia docuit quod in his aliquando prima nocte coniugii utero incalescente mensium fluor excitatus est.

Magnæ pariter efficaciam esse experti sumus tincturam antimonii ad scrupulum semis cum aqua apopriata singulo manè adhibitam. Vel ipsum antimonium diaphoreticum, generale incrassatorum, & coagulatorum auxilium, & assilum.

Decoctum guajaci, saffra, & lignorum (incrassata pariter solventium, & attenuantium) in frigidis potissimum condictionibus utilimum adinvenientur, si cum proportionato sudore administretur. Pulvis cæceticus Querc. celebre his auxilium est.

Viperinum decoctum ad plurimos dies nunquam satis laudatum à Zach. Lusitano *lib. 3. prax. hist.* adfundendos & mobiles redendos liquores in angustis virginum vasculis. Vel saltem theriacæ, cum pulvere, & decoctione dictami adhibeatur.

Vinum medicatum salsa, radicibus ononidis, & lignis attenuantibus, ac fundentibus in usu longo, non leve fulcrum ad sanitatis iter terendum præbebit.

Pro emaciatis alterutra bile redundantibus post peractam solemnem purgationem, balneum pareretur ex radicibus alteæ, liliorum enula, brionia, seminibus lini. Quod ingrediantur tepidè bis in die, longè à pastu per triduum. Tantæ etenim fuit efficaciam in quibusdam, ut tertia, vel quarta balneatione menstrua profulgerint.

Vel quibus balneatio displicet, fo-



## Particula I.

5

tus fiat ex decoctione radicum brioniae, florum camomelli, radicum, & florum liliorum cum suis potissimum filis croceis, & foliorum fabinae.

Cæteris iritis, & sæda cachexia urgente ad usum calibis devenies (expiato prius pro viribus corpore) post assumptum verò calibem, post horam, tota hora sequente validè exercentur, ad sudorem exclusivè. Atq; post horam quintam prandeant. Et hoc per quindecim, & viginti dies, vel amplius repetatur. Sive crocea præparatio martis sit, sive absque ulius acidi imbibitione, alia martis præparatio, immò calibis limatura ipsa super cætera martis præparata ad dracmam semis mihi arrideret, cum vehiculo apto aquarum fabinae, artemisiae, & consimilium.

Vinum medicatum fabina, radicibus enulae dictami albi feminibus dauci neque inutile, neque spernendum auxilium pro delicatis, & à remediis declinantibus erit.

Omnia pariter diuretica, & sudorifera, de quibus alibi sermonem fecimus accomodata huiusmodi affectibus erunt.

Primò semper respectu habito, ut ventriculus ab accidis cruditatibus liberetur, exhibeantur frequentèr, quæ per omnem viam solvere, ac dissolvere possunt acida coagula suo amaro, ut faciunt aloetica, rhabarbarata, fabina, & cephalicorum simplicium plurima.

Tum vitreolum martis, tartarus hemicus, gilla Theophrasti, crocus metallorum aliaque consimilia vomitoria propinentur si viscosam saburam in ventriculo delitescentem extirpare radicis intentio sit.

Si autem ultra primas vias, ad glutinosorum liquorum attenuationem,

liquationem, fusionem anheles, ad lignorum decoctum concinandum, cum radicibus aperitivis, superaddito spiritu salis armoniaci, stibio diaphoretico, & lapide Cancrorum festinabis. Cui etiam oleum seu essentiam fabinae ad scrupulum semis; cum syrupo de corticibus citri addere poteris.

Vel decoctum fabinae, splenis bovis, cum radicibus aristologiae rotundæ, & brioniae, pro incrassata bile ad exitum promovenda efficax erit.

Rebus omnibus desperatis, ex myrrha, extracto gentianae, croco, & aloe pillulae parentur, ad scrupulum, vel ad dracmam semis, matutinis horis summandæ per duos menses, & ultra. Hoc enim patientiae artificio, plurimas ab his compedibus solutas fuisse, & pristinum habitum roseum, & coloratum recuperasse vidimus.

Pro ut virginibus aliquibus morosis, & ab omnibus medicamentis alienis, genitoribus autem aliqua auxilia implorantibus gratificaturi, inunctionem paravimus ex unguento artanitæ minoris, admixto copioso pulvere trochiscorum alhandal, essentiae fabinae ac mercurio currenti. Imperatoque exercitio valido matutino, incrassata pituitosa, ac melancholica obstacula remota fuisse in progressu temporis latati fuimus.

### *Ad menstruorum fluores immodicos auxilia.*

**S**ecundum naturæ leges experiuntur foeminae menstruum tempore, orgasmum in sanguine quemdam tum à motu (seu influxu) Lunæ tum in progressivo motu, tum in intestina fermentatione agitantur universi liquores, & præter ordinarium modum turgent,



ac rare fiunt. Inde dolor dorſi, circa lumbos, pulſatio, artuum tenſiva laſſitudo, capitis dolor, & hypocondriorum inflatio. Quibus deinde ſubſequi ſolet ex arteriarum vaginalium uteri orificiis per anastoſin excretio.

Quandoque verò ingens cumulatur in vaſis, & in verſo corpore hujus menstrualis excrementi copia, cui etiam mala qualitas, & viarum laxitas à variis humidis excrementis facta copulatur. Inde exorta ſumma expultricis irritatione ob varium ſuccorum præternaturalium vitium, ſuæ excretionis modum, & menſuram naturæ fervare nequit, vel nescit. Si potiffimum uteri intemperies, vel morbus aliquis laxitatem viarum fovens manutentores ſint. Vel maffæ ſanguineæ ſeroſa colluvies plurima admixta ſit. Sive ſerum melancolicum acidum corroſivum, acore ſuo undique vias ſibi patefaciat. ſive biliolus, tenuiffimus icor, amaro ſuo quietis impatiens, fores omnes aperiat. Sive vitalis, tum animalis ſpiritus præternaturali æſtore exagitati, nimiamque volatilem acidam naturam adepti, irregulares, ac innordinati, cum ſanguinis excrementis, ſanguinem ipſum vitæ theſaurum profundere tentent.

Dum enim debito ſigillo, vitali ſpiritu, ſanguis menſtruus privatur veluti mancipium vagandi libertate orbatum, ad ſcallas gnomonias ducitur, & ad cloacam proſcribitur eliminandum.

Inepta eſt enim credulitas eorum, qui menſtruum ſanguinem immotum permanere putant, ſenſim coacervatum per menſem in venis uteri, conceptionis tempus expectando. Nam ut ſuperius monuimus per lunæ motum, tempore conſueti effluxus, ad uterum nutat, & ſunt lumborum dolores, &

alia, prout monet in épiftola ſua Valſeus ad Arveum, & alii recentiores.

Sed hoc loco ſiſtamus gradum parumper, ad divinam providentiam contemplandam, & admirandam. Invenio etenim quod inter ea quæ olim Galeniſtarum ingenia torſit, fuit Hippocratis propositio in *lib. de Mulierum Morbis*, dicentis. *Habet enim mulier ſanguinem calidiorem, & propterea calidior eſt quam vir*. Certumque eſt apud omnes, quod mulier carne conſtat rariore, molliorque. Et hæc ſpongiæ ad inſtar plus ſanguinis in ſe ſuſcipere ſolet, quam virile corpus, quod denſum, ac compactum eſt. Provida etenim natura, quæ Fœminam, non ad ſui tantum corporis augmentum, & nutritionem ſed ad aliorum generationem, & augmentum deſtinaverat, ſanguine ultra ſui corporis exigentiam redundare voluit. Cum ergo ob dictas cauſas plus ſanguinis in ſe congerat, & ob vitam ſedentariam, viro minus abſumat de ſanguine. Evenit ut hujus ſuperfluitas quæ ſenſim in dies per moram acrior, & calidior fit, tandem efferveſcens, ſeditione facta, & ſeparationem affectans, à provida natura ad uteri vaſa excretoria ablegatur, & ad exitum proſcribatur.

At viro ſolidiore carne prædito, non adeò ſanguine impleri datum eſt, ut evacuatione indigeat; ſed tantum à ventre ſuſcipit, quantum ipſi ad nutritionem ſufficiat. Non ergo impetum faciente ſpiritu calorifico ac innato magis abundat mulier, quam vir. Sed ſanguine, fervido liquore abundantior eſt quam vir. Ita ut idem ſit ac Hippocrates dixiſſet: *Mulier calidior eſt quam vir*, in conſideratione quod ſanguine, liquore calido magis abundat.

Hinc eſt quod ſanguinis pariter quæſcum.



## Particula I.

7

Scumque evacuationes multò levius ferunt imbecilles mulieres, quocumque mare, etiam robusto. Manifesto argumento in mulieribus hæc Hippocratis caliditas arguitur, quia celerior, ac melior fit ejusdem sanguinis, ac in viris reparatio.

### *Auxilia.*

**F**luori mensium immodico, eadem aptari poterunt, quæ in aliis sanguinis immodicis excretionibus exarata sunt. Laudanum potissimum opiatum ad grana tria circiter vesperi hora somni, cum tinctura corallorum, vel magisterio de corallis.

Caveant interim ab omnibus valde calefacientibus, attenuantibus alimentis, spirituosus, aromaticis, vino generoso, ira, exercitio, vigiliis. Quibus urgentibus exhibeantur emulsiones ex quatuor seminibus fridis, & papaveracea.

Præterea in conditionibus fervidis, ut sanguis tenuior, & fluidior paulò incrassetur, ac inspissetur, austera, tum acerba exhibeantur. Videlicet fructuum immaturorum succi expressi, vel inspissati, onphacium, acacia, mespilla &c. Aut saltem conserva rosarum antiqua, diacitonitum, conserva hyacinti, cum pulvere corallorum, vel succino preparato, aut seminibus plantaginis. Vitriolum martis cum miccâ cydoniorum. Vel tinctura vitrioli, cum scoria martis rubificata parata.

In gracilibus in quibus liquores valde tenues, & acres coacervari consuevere, lac asini, vel capræ Hippocratico more, & in copia exhibeatur. Opiata insuper intermiscere semper utilimum erit apto tempore, videlicet nocturno, & hora somni. Testacea,

& quæ sanguinis acrimoniam corrigunt, ea presente omittenda non sunt.

Si de tenuibus aquosis, serosis liquoribus in sanguine reddundantibus clara adsint indicia, ad sudorifera, & ad ea quæ acres serosos liquores sensibilitèr, & insensibilitèr eliminant accedere debemus, & potissimum ad decocta lignorum.

Quibus cum uteri frigiditate laxitas viarum ingens copulata est, suffumigia ex mastiche thure, ladano vesperi cundo cubitum adhibeantur.

De edulcorantibus sanguinis acrimoniam, sive acidam melancolicam, sive tenuem biliosam nunquam immemor eris. Ideò pro variis indicationibus, modo acidulis naturalibus, modo lactis sero, modo succis vegetabilium destillatis, plantaginis, portulacæ, urticæ uteris, vel depuratis.

Pulvere sympathico petiis lincis sanguine madidis conspergens (imò solo Vitriolo Romano pulverizzato) & sub lectulo reposito, plures feliciter sanitati restituere poteris.

Mamis etiam linteis aceto, & aqua rosacea frequentèr repetitis, menses immodicè fluentes sistere vidi.

Sacculi repleti radicibus lapatii consolidæ urticæ seminibus plantaginis, balauftis, gallis succo hipocistidis, aceto incocti, cum tripla portione aquæ fabrorum uteri laxitati, magno remedio fuere. Non minus ac balnea, & infusus ex iisdem simplicibus parata.

Unguenta interim stypticantia castanearum, comitissæ, infrigidantis Galeni cum copiosa portione salis Saturni regioni renum semper proficua erunt.

Sal prunellæ in aqua plantaginis, vel florum papaveris, in conditionibus

bus



bus fervidis magni erit usus . In sedandis enim omnibus præter naturam effervescentiis validissimum auxilium est .

Pulvis florum nucum mense Maii decidentium , plurimis auxilio fuit .

Urticæ succus epotus ad uncias quatuor , cum uncia faccari fini . Pulsibus pariter , & pubi applicitus , præsentaneum intra paucas horas non semel auxilium fuisse vidi .

Hippocratica auxilia ex lib. de Morbis Mulierum, hoc loco apponere non recusamus : *Obsonium sit his leporis caro , tum columba assata , vel hædi , quam in aceto intingant . Hepar capræ , vel bovis , assatum , ovi luteum , caseus insulsus . Ex oleribus nullum gustent , neque crudum , neque coctum , & à balneis abstineant . Affixis vero cucurbitulis sub mamis , ipsas elevabis , modò ad dexteram , modò ad sinistram transferens . Si autem spirandi difficultas oriatur , ab applicandis cucurbitulis cessabis . His conducet vinum nigrum meracius , frigida lotio , deambulationes .* Hæc ibidem Hip.

Pro incrassandi pariter indicationibus exortis , & ad robur adstringendo , ac refrigerando visceribus procurandum , portulaca quocumque modo adhibita plantago , rosæ , siccæ , onofacium , ribes , conserva rosarum , corallia , margaritæ , terra lemnia . Succus mille folii cum pulvere corallorum valebit .

Flores nucum majali tempore collecti , pulverizati ad dracmam unam , in vino austero , vel succo granatorum propinati proderunt . Alia insuper austera bilem , tenuisque liquores incrassantia , quæ in appendice prima suo loco exaravimus . Quibus etiam anodyna , tum narcotica subnectere poterimus .

Lotiones frigidaë actu , tum refrigerantibus potentia paratæ coxis , pubi , & partibus ad jacentibus factæ , non inutiles erunt . Prout balnea ex rebus adstringentibus , plantagine , malicorio , gallis , alumine , & consimilibus .

Linimenta lumbis , & pubi , copioso sale saturni parata balneis omnibus efficaciora esse vidi .

Victus ratio incrassans nullo modo omittenda . Far , panicum , oriza , lentes , cydonia , mala punica , mespila , mala adstringentia , pira , & alia , &c. Carnes animalium sylvestrium , & victu sicco depastorum . Ex quibus etiam cerebella , pedes , intestina , hæpar , immo viscera omnia proderunt .

Pro potu utantur decocto mastice , vel ligni lentisci . Vel abscentibus fervidis conditionibus in vino nigro austero lentiscinum lignum infundatur . Tutum vero est in longis hujuscemodi fluoribus vinum pro potu adstringens adhibere , sed paucum , & meracum , in quo infusa sint semina plantaginis , summacchia , flores lambruscæ .

Caro hædi , vel leporis exiccata , pulverizata in decocto adstringenti propinata commendatur passim ab auctoribus , sed multò magis turturis in clybano exiccataë pulvis , si potissimum in ejus ventre uncia una mastiches , cum uncia semis trochiscorum de carabe imposita fuerit .

Aliaque adhibenda quæ in cura hæmorrhoidum proposuimus , & in sanguinis fluoribus .

Habita semper providentia , ut viscerum , & venarum impuritas per repetita cathartica auferatur , atque biliosi , tum serosi liquores eliminentur , qui sanguinem fluidum ,



ac mobiliorem justo reddunt. Deinde insurpentur pulveres erinacei, vel corticum ovorum ad cocleare unum, jejuno stomacho per aliquot dies.

Valet etiam coagulum hædi ad dracmam unam in unciiis quatuor succi plantaginis depurati solutum. Succum tamen vrticæ omnibus præferendum esse semper duxi. Qui pluribus vicibus, manè, & vesperi propinandus.

*Ad profluvia uterina, seu ad uteri fluores albos, providentia.*

**L**iquoris seminalis corruptio causa est fluoris albi uterini, qui glandularum uteri proprius est. Atque si adjutam lancem res perpendatur, fluor albus nil aliud est, quam uteri quædam veluti coriza, facta à continuo humoris nutritii abessu, atque à fetidissima in glandulis vaginalibus corruptione.

Neque tantum partes glandulares vaginæ uteri afficiuntur in hoc affectu. Sed omnes uteri partes suo defraudatæ nutrimento, hæc putrida liquamina de se abjiciunt. Hinc evenit, quòd corporis habitus & oculi concidunt, genæ labescunt, & membra universa solito graciliora fiunt. Ideòque consimilibus affectibus cachexiam jungi observamus. Dum scilicet nutrimento suo defraudata viscera fatiscunt, eorumque vitalia fermenta, quandam patiuntur eclypsim.

Atque in primis stomachum observamus apto fermento carentem, cibos nec concoquere, nec volatilizare posse; sed in pituitosam mucaginem vertere, quæ liquata, & ad intima penetralia admissa, sanguinem, ac universos liquores inficit.

Frequens igitur fluoris uteri albi causa, est succi albuginei vitium, eiusque corruptio in glandulis vaginalibus,

& in partibus uterinis, dum ab aliqua causa sive interna sive externa uterus per essentiam, atque Idiopaticè afficitur.

Minus frequens causa esse consuevit, quando uterus, tum glandulæ, & partes ejus per consensum afficiuntur. Dum scilicet liquor nervorum nutritius, simul cum serosa parte sanguinis, prava qualitate peccans, vel acrimonia, vel tenuitate, aut salinis conditionibus vitiatus, ad uteri partes, veluti ad communem cloacam ablegatur (Consentiente potissimum nimia glandularum uteri laxitate.)

Ita ut universi liquores serosi, acres, naturæ hostiles, circa glandulas reperi, ab iisdem non depurati, ad uteri glandulas, ut rejectamenta demandentur. Atque ob rationes prædictas fluor muliebris albus, gonorrhea non virulenta jure meritò appellari poterit.

Nam liquoris albuginei nervorum nutritii, ac serosi excretio est. Et ex glandulis vaginalibus uteri, seu cervicalibus excernitur, dum vitiatur nutrimentum uterinarum partium. Vel dum à fermento aliquo acido austero in utero, & adjacentibus partibus producto massa sanguinis circulari motu ad uterum delata, talem inquinatum liquorem deponere cogitur.

Sive etiam tale acidum à pancreate, liene stomacho vel ab aliis circumstantibus visceribus ad uterum demittatur, talem albam substantiam à cruore absedere facit, ut coagulum, vel ut acetum quod partes lactis coacervat.

Minus adhuc frequens causa esse consuevit copia ipsius succi albuginei nervorum nutritii (in plethoricis fœminis) dum præ copia, vel tenuitate, suisque particulis acutis, rimas facit, & viam sibi aperit ad exitum. In hoc tantum à profluvio mensium (seu mu-



liebre) discrepans, quòd veniens à toto, indiscriminatim, & in majori copia cruorem, cum succo nutritio & aliis liquoribus profundit. Uteri verò fluor ab utero malè affecto, seu ab icorescente, ac depravato succo albugineo, iam sero à cruore separato procedit in multo minori copia.

Concedimus tamen fieri sed rarò posse etiam à toto veniens, & per uterum tale rejectamentum expurgari. Talisque fluor intacto utero, habita totius procuratione sanatur.

Verùm frequentior fit, ob imbecillitatem digestionis, seu intemperiem contractam in partibus uterinis, & sanguinem ferosiores, ac tenuiores, salinum factum, ob peccata in mala vivendi ratione, vel ob ventriculi, & aliorum viscerum vitia.

Conceptionem itaque non prohibet fluor albus, qui ab uteri cervice venit. Non sic verò qui ab internis uteri partibus procedit.

### *Auxilia.*

**C**Vrari consuevit iisdem fermè remediis, quibus gonorrhea. Nam ad corrigendas frequentiores causas, seu liquores acido-austeros adhibemus sabinam, scordium, semina dauci, cum corallis rubris præparatis, oculis cancri, cretis, rasura eburis, cornu cervino, cranio humano.

Sed potissimum decoctis lignorum utimur, tum dicta sudorifera magno cum emolumento.

Vina medicata, styptica qualitate imbuta alibi descripta, proficua erunt fantalis &c.

Terebentina cum pulvere masticeis, & corallorum, ut in gonorrhea adhiberi solet. Est enim laxarum glandularum affectarum auxilium, quod simul eas

repurgat, adstringit, & roborando consolidat.

Præter hæc exhibeantur, & alia, quæ laxas glandulas firment, & mudent, ut stibiata, succinata, bezoardica, balsamica resinosa, & cephalica destinata simplicia. Inter balsamica myrrha, succinum eminent.

Firmantia non infima, succus lisimachiae est, tum plantaginis cum pulvere corallorum, masticeis, Conserva florum betonicae vel anthos, cum rasura eboris, & putaminibus avellanarum. Sic tincturam rosarum longo tempore adhibita. Vel in forma sicca testæ ovorum calcinatae ad dracmam semis, cum vitriolo martis, & canphura ana grana iij.

Magnæ efficaciae erit præsentibus conditionibus fervidis, ac biliosis laudanum opiatum ad grana tria, cum saccharo saturni ad grana quinque devoratum, semel in hebdomada, post coenam.

Ad viarum laxitatem firmandam, valida erunt aluminosa omnia, saturina, terrestria, boli, mater perlarum, pulvis eboris succini, lignum lentisci, vsci quercini super cætera.

Calibeata auxilia, & quæ acida cruorem à sero separantia imbibere possunt exhibeantur. Suffitus ex succino, mastiche, thure, salvia, cum sulphuris portiuncula, & antimonii per infundibulum ad uterum ascendat, pro illis qui uteri intemperie humida, & viarum laxitate laborant.

Uncia una therebentinae, ovi luteo admixtæ in vini albi dulcis vnciis sex calentis dissolvatur. Atque horis quatuor ante prandium per aliquot dies propinetur. Et super cætera auxilia hoc fidum esse fateberis.

Fonticula cruribus quandoque auxilio fuisse observavi, in iis qui succi nutritii



tritii superfluitatibus laborant. In quibus etiam balnea naturalia ferrea sulphurea aluminosa prosunt. In quorum defectu, arte parari poterunt decoctione myrti, rosmarini, summitatum quercus, cum alumine, aqua fabrorum, & sale.

Victus ratio instituatur moderatè siccans. Si verò Hippocratis consilio in libro de morb. mulierum obtemperare velimus, *medicamentum exhibeatur, à quo sursum, & deorsum purgetur. Abstineat à pinguibus, acribus, dulcibus, salsis, & ab acribus oleribus. Utatur carnibus volucrum, vel leporis. Lac bubulum bibat per dies 20. tepens, ad sex Atticarum heminarum mensuram. Incipiatque à duabus, & singulis diebus apponat, donec sex fiant. Inde paulatim ad duas rursus descendat, & post lactis potum cibus reficito.*

Et re vera vires vomitus in hoc affectu, non satis commendari possunt. Nam præter quàm quòd humores acidos, crudos, tum biliosos, salinos, & irritantes circa ventriculum, & in visceribus naturalibus cumulari solitos evacuat; etiam ab utero contrario factò motu potentèr revellit.

Quamobrem bona fide testari possum me nunquam integrè sanatas vidisse, nisi illas, quæ vomitorii incommoda patientèr tollerare volvere, & sic aliis auxiliis rectam viam sternere permisere. Nam postmodum per decocta lignorum sudorifera repetita ad plures dies, convalescere. Vel adhibitis viperatis, & potissimum viperinò pulvere cum aqua cardui benedicti, aut ejus decocto spacio viginti dierum. Mox lactis usu diuturno instituto.

Mitridatum etiam ad dracmam semis cum scrupulo uno trochiscorum de carabe per totidem dies. Vel masticeis pulvis ad dracmam semis ex ovo forbili,

paulò ante cibum manè, & vesperi devoretur.

A cibo vero cydoniis vino excoctis utatur, vel diacidonitone, vel granis tribus masticeis integris.

Frequentet in cibis assatis, leporum vel turturum carnes. Leporisque uterus exiccatus, in pulverem reddactus pro summo arcano venditatur.

Potus ordinarius, sit vinum nigrum adstringens, dilutum decocto ligni lentisci, fantallorum, & radicis chinæ. In prima vero mensa jus plantagine, sumachiis alteratum efficax erit, potissimum in conductionibus fervidis, & viarum laxitate. Tunc enim relictis purgantibus validioribus, & fermentationem succorum majorem promoventibus: sanguis ad meliorem crasim ducendus est. Videlicet ad meliorem consistentiam, & crassitiem, viscera refrigeranda, adstringendaque vasa erunt.

Tunc ergo gratissimum julep concinari poterit, manè cum succis plantaginis, acetosæ depuratis sumendum, sic: Accipias aquæ rosarum libras quatuor, spiritus vitrioli quantum satis est, ut acidula reddatur. In hac infundantur rosæ rubræ exiccatae ad uncias duas, & post horas 24. coletur tinctura, cui admiscebis libram semis sacchari rosacei antiqui.

Alia tandem in usu poni poterunt, quæ alibi pro victu refrigerante, & exiccante protulimus.

### *Adversus Sterilitatem in mulieribus providentia.*

**N**On una quidem, sed multiplices sterilitatis causæ numerantur, pro varietate instrumentorum generationi inservientium, tum pro varietate liquorum, & conductionum requisitarum vitio.



Frequentiores tamen redducuntur ad uteri vitia, vel ovarii, vel ad vasa vitata, & liquoris utriusque. Vt plurimum tamen generalis causa reputatur, quoniam semen virile, seu potius ejus aura, ac contagium, ad ovarium pertingere nequit.

Et ideo uteri prolapsus, ac de sede abscissus. Tum uteri glandulae cervicales tumefactae. Tum angustiatum uteri orificium ob tumores varii generis, sed potissimum tumores syrhoi, vel cancerosi, & exulcerationes sunt sterilitatis causae.

Non minus tamen fit à liquoribus circa uterum contaminatis, sive nimis fluentibus sive suppressis, ac stagnantibus. Tum ab infortuniis ex abortu, partu difficili, ulcere, ictibus, tum à morbis partium vicinarum ad malam diatesin, & nimiam laxitatem, ac intemperiem partes genitales ducentibus.

Solertia tandem hujus oculati saeculi detexit, in univerforum animalium ovis subventaneis; quod ovula possunt esse intemperata, obstructa, indurata, seu crassiori membranula involuta, aut aliis rationibus male organizata, ita ut à feminis virilis contagio affici, atque ad fermentativum motum promoveri nequeant, Aut quia exucca, vel inepto liquore repleta sint.

Atque anatomica observatione detexere in adaperitis sterilibus, ut plurimum fieri ab obstructione tubarum Fallopianarum, aut ab alio impedimento, quo interveniente seminalis aura ad ovarium pervenire non potest, neque ova fecundare.

Hujusmodi obstructio fieri consuevit ab acido liquores incrassante, vasaque angustiante. Præterea à compressionibus externis factis à tumoribus, tumefactionibus, vel nimia pinguedi-

ne additus ad ovula interdicente.

Minus frequens est uteri, renum vel partium spermaticarum intemperies calida, Vel uteri humiditas, laxitas, seu levitas secundum ejus interiorem partem, à fero ad uterum præcipitato, in quo casu cachexia, ut plurimum cum sterilitate juncta est.

### *Providentia.*

**S**I itaque ab obæitate nimia proveniat, dieta tenuis instituatur, vel etiam sudorifera lignorum longo tempore adhibeatur. Necnon aceto, vel sale conditorum usus.

Si à nimio calore, & à macie, attemperantia propinentur.

Si potissimum macies à causis externis proveniat, melior vivendi ratio instituatur, & semen augmentia procurentur, in primis vero succolata cum lacte cocta. Radices eringii, satyrionis, conditæ Vel ex iisdem, cum pulpa nucis indicæ, & cinamomo electuarius paratur. Vel diascatyrionis confectio mea in parte quinta de sanititate tuenda descripta. Aut diacynamomum regium.

Si naturalis facultatis torpor observetur etiam ad ambrata, & molcata ascendere licebit. Pultes vino malvatico, pasta marciapanicum pistaciis, cinamomo, macis parata. Passerculi. Stincorum lumbrici in obsoniis accommodari poterunt.

Viperina pro consimilibus emaciatis, tenuibus, ac in venere torpidis commendantur, reconditus etenim stat in viperis balsamus, qui facultatum omnium, tum universi corporis æconomiam renovat, viscerumque fermenta languentia, ac veluti effæta suscitatur. Sanguini mediocrem consistentiam, & firmitudinem conciliat, ejusque vitalem



fermentationem longo tempore conseruat, vel imminutam restaurat.

Ideòque in regno Neapolitano, qui viperis senescentes utuntur, fermè rejuvenescere observantur ac vigorari cernuntur.

Emaciatae igitur, atque tabidae mulieres, brodio pullae in quo viperæ caro decocta sit assumpto cum steriles antea fuissent, foecundari observantur. Sic galli, & gallinae viperis vel serpentibus enutriti, admodum facundantur. Quæ etiam animalia postmodum comesta, adversus scabiem, & cutaneos morbos efficacia sunt. Tum ad lueni veneris mitigandam, ad facunditatem procurandam, ad vitam prorogandam, corporisque nitorem, & oculorum perspicaciam impetrandam plurimum inserviunt.

Pro humidioribus adhuc temperamentis, cum victu exiccante alibi insinuato, thermæ sulphuræ aluminosæ, nitrosæ proderunt. Post balneum vero suffitus fiat benzoino, mastice, thure, succinto, cum baccis juniperi.

Æris mutatio, sæpè steriles facundas reddidit.

Hæustusque frigide copiosior plurimis detrimento fuit. Prout crapula, & ebrietas multas steriles fecit. Nimii labores, saltationes, clamores, tussis, sterutationes frequentes, animi pathemata valida, coitus nimius, ac intempestivus, hæc omnia, vel singula sterilitatem, vel celerimos, & repentinos abortus, in horas facere possunt.

Si de acidorum prædominio suspicio sit, deque oppillationibus ac incrassationibus, dentur acidum corrigentia, cornu cervinum, oculi cancri, rasura eburis. Sed potissimum, his inservire consuevit secundina muliebris exiccata, vel satyriones conditi.

Si Falopianæ tubæ à materia muc-

laginosa, vel tartarea obstructæ, culpentur esse in causa, ut masculi seminis contagium ad ovarium pertingere non possit, incidentia, attenuantia, purgantia, ac deobstruentia propinentur. Inter quæ vinum medicatum falsa, radicibus ononidis, ac aperitivis diureticis, rosmarino, feminibus dauci. Vel saltem radicum ononidis, & eringii ac satyrionis decocto vinum diluatur, in potu mensæ consueto, aut aqua ex iisdem paretur.

Succolatam Indicam benè aromatizatam, manè sumptam cum scrupulo coaguli leporini, plurimis antea sterilibus opem tulisse narratum est.

Suffitus aromatum, in fine lunaris purgationis conceptionum causa in foeminis principibus culpatus fuit à Castro.

Illitio pudendorum, & umbilici, zibeta, mosco, croco oleo spicæ styrace, benzoino ab aliis depredicatur non minus.

In causa pituitosa, jus galli, vel etiam columbi cum lignis consuetis, & cephalicis simplicibus non omittatur.

A proprietate prodesse creduntur testes apri, vel veris, in umbra exiccati, vel equi castrati testes, aut vervecis similiter, in vino propinati. Prout vulva leporis cum utero pro omnibus sufficere judicatur.

Porcellorum foecundissimi testes pariter exiccati, manè ad cocleare unum per aliquot dies exhibiti, omnium maxime foecunditatem accersere posse reputantur. Quæ potissimum desinente fluore lunaris purgationis propinanda erunt.

Tunc si opus sit, tutò ad uterum exiccantia, & roborantia accedes. Ad suffitum per trochiscos procuratum, ex macis, benzoino, styrace, castoreo cum terrebentina subactos; addita



dita etiam myrrha, & succino.

Parcè his bibere expedit, ac moderatè exerceri.

Ex Oribasio per dies quindecim, ante menstruas purgationes, non concumbant, sed statim cessata purgatione coeant mosco, ambra, & oleo formicarum inuincto viri sui balano. Post coitum non protinus à mutuo complexu divellantur; sed placidè aliquandiù absque omni animi & corporis commotione conquiescant, cruribus etiam complicatis si fieri possit dormiant.

Idoneum itaque ad concipiendum tēpus reputatur quando menstrua proximè defecere, tunc etenim uterus hiat, atque superfluitatibus vacat; ideòque tum validior fit ad diutiùs retinendum, ac fovendum semen. Tum feminis contagium ad ovarium expeditiorem viam adinvenire valet.

Extractum muliebris secundinæ, tunc mirè inservire observavi, per tres dies jejuno ventre assumptum. Vel etiam tincturam satyrionis, aut ejus gelu conditum, cum rasura eboris, in vino albo dulci.

Si venereæ contagionis reliquæ aliquæ subsint, vix ulla arte fecunditatem impetrare poteris; sed frustra absque alexipharmacis luis laborabis; ad hæc igitur festinantèr accedes.

Atque ut universum corpus, tum liquores omnes, meliorem conditionem adipiscantur, & viri semen veluti balsamicam, & prolificam qualitatem induat, viperino pulvere repetitis vicibus foveatur. Mulier vero viperarum brodio per viginti dies vigoretur, post decocta lignorum &c.

Et quoniam summi vigoris index fecunditas esse consuevit (cujus defectu nec pueri nec senes fecundantur), ideò omni arte summus individui vigor procurandus est, tum optima in-

stituta dieta, tum partibus potissimum principibus roboratis, magnis antidotis, theriaca, confusione alkermes, diambra, lacte perlarum. Conservis florum citri, antos rosmarini, betonica, atque aromaticis nobilioribus.

In conditionibus tamen fervidioribus ab his abstinendum erit, tum à falsis, acribus, vino generosiori ac dulci. Et horum loco in prima mensa jusculo endivia, boragine, acetosa alterato potius gaudeat, ac dieta temperata.

Jejuno ventriculo corpus exerceatur. Otium enim, & quies Scytarum foeminarum penès Hippocratem (lib. de aere, aquis, & locis) sterilitatis causa erat. Et ancillas minus pastas, & laborantes fecundas esse observabat. Sic nostras ruricolæ, fame, & laboribus exuccas saturis urbanis, & ocio saginatis, fecundiores esse iisdem de causis observamus.

Alibi Hippocrates de natura muliebris saluberrimum consilium donat sic: *Ut mulier concipiat, malicorium in vino odorato bulliat, & pessarium efforma, paulo ante horam concubitus adhibendam. Vel alumem tritum lane alligatum aponito.*

Hujus occasione lepidum fortuitum apponam cujusdam medici, qui conceptum avertere procurans, & loco vitrioli ab Hippocrate alibi indigitat, alumen apponere ante coitum jubens; in muliere infœcundissima, conceptum præter omnem intentionem excitavit.

*Ad uteri præfœcationes, atque hystericas affectiones auxilia.*

**O**ptima quidèr ratione Io: Elmontius cap. de conceptis hunc affectum insaniam quandam uteri archealem appellat. Observans quod animæ passionibus, aliaque vehementia, ac subito



## Particula I.

13

alterantia externa, uterum veluti dormientem canem excitant, & ad fruorem provocant. Ideoque Plato uterum furiosum animal nuncupare non dubitavit.

A semine itaque, tum à variis liquoribus ad uterum demissis, ac præternaturam detentis & corruptis concitatur affectus, qui hysterica passionis nomine insignitus cum multiplex sit, uteri tamen præfocatio & frequentior, & præcipua est.

Causæ itaque antedictæ internæ sopitæ latent, donec à causa aliqua externa commoveantur, ex. gr. à rebus odoratis naribus admotis, alimentis dulcibus, ira, vel alia animi passione vehementi.

Fœminæ etenim faciliè ad affectiones hystericas, & spasmos, ob debilius cerebrum, & nervosum genus ducuntur.

Paracelso igitur doctore fiunt hujusmodi affectus, dum liquores ad uterum demissi, diutiùs stagnantes veluti vinum acescunt à quibus velicatae partes uteri sentientes contrahuntur, convellunturque spasmodicè.

Aciditatis etenim natura est spasmos atque contractiones vellicando incutere.

Spiritus itaque animales intra uteri fibras ab hoste acido vitioso effervescente excitati, tumultuariè insiliunt, atque irregularitèr moti, nervos nervosaeque partes hinc indè distendunt. Immo veluti vento incluso (flatus enim ipsi ab Hippocrate appellantur) membra tumefaciunt, collum veluti bolo immisso coarctant, globus unus, vel plures in abdomine, & alibi percipiuntur. Diaphragma minus deorsum ferri potest, muscoli abdominis convelluntur; ideo summa cum difficultate ad respirandum inveniuntur.

In graviore affectu cordis fibræ, ac nervis in consensum tractis, ejus actio impeditur, inde totius corporis refrigeratio, pulsuum abolitio defectu spiritus, & caloris influentis ecclipsi.

Minus frequens affectio est, quæ fit à succo acido salso, vel amaro Massæ sanguineæ, in transitu suo circulari, in utero deposito. A quo spiritus animales per uteri fibras discurrentes dum stimulantur, membranas, & musculorum fibras contrahunt inordinatè commoti, & viscera turbant. Impetuosius etiam vellus superiora delatit in eum recurrentem, vitæ periculum & suffocationis inducunt.

### Auxilia.

Sicuti in accessione his remedium præsentaneum est aceticus epotus. Ita extra accessionem ab acidis omnibus, & ab acerbis se continere debent tum à dulcibus, flatulentis, calefacientibus, ad fermentationem dispositis, necnon à glutinosis, pravi succi. Et uno verbo ab universi assumptis magnarum virium, & spiritus impetuosius commovere valentibus.

Sed cibus utantur mollibus, & faciliè per aliud secedentibus. Ideò pisces optimæ notæ ipsis carnibus aptiores sunt, & victus mollis.

Hippocrates de morb. mul. inter multiplicia quæ proponit in uteri præfocatione auxilia, sunt graveolentia subnares, suaveolentia verò subtus suffita, ut castoreum assaætida. Cornu capræ nigrae, vel cervinum suffitum cæteris præferri debet.

Oleum succini, naribus, pulsibus, tum umbilico illitus, animales spiritus recreat, & ad amicabilem reconciliationem invitat. Penæ perdicum, vel gallinarum combustæ, calceorum veterum



terum fumus, sulphuris, assæ foetidæ, auxilia venerabilis antiquitatis deprecantur quæ ubique, & cum fructu usurpantur.

Nunc temporis penès Neotericos celebratur spiritus salarmoniaci, vel fuliginis, vel urinæ naribus appositus. Has enim à paroxismo statim excitare consuevit.

Quandoque magis profuit suffita ungula equi, vel succinum, vel carta combusta; sed fumus ex verucis equorum raro fefelit, Prout penès Vari-gnanam capillorum patientis combustorum fumus certum auxilium est.

Atque hoc loco notandum est, quod odores debent esse virosi, non vero fetidi. Plurimum etenim differunt virosi à fetidis. Virosi etenim (ut assa fetida, castreum &c.) spiritibus non insidiantur, imò ad blandum, & ordinatum motum eisdem invitant, Nam apta suæ sensationis impressione facta in cerebro, circa uterum molestas sensationes relinquere invitantur. At fetidi propriè sunt illi, qui à cadaverosa putredine fiunt. Et isti tantum abest ut prosint, quod dum ab his deteriti spiritus refugiunt in fugas irregulares, & noxias anomalias semper vertuntur, & affectus exasperantur.

Accessionis symptomata omnia in momento sedari reperies, si oxicroti ciathum frigidè haurire valeat patiens. Illicò enim effervescentias, & commotiones omnes tolli ad hujus repentini acidi præsentiam observabis, & veluti attoniti spiritus, innordinationes suas sedare consuevere.

Si vero nobilius, & certius auxilium expetas, & tempus suppetat. Accipias vitrioli spiritum ad guttas decem, & in unciiis tribus aquæ florum aurantiorum admixtum propinabis.

Et fermè in momento ab insulto hysterico liberabis.

Fuit & audacior, qui acidorum de repente ex hibitorum vim contemplatus, enema ex oxicroto frigido imponere aggressus est. Nec spe frustratus est, sed sedata omni fermentatione circa uteri vasa, toties quoties adhibuit, patientes illicò excitavit.

Optimum est etiam consilium Hippocratis, *sedentem collocare, eructationes, & sternutationes veratro albonaribus indito procurare. Funiculum etiam lucernarum accendere docet, & ante nares extinguere, ut fuligo nares ingrediatur.*

Mihi vero per tubulum fumus tabaci alieno ore haustus in nares agræ projectus pro repentino auxilio epilepticum uterinæ præfocationis insulsus non semel fuit.

Extra accessionem cogitandum erit de optima ratione victus instituenda. Nā omnis aeris excessus vitandus. Prout odores omnes olfactus sensationem gravitèr afficientes, sive grati sint, & benè olentes, sive ingrati, & malè olentes. Sic extinctæ lucernæ odores, equè ac mosci, vel florum insultum accersere possunt. Animi passiones vehementes, & potissimum ira, & inopinati terrores affectum hunc in momento concitare observantur.

Ab alimentis magnarum virium, sive intensè dulcibus, sive austeris, acidis, salis, atque difficilis fermentationis omnino caveant.

Ante omnia excrementis retentis prospiciendum erit, & potissimum menstruis suppressis alvo constrictæ, semini retento, & alii, quæ morbi fomites esse consuevere.

Vinum non exhibeatur, quando potissimum succorum plenitudo culpatur, vel semem retentum, aut crassus san-



guis ater in utero & circumfitas partes stagnans. Vinum enim particulis suis spirituosus, ac mobilibus consimiles materias commovere atque ad fermentationem impellere potest.

Vtilimum est, semel, vel bis in mense vomitum proritare, iure copioso, tum taphani succo, & oleo amygdarum. Vel etiam cum tartaro hematico, vel sale vitrioli, aut pulvere sympatico seu Gilla Theophrasti in aqua betonice soluta. Sal itamni passim decantatur.

Quia verò Hippocrates lib. de genitura observat, quod mulieres quæ coeunt magis sanæ viuunt, quàm non coeunt. Quoniam in illis, nec semen retinetur, nec cotrumpitur. Tum quia pudendorum partes humectatæ ac fluidiores factæ, felicius excrementa menstrua dimittunt. Ideò consimiles ægras in matrimonium copulandas esse monet. Nam subjungit solutio morbi continget, si conceperint.

Pro interno confortativo, tum dulcificante, plurima sunt quæ pro varia intentione inservire possunt, ut margaritæ præparatæ corallia, & crustacea universa. Sed pro sanguine, & liquoribus rectificandis tinctura antimoni magis inservire poterit.

Pro fermentativis, vel irritantibus particulis demulciendis, & spirituum impetu refrænando, tinctura opii, vel nepentes quercetani, vel jusquiæ, & radicum mandragoræ in aqua fructuum ebulli, vel sambuci facta, & cocleatim propinata pluries in dies, maximum semper fuit auxilium, in illis potissimum, in quibus affectus frequentè recurrere observatur. Pro quibus etiam præciosissimum laudanum hystericum parabis, noctu ante somnum exhibendum, ex extracto opii, cum croco, verucis equorum, & castoreo.

Ex corio etiam humano cingulam fieri procurabis, & has misellas ab hysterica invasione præservabis.

Si austeri melancolici liquores culpentur ab amaris, & ab iis quæ simul menstruorum purgationes promoventia calida sunt tenuium partium, non abstinebis. Ex his variae tincturæ commendantur, cinamomi, croci, macis, seminum dauci, & omnium fermè aromaticorum. Cortices aurantiorum conditæ. Conserva florum rosmarini, genistæ, & consimilia saccharina, dummodo constet quod à dulcibus sopitus uteri furor non excitetur. Tunc enim potius sola ad amara te convertes. Ad oleum, vel essentiam succini. Ad fel anguis, testes equorum, virgam cervi, vel bovis raspatam. Ad genitalia leporis exiccata. Ad verucas poplitis equorum. Ad grana ebulli, vel juniperi. Ad opium cum castoreo theriaca, & trochisis de myrrha.

Ingruente paroxismo ex Hippocratis monitu, *hystericis, & difficulter parientibus sternutatio procuretur 5. aph. 35.* Sed potissimum elleboro albo, pyretro, & nicotiana æquis portionibus.

Intra uterum alibi consulit, ut benè olentia indantur, moschus, ambra, zibeta. Vel cinamomum, cariophyllus subtus suffiantur. Naribus vero acuta, fætida applicentur.

Ita collocetur ægra ut cervicem, & scapulas elevatas habeat, inguina, & femora declivia. Sic enim uterus facilius redducetur. Et viscera non comprimantia diaphragma, faciliorem respirationem admittent. Umbilico tunc poris balsamus apoplecticus vel Peruanus summè proderit. Tum galbanum, cum assa fætida, oleo succini, & castoreo subactum, & super alutam extensum regioni pubis applicitum.



Ori indatur tincturâ castorei, vel myrrhæ & acidum ponticum in ictu oculi corriges. Sic ex sabina, marubio, dictamo albo utilissimam essentiam pro his elycies. Quæ cum myrrha, castoreo, galbano, succino, & mastice omnem paginam implere poterit.

Quibus etiam pro acidorum correctivo in usu quotidiano inserviet vinum absyntio medicatum, carduo benedicto, sabina, marubio, rhabbaro, corticibus aurantii. Sed potissimum lignorum decoctis, & myrrhatis hujusmodi ægrotantibus oppitulaberis.

Sicum venereis phantasmatibus insurgere paraxismum observaveris, grana quinque salis Saturni, cum ad canfuræ, & modico mitridato propinabis, manè jejuno ventriculo, repetitis vicibus. Renibus etiam, & pubi applicito infrigidante Galeni copioso sale saturni admixto.

Vidi aquam Naphæ ad uncias quatuor circiter cum granis tribus moschi illicò præfocatum restituisse.

*Zacutus Lusit. lib. 2. prax. adm. observ. 94. Uteri præfocationem sanavit, ex re-  
tento semine, immisso pessario ex cyclami-  
ne, capis, ac felle tauri, & facta titil-  
latione. An verò quod licere posset he-  
breo, liceat & Christiano Medico ti-  
menti Deum, sopitis sensibus in his  
procurare ut corruptum, seu fervens  
semen exeat titillationibus factis, inibi  
discutiendum relinquo.*

#### *Pro furore Uterino auxilia.*

**B**Enè pastarum urbanarum mulie-  
rum. ac foeminarum Baccantium  
affectus esse consuevit; insolitus inter  
arva audiri, ubi rusticus Pan cantile-  
lenas suas in lætis spaciis resonare fa-  
cit.

Aliquore etenim albugineo nervoso,

à spermaticarum partium nutritione  
residuo insurgere solet. Dum ab eo exu-  
berans feminis copia procedit, quæ ob  
diuturniorem moram, dum concipit  
acrimoniam; & feruorem naturæ le-  
ges excedentem, in vasis seminalibus  
turgens, genitalia ad venereos concu-  
bitus appetendos impetuosè concitat,  
inle imaginationem, & postmodum  
rationem omnem arietando concutere  
potest.

Semper enim cum orgasmo, & infi-  
gni partium genitalium phlogosi conci-  
tari solet. Quæ est in causa, ut ani-  
males spiritus dum ad muliebria pu-  
denda cum impetu feruntur, plasticus  
uteri spiritus ad furorem concitetur.  
Conlocii spiritus animales, furibundi,  
ac in elasticitate sua veluti inflamma-  
ti, assiduas, atque vehementes in pu-  
dendo titillationes efficientes, notas si-  
bi ad cerebrum vias terrentes, tales  
cerebri poros aperiunt validè, ut indè  
nullæ fermè aliæ ideæ suppetant, quam  
de libidine, Venerisque æstrum violen-  
tius proximè constituentes, hujus paren-  
tes fiunt.

#### *Auxilia.*

**P**arsimonia, frugalitas, assiduus la-  
bor, repetita jejuna, elus rerum  
frigidarum, & humidarum (piscium,  
& olerum) Aquæ potus. Aer frigidior,  
cui denudata crura, & pedes exponan-  
tur. Animi pathemat a multiplicia. Du-  
ra dormitio. Validissima sunt propu-  
gnacula adversus hanc tyranicam affe-  
ctionem, & flagella.

Impudicæ cogitationes omnes procul  
absint. Risus, facetæ Venereorum præ-  
gressorum actuum recordationes omni-  
nò interdican-  
t.

Liquores interim acres, in partibus  
genitalibus conculcati, libidinis æstrum

pro-



proritantes attemperandi sunt, aqueis, terreis frigidis, narcoticis, oleosis. Quapropter emulsionem ex seminibus frigidis in aqua lactucæ, portulacæ cum sale prunellæ, spiritu nitri, vel vitreoli.

Opiata universa, spiritus, ac liquores defervescentia facientia, semper his proficua extiterunt.

Sed super cætera auxilia saccharum Saturni ad scrupulum semis in aqua plantaginis summo manet. Inter diu vero canphura dissoluta in aqua, & syrupo ex floribus papaveris cocleatim sumpta. Sal prunellæ in sorbitionibus frequentatum. Serum lactis per multos dies exhibitum.

Valent denique omnia, quæ in melancholia hypocondriaca alibi proposita sunt. Quæ enim calefacientia attenuantia ab auctoribus proponuntur, ad vitiosum liquorem genitalem corrigendum, balsamica catarrhalia, mirrhata, succinata, penes me minus tuta sunt.

Potius vesperi ante lectuli ingressum anodina, emulsionem, papavera, laudanum ipsum opiatum suaderem.

Lumbi interim, & pubes infrigida Galeni, admixto copioso sale Saturni, & canfura inungantur. Quibus si succum portulacæ, plantaginis cum canfura addideris efficacius ages.

His tandem non conferentibus in matrimonium (si fieri possit) copuletur. Hoc enim non ab Hippocrate tantum, sed ab universis auctoribus legitimum super cætera auxilium, declamatum esse videbis.

Si hoc ob religionem, vel aliam causam inhibeat, succo frigidissimo portulacæ, cicutæ, addita canfura, & sale Saturni, frequenter

genitalia foveantur, & Cupidinis irrationalis incendia extinguantur.

Potissimum si uterus ipse his refrigerantibus injectionibus eluatur, videlicet portulacæ succo, sempervivi, maluæ, cum canfura proficies.

Riverius libro decimoquinto capite quinto. Consulit, ut si nefas iudicetur, quod perita obstetrix per genitalium contrectationem excernere curet seminis ægritudinem fovendis copiam. Saltem ægra in balneo collocetur, atque lenibus frictionibus uterus sponte seminale excrementum dimittet, dum admittitur aqua tepens ad penitiores vulvæ partes. Certius verò res eveniet si dum ægra est in balneo pessarium immittatur, mox succo cicutæ vulva foveatur, nam præter manifestam refrigerandi vim, hujus affectus specificum esse creditur.

*Ad molam uteri Auxilia.*

**V**itiosus, & depravatus carnis conceptus mola est, qui naturalem conceptum aliquibus notis reppresentat. Pertinax adeo affectus, ut non tantum ad annos, sed toto vitæ tempore frequenter duret.

Molæ causa penes Hippocratem de mulierum morbis sunt menstrua mulierum recrementa, quæ modici, & morborum feminis architetonice vim veluti suffocando, ac indebitè onerando, sunt in causa ut carneus, & informis conceptus fiat.

Rem vero sic se habere magnum indicium est, quia neque in viduis, neque procul à viri congressu degentibus consimilis affectus observatus est.

Recentiores (atque inter cæteros Jo: Elmontius) non recrementa men-



strua, sed ouulum per viri congressum ad uteri cavitatem delapsum culpant, in quo à violentis causis externis formatrix ab initio deturbatur, & potissimum à valida animi passione fœtus stamina veluti interturbantur, ac confundantur, priusquam propria quadra vivere possit. ( scilicet ante quadragesimum diem ) dum etenim ad matris cor cum sanguine spiritus arterialis, ac vitalis confertim confluit, deserens fœtum, Post aliquod tempus dum denuò ad illum reddit, invenit syncopizatum, & cui tenello vix vitæ exordium re-conecti potest ( videlicet nutritio ) unde mola fit. Vel nullo modo re-conecti potest, & fit abortus.

#### *Auxilia.*

**V**alidissimis purgantibus quandoque successit, ut de sede sua dejici potuerit. Inter quæ experientia validissimum esse comprobati turpetum, seu arcanum corallinum Paracelsi, vel Herculem Bovii cum trochiscis alhandal, & essentia sabinæ. R. arcani corallini Paracelsi, trochis. alhandal; essentiæ sabinæ ana gr. v. misce, fiat bolus.

Quibus stomachi vires non admodum constant, clysteres ex sabinæ, & colocintidis decocto, copioso croco metallorum admixto frequententur. Vel suppositoria acerima Hercule Bovii admixto injiciantur.

Sabinæ fumus per infundibulum ad uterum admittatur. Per os verò interim sabinæ extractum ad dracmam unam propinetur; Vel tinctura croci, dictami albi, & cretici, & myrrhæ in spiritu vini facta.

Penès Hippocratem, difficilimæ curæ esse invenias, adeò ut admo-

neat alumnos suos calumnias artis evitando, ab hujusmodi curatione abstinere debere.

Si tamen Christiana pietas, impietatem putet solo prognostico ægros relinquere. Atque auxilia aliqua tentanda esse suadeat. Facto difficultatis prognostico, ad ea quæ validè incrassata attenuare, uteri vasa laxare, & ligamenta valida, & inveterata duritie firmata quibus molla alligata est disrumpere, uteri verò expultricem ad validè insurgendum concitare possunt accedere cogitabis.

Quamobrem ( ut uno verbo omnia comprehendam ) validissima illa quæ menstrua provocare, secundinas pellere, & fœtum mortuum de utero dejicere possunt, ea sola aptissima esse reperies. De quibus suo loco.

#### *Ad uteri procidentiam auxilia.*

**E**Jus constitutionis uterus est, ut cum opus fuerit variè dimoveri possit, ideò variis ligamentis, veluti habenis gaudet, à quibus hinc inde firmari, & in suo naturali, ac debito loco detineri possit.

Hac eadem ratione evenit, quod à variis causis tum internis, tum externis, sed potissimum à frigida uteri intemperie ejus nutritio vitatur, excrementa pituitosa dicta coacervantur, seu serosa, quæ ligamenta facile laxare possunt.

Inde cum uterus in humidiores, & laxo consistat loco, atque in situ satis declivi, ac prono, ad procidentum exterius occasionibus datis disponitur.

Sic pedum frigiditas in lotricibus pannorum, hujus affectus causa esse consuevit. In pauperculis prava vi-



vēdi ratio ; & nūditas potissimum circa lumbos , & genitalia . In aliis onerum gestatio , saltus , clamores , ejulatus , ac animi motus violentiores .

*Auxilia.*

**I**N primis magna cura habenda est, ne alius segnior sit, vel laxior. In primo enim casu, ex conatu dejicienti fæces induratas, uterus descendit. In secundo, fluida ob liquida excrementa alvus, uteri proximi ligamenta laxat.

Et ideò Prosper Martianus in commento libri primi de morb. mul. Hippocratis, ad aueruncandas hujusmodi materias fluidas tum contraria facta motione ad retrahendum ad suam sedem uterum, vomitum proponit sic: *Mulieribus quibus procidit uterus Hippocrates vomitum proponit. Et certè experientia cognovi nil esse quod descendentem uterum melius, ad naturalem statum suum reducat, quam nîsus ille ad vomendum, etiam si nulla subsequatur evacuatio.*

Victus exiccans potiùs quàm humectans, instituatur. Si verò Hippocratis consilia audias lib. de natura muliebri: *Exhibe aquam lentium mel, & acetum, deinde vomitum his procurabis. In lectulo jaceat à pedibus altiore, Graveolentia pudendo, odorata sub nares suffito. Cibis utatur postmodum frigidis, & abstineat à vino. Frigefactoria etiam pudendo appone. Decumbat supina, pedes sursum retractos habens. Potu quam parcissimoutatur. Acerba vero utero infunde. Estque affectus, qui inveterascens, amplius ad locum suum regredi recusat.*

Alibi Hippocrates ait: Ventrem huic ne solvas, cibis parcissimis,

neque acribus, neque salitis utatur. Ubi deambulare voluerit, subligaculum gestet. Uterum aqua abluito, & aceto modico. Oleum verò ne adhibeto, neque aliud pingue. Quam maximè quiescere oportet, & lectulum à pedibus sternere altiore, & vomitibus uti. Post repositionem crurum unum alteri superponatur alternatim. A potu abstineat, quantum fieri potest.

Ipse quandocumque hujusmodi egras pramanibus habuisse curavi, ut in lectulo capite declivi jacerent, crura sursum retraherent. Anhelitum potius ad se traherent. Neque magnas respiraciones facerent. Inde repositionem tentabam (alvo, & vescica prius exoneratis) manuum ope, vel etiam bacillo obtuso, vel candella cerea repellendo ad locum suum.

Si intumescat adeò ut retrocedere non possit, aqua, vel decocto plantaginis, in quo acetum, & sal solutum sit uterus fovebis, & sic detumescet. Deinde ante repositionem decocto adstringente foveatur ex plantagine alumine, galla, balauſtis, in vino nigro austero facto. Postea insperso pulvere ex thure, myrrha, mastice, sarcocolla reponatur. Et post repositionem, suffitus fiat ex eadem myrrha, thure, mastice, & sarcocolla. Pubi vero ceratum pro crepatis Ioannis de Vico, vel meum sine oleis ex lacryma abietina sanguine draconis, & masticis pulvere cum tantillo pulveris cariophyllorum imposui.

Postmodum per plures dies decocta vulneraria exhibui, alchemilla, plantagine cum seminibus, & radicibus symphiti. Quandoque serositatibus redundantibus usus fui decocto lignorum cum dieta sudorifera.

Solemne specificum semel à præceptore



ptore in recenti uteri prolapsu feliciter observavi Corium filicet anguillæ salitæ ex quo post uteri repositionem, suffitum fieri curavit.

Alii stercore vacino, vel asinino suffitum fieri procurant. Optimum consilium est postmodum, ex intervallis vomitum ciere. Tum infessus stypticos vesperi eundo cubitum frequentare.

Rebus omnibus desperatis à Gallo chyrurgo didici annulum, vel etiam globulum conficere ex filo crasso canabino, ad crassitudinem ostii vulvæ, excavatum in medio, ceratumque cera, pulvere masticeis, & cerusæ. Quod intromittendum est, ut uterus retropellat, atque in loco suo detineat.

Semel in hospitali usus fui felici cum successu, post repositionem balsamo styptico caustico meo, deinde sequentibus tribus diebus, unguento de tutia. Qua etiam arte hemorrhoidum fluores tumores, tum dolores contumacissimos integrè sanare potui.


Ab empirico, duplici exemplo confir-

matam vidi sanationem uteri proci-dentiæ inveteratæ, Exhibito pulvere sabinæ ad drac. ij. & croci orientalis ad drac j. duabus vel tribus vicibus eundo cubitum. Fortè à somno facta ingenti retractione ad interiora, dum incallescit firmatur uterus, inque loco suo detinetur.

Zacutus Lusitanus *lib. 2. praxis admir. observ. 95.* Avenzoaris exemplo accessit ad fœminam, quæ ab anno cum dimidio uteri prolapsum patiebatur, cum summa dūritie, ob quam difficultè ad locum suum reddere poterat. Multis incassum adhibitis, supina collocata, & alio ejus pectus amplectente magnus terror incussus est ei, ponendo circa crura, & femora mures, & lacertas ranasque filo alligatas, à quibus vagantibus dum conatur aufugere, retrahendo pedes & crura, uterus se contrahere cepit, & ad locum suum reddiit Inde cerato, & subligaculo imposito integræ sanitati restituta fuit.







D E

## MORBIS CAPITIS

## PARTICULA SECUNDA.

*Ad dolores Capitis auxilia tum genericè  
pro doloribus .*



Niversalis dolorum immediata causa, solutio continui est in fieri, motusque vehementior in parte sensitiva. Dum scilicet nerveis fibrillis magna infertur violentia. Naturaliter etenim ad sensationes promptæ nerveæ fibrillæ tensæ manent. Ideoque dum ab incongruis corpusculis vellicantur, ac spasmodicè irritantur, (eorum porulos ingredi tentantibus) fit prava ac dolorifica sensatio.

Salia itaque acuta, acria, solventia hujusmodi ingressum tentantia, magnorum dolorum sunt causæ potissimum dum vitalibus, ac nutritivis succis permixta angulosa, gladiformia, scindentia fuerint.

Quandoque tamen copiosum alkali sanguini mixtum cruciatum, & dolorum est causa, dum eum effervescente facit, atque ex conceptaculis suis nimis dilatatis egressum tentare procurat.

Semper verò spiritus animales tumultuantes, & invicem discordes, ac collidentes vi sua elastica, dolores augent. Nam assiduò proxima corpo-

ra convellere, ac corrugare faciunt.

Dolor itaque punctorius ab acutis salibus. Lancinans ab acido solvente. Gravans ab otusis liquoribus aqueis, atque à pituita insipida. Distendens à spiritu flatulento fiunt.

Pungitivus etenim (veluti ab acutis instrumentis) fit dum humor tenuis, mobilis biliosus (ut inchores) calidus, impetuosè motus, inter villos nerveos se se intrudere tentans, atque illos divellens.

Pulsativus fit dum aliquid prohibet, ne sanguis naturali tenore ac fluxu per arterias fluat, sed aliquantulum dum cohibetur, retrorsum fluere cogitur, & sanguini continuè affluenti occurre.

Tensivus fit à liquidis incuneatis, quæ inter utramque partem villorum inseruntur. Quandoque fit ab exiccantibus dum ablumptis humidis particulis, vili per longitudinem abbreviantur.

Si verò ad particularia descendentes capitis doloris causas investigare voluerimus penès Hippocratem *lib. de flatibus*, flatas esse capitis dolorum causas inveniemus sic: *Dolores capitis simul cum febre fiunt, dum sanguinis transi-*



*tus per venas capitis angustiat, ob multum flatum, quo replentur.*

Penès vero Neotericos non solum in capite, sed in multis aliis partibus (ut in arthritide, podagra, pleuritide spuria, & aliis) fieri consuevere dolores, ab acido morbo in stomacho, & primis viis latente. Cujus etiam maximum indicium est, quoniam omnium facillimè exhibitis absorbentibus cedit.

Re vera tamen frequentiores capitis doloris causæ, sanguinis fuligines à fermentationibus in partibus inferioribus elevatæ (seu vaporosus calidus irrefrænabilis spiritus Gas Sylvester ab Elmontio dictus) esse consuevere.

Ita ut universum, vel per Idiopathiam affecto capite, vel per sympathiam suboritur à toto in febribus, vel à determinata parte, ventriculo, utero, aut alia, &c.

Semper tamen disponens causa solet esse capitis imbecillitas. Hinc capite imbecilliores facillè ab omnibus tum internis, tum externis causis læduntur, odoribus, sole, &c.

Cronicorum capitis dolorum causæ remotiores esse consuevere ventriculus minus aptè concoquens, vel naturalia viscera ineptè, nec juxta exigentiam liquores à suis recrementis depurantia, quamobrem dum circulari motu ad imbecille caput cum sanguinis massa deferuntur impuri, & crassiores ad cerebri angusta vasa incuneantur, motu pecantes. Vel scindenti salina qualitate, aut copia suà vasa extendentes, & sensitivas partes violantes, dolorem incutiunt.

Frequentiores causæ dolorum capitis in sanis esse consuevere errata in victu, & potissimum biliosa excrementa circa os supernum ventriculi mineram habentia, ac inibi fermentescentia,

quæ etiam in variis partibus dolorum causæ cum tensione, & spirituum necessaria irritatione esse solent.

### *Auxilia.*

**A**Nte omnia si quæ causæ externæ doloris adsint, removendæ sunt, ut ignis, calor solis, vigilia, violenti motus, nimia Venus, crapula, acuti odores, &c.

Hippocrates in libello de humidorum usu, modicum torporem per refrigerantia procuratum doloris medicinam esse reputat. Quam etiam doctrinam repetit in 5. aph. 25. Cujus rei rationem reddere possumus quod hujusmodi stupor dum liquores ferventes, ac impetuosius motos, salibus acuminatis armatos (qui sagittarum ad instar in porositatibus partium sentientium penetrabant) frigidis humidis particulis introductis ligat, & onerat, non solum à motu retardat, sed attemperat, & spicula invaginat. Narcotica vero non sic operantur; sed dolorem sedant quatenus spirituum seditiones, & humorum effervescentias sistunt. Quibus deindè quiescentibus, dolores fieri nequeunt.

Hinc est quod quies in magnis doloribus ingens auxilium est. Et propterea Galenus in libro de inaequalitate in temperie ait: Si in nostra potestate esset, optimum esset efficere in inflammationibus, ut arteria quiesceret, vel tardius pulsaret, ob motum enim articularum in inflammationibus dolor vehementior fit. Omne verò inflammatum integram quietem desiderat, secus invicem partes atteruntur, fluxio major fit, & dolor augetur.

In capitis doloribus, præsentibus conditionibus calidis ab aere fugiant fervido, luminoso. Nam dolentes natura-



turalitèr lumen effugere oculos videmus.

Somnus sit prolixior. Vinum utpotè vaporosum, & ad caput ducens interdicitur. Atque potius granatorum vinum dilutum insinuabimus.

Lactuca vesperè in cœna. A cœna vero emulsiones ex seminibus papaveris, tum papaveracea.

Caveant à rebus acribus allio, cæpis, sinapi, tum ab odoribus acutis, & à rebus vaporosis, capiti infensis, nucibus, nociolis, lacte, & ab aliis facili negotio effervescentibus mellitis, & dulcibus. Sic à flatulentis leguminibus, & alijs. Imò si de materia vaporosa suspicio sit, ad vapores discutientia descendere licet, ad coriandri confectio- nes, ad corticem aurantiorum conditam, ad semina citri.

Vesperi eundo cubitum, magnam utilitatem percipient in pedum lotion- ne, & in frictionibus asperis, nec len- tis, extremis partibus factis. Manè verò in pectinationibus frequentibus, & protractis. Atque in lenibus ambula- tionibus sub sereno cœlo factis.

Consilio Hippocratis *in lib. de af. in doloribus capitis victus sit sorbitio, & potus aqua. Monet tamen in lib. 2. de morbis popul. quod si ex crapula ca- put doleat, vini meraci heminam propi- nemus.*

Si ex intempestivo jejuno, offa panis in vino intincta & comesta in momen- todolo rem solvere consuevit.

Si à causa frigida oriatur, ambra, moscus magnæ erit efficacix, vel cro- cus cum canphura.

Marcotica dolores universim sedant, partem stupefaciendo, eique sensum auferendo. Vel somno conciliato, dum ad cerebrum animales spiritus retra- huntur, sensus adimuntur. Hanc igitur narcosim quandocumque opus fue-

rit procurare poteris per radices man- dragoræ, semina hyosciami, vel papa- veris albi. Per succos cicutæ, lactucæ. Per opium, & opiatas confectio- nes, ut philonium Rom. laudanum Querc. Sed potissimum per oleum expressum ex se- minibus papaveris albi quod Venetiis passim venundatur.

Vrgente itaque quocumque dolore, ac vigiliis infestantibus, ut partium vel- licatarum fibræ contractæ relaxentur, & quies subsequatur, ad opiata, vel saltem ad anodina confugiendum. Opi- ata enim præter quam quod liquorum aciditatem, & acrimoniam infringunt; furiosos, & stimulos præ dolore spiri- tus animales placant.

Præterea sudorem, & per diaphore- sim expulsionem, somno procurato mi- rè moliuntur. Et sanguinis motum mo- derantur.

Præsentibus ergo vigiliis, & materia acritenui, cum virium robore, nullo modo opiata intermittantur. Atque si de cita sanatione sollicitus sis, vini spi- ritum in quo laudanum opiatum disso- lutum sit adhibebis.

Cæsus in conditionibus ferventibus gelidæ potum copiosum, & somnum im- perat. Quod si aqua florum papaveris vel lactucæ cum scrupulo Philonii rom. hora una à cœna procuretur, felicius succedet. Portulaca paritèr tum appli- cita, tum comesta valdè efficax est.

Fervor etiam, & sanguinis acrimo- nia, à particulis impetuosius commotis excitata, optimè per aquosa attempera- ri poterit. Quo enim aqua copiosior fuerit, universalitèr acrimonia minùs sensibilis fit. Atque succi acres, salini, acuti, qui in motu sunt, dum à parti- culis aqueis, ramusculosis irretiuntur, suis spiculis nervosas fibras, & mem- branas vellicare nequeunt. Inde spiri- tuum impetus minor fit, dolor, atque



inflammatio. Emulsiones itaque ex seminibus frigidis, in aquosis spiritibus lactucae, portulacae & consimilibus factae, magni erunt emolumenti.

Eedem emulsiones pro epythemate fronti, & capiti applicandae erunt ex: gr. ex seminibus papaveris albi in aqua papaveris erratici, sempervivi majoris solani (vel aptius in eorum succo) addita canphura. Atque singulis horis duplicatis linteis repetendae erunt.

Anodina, seu paregorica antiquorum, quae causa, & morbo manentibus dolorem mitigant, erunt ea quae blando moderato, ac amicabili naturae seu nervosis partibus tepore, suoque naturali humido proportionato, intemperatos, & praeternaturaliter se habentes liquores, necnon affectas partes intemperatas suo fotu ad moderamen, & ad temperiem deducunt, Cutem verò (laxatis fibrillis nerveis contextentibus) laxant, ut inde pori ampliores aperiantur, & irritantibus excrementis exitus permittatur. Si potissimum quae mobilia, magisque activa erant, sui mixtione attemperata, minus acria fiant.

In quorum catalogo venire possunt radices althaeae lilliorum. Folia malvae, solani, lactucae. Flores camomeli, lilliorum. Farina seminum lini, fœnugræci. Lac vaccinum. Ovi vitellus. Oleum commune, amygdalarum dulcium. Mucillagines variae sed potissimum psilii, & seminum cydoniorum. Et hæc potissimum de externis dolorem demulcentibus anodynis dicta sunt. Inter quae principem locum habere experientia testatur succum à cancribus expressum. Dolores enim omnes cum inflammatione (imò à combustionibus ipsis factas) ad miraculum sedat. Sic vini spiritus cum copiosa canphura ubique profuit.

Qui verò ad alia dolorum mitigantia anhelat, ad oleum ex seminibus papaveris expressum festinet, vel ex seminibus jusquiami paratum. Vel incassum adhibito oleo rosaceo, violaceo anetino, camomellino, accedat ad oleum ranarum, sambuci, nucum, auelanarum, amygdalarum persicorum, vel armeniacorum, vel ex vitellis ovorum elycitum. Quibus crocus, canphura, & opium pro opportunitate admiscere licebit.

Fotus itaque supra locum dolentem, ex decocto in lacte parato florum camomelli, radicum althaeae, foliorum malvae, florum sambuci, cum oleo expresso ex seminibus papaveris, hiosciamum lumbricis pariter incoctis semper profuisse observavi. Quae etiam cataplasmatum forma quandoque applicui. Quandoque balneo olei olivarum dolores sive viscerum internos, sive artuum tollere aggressus sum. In quo casu Omentum arietinum, vitullinum vel vervecis adhuc calens, parti cuicumque dolenti applicitum magni fuit usus apud veteres.

Atque neotericorum experimentis comprobatum est, quod animalia viva aperta ex. gr. catulus cujuscumque bestiae, vel pullus dissectus, & loco dolenti impositus, omnem ethymiosim tollit, dum hoc grato animalibus spiritibus sacrificio, archei furor placari observatur.

Cataplasma pariter veterum usitatum, non inutile parabitur, ex mica panis contriti, vel farina hordei, lacte, vitellis ovorum, cum, vel sine oleis.

Atque semper cavendum erit, ne supra locum affectum iaceant, tum ab universis quae spiritus, & humores exagitant abstinere debent, sic ab omnibus corporis, tum animi motibus vehementibus caveant.



Ab acidis pariter, & ab iis quæ internas seditiones commovere, vel fovere possunt abstineant. In calidioribus tamen conditionibus profunt acida temperata, tum acidulæ naturales fontium, quæ chyli, & sanguinis depuratoria instrumenta elvendo ad meliorem crasim deducant, tum scorias salinas, tartareas sulphureas præterlabendo celeriter, secum rapiant. Vel hoc liquore dilutæ, ac mitigatæ, excretionibus facile postmodum destinantur.

E contra in frigidioribus conditionibus, ad decoctum guajaci sassafras, visci quercini &c. accedendum erit (potissimum si de lue celtica aliqua suspicio subsit) & ad luis alexipharmaca.

In causa etiam pituitosa theæ potus matutinus magni erit auxilii, tum nares oleo succini, balsamo apoplectico admixto inungere, tum tempora, & verticem.

Cautè verò potissimum in mulieribus aromatica usurpanda. Nam ex Hippocrate 5. aphor. 28. suspecta reputari debent.

In cronicis capitis doloribus, mastic, pyretrum staphisagria cum cera flava comixta, optimum masticatorium constituent.

Si capitis dolor à copioso, crasso sero, ac lymphâ, in glandulis, tum angustis cerebri vasculis ac meningum impeditis fiat. Vesper ante ingressum lecti ex gagate suffitus fiat. Tum exterius sinciput, & occiput oleo succini, laundulæ destillato, vel essentia rosmarini inungatur. Quibus innumeris vicibus me, & amicos, à sævissimis capitis doloribus, & destillationibus, etiam felici cum successu semper liberavi.

*Vertiginis causa, & auxilia.*

**U**niversalis atque immediata vertiginis causa spirituum animalium depravatus motus esse consuevit. Seu innæqualis turbulentus, atque innordinatus motus, tum humorum, tum spirituum in cerebro contentorum.

Tenebricosa verò vertigo (quæ etiam deterior est) à tetro (veneno quandoque simili) vapore crasso oriri solet, spiritus animales depravè movente, ac veluti extinguente, eadem propè ratione, qua in epylepsia.

Semper itaque vertigo exoritur, dum animales spiritus perturbantur à corpusculis etherogeneis infestis in sanguine, vel in sero nutritio occultatis, & collidentibus.

Spiritus enim animales ab impropor-tionatis particulis ita sollicitantur ad mutationem pacifici loci sui, ut ab eis refugere, atque inæqualiter in gyrum moveri cogantur. Dum etenim secundum rectam lineam nervorum fibrillas permeare prohibentur, in se invicem resiliences turmatim circumgirantur, motuque circulari moveri coguntur. Eodem fectmè modo quo in fluviorum verticibus observamus, quod dum fluctus progredi impediuntur in gyrum resiliences, volvi compelluntur.

Externæ causæ violentè impellentes, esse consuevere calor solis, legumina, vel flatuosa, ac magnæ fermentationis esculenta, vina generosa, ætus in capite, motus innordinati, lolium, venena soporifera, & alia animalibus spiritibus adversantia.

Frequentur fit à turbata stomachi concoctione, atque à flatulentis fermentescentibus circa eum excrementis.

Vel ab exhalationibus melancolicis



ab hypocondriis vel à toto elevatis , liquores in capite , & spiritus incolas turbantibus atque exagitantibus .

Consueta , & amicabile socia ebrietatis vertigo est , dum nimia sanguinis , & liquorum omnium effervescencia facta , subtiliores acidæ vini partes ad cerebrum cum circulantibus liquoribus delatæ , in pugnam pronæ , cum animalibus spiritus tumultuarium ineunt prælium . nam eos turmatim , & in magna copia aggredientes , ne libere progredi possint impediunt . Pari ratione quo ventus , dum per alium ventum progredi impeditur , ab aere , qui inter duos ventos intercluditur , turbo excitatur atque circumgi observantur contenta corpora .

A causa denique exagitante , calida , fermentativa , provenire consuevit , dum sanguini , atque ejus spiritibus impetuosior , & præternaturalis motus inducitur . Indè copiosior sanguis ad caput ascendere cogitur , à quo copiosiores spiritus generantur , dum hi commodè per nervos distribui nequeunt , ad impedimenta allidentes , in circumlum reflectuntur . Ira vinum , calor solis , &c. impetuosè agitantia sunt .

### *Auxilia.*

**E**Xternæ causæ omnes removendæ , ictus , concessiones , aer austrius , nebulosus , aspectus objectorum ex alto , circum rotantium vel proprii corporis in gyrum agitatio . Vectio in curru , vel navi ; deindè curatio in accessione , præservatio extra accessionem molienda est .

Vinum interdicator , lactaria , & vaporosa omnia arceantur . Vel vinum sit medicatum salvia , absinthio , atque notis confortantibus cephalicis .

Salvia in cibis , tum alia quavis ra-

tione concedatur , sic & rosmarinum , & betonica , ex floribus quorum simplicium utilis conserva parari poterit , cum aqua hyrundinum , vel cinamomi exhibenda .

Æger in obscuro loco reponendus , & quies imperanda . Exhibeantur postmodum quæ humorum , ac spirituum agitationem compescant , ut aquæ rosarum cum canphura odor , vel aquæ rosarum cum aceto conspersio . Odorata autem calida omninò fugienda .

Somnus omni ingenio ( ite vigilæ procùl ) opiatis ipsis concilietur , & papaveraceis .

Quia verò affectus est , qui ab infirmo stomacho provenire solet ; ideò caveant ægri à fame , tum à saturitate .

Frequentèr itaque à materia acri à concoctionibus residua , fibras vellicante , dum fit hic affectus , curandum est , ut blanda sorbitione propinata talis materia diluatur , ut sic minus molestet . Expedi igitur summo mane summere jusculum simplex , vel alteratum malva endivia , & consimilibus instituto inservientibus ; Vel frustum panis in vino nigro aromatico intinctum .

Potus verò in mensa sit vinum amare narum , vel saltem oligophorum Galeni .

Balsamum apoplecticum , tum oleum succini temporibus , sincipi , & occipiti inungantur .

Suffitus ex succino , vesperi eundo cubitum non omittatur .

Manè verò caput asperis panis fricetur . aliquando etiam lixivio irrigetur ex cephalicis simplicibus combustis parato ; nunc temporis potissimum pro illis , qui vanitatis trophæa mortuorum capillitia capite derafo gestant .

Si de excrementorum congerie , sive de reliquis prægressarum coctionum indi-



indicia manifestentur circa stomachum, & primas vias, vomitoria cæteris præferenda esse duco, syrupum hematicum minsicht, vel tartarum.

Si frequens sit accessio, cum præsentia biliosarum condictionum, in aqua florum papaveris, cum ana syrupi de papavere dissolvantur grana circiter quinque laudani Nepentes, & totidem canphuræ, atque cocleatim ad unciam semis in singulas horas ab ægro assumentur ea die.

Si à repentina iræ commotione excitetur aqua sulphuræ bilis particulæ accervatim ad sacram Palladis arcem impellantur. frigidæ haustulo, aliquo acido admixtò illicò tolletur.

*Phrenitidis causa, & auxilia.*

**Q**UONIÀM phrænitis membranarum cerebri inflammatio est à materia tenui biliosa, cum acuta febre, & principum actionum læsione, antiquitas in eam opinionem venit, duce potissimum Hippocrate in libro primo de morbis quod bilis commota, ubi ad venas, & sanguinem ingressum habuerit, hunc à sua temperie dimovet, & ferofum facit, atque calefacit. Cum eo verò etiam reliquum corpus calefacit, & desipit homo.

Recentiores hujus affectus causam referunt esse (non admodum ab Hippocrate discordantes) scorias sulphureas, acres, salinas, acutas, à rebus sex non naturalibus genitas, vel concitatas ab internis causis, & à febre, seu sanguinis effervescencia, ad cerebri meninges, imò ad cerebri porulos transmissas, & ad glandulas.

Nos immediatam magis causam phrænitidis esse putantis spirituum elasticitatem, atque accensionem præternaturalem. Dum scilicet spiritus anima-

les à recrementis sanguinis salino-sulphureis, ad membranas, & cerebri corticem præcipitatis irritati, singulis fermè momentis stimulantur, ideòque veloces in varias ideas prorumpentes, modo in unam, modo in aliam musculorum, ac membrorum partes tumultuantes ruunt.

Quamobrem observare possumus in hoc affectu, quod spirituum temperies ad calidiorem permutatio non solum fit. Verùm etiam secundum eorum substantiam notabilis alteratio. Dùm tenuissima sanguinis pars spiritibus congenea corrupta, vel saltem præternaturalitèr alterata, inflammationis causa immediata constituitur.

Fit & phrenitis quandoque ab inflammato septo transverso (quæ per difficilem respirationem à supradicta contradistingui solet) dum præ hac inflammatione, materia spirituum animalium in corde, naturali eventillatione destituta fervidior, atque impurior fit (dum fuligines ex proxima inflammatione excitatæ ipsi admiscuntur) quamobrem ejus puritate, ac nitore ablato, ad impuros, turbatos, & præternaturales spiritus animales gignendos cerebro offertur, & sic phrenitis per inferiorum partium consensum suboritur, in qua accidunt suffusioni oculorum similima.

*Auxilia.*

**C**Apillorum quam citissimè abrasio fiat, atque Galeni oxhirocinum multa canphura admixta admoveatur, quod si etiam nive refrigeratum, & sepiùs immutetur cum jam calorem conceperit, multò feliciùs ages, sic enim archci furor certiùs compescetur.

Aliis unguentum populeon aceto rosaceo



saceo admixtum magis arridet, vel oleum rosaceum onfacinum saturni sale prægnaus.

Riverio magis placuit lac muliebre, quæ puellam peperit, cum succo lactucæ, & oleo rosaceo, loco oxhirodini adhibere.

Ad humoris in caput fluentis fervorem, & impetum ab initio refrænandum, fasciis aqua rosacea aceto saccharo saturni admixto madidis collum circumdetur. Tum lineis petiis assiduò testes foveantur oxicatoro nive refrigerato.

In vincula interim veluti immobilis detineatur, ut minor liquorum, & spirituum fiat commotio. Et aer arte frigidior procuretur.

Laventur pedes in decoctione capitum papaveris, nocturnis horis. Fronti & temporibus nobis feliciter successit applicatio emulsionis seminum papaveris, vel oleum ex jisdem seminibus elicium.

Sempervivum majus contusum cum lacte muliebri mixtum sincipiti admotum, phrenitidem mirè compescit, & somnum conciliat. Verùm statim ac dormire cæperit detrahatur, ne in coma præcipitetur. Semper etenim in affectibus cerebri (natura sua frigidi) refrigerantia magna circumspectione, adhibenda sunt.

Victus interim tenuissimus, & acutorum morborum proprius adhibendus est. Fercula aqua rosacea, vel aceto rosaceo admisceantur. Sal prunellæ loco salismarini in obsoniis ponatur. Cucurbita, portulaca erit materia ferculorum.

Quoniam ab initio somno conciliato plerique sanantur, dum hujus beneficio effrænes liquores moderantur, & concoquuntur, æstuans cerebri calor mitescit, animales spiritus paccati re-

generantur, inde vires lapsæ recreantur, ac redintegrantur, ut concoctiones, & naturalis facultatis operationes omnes optimæ fiant. Propterea undique noxiorum expulsio promovetur, urina provocatur, diaphoresis amplior fit, & sic inflammatio omnis dissolvitur ac resolvitur.

Adeò ut Zacutus Lusitanus cap. i. phrenitidem conclamatam philonio se feliciter sanasse gloriatur. Nos papaveraceis variis modis usurpatis, tum laudano opiato vesperti hora somni adhibito incipientes phrenitides omnes, certo experimento sanatas vidimus.

Et quoniam arte curandum est, ut spiritus quiescant, vel saltem blandè moveantur; Et qui veluti furore perciti, ac effrænes vagantur, iterum sub facultatis rectricis phreno paccati veniant. Ideò aquea, & acidula, à quibus feri quantitas augeatur proficua erunt. Bilis enim mobilior, magisque activa fit, quando sincera exaltatur, neque à lymphæ, vel feri diluentis vinculis detinetur.

Valet ergo succus citri, aqua florum papaveris dilutus, vel succus granatorum cum aqua, & syrupo de papavere, aut ex seminibus papaveris paratæ emulsiones. Ad opiata etenim veluti ad sacram ancoram confugiendum esse ducò; nam impetrata quiete spiritus pacantur, lymphæ & serum acutis salibus prægnaus, facto sudore in somno eliminatur. Massaque sanguinea particulis acidis salino-sulphureis præternaturaliter effervescens, ad blandam, & naturalem fermentationem deducitur.

Consultum est etiam, ut qui majorem amicitiam cum agro gerunt, hi adstant, suisque dictis quantum fieri possit assentiantur, ut bilis commotio per excandescencias minor pro viribus fiat.



Qui à laudani exhibitione verentur in clysteribus ejus usum non reformident, potentèr enim, & tutò somnum conciliare poterunt in his qui sepè univèrsa per os oblata respuunt.

Qui ad oblata se benè gerunt, cassia cum feri copiosa superbibitione alleviabuntur, alterno potissimum die.

Ex papaveraceis emulsiones nunquam intermittendæ; neque in declinatione ipsa, ob rationes jam adductas.

Sal perlarum maximum in hoc affectu præsidium decantatum est. Ipse in universis alcalicis, absorbentibus acidorum inflammationum auctorum sanationis gloriam considerem.

Illud verò holocaustum archei quod perperam ab initio morbi pullis, vel catulis disiectis ab aliquibus fit, à magis judiciosi, & prudentioribus medicis in morbi statu, vel ad declinationem nutante fieri consuevit. Ideòque Riverium audias exaggerantem: Malè ab aliquibus in principio phrenitidis admoventur omenta, vel pulli aperti. Quoniam calorem augendo fluxionem ad cerebrum promovent. Tutius ergo adhibentur, quando discutendi, ac resolvendi indicationes exurgunt.

Quia tandem in hoc affectu sepè urina supprimitur, dum eam ægri emittere negligunt inde vexicæ inflammatio, & mors imminet. Sepè idcirco ad mendum invitentur, tùm pubes oleo scorpionum inungatur, & locus comprimatur.

*Pro latargo, & affectibus soporosis capitis, comate, apoplexia, & aliis.*

**C**ognati sunt affectus, & aliquibus tantum accidentibus inter se

discriminantur. Sic penès Zacutum Lusitanum observamus quod ex mente Rasis sepè apoplexia fit, dum copiosus, calidus sanguis in cerebri tubulis continetur, qui præ nimia turgescencia, ac repletione, cerebri porulos coarctat ut nullus sit spirituum animalium ad sensoria, & motus instrumenta liber aditus. Fitque affectus similis inflammationi.

Ingeniosissimus Barbatius, ejus fuit opinionis, quod tumentibus valdè venis, & arteriis in cerebro, particulares meatus, seu vascula spirituum comprimantur, inde de repente spiritibus occludatur transitus. Hinc est quod post mortes vas aliquod capitis sepè disrumpatur, & sic compressionis auctor manifestatur.

Frigida autem apoplexia in senibus fit, dum opletis plexuum arteriis à crassitie, & cruditate utriusque alimenti, selectior feri portio à plexibus producta, nequit ingredi vascula tenuissima, & fit mors. Vel naturæ magno facto conatu, per ascendentis sanguinis motum, crassities illa in aliqua vascula propellitur, aliis interim restituto spirituum animalium transitu, & sic paralytis fit.

Ideò verò in apoplexia moriuntur (*ex Gal. 5. de locis aff.*) quoniam cor adeò respiratione indiget, ut ea ablata mors illicò consequatur. In magna igitur apoplexia, nervorum actione læsa, respiratio perit, & cordis temperamentum exolvitur, ejusque actiones.

Paracelsus observavit, quod assiduò portulaca, vel lactuca depastis, si quis sanguinem detraxerit, his sanguis non profluet. Sic synovia (& est liquor albugineus nutritius nervorum) in cerebri angustis vasculis conculata apoplexiam facit, in parte verò paralytissim.

Hinc



Hinc est quod Barbatius de artritide observet; quod multi artritide mitigata, apoplectici objere. Et Hippocr. notat 6. aph. 51. *Quod febris liquorum dissolutione, apoplexia solutionem molitur.*

Respiratio, symptoma præcipuum est, quod in apoplexia observabile est. Per respirationem etenim difficilem, apoplexia fortis constituitur, Ideo Hippoc. 2. aph. 42. syderationem fortem solvere unum ex impossibilibus ausis esse judicavit.

Per hanc itaque difficilem respirationem, distinguitur à caro, & affectibus soporosis. Per carentiam febris, à lætargo. Atque mirum est, quod venis jugularibus (dictis etiam apoplecticis) apprehensis homines illico attoniti sine sensibus corruant, non secus ac illi qui laceo suffocantur.

Malpigijs observat in illis, qui apoplexia objere, frequentior polypos in meningibus continere. Quibus omnibus colligitur ab interpolito impedimento, in viis spirituum hunc affectum fieri.

Quod frequentèr à frigidis, crassis particulis, cum sanguine ad vascula cerebri insinuatim contingere solet, dum ab eis spiritus onerantur, ac implicantur, vel cerebri glandulas infarciendo spirituum generatio impeditur.

Vel ob congestos liquores dum cerebri glandulæ, & vascula adeò comprimuntur ut intra ipsas fluere non possit liquor albugineus ad spirituum generationem requisitus. Qui ut plurimum in his ægris sua crassitie peccat, quare spiritus crassiores inertes producuntur. qui facultate animali soporata, in viscido glutine liquoris albuginei hærentes, officii sui fermè obliviscuntur.

Generationem, & causas soporiferorum affectuum, & apoplexiæ qui in-

ternoscere optat, narcoticorum medicamentorum vim, sanguinem, & spiritus quodammodo ligantem observet. Tum ab ebrietate, & crapula partum soporem. Tum venenatos arsenicales vapores à carbonibus, & mineralibus elevatos sulphureos vitriolatos, liquores coagulantes aciditate sua, quomobrem viæ spirituum angustiantur, quominus ad sensuum organa ferantur.

Ideoque experimur, quod soporifera sulphur habent fuliginosum, fetidum, ut papaver, opium, hyosciadium, mandragora; & alia quæ etiam facile flammam concipiunt. Ab his igitur sanguinis circulatio interturbatur, depravatur, vel imminuitur (& hinc varii affectus somnolenti prodeunt) cessante undulatione, & motu animalium spirituum in nervos, & illorum irradiatione in universa membra.

Sic dum crassi liquores arterias obstruunt, spiritus in minori copia generantur, nec sufficientes ad cerebrum inflandum, ac inflatum detinendum, quare sensus, & motus perit. Hac enim ratione concidentibus in se cerebri porulis, ac nervis, ægri ne quidem vellicati sentiunt, dum ad cerebrum motus impressus transferri nequit.

#### Auxilia.

**N**E ad Endimionis somnos rapiatur æger, à lunaribus radiis, & nocturnis humidis frigidis nebulosis arceus est, potissimum in causa pituitosa. Atque cubiculi aer ad calidum, & siccum vergat; Si verò talis natura non sit, arte paretur aromaticis suffumigiis, succino potissimum, thure & aliis in parte prima adductis. Carbonum nuper accensorum fumus hunc affectum concitare valet, ideò penitus arceatur, sicut & viridium lignorum fa-



mus ; Sed splendidus purus , junipero , & odoratis lignis paretur , non procul ab ægro .

Oblato ægro pletorico , facie rubicunda , & consimilibus crassi , & copiosi sanguinis signis stipato , absque ulla cunctatione ad copiosi sanguinis detractionem accedes . In hac enim unica fortè salutis spes est . Cætera etenim calefacientia , fundentia , liquantia plena periculi sunt .

Friktiones asperæ extremis partibus factæ cum sale , & aceto inculpabiles sunt . Prout sinapismi .

Imminuta per venam sectam plenitudine , cucurbitulæ scapulis . Vena secta in fronte , vel sub lingua . Hirudines venis sedalibus irreprehensibiles sunt , Tum vexicantia non tantum partibus longinquis , sed scapulis ipsis , imò occipiti applicita .

Clysteria acria ex colocyntide , centauro minori , potissimum si circa primas vias de materia crassa stabulante suspicio sit . In quo casu infusum crocum metallorum ad dracmam semis inciato vini , vel stybium iacintinum cum prædicto colocyntidis decocto , vel carminativo admisceatur .

In senibus , & aliis in quibus incrassatos à frigiditate liquores , affectus causas esse reputamus , castoreum tam in usu interno , quam externo usurpari poterit cum emolumento .

In affectibus soporiferis omni arte fastagebant veteres somnum arcere , odoribus sulphureis , clamoribus porcorum . Ferro ipso ignito syncipiti applicito , vel sartagine candente propè occiput , liquorum stagnantium motum accelerare procurantes , natiuum calorem , & spiritus excitare .

Si vero à crapula fiat affectus , vel repletionis indicia in ventriculo , & primis viis manifestentur , vomitorium

exhibeatur , Hoc etenim auxilium cæteris omnibus iure merito anteponendum est , potissimum si in pauca dosi , & in his qui deglutire nequeunt propinetur dum cætera solventia per aluum , de magna in visceribus naturalibus facta commotione tum præ dulcedine sua , ac ferventi conductione fermentationes excitando , in his affectibus valdè suspecta esse debent .

Ignita ferramenta , ac laminæ aceto conspersæ sub nares collocentur , Eximium fit enim coagulatorum solvens , ac attenuans incrassatorum auxilium .

Tempora , frons , & cervix balsamo apoplectico , oleo succini admixto illiniantur , potissimum in progressu , & in conductionibus frigidis .

Acetum acerimum copioso castoreo admixtum in olla ferveat , inde vapor ejus naribus excipiat . Vel spiritus fuliginis , vel salis amoniaci in phiala angusti oris naribus admoveatur .

Iudicioyissimus Riverius adjudicavit , quod cæteris purgantibus invalidis , ad ea quæ ex antimonio parantur accedendum sit , vel ad sal vitreoli vomitium . Vei ad tincturam nicotianæ in aqua vitæ extractam ad dracmas duas cum melle exhibitam . Quæ quidem incrassatas materias quascunque potentèr educit .

Pueros potissimum comate , & aliis soporosis affectibus periclitantes , Gilla Teofraasti , seu sale vitrioli feliciter se persanasse gloriatur .

Sternutatoria in statu , & declinante morbo inservire poterunt , ex nicotianæ pulvere , majoranæ , liliorum convalliium , admixta sextante circiter hellebori albi pulvere , ambra grisea , & mosco .

Vinum in declinatione tantum concedatur ex *Tralliano lib. 1. cap. 20.* Vbi scilicet aliqua apparuerint signa coctionis .



nis . Atque vinosum esse debet. Aquosum enim diluit humores, & lymphæ copiam auget, caput serositatibus replet, nec valdè coctionem iuvat, aut excrementorum expulsionem molitur, ut vinosum.

In principio verò, potus sit aqua mulsa cum hyssopo, vel decoctum cephalicum. Vel aqua hordei cum cinamomi portiuncula. Tunc enim vinum ineptum adjudicabis, ob vim suam narcoticam & soporiferam occultam.

Ipse tutissimum puto pro potu ordinario, decoctum theæ, vel saltem ligni sassafras, cum herbis aromaticis rosmarino, junipero, hyssopo, majorana.

Universa vivendi ratio, ad tenuem attenuantem inclinet. Vinum medicatum acoro, salvia rosmarino, angelica, majorana. Cibi condiantur aceto mulso, & cinamomo, potissimum in catarrhali causa.

Vbi calefaciendi, ac resolvendi indicationes obortæ fuerint (potissimum initio declinationis) tunc rosolinum ex floribus salviæ, lavendulæ, sassafras, & aromatibus, tum copiosa ambra infusa paratum, magni erit emolumenti.

Quinta essentia rosmarini, tam in usu interno, quam externo proderit spiritus vini cum canphura, & quinta essentia rosmarini, aut aqua reginæ Hungariæ naribus indatur, tempora verò, & vertex cum occipite admixto oleo succini perungantur. Nux moscata cum granis masticeis masticeatur. Spina balsamo apopleptico, & oleo succini illiniatur.

Cacuphæ à monialibus paratæ ex granis juniperi, succino, floribus lavendulæ, benzoino, styrace, mosco, & ambra assiduò in capite gestentur.

Ambra, moscus in horum frequentius usu fit ubique, tum acria, aromatica. Oleum cinamomi. Sal absinthii in mensa. Spiritus vini cum macis. Sal viperæ.

rarum volatilis quotidie ad grana aliquot assumatur.

Masticatoria, pyretrum, mastich, nicotiana non intermittantur. Conserva betonicæ, rotulæ ex speciebus diambræ; sed potissimum magnæ antidoti hora somni vesperi adhibeantur. Elixir vitæ maius Quercetani vel proprietatis Paracelsi summò manè summatur. Aut tabellæ ex oleo nucis moscatæ, anisoforum, saccharo in aqua cinamomi soluto. Oleo de castoreo universa spina inungatur.

Pro summo discutiente, in declinatione decoctis lignorum etiam cum sudore uteris, tum viperatis auxiliis viperino pulvere, sale volatili, decocto viperarum & aliis.

Ut mingant commonefaciendi, & locus fovendus oleo scorpionum, tum comprimendus, fræquentèr enim harum partium nervi affecti sunt.

Suffumiggia ex galbano, assa fætida profunt, sunt enim valida incrassatorum solventia, tum fumus aceti cum castoreo in clauso cubiculo spiritum tartari inter dissolventia non infimum judicabis.

Stillicidium capiti ex cephalicis, ad resolvendas reliquias, vel ex aquis naturalibus comendabile. Prout decoctum antiparaliticum Quercetani in usu matutino. In mensa vero cerebrum leporis, & leporis carnes, aliaque exiccantia catarrhos alibi tradita &c.

Notat tandem Franc. Silvius, quod aromatica, tum acida spirituosæ, legitima antidota sunt, & correctiva liquorum narcotici inducentium.

#### *Pro vigiliis morbofis auxilia.*

**F**requentior vigiliarum causa exaltatibilis acrimonia est, dum ab ea animales spiritus stimulati, ac mobiliores facti, facultatis frænum subire

recu-



recusant. Ob introductam etiam nimiam cerebri caliditatem, vel siccitatem, nimia spirituum expansio fit, & præternaturalis vigilia, potissimum ab acutis succis irritata animali facultate, à qua laxantur habent spiritibus, qui ad organa sensuum, & motuum liberè festinant.

Fit quandoque à concitato motu circulari sanguinis in meningibus, & tubulis cerebri arietantis. Dum enim à sanguine, & spiritu fervido cerebri vascula, & poruli ampliantur, liberior patet spiritibus via, & expeditior motus. Ita ut uno verbo, ea omnia vigilare faciunt, quæ meatus cerebri, & ductus nervorum inconspicuos, arteriarumque carotidum propagines stimulant, aperiunt, porosque cerebri dilatant, viamque spiritibus pandunt.

Non negamus tamen quod quandoque succus dulcis, ut est sanguis ipse, dum copiosior ad cerebrum, ac impetuosior movetur, copiosiores ex eo consurgere possunt spiritus, à quibus nervi sensorii, quodammodo violentè extensi, sensationibus invigilare coguntur, sed hæc causa infrequens est. Pro ut frequentissima est illa; quæ à salinis acrioribus venit, dum ab his intensior fit sanguinis effervescencia, inde copiosiores, & magis mobiles spiritus elevantur, qui moræ impatientes, undique ad sensoria in magna copia exiliunt, & fit vigilia.

*Auxilia.*

**A**D agrypnias, & pervigilium. Pro leviori affectu ptitana cum lacte, conserva violarum, vel nimpheæ à cœna. Lac uberius, è potum, & lactaria in ferculis, aut serum depuratum cum succo lactucæ.

Lactuca in ferculis sine aceto. Emul.

siones seminum papaveris, & amygdalarum. Vel ex cremore amygdalarum, & seminum papaveris fercula. Oleum pariter ex seminibus papaveris expressum vel amygdalarum in cœna cum obsoniis propinatum.

Panis martius paratus ex libra una amygdalarum, & unciiis duabus seminum papaveris num unciiis quatuor sacchari albi, blanda vigiliarum auxilia erunt, prout de vigiliis in parte quarta docuimus.

Zacutus Lusitanus *libro 1. hist. 61.* Quandocumque adversus contumaces vigilias pugnare aggrediuntur panicum quorundam terrorem remove illos docet qui papaveracea, & opiata reformidant. Observat etenim aliquos seminibus papaveris ad saturitatem, inplacentis uti innoxie. A quibus postmodum medici edocti fuere in copia notabili cremorem seminis papaveris in febribus ardentibus exhibere ad sitim arcendam, & somnum conciliandum. De opio postmodum ibidem differens ait: *Non debemus adeo vereri opium usum; nam Garzias ab Horto in lib. de hist. aromat. multos vidit, opium ad dracmas duas, imò ad unciam semis, absque ulla lesione vorasse.* Quod confirmatur ab Huernio, qui penes Turcas, Mauros, & Indos ingentem ejus copiam vorare vidit, ut in actu venereo validiores fierent.

Ipse metum exhibendi opium posui, dum Bixantii Imanos dictos, & juris peritos plurimos, copiosam opii quantitatem (ophion ab eis dicitur) vorare vidissem, ut hilariores, & obafiores fierent.

Quadam die, ut timidiusculum juniorem medicum, & ad granum semis ejus præscribentem, ab hoc panico terrore removerem, dum à tussi molesta afficerer, eo presente, laudanum



opiatum ad grana septem assumpsi, temporibus applicita, nec inepta neque cum me in profundum somnum lapsurum prognosticaret, vidit me tota die, sine tussi alacriorem ac hilarem visitationes meas peregisse.

Qui à pervicacibus vigiliis conflantur cogendi sunt, ut aliquid assumant. Nam vacuo ventre difficultè somnus captari potest. At diluto sanguine à dulci liquore chyliifero, cordis micatio, & sanguinis fermentatio felicior procedit, temperatioresque minusque furibundi spiritus exurgunt.

Propè nocturni somni tempora papaveracea, vel opiata aliqua exhibeantur, emulsiones potissimum, atque in uberiori copia.

Bilis æstuans, sanguinis fermentationem accelerans aqueis compescatur, & humidis.

Spiritus innordinatè moti, ac excitati, impetrata quiete per philonium romanum ad scrup. j. sedabuntur, vel granis quatuor laudani nepentes cum syrupo de papavere hora somni. Nam opiata dum sanguinis blandam fermentationem procurant, spirituum animalium paccatorum generationem moliantur, eorum dissipationem impediunt, languores sedant, humectationem inducunt, & refrigerium. Inde coctionum signa manifestantur.

Absentibus itaque inflammatoriis conditionibus, & rosolino non abhorrem, facto sum laudano dissoluto, & canphura, eoque propinato ad cocleare unum, vel alterum. Spiritus enim vini eximiam in se narcosim habet, ob tenuitatem nullibi hære, neque obstructiones fovere poterit, sed lenes sudores somno facto procurabit.

Lotiones pedum, decocto capitem papaveris, Tum frontalia cataplasmata ex seminibus papaveris albi contusis cum lacte muliebri, fronti, ac

temporibus applicita, nec inepta neque inutilia auxilia erunt ad somnum impetrandum.

Hoc semper ante oculos habendum erit, ut intemperies sicca, si aliqua subsit tollatur humectantibus, tum internis capitis lotionibus, mero lacte, vel jure capitis castrati alterato malva, altea, admixto oleo ex seminibus papaveris expresso. Interius lacticia omnia, orisa cum lacte.

Stillicidii modo, capiti lotiones fiant, vel embrocæ à cœna per horam, ex decoctione capitem papaveris albi, corticibus mandragoræ, & lactucæ foliis. Postmodum linimentum fiat arteriis soporariis temporum, unguento populeone admixta portiuncula opii Vel unguento narcotico Scroderi. Oleum ranarum temporibus illitum tutum auxilium, & soporiferum est. Prout & oleum seminum papaveris albi, quod etiam febrium æstus demulcet.

Ab aceto, & acetosis omnibus caveat æger, hæ enim siccitate introducta, vigiliis foveant.

*Ad somnos interturbatos, & ad Incubum auxilia.*

**N**On de incubi, & succubi prodigiosa copula, qua inferi mortaliis, nefario actu Venereo junguntur, & de quibus admiranda, & vix credenda Delrius, Codroncus, & alii protullere. Sed de morbofo affectu, in quo prava imaginatio, ex impedita respiratione oboritur. Quæ multiplici de causa, meo judicio contingere consuevit.

Quandoque enim ob nocturnam crapulam fit; dum onerato ventriculo, chyli particulæ crudæ, acidæ, figentes, ad sanguinis penetralia admissæ, per aliquod tempus vitalium spirituum



ad cērebrum irradiationem , ac motum suprimunt ; Quorum perenni influxu cessante , vel saltem imminuto , aut depravato ; animalium spirituum in nervos influxus quoque cessat , atque ad tempus prohibetur .

Hi itaque dum ad nervos phrenicos , & recurrentes non feruntur , diaphragma , & respirationi inservientes musculi à solito motu cessant , respiratio difficultatur , & suffocationis fantasia suboritur . Cor ipsum , quoniam de musculorum jure participat , cessante in nervulo suo , vel saltem imminuto animalium spirituum influxu vibrationes suas imminutè , vel depravatè celebrat .

Hinc est quod expergefacti magnos cordis saltus , & irregulares motus ægri persentiunt . Et hoc anxam deditit sagacissimo naturæ indagatori Paracelso credendi quod hic affectus suboritur , dum cordis aqua per situm supinum in pericardii partem inferiorem delabatur , ita ut supernè cor nudum relinquatur . Tunc enim cum undique innatare non possit , partium circumstantium compressiones sentit , & prægrandis saxi compressio se manifestatur .

Sufficiat itaque quod talis supinus decubitus paratos magis facit ægros ad incubum , ad difficiliorem respirationem , & cessationem ab opere suo in septo transverso , & in masculis thoracis ; nam etiam in latere jacentibus advenire frequentè observatur .

Quantum verò stertant , & quàm difficilem , & interruptam respirationem faciant in dorso dormientes omnibus notum est . Quamobrem speciosam tanti viri causam non desponsantes , alias amplectimur , licèt aliquibus Iffionis nebulas nos amplexari videbitur .

Nam quandoque vapores ab infer-

nis partibus ad supernam Palladis arcem elevatos culpamus . Seu ( cum sanioribus qui fumorum caminos in humanis corporibus non inveniunt ) particulas narcoticas , spiritus figentes animales ( per arterias carotidas ) eoque acida complicatione onerantes , ac ligantes . Quamobrem isti detenti , vel in minori quantitate ad respirationis organa demissi hunc affectum concitant .

Tandem ab interrupta , ac impedita naturali sanguinis circulatione in sobriis provenire potest , qua impedita , ac depravata , spirituum pariter influxus impeditur , aut depravatur ( ut in maxima venarum inteceptione ab Hippocrate appellata satis liquet ) spiritibus deinde ad musculos respirationi inservientes non influentibus , respirationis munus interturbatur veluti si à magno incumbente gigante suffocarentur , atque Antei cum Hercule luctam experirentur .

### *Auxilia .*

**S**ervos , & adstantes habeant , qui nec decubitus supinum admittant , neque accessionem diù tollerent , sed ad primos motus expergefacciant , & concussionibus liberent .

Si à languido stomacho provenire credatur omnia stomachum refocillantia proderunt , Conserva absinthii jejunio ventre , vel gingiberis radix condita . Sal absinthii pro sale in condiendis cibis . Sal sacerdotale ; sal vitrioli ad grana tria .

Si cruditates circa stomachum , & primas vias latentes ; vel pituita viscida acida corruptione parta culpetur , Vomitu , ac vomitoriis eliminetur .

In universum sanguinis æquabilis fermentatio servanda erit . Ideoque semper



per tuta modica cœna . Pauci etenim sunt , & isti admodum robusti , qui ventre turgente , ac saturi , noctem quietam , nec interruptam transigere possint . Ut in parte quinta de plenitudine ostendimus .

Conserva rosmarini , vel absinthii , & amaricantia auxilia ut amygdalæ amaræ potissimum à cœna auxiliantur his .

Magna cautione indigestiones omnes vitandæ , ideò crassa alimenta , difficilis digestionis penitus arcenda . Hæc enim in benè valentibus ipsis , in causa sunt ut nobis dormientibus , cum aliis pugnare videatur ; prout *Hipp. libello insomniis* observavit .

Si crassæ pituitosæ , melancolicæ evaporationes culpentur , confectio alchermes , & consimilia cordialia cum haustulo vini Hispanici exhibeantur . Vel theriaca ipsa in modico vini spiritu soluta , pro senjoribus , & conditionibus frigidioribus . Venterque illiniatur oleo nucistæ admixto mosco , & ambra . Vel pro fœminis castoreo . Aut oleo succini , cum balsamo apoplectico .

Crocum in cibis , universalitèr his auxilio esse expertus sum .

### *Apoplexiæ causæ , & Auxilia .*

**T** Erribilis hujus affectus causæ , plurimæ sunt remote , licèt proxima , & immediata unica numeretur , videlicèt spirituum animalium expansio impedita ad propria organa , & instrumenta .

Humorales causæ frequentiores equè pituitosa , ac sanguinea est , cæteræ ad ad sanguinem extravasatum , & stagnantem alienis impuritatibus commixtum . Ut ex inde meatuum obstructionem , & spirituum dissipationem inferre valeat .

Non negamus tamen , quod etiam quandoque fiat à copioso , fervido sanguine ad cerebri angusta vasa festinante , dum præ nimia ipsorum turgentia , & repletionem pori , & spirituum viæ coarctantur , unde eis interclusus sit ad sensoria motus .

Tumentibus namque venis , & arteriis cerebri , particula in cerebro spirituum vascula comprimuntur , spirituumque transitus occluditur .

Sed potissimum vascula tenuissima , & angustissima glandularum cerebri infarciri solent , exindè sanguinis liberè permeare non potest ; sed novo subinde affluente , glandularum vascula dirumpuntur , & in ventriculos , & spacia innanja sanguis effunditur . Ideòque in horum cadaveribus sepe fit larga sanguinis à naribus effusio .

Frequentèr remisso motu , & coercita interna sanguinis fermentatione , à causis naturalibus , vel non naturalibus , crassiores , ac proni ad concrescendum umores in propriis meatibus fixantur , vel stagnat , inde sussequentis sanguinis motus interturbatur , spirituumque viæ compressæ intercluduntur .

Fit quandoque impuri sanguinis culpa à quo flos , & spiritus animales tenuissimi separari non possunt , viscido glutine inviscati , vel narcoticis spiritibus , aut figentibus onerati , & potissimum à sulphure narcotico ligati . Vel à veneno anodyno . Aut ab acido coagulante spiritus figente , sanguinis motum , ac fermentationem inhibente .

Quia verò liquor albugineus nervorum nutritius pronus admodum est ad concrescendum , non infrequens causa fit hujus affectus , quacumque concrescendi causa oblata , frigiditatis , succi acidi , & similium .

Fit & exhaustis spiritibus animalibus



bus neque ut opus est restauratis. Vel ab obstructione nervorum, ab affluente exotico liquore facta, unde denegato spirituum animalium influxu membra omnia flacida fieri observantur, & non secus ac vela à vento non inflata concidendo.

Facultates demùm, quoniam circularitèr procedunt, sibi invicem opem ferentes in hoc affectu concatenatæ causæ esse solent. Nam affecto cerebro à causis naturalibus, vel non naturalibus, animales spiritus in minori copia, vel impropportionati ad instrumenta naturalis facultatis demittuntur, qui excrementorum undique expulsiōnibus pigri præsidēs, ab optimorum liquorum commercio, eadem non segregant. Inde in corde pessimam fermentationem nacti, & tardigradi, impuri, à corde ad cerebrum demissi, animalium spirituum penuriam assiduò adaugent, ut sic circulo facto morbus tandem, & mors ipsa obrepāt, quandoque repentina.

*Auxilia.*

**U** Bicunque plenitudinis signa innotescant, & plenisuccus patiens offeratur, de sanguinis minoratione etiam repetita cogitandum illicò erit, *juxta Hippocratem 4. acut.*

Si autem cacochymia potissimum crassorum excrementorum circa primas vias indicia manifestentur, absque cunctatione ad antimonialia auxilia descendendum erit, & vomitus, aluique deiectione granis tribus, vel quattuor tartari emetici, croci metallorum, granis septem in vino albo infusis, & consimilibus.

In aere tepente collocetur æger. Frigidus aer, nebulosus præcaveatur. Immodò odoramentis, ac cephalicis vires

cerebri sopitæ excitandæ, castoreo, galbano suffitis. Vel his in olla cum aceto acerimo ebullientibus, & subtus nares affumantibus.

Felicitèr mihi successit adhibere vitriolum album, gillam Theophrasti, in his qui stomachi repletionē tenentur, nam in ictu oculi vomitu excitato sublevantur. Quantas verò vitriolum pro stomacho, & capite vires habeat nemo practicum ignorat.

Acrida clysmata, toto paroxismo durante intermittenda non sunt. Sed præ cæteris arridet infusio dracmæ unius croci metallorum in vino albo solo injecto.

Post tentata evacantia, ad spiritus animales sopitos excitandos animus convertendus est, potissimum per salia volatilia viperarum Cornu cervi, per os exhibita. Tum etiam spiritu cornu cervini, vel fuliginis, vel salis armoniaci naribus applicitis. Sed potissimum spiritus salis armoniaci succi natus, vel castorei tinctura imprægnatus cæteris præferri debet.

Oleum succini undique profundi debet, & inunctionibus, & exhibitis admisceri Sal paritèr volatile succini, miras vires habet.

Purgantia acrida, & scamoneata illicò nunquam feliciter successisse observavi.

Prout innumeris vidi fata accelerata fuisse ab exhibitione attenuantium, ac ressolventium, absque facta prævia aliqua insigni evacuatione.

Post hanc verò salia volatilia cranii humani, succini, viperina ad grana quinque magnam opem tulisse vidimus.

Tunc tinctura castorei, cum aqua Magnanimitatis, imò spiritus omnes aromaticorum cephalicorum admodum profunt. Sed præ cæteris aqua ceraforum



rum super vitriolum sepius cohobata, nunquam satis in hoc affectu commendari potest.

Spiritus vini theriacalis, & vipera-  
ta auxilia, in ætate senili, viribus ex-  
haustis, efficax auxilium est.

Illinire nares, tempora, nucam, spi-  
nalem medulam in progressu commen-  
damus balsamo apoplectico, & casto-  
reatis.

In principio namque accessionis po-  
tentissimo acido balsamo caustico meo  
inuncto nuca, & spinæ intra horam,  
ægrum excitasse, duabus vicibus ob-  
servavi.

Si autem affectio à spiritu quodam  
vitriolico narcosim inducente fieri cre-  
datur tunc singulis quibusque auxiliis  
castoreum admisceatur, à quo acido-  
rum omnium vincula diffringantur.

Cauteria actualia in nuca validissima  
sunt, & inunctiones aromaticæ spiri-  
tuosæ spinæ dorsi factæ castorei oleo,  
succini, & destillatis oleis cephalicis.

Zacutus Lusitanus febrem accende-  
re suadet, monitu *Galen* in lib. 1. pro-  
ret. sec. 2. sic: *In omnibus nervosi gene-  
ris affectibus pituitosis, febris superv-  
niens adjumento est. Quamobrem ca-  
storei tincturam frequentare, & casto-  
reata, inter cetera aromatica exhibi-  
ta ad hoc opus maximè inservire pos-  
se certum est.*

*Pro affectibus somnolentis Comate, ca-  
ro &c. auxilia.*

*Tam pro vigiliis morbosis.*

**L**ætargus sola febre ab apoplexia  
statim à principio contradistinctus,  
eadem fermè auxilia exposcit; ideò de  
brevitate sollicitis prætermittere de-  
crevi.

Cæteri soporiferi affectus, vigilia,  
& sopore morbofo intermixti fieri con-  
suevere à confusione, ac præternatu-  
rali agitatione, ac expansione spiri-  
tuum animalium, dum à tumultuanti-  
bus causis ex. gr. liquoribus acribus,  
inæqualibus, & irritantibus concutun-  
tur; ideòque à quiete sua deturban-  
tur.

Spiritusque animales, qui mites,  
clari lucidi, in statu naturali consue-  
verunt esse, in his affectibus acres  
fiunt, effæcati, & veluti effluvia indo-  
mita ab aqua forti emissa. Quamo-  
brem irritationis tempore effæcati, ela-  
stici nimis expanduntur, nervosque  
tensos servant. Ideoque in convulsio-  
nes proni sunt affectus isti.

Fiuntque ut plurimum à sanguine  
acido corrupto, vel à salso acri in ce-  
rebri parte corticali, facta interpolata  
vasorum, & pororum invasione, ac  
apertione.

Absque verò hac spirituum anima-  
lium exagitatione inæquali, hi affectus  
non fiunt. Neque absentibus salibus  
volatilibus acribus, bilem in sanguine,  
& serum nutritium nervorum in cere-  
bro acius reddentibus.

Ideò universa quæ sanguinem nimis  
fundunt attenuant, nimisque inflam-  
mant, exagitant, & spirituum copias  
dissipant, meatus, cerebrique poros  
dilatant, vias ingressui, & egressui si-  
bi pate faciunt, ad hos affectus dispo-  
nunt.

Sic acria valdè, & potissimum vene-  
na quædam cerebro, ac ejus spirti-  
bus insidias struentia hos concitant affe-  
ctus.

Atque spirituum animalium inopia  
in his affectibus est in causa, ut ner-  
vuli, vascula cerebri, & cerebrum ip-  
sum omninò inflatum, & elevatum de-  
tineri non possit, sed in se concidens  
somnia



somnum accersat. At denuò ab acribus salibus vellicati spiritus, vias sibi aperiant, & in vigilias erumpunt.

Motus etiam sanguinis à corde provenientis impetuosior, vel tardigradus plurimum conferre potest. Prout etiam copiosior, vel minus copiosus ejusdem influxus.

Vigiliarum naturam alibi in parte quarta examinavimus. Auxilia pariter inibi recensuimus apta, quare ne bis coctam crambem ad nauseam apponamus de aliis breviter agere aggredimur capitis affectibus.

Nam coma pariter, & caros per Idiopathiam, ac per essentiam cerebri morbos factos, nobis nunquam solos videre contigit; sed tantum comatosos, & caroticos affectus per sympathiam, & consensum, ideoque sunt veluti symptomata aliorum morborum, ex. gr. internarum inflammationum, malignarum febrium, & consimilium, quæ ad ablationem eorundem tolluntur. Quare sui legitimam curationem non habentes, ad alias nos transire permittans, & sui mitigationem tantum sparsim à nobis haurire posse gaudebitis.

*Pro paralyfi auxilia.*

**F**Requens est transitus ab apoplexia ad paralyfim, dum restituto in vasculis, & cerebri glandulis consueto transitu, & motu, fit lædentium liquorum metastatis ad peculiare nervos, in quibus obstructione, ac impedimento majori, vel minori facto, animalium spirituum influxus prohibetur.

Succus verò nervorum albugineus, ac nutritius eorum acidior factus, & incrassatus hujus calamitatis causa ordinaria est.

Nimis enim ad concrescendum liquor

pronus est, nactus potissimum aciditatis, vel frigiditatis causas; ut in sero sanguinis videmus.

Verisimile est etiam fieri posse à spiritibus animalibus incrassatis, & ad motum, & sensum ineptis redditis, in liquoribus veluti immersis, ac ligatis, coadjuvante mea tuum angustia obstructione, vel compressione, inde spiritus ad permeandum impotentes aliqua potissimum narcosi affecti, vel copiis minores, neque alacres, neque vegeti se ad naturalia munia explicare valentes. Sed à solita irradiatione in nervosum genus impediti desistunt.

Dum verò animales spiritus non fatigati, ut opus esset irradiant, neque nervosas partes inflant, suoque vigore actuant, tunc flacescunt, atque in se concidunt, viæque spiritibus, & nutritiis liquoribus magis angustiantur, inde cum paralyfi pars illa atrophiam pati observatur, vel saltem depravatam nutritionem, atque cachexiam experiiri compellitur.

Non infrequens est illa paralyfis, quæ à liquoribus extravasatis, nervis incumbantibus, atque eos comprimantibus supervenire solet. Sic enim animales spiritus liberè irradiare nequeunt, ut in magnis contusionibus, & inde lapsis ab alto frequentè observamus.

Ordinariæ tamen causæ solent esse tartareæ in sanguinæ acidæ salinæ scorix in nervorum tubulos effusæ, sed potissimum nervosus alimentalis succus naturalitèr eos pereptans præternaturalis factus, & incrassatus, nervosarum partium nutritioni ineptus, & tardigradus.

Obstructionum etiam in nervosis partibus factorum causa potest esse inundatio vitiosi sanguinis, per diluens serum lymphæ incrassatæ admixtum,



quantitate, qualitate, motu, vel  
his omnibus etiam peccans.

### *Auxilia.*

**V**ictus non tenuis, sed attenuans  
procuretur. Cibusque ex volati-  
libus, & venatilibus. Potus aqua mul-  
sa, aliæque mellitæ potiones exhibean-  
tur, vino acidorum patrono interdi-  
cto.

Alimenta itaque diureticis, atte-  
nuantibus admisceantur, petroselino,  
feniculo. Aviculæ montanæ, colum-  
bæ sylvestres, turtures. Cerebrum le-  
poris aromatibus conditum, assatum.

Oximel. Mulla salviata, anthosa-  
ta. Aqua cinamomi in frequenti usu  
sit potissimum frigidis conditionibus  
præsentibus.

Vinum medicatum salvia, sassafras,  
guajaco, visco quercino.

Alimenta excrementitia vitanda.  
Nucleos pineos frequentè æsitatos co-  
mendat Matthiolus. Tum aromatica  
moventia urinas, atque sudores. Alius  
interim lubrica servanda, & animus à  
curis universis omninò solvendus. Sitis  
patientèr tolleranda.

Ad exercitia (progrediente affectu,  
& præsentè discussionis tempore) quan-  
tum fieri potest promoveantur. Vel  
loco exercitii, gestationes, concussio-  
nes, frictiones etiam asperæ fiant.

Conservæ capitales sub ingressum lé-  
cti assumantur, betonicæ, florum tu-  
nicæ peoniæ, &c. sed theriaca cæteris  
præferenda Rotulæ ex cinamomo, &  
speciebus diambra.

Intentiones præcipuè in hoc affectu  
erunt ut sanguis, & alii succi ad fer-  
mentationem celeriore cogantur, sic  
enim spiritus animales ad rarefactio-  
nem, & mobilitatem magis disponen-  
tur, magisque activi fient, unde ex-

pultrici validiùs inservire poterunt, ut  
excrementa acetosa, crassèfacta, nar-  
cotica subigere, ac penetrare possint,  
promptèque ad exitum dirigere; & sic  
se se ab eorum vinculis extricare vale-  
bunt.

Liquorum ergo torpor, & spirituum  
executiendus, serumque nutritium ner-  
vorum, vapidum, & effatum vias  
claudens, & vascula infarciens corri-  
gendum, ac educendum per omnes  
vias; sed potissimum ampla diaphoresi  
procurata, ac sudore per consueta de-  
cocta lignorum, pulvere viperino, ac  
viperatis procurato.

Sal cornu cervi volatile in mensa cum  
cibis usurpetur. Aliaque salia volati-  
lia ad grana quinque circitèr sum-  
mantur potissimum viperinum, & suc-  
cini.

Vitriolica, & potissimum à capite  
mortuo extracta salia reverberata, in  
laxo, & humido ventriculo magnarum  
sunt virium. Prout aqua betonicæ su-  
pra hunc salem sepiùs cohobata.

Diuretica, tartareas scorias circa  
viscera naturalia stabulantes educendo  
valdè profunt. Sal urinæ spiritus salis  
armoniaci, sal succini oculi cancri,  
sal anonidis.

In quibus sensus deficit, declinante  
morbo asperæ frictiones fiant, ut sic spi-  
ritus, & calor advocentur, & resolutæ  
parti calor adducatur & succus alimen-  
talis deferatur sinciput, & spina balsa-  
mo apoplectico, oleo succini admixto  
inungatur.

Succinatorum usus in conditionibus  
pituitosis comendatissimus est, & suffi-  
tus succini in parte paralytica.

Balsami Peruani vires comendabiles,  
tum in usu interno ad guttas quinque,  
tum in externa regione ventriculi fo-  
venda inservient.

Galli venter repleatur appropriatis,  
dein-



deinde affetur (Vulpecula verò multò magis commendatur) decidens namque pinguedo valdè efficax est in his affectibus.

Suffitus spiritus vini parti. Vel sudor accenso vini spiritu procuratus, hos affectus plurimum levat.

In paralyfi confirmata, super cætera hydrargiri inunctionem efficacissimam esse comperii; & vomitus tinctura Nicotianæ ac oximelite frequenter repetitos.

Vina medicata lignis. Tabellæ ex speciebus diambra, & aromaticis. Conservæ capitales juxta varias intentiones variæ concinari poterunt. Aliæ apoplexiæ, & capitis affectibus à nobis exaratis communia auxilia à judicioso selectore hauriri hoc loco poterunt.


Jus pullorum viperina carne nutritorum. Vel longè antecellit jus pulli cuius venter repletus fuerit viperarum carne, & simplicibus antiparalyticis.

Tum viperinus pulvis ad scrupulum, vel viperina caro in obsoniis cum pullorum carne concinata per mensem, & ultrà adhibeatur. Vel saltem sudoriferum decoctum, cum sale volatili viperino.

Sal volatile cornu cervi solvatur in quinta essentia Matthioli, aut vini spiritu rectificatissimo, addita succini tinctura, & ambræ.

Hirundinum pulli æsitati prodesse creduntur. Ex eorum cinere parata decocta ex lignis, cum betonica, &

cephalicis miram efficaciam  
acquirunt in solvendis  
coagulis, & in-  
crassatis liquo-  
ribus.



*Pro convulsione, ac spasmodica contractione auxilia.*

**D**Um pars aliqua moveri, ac sentire apta, à re quapiam molesta impensius infestatur, fibrillarum suarum sensitivarum innordinatam, ac vehementiorem vibrationem facit. Ad quam accurrunt cum majori impetu spiritus, majorque vel minor fit spasmodica tensio, pro majori vel minori impetu eorum elastico. Quo cessante, vel saltem minorato radioso eorum influxu, cessat, vel proportionalitèr imminuitur illarum fibri illarum motivarum tensio, & motius nixus languescit.

Dum itaque materia præternaturalis, ac exotica per ductus nerveos, una cum succo eorum nutritio ad musculos descendit, spiritibus irritatione molesta fit infensa, & eosdem elasticos, ac irregulares reddit. Et pro majori, vel minori quiescendi interposita mora, & cessatione ab hoc irritamento, paroxismi tempora longiora, vel breviora dimetiuntur.

Si hæc ab insito musculorum archæo provenire contendas, non repugnabimus. Nam causas occasionales, irritamenta in sentientibus fibrillis esse fateberis. Quæ dum crispantur, contrahuntur, atque muscoli abbreviantur, parsque intumescit cum dolore, ac duritie.

Has nervosas partes vellicantia, & crispaturas inferentia, sunt liquores quicumque corrodescentes, acres, salini, biliosi, vel acidi, pontici cum sanguine, & lympa, mediante circulatione sanguinis nervoso generi communicati. Sed præ cæteris frequentissimum est ferum nervorum nutritium, ad acescendum valdè paratum, & ad utramque



biliosam corruptionem dispositum.

Itaque dum absumuntur humores blandi dulces ( temperatum serum, & flos sanguinis cum lymphâ ) liquores acres nervis hostiles fiunt. Vel dum pessima infectione, ac mixtione imbuuntur, ut fit per improporcionata cathartica per venena acria, per morsus venenatorum, per iram vehementem & alia, crassim sanguinis pervertentia hi affectus fiunt.

*Auxilia convulsionibus, tum multis aliis capitis affectibus communia.*

**A**er lucidus, serenus ad calidum inclinans ( potissimum in affectibus frigidis capitis ) si non naturalis, arte saltem parandus erit. Vel se ad marinum aerem conferant. Navigatio verò vomitibus excitatis plurimum prodesse poterit. Natatio insuper, & lotio in aqua marina.

Vini potus in declinatione solummodò; atque corpore iam probè expiato concedi poterunt, quando nulla suspicio est, ne alii supersint crudi succi, qui attenuati ad nervos deducantur. Vini enim tenuitas, & caliditas illos magis ad fluendum disponit. Et hæc potissima causa est cur vini usus in nervorum affectibus, & artuum circa initia & augmentum magis lædere quam prodesse observetur. Sua etenim naturali acciditate tenui, succos fundere, deinde quiescentes, vel minus agitados in loco frigidiori eisdem coagulare valet.

Fluxione igitur sedata, vinum bonam operam præstare poterit, aptas ventriculi coctiones procurando. Ferventibus spiritibus materiam aptam suppeditando, à quibus excrementorum reliquiæ concoquantur, commoveantur, ac discutiantur. Si potissimum tenue fuerit, pauciferum, subdulce, caput minus tentabit. Crassa enim,

aromatica, acida caput lædunt & ventriculum gravant.

Aqua Regina Hungariæ, tam in usu interno, quam externo in nervorum affectibus commendatur.

Potus herbæ theæ solæ, vel cum simplicibus cephalicis commendabilis est. Potus verò vini spiritus cautè admittendus, ab eo enim sicut plurimum boni (ratione tenuitatis suæ, & teporis nervis amicabile) ita plurimum mali ob excellentem vim narcoticam, & soporiferam, qua non solum animales spiritus figere, sed mortificare solet.

In declinante affectu, moderata exercitia proderunt, ut spiritus, & calor in nervosis excitetur partibus, ad excrementorū, reliquias pellendas proportionatus. Ab omni tamen vehemente motu cavendum, & à delassandis nervosis partibus; Secus absumptis spiritibus, tum dulcioribus particulis, sub excrementorum pondere artus succumbere, & nervosæ partes concidere cogentur.

Animi pathemata vitanda, utpotè quæ irregularem, ac innordinatum spiritibus motum conciliant, & in sanis ipsi tremula membra esse cogunt, nervosum genus concutientia.

Membra sive paralytica, sive convulsoria affectione detenta, in ventrem bestię recentèr mactatæ reposita, certo auxilio sublevantur. Hoc enim sacrificio archei furor tum mitigatur; tum spirituum animalium copiæ, ad hostilia impedimenta removenda implorantur. Et hæc sunt auxilia plurimis capitis affectibus communia.

Magis verò peculiariora pro affectionibus convulsivis, opiata auxilia sunt, ad quæ frequentèr confugiendum erit, ut somno facto vires omnes refocillentur, & spiritus cum viribus augeantur, quibus constantibus in culinis omnibus



aptæ celebrentur coctiones, universa membra probè nutriantur, vigorentur, inde molestia excrementa attemperantur, modificentur, ac ad exitum disponantur.

Per experientiam etenim innotuit, quod sola opiatorum vis, in spasmodicis contractionibus spirituum impetum refrænare valet, & eos segniores reddendo somnum parere, dolores, & contractiones tollere. Acidum simul mirificè corrigere, quod in convulsivis motibus partes nervosas, fibras pungere, vellicare, ac dolore laceßere solet.

Crocus quocumque modo adhibeatur, sive in usu interno, sive externo, proficius admodum est. Prout & canphura. Sic & decoctum camomelli, vel ejus oleum, & potissimum lumbricatum.

Ranarum oleum equè ad contractiones factas, ac ad motus spasmodicos validum est.

Oleum succini, cum spiritu salis inunctum nervosarum partium dolores mirè sedat. At in conditionibus biliosis oleum ex seminibus papaveris expressum applicitum. Tum decoctum florum papaveris cum ejusdem syrupo præferri debet.

Spiritus salis cum oleo terebenthinæ nervosarum partium dolores efficaciter sedat. Si verò terebenthinæ oleum tertium, seu nigrum Falopii fuerit, aliis cephalicis admixtam efficacius erit.

Crustacea, & universa quæ acidum imbibere valent molestantem, a Neotericis ad sydera tolluntur, & potissimum perlæ levigatæ.

Si ab inanitione fiat, victus humidus servetur, & boni succi exhibeantur. Atque in tali casu alimentis potius, quam medicamentis pugnandum erit.

Balneum idcirco, & lactis potus proficius erit. Rari tamen ex his sunt, qui

sanari possint; Quoniam dum multi alimenti appositione opus est, partes imbeciles, & exuccæ (ad quas animales spiritus non confluunt) illud commutare nequeunt. Neque per conjuentes vias, & occultos præ siccitate meatus alimentales succi cum spiritibus deduci, distribui, atque opponi permittitur.

Exterius nervina applicita, oleum succini cum balsamo apoplectico. Pinguedo viperæ cum pulvere lumbricorum. Aqua reginæ Hungariæ cum copiosa canphura.

Immissiones membri convulsi, in ventrem discisi agni, hædi (canis, aut vulpeculæ potissimum) & consimilium plurimum valent.

Vinaliæ vero aceti, vel aceto calefactæ desperatos plurimos sanavere. Tunclore, tamen vinariæ tempore vindemiæ, vel ventracioli bouum mactatorum sunt.

Suffitus ex succino, velex caligine aut sale armoniaco. Vel isthæc omnia cum spiritu vini suffumiggata prosunt.

Axungia decidens ab aflatione anguillarum. Vel viperarum pinguedo cum vini spiritu, aut aqua reginæ Hungariæ efficax est. Per hæc enim paregorica, acrimonia salis lixiviosi, & spiritus acidi temperari, & causæ doloris, contractionis & convulsionis emendari possunt.

Caro etiam viperæ commesta, & viperata omnia adhibita plurimum valent. Magnæ antidoti, conservæ capitales peoniæ, betonicæ, baccæ juniperi in his affectibus commendabiles sunt.

Pro illis qui ob universalem convulsionem maxillis contractis os nullo modo aperire possunt. Aquapendens in fine suarum chirurgicarum operationum syphonem excogitavit per quod alimentum liquidum injici potest, inferendo fistulam profundè in gulam, ut epyglo-



glotidem non irriter . Infundi etiam poterit cibus in eos ea parte qua molares dentes terminantur , ibi enim maxillæ additum præbent . Vel dens anterior extrahatur .

Odore etiam panis recentèr è furno extracti , aperti , & vino aspersi . Tum carnis assæ præcalidæ , ac fumantis refocillandi sunt isti . In parte enim prima de aere , odores nutrire posse ostendimus .

Clysteres quoque nutrientes spernendi non sunt , ex rebus spirituosis , & vino potissimum concinati . Clysmatum enim efficaciam detexit china in vino infusa , & injecta , quæ febres ipsas tollere validissima est .

#### *Epylepsie causa , & Auxilia .*

**F**ieri solent epyleptici insultus ab iisdem causis , à quibus convulsivi motus promoventur , nempe ab irritantibus acidis , salinis , biliosis , quæ nervorum crispationes causant , & fibrillarum motivarum contractiones irregulares ac involuntarias efficiunt . Dum itaque spirituosa , ac elastica particula nervosis partibus hostiles ad nervorum principium elevantur , fit in cerebro lucta , & epyleptica invasio .

Silicet dum particula ætherogenea , ac explosiva nitro sulphurea , quæ pyrii pulveris ad instar accenduntur sanguini , ac spiritibus communicata turbas in animali principio concitant . Nam stimolata facultas , spiritus animales de se impetuosius dimittit . Hi autem veluti æqui æfrænes , stimulis agitati habenas suas spernunt , & irregulari motu vagantur .

Potissimum verò à fero nervorum nutritio alienis qualitatibus imbuta fit affectio , dum particulis nitro sulphureis , ac biliosis ( in conditionibus fer-

ventibus ) vel salino--acidis ( in melancholicis ) commixtum ad tenuissima cerebri vascula se se insinuat , & in nervorum porositatibus eisdem associatum pyrii pulveris ad instar explosivum fit . Vel lachrymæ vitreæ modo vim elasticam suam in nervos primo , deinde in membranas , postmodum in cerebrum ipsum profert . A quo deinde tumultuarius animalium spirituum motus procedit .

Semper verò violenta , ac impetuosæ præternaturalium particularum in sero , & in spiritibus animalibus explosio in his affectibus observatur . Aqua animales spiritus vehementius dilatati , ac inordinatè moti , cerebri pori ita aperiuntur , ut quaquaversum violentèr explodantur .

Quandoque fieri creditur à sola acrimonia spiritibus antipathycè communicata . Aqua impensius indignati irritantur , nervorumque poros violentèr dilatatos irregularitèr invadunt , & motrices fibrillas concutiunt . Sic venenæ quædam epylepticos insultus , vel convulsiones excitare posse accusantur penès exorcistas , & illos qui epylepsiam lunarem , vel demoniacam hoc modo fieri creditur in illis , qui optimo , & inculpabili temperamento gaudere secus observantur , & optimam vivendirationem servant .

Nos verisimilius putamus , à fermento peregrino , ac exotico in porositatibus alicujus partis latente ; Inde nata ferverescendi occasione tubulis liquorum illac transeuntium communicato , & per sanguinis circulationem ad cerebrum delato has calamitates quandoque oriri .





*Auxilia .*

**A** Er temperatus procuretur , ad calidum potius vergens , sin minus arte paretur . Cœli solique mutatio quantum proſit inſinuavit Hipp. in 2. aph. 45. Ubi præcipuam ſpem ſanationis in his fundare docuit . *Epylepticis pueris ſanitates contingunt maxime per mutationem ætatis , regionum , & vitium* . Hinc eſt , quod peregrinatio , locique mutatio quæcumque proficua eſt . Qui in montibus vixit , ad convallia aufugiat . Qui in vallibus degit , ad montana ſe conferat . Atque vivendi inſtituta antea cta omninò immutentur . Ita ut qui otioſus erat , negotioſus fiat . Qui irrequietus in negotiis , & anxius erat , quieti , & otio ſe tradat . Singulas vero alias res non naturales in melius immutare conducet .

Vitæque univerſalitèr potiùs tenuis attenuans , flatus diſcutiens ſerveſtur .

Flatulenta , & vaporofa omninò vitentur allium , legumina , radices æſculentæ &c. Inter olera , vitetur braſica , apium ſelinum , petroſelinum , lentes , tubera , fungi &c.

Cavendum præterea à ſalitis , caput tentantibus , pituitofis , melancolicis , carne ſuilla , ſylveſtrium animalium ſeniorum .

Hædi caro ſuſpecta eſt penès aliquos . Quoniam de capræ natura melancolica participat . Verum dum optimi ſucci eam eſſe alibi in ſexta parte docuerimus , rationem afferam cur peculiaritèr iſtis ſit inſenſa . Cum certum ſit apud expertos quod major pars epylepticorum , per inſidias inferi hoſtis humanæ naturæ affligatur ( Ideoque in ſancto Evangelio legamus , ab epylepticis inſultibus perſecutus à Salvatore Mundi , cunctos ener-

gumenos fuiſſe ) hædi verò reproborum figura ſunt , & eorum carnem 30. diebus in menſa appoſitam comedi poſſe non tollerat Tartareus draco ; ſed per inſultus detegitur . *Ut optimè obſervat Delrius como primo ſuarum diſquiſitionum magicarum* .

A conchiliis , & oſtrocodermis omnibus abſtineant . Tum à ſquama carentibus . A lactariis & à dulcibus , ſaccaratis . A leguminibus , & à valdè caleſcientibus , ſynapi , capis , allio , & flatulentis , craſſis , caput tentantibus . Ideò piſces pravæ notæ , olera , legumina , & ventrem adſtringentia , & univerſa quæ ventriculum conturbant , prauum , craſſum , & melancolicum ſuccum generant fugienda , ut canis à Nilo ſunt .

Sed potiffimum arcendi ſunt cibi qui peculiari natura ad epylepſiam pronos reddunt , ut caro caprarum , hircorum , anferum , anguillarum , fungorum , & lentium .

Sic apium ſelinum certo meo experimenta epylepticas acceſſiones accelerrat , & auget . Aromata , & ad fermentationes diſponentia nocet . Flatus tamen reſſolventia plenitudine craſſorum ſuccorum abſente proſunt Ciminum , fœniculus , cortices aurantiorum conditæ , & conſimilia à cibo ſumpta .

Quæ venerem ſtimulant , flatuoſa arceantur . Panis cum fœniculo ſubaſtus , ſit in quotidiano uſu .

Vinum non exhibeatur omninò in juvenibus , & pueris . Solum in ſenioribus admittatur , quando certò conſtet de ventriculi imbecillitate ; Atque neceſſarium eſſe ad ventriculi coctionem juvandam . Tunc exhibeatur illud , quod minus caput tentat ſcilicet album , tenue oligophorum , non acidum . Sed buxo , peonia radice , ligno ſaſſafras , roſmarini , viſci-



visci quercini , & aliis , &c. medicatum .

Vel ex vuīs passulis , Corinthiacis , aut Creticis suavissimus paretur ( ut in prima appendice docuimus ) eoque æger utatur saltem per annum .

Vinum verò ex amarenis , pro hoc affectu nunquam satis commendatum est , peculiarem enim adversus hunc , & affectus melancolicos , & biliosos energiam habere comperies . Multique hoc solo auxilio tum curati , tum præservati fuere .

Cœna frugalis sit , atque stomachum confortantibus claudatur , cydoniato , conserva rosarum æstate , vel corticibus aurantii conditis hyeme .

Vigilent à cœna saltem per horam . Atque supinum in lecto decubitum vitent .

A somno prolixiori caveant ; ab intempestivo , & meridiano .

Ante cibum quotidie exerceantur moderatè , & potissimum in partibus inferioribus , deambulatione , cursu , lucta , & aliis .

Caricas sæpius comestas , & mulsam & visco quercino his summoperè commendavit Matthiolus . Quæ enim phlegmatis incrassationem prohibent , & melancolicas coagulationes arcent , admodum proficua sunt in hoc affectu . Tum cruditatum quilibet proventus cautè vitandus in hoc , tum in omni cronico affectu .

A profundis cogitationibus , ac ab omni vehementi animi motu , ac perturbatione abstineant , hæc enim paroxismos accelerare certum est . Ideò animo sint alacri , & hilari , in spem erecto . Alvus lubrica sedulò servetur .

De veneris usu plurimi sunt qui penitus arcendum esse judicent , cum Stoicorum sententia , qui brevem quandam Epylepsiam actum Veneris esse re-

putabant . Attamen si tempestiva sit , epyleticis plurimum prodesse posse fatebimur , in juvenibus , ( ubi validæ sint vires ) & assuetis . Nam *Hipp. monuit lib.6. Epid. sec.5. Quod Venus morbis à pituita remedio est* . Scio tamen quod in commento hujus loci Galenus docet , podagram , articulorum dolores , renum vitia , epylepsiam , & melancoliam , per coitum exacerbari . Verum hoc dictum genericum in articulo partis 5. de Venere ad magis particularia contraximus , ac ostendimus tempestivam Venerem , si quod aliud auxilium melancolicis , & pituitosis affectibus prodest , ob peculiare superadditas conditiones . Quis enim non videt prodesse posse saltè epylepsia à femine retento ortæ ? Quæ non rarò contingit ; ut experientia monstrat , & *Galenus 6. de loc. af. capite quinto* fatetur .

Quamobrem in plenissimis juvenibus pituitosa excrementa coacervare solitis , magnis tamen cautelis concedatur .

Lavigatarum margaritarum longus usus multos juvit tum ostreaceorum acida imbibentium frequens assumptio cum opiatīs , vel papaveraceis .

Leporis jecur biliosis , tum pituitosis causis præsentibus quolibet modo proderit .

Tabaci fumus epylepsia insultus illicò arceat . Spiritus vero salis armoniaci in phiala sub nares appositus , vel fuliginis aut cornu cervi , idem agere apti nati sunt .

Peonia sub propria constellatione collecta , scilicet declinante luna in signo arietis , sole existente in Libra , ( Quod contingere solet post 20. diem Septembris factò plenilunio ) Expectata scilicet solis oppositione , die sequenti Luna erit in Ariete , lumine minuta .



Opiata cum appropriatis cephalicis admixta vespertinis horis adhibita, eundo cubitum valdè commendabilia sunt. Tum laudana epyleptica Libavii & aliorum, camphura plurima admixta, & vitriolo narcotico parata, magna præservativa sunt.

Qui autem longo tempore procul ab accessionibus epylepticis vixit. Ut cognoscas an verè sanus factus sit, accipias Dracmam cornu capræ, & tantundem assæ fætidae, atque super accensos carbones impone. Nam suffumigatus æger illicò cadet. Si verò rectè curatus sit non cadet.

Gagates paritèr suffitus epylepsiam detegit, sic & cornu cervinum. Hæc tamen suffita epylepsia correptos in momento excitant.

Gagates pluries extincta in aqua florum tilia & liliorum convallium efficax est. Tum oleum ejus quocumque modo adhibitum, & potissimum in pueris lactentibus, pro quibus nutricis providentia summoperè habenda est.

Valent peculiari ratione corallia, hypericon viscum quercinum, peonia, rosa rubra, lilia, aurum potabile, vinum, vel liquores extinctionis auri, & tinctura antimonii longo tempore adhibita.

Canonica medicina, quæ mihi per doctrinam angelorum communicata fuit, primò est viscus quercinus: ait *Paracelsus cap. de caduco.*

Aquam peoniae super salem à capite mortuo aquæ fortis extractum pluries cohobatam, super cæteras aquas, triginta diebus ad uncias tres propinatam efficacissimam esse reperies.

Sic pullorum hirundinum decoctio ad uncias sex singulo manè cum cinere earundem adhibita. Ros vitrioli summis laudibus pro hoc affectu cele-

bratur, vel vitreoli spiritus longus usus.

Quandoque orta epylepsia à nimio, vel intempestivo lacticiniorum esu, quæ in ventriculo acescentia, atque corrupta fuere. Vel à copiosis saccharatis aliisque dulcibus in viscidam pastam abeuntibus, ac acescentibus, sale vitrioli ad scrupulum semis exhibito, facto vomitu, eradicari observatur, seu Gilla Teofraasti.

Si de nimia cerebri laxitate, & humiditate constet, & apertos ejus poros fluxionibus admittendis paratos esse cognoscas, ad calidorum adstringentium, accerebrum confortantium usum confidentèr accedere poteris, & ad succinata viperata, atque ad magna antidota.

Post primum lunæ quadrantem per plures menses vomitu sale vitrioli procurato, epylepsia tollitur, vel supra quam credi potest levatur.

Ranarum hepata in obsonijs pro biliosis. Coagulum leporis (& carnes leporinæ comestæ) pro humidioribus temperamentis, majorana, ruta, mirrha, infusa in elixire proprietatis Paracelsi, & in singulis lunæ quadrantibus adhibita profunt. Nam circa hæc tempora sanguinis massa peculiare à Luna effervescentis suscipit, & humidissimum cerebrum alteratur, ac fermentatur.

Margaritæ, corallia, rasura eboris, cornu cervini, ungula alcis, viscum quercinum maritentur opiatis, ut effari, & innordinati spiritus animales infrænentur, demulcianturnque irritantia. Certam etenim opem afferunt, illis potissimum in quibus aliqui, dolores, & commotiones ventris, aut alterius loci accessionem præcedunt.

Pulvis talpæ exiccate humidiores plures sanavit. Oleum hyperici compo-



tum, cordi, & pulsibus illitum semper profluit. Sicut balneum ex cineribus filicis, & quisquilliarum fecni sub præsepe bestiarum repertarum, in lunæ quadrantibus vel sanat, vel plurimum levat, ut ipse expertus.

Cruditates stomachi coacervare soliti bis vel ter in hebdomada duo coclearia aceti squillitici assumant, neque circa primas vias lentam mucaginem longo tempore hære permittant.

Lac ovillum diu adhibitum, medicamentum Paracelsi est in epylepsia, & visci quercini Pulvis in mensa pro sale.

Picarum aqua, vel decoctio in aqua peoniæ cum smeragdis levigatis pro singula vice ad scrupulum semis, diu assumatur.

Semen peoniæ confectum (saccaro scilicet coopertum) à cibo sumptum singulo die, prophylacticum eximium est.

#### *Catarrhi causa, & auxilia.*

**H**umor intra cerebri meandros, & glandularum tenuissima vascula, tum intra cerebri cortices collectus aquei formis, sed plurimis naturis coagmentatus per ventriculos in infundibulum, & glandulam pituitariam, inde ad venas jugulares descendit, ex his in arterias, per has verò, in universas glandulas separationi hujus liquoris destinatas pervenit, à quibus tandem ad loca naturalia excretionum ablegatur.

A vasis itaque capitis recedens, per sanguinis circuitum ad glandulas deducitur, & à sanguine, ejus excrementitia pars secernitur.

Præcipue hujus liquoris separationi dicatae glandulae salivales sunt. Illeque humor, qui intra cranium colligitur,

per fauces, vel nares evacuatur, non quia sincerus defluat à capite, sed quia sanguini permixtus, à glandulis separatur, & hæc naturalis & consueta via est.

Præternaturalis est evasatio lymphæ, tum vitiosi feri spermaticarum albarum partium nutritii quæ in qualibet corporis parte contingere potest. Et in capite ipso frequenter observatur in cerebri cortice potissimum celebrari. Vbi per sex res non naturales mora contracta acescere observatur, incrassari atque coagulari magis, vel minus.

Proprie tamen loquendo hoc evasatum serum (quod vulgò nomine catarrhi venit) non semper de capite profluit, sed per omnes partes diffusum, ex unaquaque parte erumpere potest.

Non etenim solum cerebrum hoc liquore seroso inundatur, sed universæ partes quæ glandulis, & vasis lymphaticis scatent, quibus disruptis, vel rarefactis, distentis, vel alio modo præternaturaliter affectis, cerebrum, vel alia partes inundantur, & pori obstruuntur.

Nutricium serum, tum lymphæ de se liquores temperati sunt, ad acidum tamen tentantes; dataque causa occasionali acres, falsi præternaturaliter fiunt, & ab admixtis particulis, calidi, frigidi, falsi, acidi, vel aliter affecti dicuntur.

Quodlibet verò membrum malè affectum, dum optimè nutrirî nequit, alimentum suum corruptum evomens in proxima spacia, excrementa sibi adversa (mali sui faber) fabrefacit, quæ deinde catarrhi nomine veniunt.

Sed frequentior catarrhus, à sero absedente à sanguine, qualitate acri, vel quantitate exundante fit. Tunc etenim vasorum lymphaticorum oscula, & glandularum poros pandere præter-



ternaturaliter valet, ac extravasari.

Hinc est quod per moram, & loci calorem tale serum erascessit. At mera lymphâ nullo modo per Calorem erascessit, sicuti, nec mera aqua.

A frigore repentino potissimum partium peruli constipantur, atque transpiratione cessante feri allabentis copia augetur, frustrataque coctione extravasatur, acescit, & concrescit, & pituitosam gelatinam constituit.

Ad hunc pariter affectum augendum lymphæ vitiatæ concursus plurimum conducit, quæ pro naturali statu culinâ eluere non potest. Hæc potissimum in ore, ventriculo, & primis viis manifestatur; ad quæ loca perenni cursu festinat, & exhausta, per potulentâ aquea restauratur. Per refrigerationem, moram, acidam fermentationem concrescit in pituitam etiam viscidam, & æmulatur naturam vini aquosi, sensim à dolio extillantem qui in crassissimam gelatinam concrescit circa dolium, vel in patina.

At veri rheumatis fons caput est (Metropolis pituitæ à Galeno dictum) semper sero madidum, raro tamen catarrhis infestatur; sed solum quando à causis extrinsecis de suo tono deicitur, vel rebus exoticis admiscetur, & præternaturalibus, fitque acidius, & acrius, inde cerebri glandulis improporionatus, & irritans, sequestratur ab iisdem, & ad inferiora loca demittitur cum lymphâ comixtum.

*Podagra, & aliorum articularium affectuum causa, & auxilia.*

**C**ertum est hos affectus à synovia præternaturaliter se habente fieri. Cujus causa videmus quod hujusmodi tumores sunt suppurationis necesse, prout synovia (nutritii feri nex-

vorum loboles) suppurari nequit per se; verum alteratur ab externis non naturalibus, vel ab allabentibus comixtis, unde ad fermentationes comovetur, & ad acetosum saporem exaltatur (juxta Paracelsum, qui lactis exemplo hoc manifestat) Quod per horum affectuum curam manifestatur. Nam potissimum per salia volatilia balsamica perficitur, non verò per nimis spirituosa.

Remotiores itaque causæ liquores varii salini sunt in feri nutritii latice occultati, orti potissimum ob labefactam, tam in partibus, quam in aliis corporis culinâ coctionem (præcipue in ventriculo) quæ ut plurimum vitatur, à minori spirituum animalium influxu, fermentis vitiatis ob nimiam venerem, sed potissimum dum contagio venero inquinantur.

Cumque circulariter in facultatibus procedatur, primarium vitium à depravata in ventriculo digestionem venire rationabile est, aliis etiam visceribus naturalibus, & glandulis digestionem dicatis, atque separationi consentientibus ob naturalis facultatis desidiâ, quæ ab hostili acido se vinci permittit; inde victor hostis in massam sanguineam ingruens, ejus consistentiam labefactat, & irritans, animalibus spiritibus fit hostilis, dolorum causa.

Chylus itaque malè digestus, viscosior magis, vel minus, multis liviosis, acribus salibus, acidis re-fertus, in caput hujus choreæ numeratur.

Et quoniam primæ digestionis errores in aliis non corriguntur, hinc est quod neque in cerebro aptum nervosis partibus nutriendis alimentum celebrari possit, sed impurum nutritionis albarum partium spermaticarum excrementum factam synoviam contami-



nat. Estque causa fermentationis prava in eadem.

Quæ per adductam aciditatem grumescit quandoque caseiformis, & opaca fit, adeo ut in calcem transeat, & cretam podagricam constituat; si autem à sanguine corrupto esset, aut ab alio liquore, certè suppurationis subjiceretur.

Dum itaque liquor nervus à sua dulcedine, ac volatilitate, adfixiorem aciditatem declinat, cum lixiviali articulorum alcali congregiens efferuescit, & artriticum paroxysmum promovet. Nervosarum vero partium debilitas contracta, multum huic affectui contribuit.

Improportionata itaque recrementa, seu salia indolis diversæ, dum inter se validè efferuescunt mutua particularum lucta, & agitatione membrana insignitè vellicata in distensiones valdè dolorificas aguntur. Neque dolores remittunt, nisi particula congesta evaporent. Vel mutua lucta subacta simulque spiritibus defessis, ab efferuescentia, & orgasmo aquiescant.

#### *Auxilia adversus catarrhos.*

**A**rtificia præcipua, & canones debellandis catarrhis proportionati, circa regulas dieteticas versari debent in primis.

Cavendo ab aere nocturno, frigido, nebuloso, ventoso. A crepusculis matutinis, vel vespertinis, potissimum intemperatis. Ab aere septentrionali (veluti ab exprimente) tum ab australi (veluti liquante) cautè se custodire debent, monitu Hippocratis in 3. aph. 5. & 12. 14. Tum à repentinis frigoris, & caloris mutationibus.

Conclave suffumiggiis caput robo-

rantibus, hyemè aromaticis, æstare frigidis alteretur. At vesperi cundo cubitum suffitus fiat ex succino solo, vel etiam addito benzoino, styrace, thure, myrrha, potentè enim cerebralium glandularum laxitas per hæc auxilia emendabitur, sed potissimum succino, (quod centiès experto crede).

Neque soli, neque igni diutiùs caput exponatur. Lunæ autem radii peste, & angue peiores præcaveantur. Omnis quinimò aeris intemperies sedulò vitetur. Fræquentior namque catarrhorum causa, externum frigus repentinum solet esse, quod transpirationem (glandulis cutis milliaribus constipatis) impediendo, atque in spermaticis, albis, frigidis partibus serum nutritium coagulando, vel saltem retardando, est in causa concretionis (ut superius de vino aquoso circa dolium exemplum attulimus) Afrigido itaque externo, nervosis partibus hostilli, caput optimè præmuniatur.

Ab omni animi intensa applicatione se contineant, imò à mærore, & ab ira. Lætitiæque procurant omni studio, & animi elacritatem.

Moderatè exerceantur, manè potissimum ante cibum. Otium enim, & pigritia, sero (naturæ frigida) motum testudineum, acorem, & incrustationem inducit. Et quod peius est diaphoresim lentam inducit, unde in immensum catarrhos auget, & fovet.

Post cibum statim meditationibus, aut aliis exercitiis vacare non debent. Sed solum post optimè refocillata membra (ultra secundam circiter horam) mediocriter his incumbere poterunt. Vacuo autem ventre, his tutum erit exercitium ad sudorem usque.



## Particula. II.

53

In frigido catarrho, in plenifuccis juvenibus moderatam Venerem esse optimam medicinam in parte 5. insinuavi cum Hippocrate.

Valdè odorata, equè ac valdè vaporosa Hippocrati suspecta sunt, nam caput replent, & effervescentias in eodem concitant.

Matutina exercitia musculosas, & nervosas partes, sero ac lymphâ inundatas exiccare possunt, expultricem irritare, ac excitare, ut ad frigida torpida excrementa pellenda alacris insurgat.

Somnus si diurnus concedatur, ob assuetudinem, sit brevis, & capite elato. Supino verò ventre, vel prono nunquam dormiant. Neque super latus à catarrhi fluxione tentatum.

Pedum ablutiones, seu pediluvia sub ingressum lecti, vel ante cœnam parcam facta plurimum profunt.

Alvus nisi lubrica sit, sollicitetur passulis in prima mensa sumptis, vel passularum jure malva borragine, mercuriali alterato; vel laxantibus alimentosis prunis damascenis sapa cassia extracta confecta cum unciis duabus saccari cocti ad consistentiam manus Christi, & consimilibus blandis.

A valdè tamen saccharatis, atque fermentescentibus, calidis acrescentibus. A lactariis ipsis, tum valdè melitis, ac pinguibus arceantur.

Cibi concoctu difficiles, ad caput evaporantes, acres ut allium cepæ excrementitii vitentur. Et quoniam mel tenues fluxiones concitare observatur acrioresque reddere, ideò sapa in condimentis melle tutior est.

Sicut omnis ciborum repletio, atque futuritas omninò vitanda est. Sic longæ inediæ, atque nimix stomachi inanitiones arcendæ.

Prandium diacitonitone, pasta Ja-

nuenfi, vel anisi confectis; aut haustulo vini nigri generosi claudere, cœnam vero conserva rosarum aut florum papaveris expedit, vel granis tribus masticeis integris devoratis.

Amygdalæ amaræ, & amariusculæ conservæ, absynthii, anthos, betonica commendantur.

Sicuti acida pontica styptica, catarrhos incrassantia, & lympham mucilaginosam reddentia vituperanda sunt.

Universalitèr denique victus attenuans potius, quam tenuis servandus. Atque semet, vel bis in hebdomada incænati, vel sola sorbitione modica contenti ad somnum se componant. Interque accomodatissima fercula ptisana, potissimum emaciati utantur.

Sitis quantum fieri potest tolleranda est, hæc enim serositates absomit. Atque proverbio auscultare bonum erit. Esuriant, sitiant, vigilent, qui rheumata curant.

Post maturationem catarrhi, vinum tenue, dulce exhibeatur, quod lotium moveat, diaphoram, & discussionem promoveat. At in principio loco vini aquam sandalinam, vel rosarum tincturam, aut florum papaveris cum guttulis spiritus vitreoli factam assumere expedit.

Vel pro junioribus vino amarenarum uti. Aut pro senioribus, & hyeme mulsa. A generosi verò nimis, tum à copiosis (licet tenuibus) abstinentum erit, Vel si vino utendum sit, decocto visci quercini, vel chinæ attemperetur. Latex enim qui pro suo naturæ instituto insipidus esse debet, multo, vel meraciori vini potu acrescit. ( Vinum etenim plurimum acidi in se naturalitèr continet ) & ad coagulationes equè ac ad fluores disponitur.



In cronico tamen affectu, in graciam ventriculi languidi, ad procurandas felices coctiones, & virium restorationem vinum offerri poterit, quod tamen album sit, tenue, maturum, decocto visci quercini dilutum. A computationibus verò inter prandium, & coenam omnino abstineant. Et harum loco cafeeana potius potione, vel theana sitim solentur.

Nam à potu aquæ, & potulentorum aqueorum, & uno verbo ab his omnibus, quæ serum copiosorem, vel vitiosum reddunt, aut lympham augent, cavendum erit.

Pulvere cephalico, parato ex majorana, rosmarino, betonica, menta, corticibus citri, cariophyllis, mastiche, macis, olibano, succino, ambra, mosco, nuce moscata, absinthio, ligno aloes, cinamomo, & gossipio excepto, inter duas sindones confuto cacupha capiti imponenda parentur.

Tum scuta pro ventriculo fovendo, addita balsami Pervani inunctione.

Suffitus succini ad glandularum cerebri vitia, & feri nervorum nutritii emendanda efficacissimus est, si vespri eundo cubitum administretur, præmissa pariter inunctione naribus, temporibus, & occipiti.

Vel succini pulvis sacculo inclusus in vino albo, & modico aceto incoquatur in Olla, ejusque fumus naribus excipiatur. Vel facto sacculo, tepidè derafo capiti applicetur. Oleum pariter succini in rotulis, tum succinata quolibet modo adhibita proderunt.

Sic opiata (potissimum in principio) quolibet modo administrata catarrhorum progressum inhibent. Dummodo vires consent, neque pectus crassis, plurimisque excrementis refertum sit.

Tunc enim difficiliorè respirationem efficere posset.

Laudanum itaque opiatum, præ cæteris in fluxione catarrhi tenuis, acris, in principio, absque ulla hesitatione exhibeatur. Opiata namque cohibent recessum liquoris alimentitii in degenerem (potissimum theriaca recens) catarrhosque factos fermenti digestivi stomachi vitio perfanant. Non tamen illos qui à marcore infiti roboris partium, vel cerebri, vel caloris inati exolutione afficiuntur. Impossibile est etenim stomachi; cerebri, vel partium nutriendarum vitam, & facultatem jam ad occasum vergentem opiatibus restaurare.

Tunc ergo de viperarum, & viperarum usu potius cogitandum erit. De theriaca, de pullis carne viperina nutritis. De morsellis deque aliis, &c. Tum de decoctis restaurantibus, & excrementa per insensibilem transpirationem absumentibus.

Diuretica etiam temperata, vel frigida, & quæ serosas materias ad urinas ducunt, & evacuant, femina quatuor frigida, oculi cancri, radices diureticæ. Sed spiritus vitreoli pro absumendis omnibus catarrhis crassis nobile auxilium est, eximie etenim eos liquat, & ad exitum deducit.

Aceti fumus super ignitas ferri laminas procuratus, patulo ore, ac naribus exceptus ante lectuli ingressum cerebrum laxum efficaciter firmat si potissimum floribus cephalicis admixtum sit acetum.

Lymphæ interim manè jejuno ventre masticatoriis quantum fieri potest exhauriatur, sed potissimum solo mastice, vel solo pyrethro.

Ad sanguinis etiam serositates exundantes, catarrhorum causas, per cutaneos poros evacuandas, non inutile



auxilium erit cornu cervinum, stibium diaphoreticum, pulvis viperarum, aliaque plurima sudorem cientia, &c. & potissimum chinæ, salsa, quæ acrimonias, pravasque feri nervorum nutritii conditiones corrigunt, & emendatum serum educunt.

Verum si sit defluxus humoris tenuis, & falsi, felicius emendabitur papaveraceis, seminum frigidorum emulsionibus, ac opiatis. Tum corallorum pulveribus ac ostraceorum, acida imbibentibus. Tragacanto, mastice, olibano. Opiata etenim sanguinis dissolutionem in hos tenues liquores, seu salina liquamina felici successu arcent. Et eidem mediocrem consistentiam, sedata præternaturali fermentatione, ac somno procurato conciliant.

Decocta pectoralia, & incidentia, modo constet de incrassatione liquorum ab acido facta, proficua erunt.

Lac asini longo tempore usurpatum, quoniam serosum, naturæ amicabile est; ideò vicia feri nutritii nervosi certa experientia emendare potest. Atque nutritioni labenti maximum auxilium apto tempore administratum esse consuevit. Antequam arefactis membris, & veluti corio præ igne contractis, alimentorum via intercludatur, quæ morti panditur.

Salmærtis, ob vitriolicam naturam mucilagines in stomacho, & primis viis inventas liquat, (ad grana quinque circiter exhibitum) & stomachi vires conduplicat, ejus fermentum exaltando. Quod etiam moderato usui spiritus vitæoli familiare est.

Validum auxilium est longo catarrho vexatis fermentum panis cum succini, & masticeis pulvere subactum, noctu derafo capiti impositum, & stomacho.

Vel prægressa inunctione ex oleo succini, super futuras, pulveres ex thure, mastiche succino conspergantur. His temporibus potissimum, in quibus demortua capillitia, consimilem medendi occasionem magis quam antea-ctis temporibus comatis facilem præbere observantur.

Ipse vero consimilis Occasionis crimen arripiens, sævissimas, & præcipientes quasque catarrhorum destillationes factis inunctionibus cum oleo balsamico caustico meo acidissimo, copioso butyro admixto in sincipite, vertice & spina inuncto intra duos, vel tres dies frænatas vidi, si idiopaticè à cerebro proventum suum habuerint.

*Auxilia adversus podagram,  
& alios &c.*

**D**ieta in hoc affectu adeò magnificienda est, tam in præservatione, quam in curatione, ut eadem contempta, reliqua auxilia (licet idonea) inutilitèr administrantur.

Eligatur itaque aer purus, serenus, nulla intemperie, nullis vaporibus pravis, aut nebulis contaminatus. Quod si natura talis haberi nequeat, arte paratur.

Animi passiones omnes præcaveantur, & studia, quæ caput defatigant, cerebrum laxant, spiritusque (qui coctionibus, & fermentis omnibus præesse debent) absumunt, magno feri nutritii nervorum, & spermaticarum partium detrimento.

Moderatè jejuno ventre exerceantur, sed equitatione omissa (quæ ad renes dispositas ad litiasim materias crassas ducere posset) saltem rheda, vel lectica vehantur.

Ab intempestiva venere caveant, quæ spiritus animales absumendo, succum



nervorum nutritium exhauriendo, partes spermaticas summè debilitat. Hinc est quod ante veneris usum monstruosum esset si quis podagra corripere, ut observavit ante nos *Hippocr. 6. aph. 28. & 30.*

Evacuationes consuetæ servantur, & potissimum hemorrhoidales in viris, secus cum sanguine liquores omnes inficiuntur. Ideoque notat *Hipp. 6. aph. 29. quod mulier podagra non laborat, nisi menstrua defecerint.*

Parca mensa contenti vivant. Atque consilio *Fernelii quandoque famelici ab epulis recedant.* Fames etenim istis magna medicina est, equè ac abstinencia à vino, & potulentis.

Saccarata his obsunt, non tantum ob acidum occultum, quod in sinu suo gerunt; sed quia viscosas in se particulas continent, quæ ad concrendum paratæ obstructions pariunt, vel fovent.

Cibis itaque modicis utantur, & parum nutrientibus, tenuium partium, & leviter refrigerantibus; Ideò loco carniū his conducibiliores essent pisces optimæ notæ.

Vel si hoc à virium imbecillitate non permittatur, volucrum montanarum carnibus utantur. Caponum verò usus à populo (voce Dei) perperam non reprobatur, quoniam crassos succos generantes, podagræ & ipsi subiiciuntur.

Victus ergo ratio pertinax, non permittat crassa, pituitosa excrementa coacervari. Imò collecta quamprimum eliminanda potissimum vomitu quocumque modo procurato.

Ut verò proba fiat concoctio in ventriculo, & alimentorum debita distributio, omnia tentanda. Ideoque ciborum electioni, & sobrietati incumbendum erit.

Pulli qui adhibendi sunt, viperina carne nutriantur, & iure viperarum pultes, jisdem alendis parentur.

Otto Tachenius ante podagrica universa alcalica debere esse contendit. Longa etenim observatione ductus, ab acidis succis fieri edoctus est. Hac de causa lac primum locum habere inter podagrica auxilia monet. Quoniam alcalicum, universa acida in se suscipit, & occultat. Si tamen aciditas non vitalis; sed corruptiva in ventriculo dominetur, à lacte abstinendum erit. Gracilibus tamen, podagricis ut plurimum lac convenire certum est.

Quæcumque autem sædum urinæ odorem imprimunt, pro his affectibus peste pejora fugantur ut crustacea universa, fructus horarii, asparagus, allium, capæ, atque radices ferme universæ domesticæ commestibiles, fungi, & consimilia.

Quæ putrefactivam aciditatem promovere, & flatus acidos concitare solent removeantur. Certum namque & expertum est quod quæ ventriculus optimè conficit, eadem neque flatum, neque tormina faciunt, neque succis corruptibilibus ansam præbent.

Fugiant ut canes à Nilo, à vinis albis, crassis aromaticis, tum Carasente potissimum accessione) à diureticis omnibus, ac tenuibus, quæ ducere possint alimenta adhuc cruda ad venas, vel eadem colliquata ad articulos, & renes præcipitare.

Vel si vinum in gratiam languidi stomachi adhibendum sit, lignorum ac cephalicorum infusione medicatum sit.

Sed conducibilius esset hyeme, & in conditionibus frigidis aqua mulsa. In aliis vero temporibus aqua hordei, vel Noceriana, vel destillata cum guttulis spiritus vitreoli, & corticibus duorum limo-



limonum optimè agitata sufficere poterit.

Non est novum, neque Anglicum podagricorum auxilium lac. Sed ab *Hipp. de affect. 3. proponitur. Et Galenus eodem utitur ad rothorum in articulis dissolutionem cum Actio*. Sua etenim pinguedine, & humectatione substantifica, pravos liquores corrigere, nervosas substantias emollire, ac benè nutriendo sanare valent.

Lac itaque loco potus ordinarii, plurimum valere potest (potissimum in temperamentis minus humidis) eoque magis si per annum dieta lactea utantur. Videlicet omissis carnibus, & vino, solis lacticiniis, & lactis potu contenti vivant. Ideòque Paulus Egineta 3. de re Medica 78. testatur, quod si per totam vitam oxigala, vel aqua etiam naturali à vino isti abstinentes utantur, sani fiunt.

Hinc bona fide testari possum quod veros Turcas, & abstemios rarò admodum à Podagra correptos observaverim. Sed potius oculorum affectibus hos pronos esse observavi, quibus meracum vinum esse medelam docuit. *Hipp. in 7. aph. 46.*

Illustrissimus Excellentissimus D. Franciscus Donatus felicitis memoriæ quoties hyeme, & veris initio in usu graspiæ perseverare potuisset (dicitur etiam vinum raspatum, tenuissimum, urinam super cætera fortè diuretica copiosam, & velocitèr movens) toto eo tempore à sævissima, etiam cretosa podagra immunis vivebat, memorabilis patronus venatorum. At si ab instituto declinasset, vel graspiæ carens ad vinorum potum transisset, illicò podagrici dolores se manifestabant, & renum calculi.

Qua occasione vires vini raspati diureticas admiratus sum, & esse ingens

nephriticarum affectionum auxilium extraaccessionem cognovi, etiam in aliis.

Pro his qui hujusmodi vina habere nequeunt consulit Hollerius mellicratum. Quod potulentum est, constans ex aquæ partibus 40. & una tantum mellis. Nos plurima, in parte secunda potulenta ingeniosis eligenda proposuimus loco vini nocentis.

Inter causas enim, podricarum affectionum præcipua numeratur vinum crassum, atque meracius. Sic & Avicenam videmus in affectibus articulorum vinum reformidare. Nam promptè materias fluere ac penetrare facit, & plurimum ipsius, in his corporibus accessit. Acetum verò quantum nervis hostile sit, nemo ignorat. Velocitèr enim eos penetrat acuitate sua, alcalinos dulces eorum succos fermentat, nutritionemque in ipsis inhibet, sed in crassatos & excrementitios reddit.

Ideò vina acida, tum fœci proxima, imò liquores omnes impensius acidi fermentativi vitentur in usu intrinseco.

Nam pro usu extrinseco ad liberandos, & solvendos nervos ab excrementorum compedibus efficacissimæ sunt, & plures quam credi potest auxiliatrices vinacæ acedentes, vindemiæ tempore. Vel etiam aliis anni temporibus ab eis qui acetum conficiunt sumptæ, ac modici aceti superfusione curando ut incalescant.

In conditionibus frigidis, nil præstantius theriaca mediæ ætatis bis in hebdomada ad dracmam semis. Tum aqua reginæ Hungariæ applicita, tum epota, cum copiosa camphura. Quibus robur ventriculi procurandum, & excrementorum crassorum discussio tentanda.

Ideo cerata ex gummi tacamacha  
H cum



cum balsamo Peruano, oleo mastice destillato, nucis moscatae aliaque auxilia, quæ pro ventriculi imbecillitate alibi exarata sunt, adhibeantur.

Lignorum decocta universaliter cum magno emolumento exhibentur. Non solum quia coagulatorum acidorum auxilia sunt certa. Sed etiam quia latentis, & incertæ luis vestigia harum coagulationum, & aciescentiæ causæ ab humanis corporibus ablegare valent. Lues verò Venerea frequentissime sub horum dolorum larva egros incurios, & medicos inexpertos illudere solet. Ideò & mercurialia quocumque modo adhibita hos affectus certò experimento tollunt, vel levant.

Pinguia universa (potissimum in principio) supra partem inflammata adhibita, plus nocent, quam prosint, ut certo Hippocrati experimento docemur.

Sed statim incipiente dolore aqua adhibeatur in qua dissolvatur sal cum aceto; atque locus frigide foveatur, ut monet *Gal. 12. meth. sic: Incipiente phlegmone circa artus, tuto medicamentum actu frigidum administrari potest. Quod desumpsit ab Hipp. 5. aph. 25. Torpor enim medicus doloris solvendi vim habet.*

Sapo forma emplastri solus, vel cum minio, cerusa, oleo amygdalarum, camphura, & croco in progressu dolorum, eisdem mirè demulcet.

Quo tempore etiam balneum in aqua calcis vivæ, vel ejus decoctam in aqua florum sambuci vel decoctam radicum sambuci linteis applicitum magni auxilii est.

Si quis absque magnis plethoriæ, vel cacochymix vitiis, robustus, circa initia paroxysmi podagrici vesperi eundo cubitum laudani opiatum grana-

tria circiter sumpserit, & frigidam actu poscam supra articulum dolentem sepius repetat per horam semis, & ultra. Manè ab omni dolore, ac tumore se liberatum sentiet. Dietaque optima triduo servata omninò convalescet.

Pro senioribus verò, simul cum laudano exhibeatur theriaca, ut sic massa sanguinis ad debitam consistentiam deducatur, neque invicem liquores abscedere affectent, & destillationem concitent. Ideoque viperarum, & viperatorum usum comendabilem reputamus toto anno.

Herba theæ ab aliquibus valdè commendatur tanquam horum podagricorum acidorum frænum. Cum tamen salviæ domesticæ decoctio loco vini adhibita æquales, & majores vires habere possit.

Validissimi quique liquores acidi (ut spiritus salis, vitreoli, &c.) in principio fluxionis podagricæ adhibiti extrinsecus illicò fluxionem omnem compescunt.

Oleum causticum meum, plurimò butyro admixtum sicuti inflammationes omnes tollere, sic dolores podagricos intra paucas horas sanare potest. Prævalens enim acidum, inferiora coagulantia acida pessundare valet, (ut optimè notavit Helm.) fitque dissolvens.

Oleum ex scarabeis, asellis, & lumbricis in letamario contabescentibus, vel lento clybani tepore liquefcentibus, plurima canphura admixta citissime dolores lenire, sepe tollere potest.

Idem operari potest decoctum formicarum, lumbricorum, cum herbis cephalicis betonica, stecade, &c.

Balneum ex muria halicum, vel fustus in progressu morbi, secretum aliquo-



quorum fuit. A sale marino in aqua soluto petiis per noctem applicito multos restitutos vidi.

Pro delicatioribus, & valida pertimescentibus accipias micam panis in libra lactis coctam, addendo croci dracmas duas, & liquoris lumbricorum terræ supra dicto modo facti libram semis; atque emplastrum efforma, pro doloribus demulcendis admodum efficax.

Declinante affectu accipias vini spiritus rectificatissimi uncias octo, salis armoniaci dracmas tres, canphuræ dracmam semis, castorei, sacchari Saturni ana scrupulos duos, & citò sanitati restitutum videbis.

In fine adhuc balneum ex formicarum decocto paratum, magnum discutiens, & roborans est. Prout sapo Venetus in spiritu Vini solutus, sale Saturni, & canphura multa admixtus.

At doloribus urgentibus (potissimum circa initia paroxysmi) dentur ostreacea, terræ præparatæ, & ossea, quæ acidi vires imbibere, ac in se convertere possint, forma pulverum exhibita.

Quoniam verò tunc artritici paroxysmus, ut plurimum cum febre accedit, & cum præternaturali sanguinis, & liquorum effervescencia. Ideò ad spirituum ferociam infranandam, humorum acrimoniam attemperandam, & eorum motum progressivum, cum intrinsecum fermentationis retardandum plurimum inservire poterunt opiata, & papaveracea universa, quæ non semel proposuimus, theriacam recentem vel laudanum nepentes, &c.

Et hæc non in usu tantum interno; sed in externo quoque usurpentur, & quæ anodinas propriè vires habent. Sic enim, & æstum febrilem, & acri-

moniam acidam tum fassam, lixiviam correctam, & attemperatam videbis. Somnoque procurato vires vigorari, absedentes invicem liquores iterum ad amicabilem compositionem deduci, & stomachi prevaricans fermentum ad debitum naturale peragendum restitui.

Aquea pariter tunc temporis utilia sunt, acria enim salia diluunt, atque enervant.

Si verò de acida mucagine in primis viis redundante indicia sint, his prætermisissis vomitoria exhibeantur, sine quibus nil actum erit. Eruditatibus enim acidis in ventriculo, & primis viis præsentibus, sævissimi dolores in articulis fiunt, prout Otho Tachenius in suo Hippocrate chymico optimè observavit. Qui etiam externa narcotica opii succos à seminibus papaveris expressos, à hiosciamo, cicuta, floribus camomellicum vitellis ovi admodum probat. Tum tincturam croci cum spiritu vini præparatam, plurimam canphura admixta, & opii modico. Tum decoctionem calcis, & salis armoniaci petiis applicitam.

Pro præservatione tandem, vere, & autumno repetitis vomitoriis purgandi erunt qui legitimam prophylaxin amant.

*Pro affectibus melancholicis Maniacis, hypocondriacis auxilia.*

CUM certum sit apud eruditos in arte, quod facultates omnes circulariter procedunt, altera alteri suppetias præbente. Hinc est quod à causis procatharticis affecto cerebro, ejusque spiritibus incolis, post coctionem liquoris albuginei nervorum nutritii improbam celebratam, facultas animalis veluti oblita muneris sui, spiri-



tus animalès in minori copia ad universa munia peragenda de suo sinu demittit.

Ideoque naturalia viscera alimentorum concoctioni, & excrementorum expulsionì destinata, consuetis spiritibus defraudata, suorum fermentorum energia mutilantur, neque integrè ac perfectè munera sua exequi possunt.

Propterea torpente in his expultrice, excrementorum accretioni in dies major ansa prestatur. Et potissimum pituita acida, viscida, tenaci replentur, à qua tubulorum cavitates, & angustissimi poruli (spirituum semitæ) intercluduntur, à quibus veluti actiones vitæ imminui, ac concidere coguntur.

Cor, & spiritualia viscera compatiuntur, dum facultas animalis tristis, animales spiritibus ministros suos, desides, & quasi somnolentos ad cor ablegat, qui cor negligenter irradiantes, nec validè inflantes, lentè fermentationes vitales peragunt, ac torpidas cordis vibrationes obeunt. Inde profilientes spiritus, qui in statu sano, ac naturali, vividi, subtiles, lucidi sunt in melancolicis tristes, opaci, torpentes facti, veluti lugubri amictu vestiti terrorem incutiunt, non secus ac audacioribus ipsis in tenebris volutantibus.

Et sicut exhilaratus, ac vivax spiritus ætatem quamcumque floridam facit. Sic spiritus tristis ossa exiccando (ut ait S. S.) & albarum spermaticarum nutrimenta depravando, floridam ipsam ætatem languescere facit, vitamque prospera morte ad occasum præcipitat.

Omnia itaque phenomena hujus affectus ritè, & rectè explicari possunt per animales spiritus qui naturalitèr in sano corpore lucidi, irradiantes

universas corporis partès, velocès sunt. In melancolicis, à facultate animalì desipiente, ac tristi non benè diriguntur, sed segnes torpidi mittuntur, in acidam naturam degenerantes, ignavità moti, obscurè irradiantes, nec citò permeantes, universarum ærumnarum in universis culinis legitimæ causæ fiunt.

Concepta itaque insignis aciditas in massa sanguinea, (sed potissimum in succo albugineo nutritio nervorum) & acrimonia non dissimilis salis armoniaci spiritui vim fermentandi, ac dissolvendi etiam solidissima corpora, cibosque conficiendi, appetentiamque excitandi habet.

Acer non solum in liene (confinis succi præcipuo viscere depuratorio) sed sparsim in glandulis diversis ad quas depurandus ablegatur, varias comittit alterationes. Potissimum in cerebri glandulis, earumque porositatibus, in quibus animales spiritus depravare, torpidos reddere, fuliginosos ac turbulentos efficere, inde varia deliria concitare valet.

Facultas deinde animalis, stimulos enarata acrimoniæ persentiens, tristis ac meticulosa facta, spiritus suos undique ignavitèr mittit. Isti ad universa viscera segnitèr influentes, suo necessario fermento volatili privantes, in liene, ventriculo, mesenterio pancreate, aliisque naturalibus visceribus impropportionati, excrementorum præparationi ac expulsionì minus vacantes, alium torpidam reddunt, ac universam animalis æconomiam in varias turbas confundunt.

Acidi itaque hujus superabundantia, quæ initiativè à causis procathartìcis venit, non est mera morbi causa, sed circulari ratione superiùs descripta productum morbosum esse observamus, à quo



à quo viscerum fermenta alienantur, & debitæ excrementorum expulsionones non fiunt.

Atque à peculiari spirituum motu, de una re diù cogitantium, ac veluti sedentium, istæ liquorum omnium fermentationes, iniquæ fiunt, massa sanguinea alteratur, depravatur, deinde spiritus pejoris notæ producuntur, & fermenta.

*Mania causa.*

**S**I autem animalis facultas à vehementioribus causis validius stimuletur, animales spiritus veluti ignitos de suo sinu demittit; qui furentes, ac violento motu cerebri tubulos, ac meatus percurrentes, ideas furoris, & audaciæ imprimunt. Cum magno impetu vndique ad albas spermaticas, nervosas partes irruentes, atque impensius irradiantes, sunt in causa robustissimarum virium in maniacis & quod impensa nivium & pruinarum frigora super humanas vires tollerare observentur.

Acida verò volatilia irritantia sunt, quæ animalem facultatem ferocem esse cogunt. Hujus farinae plura venena numerantur, cerebrum fellis præ amore furentis, morsus canis rabidi ejusque spuma, aliaque multa, quæ consultò omittenda, ne improbis nequitiarum materiam ministremus.

Bilis, ipsa ad hos venenorum gradus exaltata, maniaci furoris causa esse consuevit. Iratos etenim impensius homines videmus, belvarum venenatarum ad instar, veneni quid suis moribus imprimere.

Tranquillitas etenim animi, in blando sanguinis fermentativo motu consistit. Quandocumque verò tum localiter impetuosius motus, tum intrin-

seco fermentativo motu agitatus, à fermento aliquo silvestri præternaturaliter commovetur, etiam animales spiritus majori impetu in cerebro agitari coguntur. (Ideò in prudentibus, & sapientibus natura provida cerebrum frigidissimum viscus destinavit, ut in eo veluti sedens, & quieta judicia rerum facere posset) animæ recto imperio non auscultantes.

Sanguis itaque crassus, & fermentabilis, à causis occasionibus calidis (potissimum ab ira) commotus in hos affectus præcipitare consuevit.

*De affectionibus melancolicis  
hypocondriacis.*

**I**Nter universos affectus, qui facultates circulari quadam ratione sibi invicem ministrare testantur, hypocondriacæ affectiones sunt. In quibus vndique læsiones in facultatibus, errores in coctionum culinæ, medicos hæsitare faciunt de loco de causis legionum, (sed quod peius est) de remediis pro extirpando sævissimo hoc nobilium virorum labentis sæculi indefesso tortore.

Nos itaque more nostro breviter in medium adducentes causas, nostræ conjectura dicimus. Quod succus albugineus nutritivus nervorum, à spermaticarum partium nutritione residuus naturaliter ad acescendum inclinatus, per moram & actionem caloris (ut fermentè omnes liquores, & panis fermentescens &c.) acidior factus, à liene ad moderamen deducitur atque ab acidofalinis particulis, sanguinis optimæ crassi impropportionatis depuratur, per suorum minimorum vasculorum filtra, & porositates.

Filtratus deinde, rediit cum sanguine ne circulatur, tum veteris fermenti ad instar,



instar, & modicè acēscētis ad universa viscera, & glandulas dispensatur, ad fermentationes, coctiones, & excrementorum secretiones celebrandas.

Sed potissimum mirificè stomacho inservit, ad tunicam mediam (nervosam ac glandulis repertam) ejus delatus, atque ad stomachi cavitatem transfudans, ut alimenta ad fermentationem provocata, in minimas chyli particulas comminuantur, & spiritu quodam vivifico (quo adhū vetus fermentum constat) imbuantur. Ut hac veste nuptiali indutus succus alimentalis, in secreta, & intima penetralia admittatur, sensim, & veluti per gradus ad purpuram inducendam in corde adque regiam spirituum coronam in cerebro suscipiendo destinetur.

Succus igitur nutritivus nervus à spermaticarum partium alimento residuus, in liene depuratus, causa est ut felices, vel infelices in ventriculo, & primis viis concoctiones fiant, & chylus spirituosus, & tenuis reddatur vel improbus prout naturalitè affectus est, vel morbosè.

Affecto itaque liene, vel obstructionibus, aut alijs causis malè se habentibus. Vel succo nutritio nervorum præternaturalitè affecto, necesse est, viscerum fermenta (& potissimum ventriculi) præternaturaliter se haberi atque primas concoctiones vitari.

Neque enim chylus debitè attenuari, neque spiritualefcere poterit, sed Improportionatus acido hostili armatus, naturæ odiosus, ubicumque transierit tumultus concitat, & labores parit. Hujusque aciduli liquoris ad optimam sanguificationem, & ad alia naturæ munera inepti, clara indicia videmus ab urinis quæ in consimilibus affectibus frequentè excernuntur.

Non mirum itaque si juxta antiquatum proverbium splen ridere facit. Cogit amare jecur. Liquor enim qui à liene veniens mesenterio, hepati, ventriculo dispensatur, efficit ut sanguis purior, spiritusque illustriores emergant, ac mobiliiores qui causæ postmodum optimorum fermentorum, atque feliciū excrementorum omnium expulsionum sunt.

At si acido sylvestri imbuatur, omnibus facultatibus spiritibusque animalibus infensus fit. Cum etenim constent isti sale volatili, accessu hujus acidi figuntur, ac indebitè commoventur. Ideoque in tubulis nerveis, & fibrillis spiritus continentibus sua præsentia spasmodicas contractiones, atque corrugationes concitat.

Talis itaque acor quandoque in ventriculo coctionibus vitiatis progignitur. Quandoque à succo pancreatico præter naturam constituto venire potest. Sed ut plurimum à fero nutritio nervorum (ad acēscendum naturalitè inclinato) & non benè in liene (præcipuo glandularum omnium depuratorio) elaborato atque à salibus suis depurgato oritur, ut superius invimus.

Inde ventriculi fermento vitiato, atque exoticis, ac irritantibus succis exurgentibus, fiunt undique ab irritatis partibus sentientibus contractiones dolores ac fibrillarum nervearum crispationes.

Sale namque acetoso prævalente ingesta alimenta acēscere coguntur, Particulæ acido-salinæ reliquis suppressis exaltantur, atque in fluorem evehuntur, magnusque fit fluctuum provenus, & irritationes undique persentiuntur.

Quandoque mesenterii glandulæ, atque potissimum pancreatis præcipue horum



horum affectuum causa, & fomites sunt; dum inertia hospitia succi nutritii nervosi præternaturaliter aciesceritis, eumque depurgare, depositaque excrementa eliminare negligunt; Nam impurum vetus fermentum seri formam cum chylo ad vitalem cordis fermentationem transiens, inde ad cerebri culinam, semper suæ præternaturalis aciditatis vestigia relinquit; spiritusque hinc inde laceffit, qui furibundi in varias ætates erumpunt.

Acidorum verò cum variis alcalicis innumera combinatio est, ideò innumera ex eis venire possunt symptomata.

Sic in praxi alia phenomena producit acidum aceti, alia acidum citri, vel spiritus vitreoli. Hæc postmodum aliis diversæ naturæ alcalicis, vel acidis supervenientibus, denuò alterantur, à consortio absedunt, & in tertiam transeunt substantiam.

Sic acida prædicta præternaturalia, facto impetu in has, vel illas partes contractiones in fibrillis nerveis, & dolores excitant, atque organorum functiones pervertunt, & deturbant, & sic sanguinis, & succorum omnium defæcationes, excrementorumque excretiones impediunt aut indebitè retardant.

Præcipua etenim hypocondriaca symptomata spasmodica esse observantur, Quamobrem si nos ad nervosum genus veluti spectantia ad hunc locum contulerimus, non irrationabiliter fecisse putabis.

Quæ enim symptomata in visceribus naturalibus animadvertuntur eadem à succo nervoso albugineo præternaturaliter se habente, nerveasque fibrillas laceffente putabis.

Ortusque consuetus talium affectuum hic esse solet. Post animi pa-

themata ingentia, & studia sollicita &c. naturalis facultas in officinis suis aliquos errores committere cogitur, consueti vitalium ac animalium copioso influxu depauperata. A Corruptionibus igitur acidis in primis viis hærentibus, fibrillæ nerveæ sollicitantur ac vellicantur. In harum subsidium animales spiritus cum aliquo tumultu accurrunt. Magisque laceffiti, ac furescentes viscera concutientes, concutientes, eorum fermenta depravant: Hæc depravata, feculentiarum acidarum cumulos augent. Suntque optimè contemplanti producta potius morbosa, quam merè affectuum causæ. Spirituum verò innordinationes absque acidorum irritatione non fiunt. Hæc verò irritatio circa abdominis nervosas partes contingere solet.

Credere verò cum Paracelso, aliisque chemicis tartarum excrementitium in liene, & locis conterminis hospitantem esse obstructionum, aliorumque symptomatum causam, est accipere productum morbosum, pro morbi ipsius causa.

Perperamque agunt illi qui assiduè remediis supra, & infra purgantibus pugnantes, hos affectus radicitus extirpare se posse contendunt, de copiosis purgationibus gaudentes, Ea enim quæ deiectionibus vident, & ut causas primitivas accusant, producta sunt tantum morbosa; quæ spirituum ætates atque fibrillarum nervearum in naturalibus visceribus contractione durante, veluti ab inhesausta minera prodire observabuntur.





*Pro Melancolia Dieterica  
auxilia.*

**T**Anti momenti est servata optima in vivendi ratione regula in affectibus melancolicis, ut unico hoc auxilio confidentes plurimi sanentur, innumeri aliis remediis inherentes, nunquam ad sanitatis portum deduci possint.

Universales igitur canones dieteticos pro universis ferè affectibus melancolicis inservientes hoc loco præmittere non inutile erit.

Cœli, & soli mutatio quantam conferre possit nemo est qui ignoret. Et potissimum per navigationes, quæ coacta, dieta, & vomitu quandoque excito multum in deliciis viventibus opem ferre consuevere.

Assiduæ locorum mutationes, mensissimos quosque exhilarant, & animi universas tyrannicas passiones enervant, ac in progressu eradicant.

Omnes ambientis aeris exuperantiæ, tum repentinæ mutationes vitentur. Sed aer purus serenus ad temperiem accedens procuretur. A lucido enim, & temperato aere animales spiritus lucidi, ac vividi redduntur, & homines sub hac cœli clementia hilariores esse conspiciuntur. E contra sub aere crasso, nebuloso, pluvioso tristes fiunt, & lassitudine quadam spontanea detinentur.

Materia etenim subtilis, ac æthereæ, aere existente lucido, puro, in majori copia influit, aqua spiritus reffocilantur, foventur, & vivaciores fiunt. Atque videmus in praxi quod incolæ locorum perspiratorum, rarò melancolici fiunt, ut incolæ convallium, qui etiam magis somnolenti, minusque vivaces observantur,

Quantum fieri potest imaginatio-

nes melancolicas de se abjiciant, atque à mœroris compedibus liberum animum esse procurent.

Longa studia procul absint. Intentæ cogitationes exulent. De animi alacritate solliciti, nugas etiam cum aliqua garulitate quærentes invitam linguam, & taciturnam sollicitent. Genialesque consanguineorum, & amicorum conversationes omni studio procurandæ. Sollicitudines, tum solitudines omni arte fugiendæ. Amicorum, & muliercularum, notaque garulitate juvenum consortia quandoque intermissenda. Aliaque multa alibi à me in parte secunda descripta adversus melancoliam pugnantiâ usurpanda sunt. Nam amicorum, & amicarum consortiis gaudere, bonum quidem est; sed citra computationes, & commensationes. Vel saltem ad Virtutis normam, sobrietatis, & temperantiæ limites non excedant, ut olim Catonis fuere.

Erecto denique in spem animo vivere expedit. Atque credere mœroris, ac timoris sic habenas in manu sua esse. Propriæque salutis diffidentiam, atque desperationem, non veritatis, sed melancoliæ atque falsæ imaginationis, veram sobolem esse.

Assiduis itaque negotiis gerendis animus occupetur (levibus tamen, genialibus, & lucrosis, vel saltem indifferentibus) & nunquam otio vacent, neque fixis cogitationibus indulgeant, sed ab una in aliam velocitè transire animus impellatur.

Matutinis horis exercitia proderunt: Vespertinis vero vectationes equo, rheda, vel lenes deambulationes. Suadente Hippocrate 4. in 6. epid. Quod labores cibos precedant, vel saltem post peractam primam, & secundam coctionem incoactam.



Quietē verò nimiam, & cibos copiosiores præcipuas causas esse harum melancolicarum affectionum nunc temporis iurè meritò reputamus.

Sic & mulieres nostrates ob vitam sedentariam & delicata obsonia à melancolicis affectibus, & succorum in crassationibus sævissimè ac sæpissimè torquentur. Sic docti, & illi qui sedentes perlegendis libris vel scriptis occupantur, huic affectui obnoxii sunt potius quam rustici, qui laboribus assiduis defatigato corpore, animum cantillenis suis demulcire non cessant.

Qui libris enim diù incumbunt (potissimum repleto ventriculo) dum inclinati, & proni multis horis manent, viscera naturalia hoc modo comprimuntur, ut chylus aliique succi liberè permeare nequeant, sed stagnantes præternaturalem aciditatem induant. Præterea spiritibus liber transitus per viscera non conceditur, neque excrementorum expulsionem invigilatur.

Ad amena itaque loca invisenda, cum exercitio se transferant.

Somnus longior vitetur, utpotè nimiam spiritibus inertiam concilians, & capita gravans. Verum quia ficitate ut plurimum prævalente melancolici, & cogitabundi, à molestis vigiliis torquentur, ideò usu placidorum soperiferorum quies animi, & corporis procuretur.

Inter quæ panis martius à nobis commendatur paratus ex libra una amygdalarum dulcium, & unc. j. seminum papaveri albi, cum unc. iij. sacchari. De quo summere possunt unc. ij. vel unc. iij. in postrema cena. Vel coclearia duo syrupi ex floribus papaveris albi, aut horum decoctionem cum modico saccharo, more caffenno.

Siccioribus etiā conditionibus præsentibus somnus diurnus (assuetis potissimum) tum diuturnus concedi poterit nam concoquit, humectat; factaque spiritus, & caloris concentratione, frigidorum crassorum liquorum concoctiones felicius celebrantur.

De alvo lubrica servanda admodum solliciti esse debent, quia ob spirituum sentientium torporem muneris sui oblita frequentèr supprimitur.

Aluum verò lubricam reddentia, sint simul humectantia. Inter quæ cassia Italica populis familiaris est à sua fistula recens extracta. Vel instituto meo jucundissimo pro his utor cassia confecta, quæ scilicet paratur ex unc. j. cassiæ liquiritiæ drac. iij. & ij. sacchari dissoluti, & cocti ad consistentiam manus Christi, factisque rotulis secundum artem.

Purgantia etenim vehementiora, & exiccantia, veluti pestis fugienda sunt, & potissimum aloetica in exiccatis, & juvenibus, & in quibus de fibrillarum sensitivarum crispationibus circa viscera naturalia indicia aliqua manifestantur.

Sed in his emollientia alibi recensita, tum juscula malvis, borragine alterata, ante prandium propinentur. Atque clysteres ex lacte, & emollientibus usurpentur.

Imò victus omnis emollienti ac humectandi vires habere debet. Lactaria fercula alibi in prima appendice descripta optima erunt, & ex ovis, lacte, saccharo, butyro & amygdalis millena parata obsonia.

Ova sorbillia recentia, cum saccharo nunquam satis laudata Lac caprillum cum panis medulla ebullitum Cremor hordei, vel orisæ, vel farri cum lacte dissolutus, sunt accomodata alimenta.



Melancolici omnes, sed hypocondriaci potissimum à calefacientibus valde abstineant, & ab exiccantibus. Ut sunt ea quæ valde aromatica sunt, salita, acris. Tum ab acidis (sinceris potissimum) aceto, onfacio, succo limonum &c. acidi enim Hippocrate doctore melancolicos succos ebullire, ac fermentare valent.

Abstineant à bulbosis radicibus, capis, allio ac ferè ab aliis radicibus asculentis raphano rapis, napo, selino, & consimilibus calidis, & succorum in primis uis repertorum fermentativis.

Tum à carnibus annosis, fumo, vel sale induratis. A carne bubula, suilla, caseo antiquato, cibus ex pasta in copia asitatis potissimum (nam frumentacea in pauca quantitate suo leni succo prodesse possunt) leguminibus, piscibus dura testa contextis, vel stagnorum. A valde duleibus mellitis faccharatis à quibus ingenti facta commotione atque effervescentia, viscera inflammantur, & vasorum ductus obstruuntur.

Aromata omnia exulent, excepto parvulo cinamomo, & pipere ruditer contuso in ferculis.

Fructus omnes horarii vitentur, fragis exceptis amarenis, & ficis. In quibusdam vero fervidis stomachis peporum usus moderatus accomodare observavi, tum anguriarum, & cucurbitarum.

Magna itaque cautione exhibeantur fructus, qui enim aliàs humectatione prodesse possent, in stomachis omnia ferè corrumpentibus nocere solent.

Pepones tamen ante nos, Galenus squallido ventriculo præditis concessit *lib. 2. de alim. fac. x. r.* tum fructus horarios, modò cito subducantur. Car-

nes animalium passustrium, cuiuscunque generis vitentur. Tum extrema animalium, & pinguedines universæ; oleosa, & quæ inflammabilia sunt.

Uno verbo abstineant ab alimentis crassi succi, & copiosi excrementi, ad flatum inclinati.

Licet alium solvere possint, attamen ob vim fermentativam vituperantur olera plurima, & potissimum bratica, beta, apium, selinum, tubera terræ, fungi, & alia plurimi excrementi, & pauci lenis, ac boni succi in se continentia.

Caveant proptremo à violentis exercitiis, & à quibus flos sanguinis, & spirituum vigor ressolui potest. Ideò in Veneris castris militare non delet, qui animi & corporis sui libertatem à mœroris servitute securam esse procurat.

Vivendi itaque ratio in activis temperata esse debet, in passivis vero ad humidiores inclinari.

Loca amena amicis stipatus qui mœroribus conflictatur frequentare debet.

Si verò vigiliis sollicitetur, vespere eundo cubitum pediluvii utatur ex decocto lactucæ, & caput papaveris paratis, præmissa à cœna emulsione seminum papaveris albi.

Pigramque alium sollicitet prunis, butyro cum saccharo, passulis, & similibus in prima mensa præmansis.

Vino potiùs utatur albo tenui aqua calibeata temperato. Cœnaque parca his sit.

Si de capitis imbecillitate quærelæ adsint, capitis lotiones decocto cephalicorum factæ non inutiliter frequentari poterunt, occasione hodierni voluntarii Calviti.

Cibus utantur euchymis, facilis coctionis,



Etionis, optimi, & dulcis nutrimenti, quibus succorum melancolicorum aciditati, & acutiei opponi possint, suaque blanda mixtura eisdem attemperare valeant.

In prima mensa ( illi potissimum qui aluum induratum habent ) jure malva, vel borragine alterato utantur.

Horum prandium à cœna distet novem, & amplius horis stomachi namque concoctix in his torpida languet, & tardè digerit. A monitu Avicennæ nil deterius quam comestio supra comestionem.

Si aliqua roboratione ventriculus indigere videatur, statim à cibo aliquod roborans exhibeatur, miva cidoniorum cum pulvere corallorum, conserva absinthii, cortices aurantiorum conditæ. Vel præstat exhibere grana tria, vel quatuor integra mastichis deglutienda. Mastiches enim nobile ventriculi balsamum est, quod laxum stomachum firmat, amica permanenti, & non immodica siccitate.

Hypocondriacis flatibus conflictati jejuni comedant decem, vel duodecim amygdalas amaras. Vel si plurima pituita viscida scateant, jejuno ventre aximelite utantur, monitu Galeni de cons. val. Capparibus etiam cum melle, & passulis in cœna utantur.

Extenuatis verò, & valida humectatione indigentibus, loco horum serum lactis solo cremore tartari coagulatum nec depuratum prius per plures dies exhibeatur ( ut eo sensim ventriculus assuescat ) ad lac ipsum asini vel caprillum progrediendo, eoque in majori semper quantitate, ad libras tres, & ultra.

Serum itaque per viginti circiter dies propinetur, quod si permeare fa-

cile observetur vasa jam adaperata, & per aluum molem, & urinas copiosas dejiciatur, tunc in magna quantitate exhiberi poterit, ut aquarum mineralium ad instar. sui copiosa illuvione, ac celeri præterlapsu inquinatas coquinas eluat, & cum salinis scoriis foras demandetur.

Magna tamen cautio habenda est ad ventriculi robur. Ideoque toto eo tempore ventriculus externo totu balsami Pervani, gummi tacamacha, sacculis simplicibus stomachicis repletis foveatur.

Vespere verò eundo cubitum opiata roborans, ex cordialibus pulveribus & confectionibus exhibeatur.

In progressu etiam cum sero permisceri poterit succus pomorum redolentium, vel borraginis. Quandoque diureticam fieri poterit cum succo limonum, vel dejectorium premissa cassia vel mana. In emaciatis post adaperatas aliquantisper obstructions hac arte, ad usum lactis asinini transeundum erit.

Vinis utantur melancolici neque dulcibus, neque acidis, neque generosis, neque ex locis lapidosis, vel tophaceis venientibus. Sed tenuibus, & oligophoris, in quibus si coma absinthii macerata sit, admodum utile erit. Sic vinum album tenue in quo aurum ignitum sepius extinguatur.

Ab oleum usu se contineant, & potissimum à brassica, & ab acris vegetabilibus.

Vrgentibus tamen flatibus, absque ingenti tamen bilis, & cruditatum præsentia, aliquot colcearia vini aromatici hispanici, vel alterius absinthio, corticibus aurantiorum, anisis medicati, plurimum prodesse vidi in acessionibus, pro lapsa ventriculo re-



focillando, & flatibus discutiendis.

Si autem dolores etiam virgeant, & vomitus, tunc cauta opiatorum administratio vesperi procurata, ab his calamitatibus liberare poterit.

*Pro melancholicis Maniacis, hypocondriacis affectibus Auxilia.*

**C**Autè purgantibus agendum est, nam affectus melancholicos nisi eradicent, irritant, stomachoque malè affecto vim inferunt, & in deterius inclinant.

In mania potissimum quæ sanguinem, & spiritus animales valdè exagitare atque in furorem agere possunt præcaveantur. Vinum, & vini spiritus his perniciosus este.

Furentes maniaci, si robusti, ac juvenes sint, ingens solamen in opiatibus invenient, sic enim sanguis ad moderatam fermentationem deducetur, furentes spiritus compesci poterunt, soporiferis blandis vesperi ante somnum propinatis. Spiritus etenim ad quietem compositi, in ordinem denuò redigi poterunt.

Pro arcano ad maniam tollendam, vel demulciendam pullorum hyrundinum succus expressus, vel eorum decoctio ad contabescentiam in aqua anagalidis pluribus diebus manè propinata summis laudibus commendatur.

Pulli etiam hyrundinum per medium discisi syncipiti appliciti, certo experimento profunt hoc enim innocenti sacrificio, archei furor placatur.

Pro quo narcotica, & anodyna à neotericis extolluntur. Sensim verò erit ascendendum ad majorem dosim initium faciendo à canphura loco opii, quoniam ob sui subtilitatem nusquam

hæret, ideòque multò securior est.

Oleum pariter papaverinorum seminum expressum, equè in usu externo, ac interno validum auxilium est.

Interim loco vini, vino ceraforum nigrorum utantur. Frequentent lactiniorum epulas potissimum emaciati, & usum lactis asinini, vel caprilli, modo animal herdeo virescenti vere, vel sicco aliis temporibus utatur.

Humectandi namque intentiones cæteris prevalere debet. Nihilque magis melancholicos affectus auget, quam siccitas, potissimum per longas vigilias contracta. Quæ corpus exiccare, sanguinem, & ejus spiritus resolve-re, vires imminuere possunt. E contra somnus soporiferis procuratus, corpus humectare, sanguinem & spiritum ad moderatum motum componere, & universas facultates instaurare poterit.

In macie etiam conspicuâ, magna auxilia erunt juscula instaurantia ex cancris, testudinibus, ad carniū contabescentiam decoctis, & in gelatinam concinatis. Tum emulsiones ex 4. seminibus frigidis majoribus, ex quibus etiam varia fercula, panatellæ, pultes &c. parari poterunt.

Per serum lactis, cum cremore tartari copioso depuratum ad multos dies adhibitum, tandem ferina humoris melancholici malitia humectari, leniri, & per alium ad exitum deduci poterit.

Si palpitationes cordis que saltus, & angustia vexent, ad aquas cordiales Saxonie, totius citri, & ad alia spirituosam aromaticam in pauca tamen dosi atque attemperata ascendere licebit.

Si pituita plurima de humido, ac intemperato capite destillet, equè in usu



usu interno, ac externo prodeunt succinum, & mastich, & potissimum eorum olea, suffitusque cundo cubitum.

Theriaca pariter crebro & diu usurpata longorum mœrorum vincula diffringere poterit, nocturno pariter tempore adhibita, ne calorem, vel siccitatem præjudicialem inducat. Istæ etenim & capiti, & ventriculo, imò visceribus omnibus, & sanguini magnum auxilium adducere possunt atque aptam fermentationem.

Refrigerio autem, & humectatione indigentibus conservæ florum cicorei, melissæ, borraginis accommodari poterunt, sed magis horum succi valent, & apozemata. Tum emulsionem ex seminibus frigidis cum oculis cancri, terra Virgine mutinensi, (quæ experimentis Excellentissimi D. Ludovici Testæ eximinum liquorum acidorum omnium dulcificans est, pro hypocondriacis affectibus sine pari) crustaceis, & osseis auxiliis, quæ acidorum imbibentium nomine veniunt.

Antimonii medicamenta essentias tincturas qui tractare noverit, paucis aliis auxiliis indigebit pro effræni melancolico humore edomando, verè enim ipsum dissolvere, & fluxilem reddere valet, ut vias omnes excretionum subire possit.

Bezaar præstantissimum auxilium esse, pro domando humore melancolico, *Zacutus Lusitanus hist. 36. libri primi testatus est*; feliciter enim acida imbibit, & salino-acidorum excrementorum expulsionem mollitur.

Pro hypocondriacis affectibus præcipuus respectus habendus est ad chylolim, in primis viis rectè perficiendam, atque fermenta depravata corrigenda ad naturalem crasim dedu-

cenda, obstructionesque meatuum referendæ.

Ad ventriculi itaque fermentum restitutum celebratur omnibus modis adhibitum absythium. Adeò ut Zachias qui prolixè admodum de his melancolicis affectibus tractat, duo à se experta auxilia summis laudibus decorat, scilicet absinthium, & calibem, ex quibus variæ conservæ, electuaria vina medicata, salia, & potissimum martis vitrioli, aliaque innumera pro re nata concinari poterunt.

Si calidior adsit sanguinis discrasia sulphureo-salina, medicamenta temperata, minusquè sanguinis massam exagitantia, ut melissa, santala omnia, polypodium, succus granatorum temperatorum, vel aurantiorum & juscula borragine, malva alterata.

Cruditates, ac viscidæ pastæ in primis viis, ventriculo, mesenterio, intestinis hærentes, ductus inviscantes, atque acidis coagulatis meatus obstruentes, per decocta lignorum fundendæ ac attenuandæ ut ad exitum disponantur. Non intermisso etiam usu cremoris tartari & salium fixorum, tum & quandoque volatilium in paucâ dosi.

Vinum medicatum senna, rhabarbaro, polypodio, & lignis sudoriferis, in illis potissimum qui de aliqua Celtica labe occulta suspecti sunt summo-perè commendatur.

Fervidioribus conditionibus vigentibus, fumaria, borrago soncus, endivia cicoreum, polypodium, flores sambuci, cum passulis prunis, aurantiis commendabiles erunt.

In frigidioribus vero circumstantiis, quæ sale acri volatili abundè prædita sunt exhibeantur, absinthium, baccæ jun-



juniperi feniculus ; petroselinum &c.

Sed super cætera acidum melancolicum contemperare observantur salia volatilia, ex. gr. viperarum, cornu cervi, & consimilium.

Amara pariter omnia valdè commendabilia sunt, amygdalæ amaræ, rhabbarum manè cum passulis esitatum. Crocus cum foliis absinthii in vini spiritu tartarifato, manè pluribus diebus propinatus.

Fixiora alcalia, ad acidum tenue salinum imbibendum in conductionibus fervidioribus præbeantur, oculi cancri, cornu cervinum, margaritæ, & crustacea, quæ potissimum cum emulsionibus præstant.

Raymundus Ianfortis felicis memoriæ præceptor meus qui in curandis affectionibus hypocondriacis certè accuratissimus fuit, insinuare solebat, nil magis in tota sua praxi infensum observasse, quam calidiora, & exiccantia, quæ titulo resolvendi flatus istis exhibentur, nam repertas in obstructionibus materia resolvendo, ac comburendo magis indurant.

Dulcia his pariter admodum infensa esse; nam æstuosa, fermentescentia, bilescere dicuntur, & viscera inflammare, phlogosi cuidam pilosi, & arteriæ in hypocondrio pulsanti, magna incrementa præbere.

Serum istis ad libras 4. vel 3. quatuor vicibus, & amplius quarto quoque die exhibet, in quo mana dissolvatur pro vehiculo dejectorio, vel copioso cremore tartari depuretur.

Deinde lac asini per 40. dies; Tum balneum aquæ dulcis (si ab anni tempore admittatur). Ad ventriculi verò roborationem grana tria mastiches à cibo integra deglutiantur, vel drac. j. succi absynthii densati, & saccharo cooperti.

Quandoque etiam ad molestos flatus discutiendos à cibo summere concedantur nisi saccharo cooperti, vel cinnamomi frustula in modica portione.

Si de veneficiis, vel de maleficiis aliqua indicia habeantur, corallia sint in quotidiano usu, & qualibet ratione preparata usualia. Tum margaritæ, os de corde cervi, oculi cancri. Conserva ex floribus & seminibus hypericonis. Vinum infusionis hypericonis. Theriaca hora somni frequentèr adhibita.

Sed balneum frequens primum occupat locum potissimum factum ex cineribus flicis combusti, cum quicquillis fæni, seu herbarum omnium seminibus sub bestiarum præsepe repertis. Quo auxilio multos alleviatis vidi, ductus ab experimentis Floriani Canalis.

Efficacissimæ sunt etiam aquæ minerales, seu acidulæ vitriolatæ; nam viscerum intemperiem corrigunt, fermenta labefactata restaurant, fibrillas laxas firmant. Angustissimas vias citissimè, ac rapidè præterlabendo contumacissimas obstructiones potenter tollunt.

Attamen pro illis qui peregrinationum incommoda perferre nequeunt, vel negant, serum (uti superius innuimus) exhiberi poterit.

Tartarea auxilia magnam vim habent longo sui usu edomandi humores melancolicos, atros, tartareos. Imbibunt etenim in se acetositates. Ut videre est in aceto, & acidis spiritibus singulis, à quibus aciditatem tollere observatur.

Ufus lactis & lactariorum (qui secus commendabilis est) à catarrhi præsentia prohiberi solet. Tum à corruptionibus sive acidis, sive nidorosis



ventriculi, aut à summo æstu circa hypocondria, & circa pylorum contractionibus factis. Nam quando phlogosis nulla in pyloro est, aut de lactis corruptione nulla indicia, tunc exhibetur diu.

Balneum vero (quod præcipuum Galeni auxilium est cum lacte) semper inutile judicetur, nisi prius obstructions tollantur.

In gracili si lac asini non tolleretur, lac artificiale in iure malvæ paratur ex 4. seminibus frigidis, amygdalis &c. Vel si lac primis diebus corrumpatur, differatur ejus usus, & ejus loco exhibetur serum depuratum cum cremore tartari ad lib. iij. vel iij. per quinque vel sex dies continuos. Deinde remisso hypocondriorum æstu, lac rursus ut superius præscripsimus admittatur.

Quia quandoque ad flatum discutientia ascendere cogimur, eadem temperata sint quantum fieri possit, ne æstum, fermentationes, in fibrillis sentientibus modicationes ac contractiones excitentur, sed liquores asperos salinos irritantes attemperent, & nerveas fibrillas demulceant. Sufficiant ergo coclearia aquæ totius citri, cum portione aquæ cinamomi, & granis tribus camphuræ. Vel cum elixire Vitæ Mattheoli, guttulæ aliquot tincturæ laudani nepentes in aqua florum citri.

Doloribus etiam urgentibus, certum juvamen expertus sum, in decocto florum camomelli, cum parvo cinamomo, & pulvere liquiritiæ more cassiæ potionis, pluribus vicibus in die adhibito.

Ad cordialia non semel accedere cogimur, sed nunquam à temperatis recedas, cum aqua citri, cinamomi, florum aurantiorum additis guttulis

essentiæ citri, olei cinamomi elixiris vitæ, vel tincturæ nostræ cordialis. Quæ cocleatim etiam per intervalla propinari poterunt. Non omisis etiam externis, &c.

Qui vincula rectè rationis subire non recusat, dieteticis his monitis melancolicus obedire non detrectabit, & alleviabitur. Secus cum maniacis vincula subire dignus. Qui autem inflatis præcordiis, Eoli utriculum pro ventriculo hypocondriacus gestat, cingulo quam primum inguina præmuniat, herniam etenim in foribus esse sciat.

*Hæmorrhagiæ causæ, & auxilia.*

**P**ost ingentes hæmorrhagias experientia edocuit, quod sanguificatio sensim læditur tandemque manifestatur læsio atque ad cachexiam, & hydropem ducit. Dum scilicet sanguinis residuum adeo paruum est, ut facultatibus omnibus materiam, & spiritus aptos suppedire non possit, sed naturalibus visceribus influus à corde calor & spiritus dum deficit seu imminuitur, imminutè etiam chylus perficitur, inde vitali hoc primò characterè orbatus loco probi, ac spirituosius sanguinis, vasa sanguiflua crudo, aquosoque liquore replentur.

Multorum sæculorum experientia edocet quod melancolici, tum spleneticus largis sanguinis à naribus hæmorrhagiis subjiciuntur. Et medicorum Princeps Hippocr. lib. 6. epid. sect. 3. testatum reliquit quod: Sanguinis e naribus eruptio fit, vel sub pallide nigricantibus, vel rubicundè patentibus, vel sub albidis.

Quorum omnium rationem esse putamus, quia primi, sanguine melancolici-



colico multa serositate diluto abundant. Secundi quia bilioso sanguine abundantes, dum hic levis & tenuis est, superiores partes facile petit. Ultimi subalbidi, quia copiosa lymphatum crudo, & æfeto sero salino acriscent.

Propagines itaque ac rami arteriæ carotidis interni aperiuntur in orificiis suis, vel eroduntur, aut dilacerantur, ab apellentibus liquoribus motu, vel qualitate peccantibus. Quoniam viscera præparando, conficiendo, vel depurando sanguini destinata impediuntur, ne ritè, & rectè munus suum obire possint. Sed sero falsiori associatus, vel stagnationibus, aut motus torpore acris factus, inutile naturæ pondus, & irritans stimulus deijcitur.

Arteriæ itaque potissimum magis in culpa sunt quam venæ, dum à cerebri cortice per sinum tertium crasse meningis, & processum falcatum ad os cribrosum exurgentes, in hemorrhagiis aperiuntur.

Universaliter sanguis in sua genesi impurior, falsior, crudior, crassior, in cohobis debitis qui non deposuit scorias pro naturali ratione, ob viscera læsa, vel fermenta labefactata, legitima causa esse solet narium nimix hemorrhagiæ.

Sic chylus acrior salè, & sulphure prægnans, characterem sui sanguini ac sero imprimens. Vel sanguis torpida fermentatione tardigradus acrimoniam acquirens,

Vel altæ ac inveteratæ viscerum obstructions stagnationum, ac prohibitæ eventillationis in liquoribus causæ acredinis, & præternaturalis acoris, erosionum parentes sunt.

### Auxilia.

**U**niversaliter victus præsentè hemorrhagia refrigerans esse debet non sine aliqua stypticitate. Valent itaque brodia alterata acetosa, portulaca, plantagine cibis præmissa. Hoc tamen in juvenibus, & in fervidioribus conditionibus agendum erit.

Nam in aliis magna cautio habenda est non solum ut sanguinis fervor attemperetur, sed quod quantitate non augeatur. Neque in eo serositates multiplicentur. Ideoque non solum victus refrigerans, sed pauci etiam nutrimenti esse debet, & universaliter dieta exiccans tutior est.

A vino itaque penitus abstineant à quo serositates multiplicantur, & torpentes mobiliores fiunt.

Cibi incrassantes alibi à nobis recensiti &c. non inutiles erunt. Illi potissimum qui pauci sunt nutrimenti, ut pisces optimæ notæ, olera refrigerantia styptica, ut acetosa, portulaca &c. fructus acerbi; extremitates animalium.

Et hæc potissimum in biliosis feliciter succedunt. Quibus etiam conservarum cum pulvere corallorum spiritu vitrioli irrorata in fine mensæ non invalidum auxilium erit, vel aliud adstringens &c. Ex amylo, & tragacantho fercula parata his accomodari poterunt. Pulmenta ex hordeo, orizæ. Gelatinæ ex animalium extremitatibus, ex piscibus optimæ notæ in catalogo incrassantium suo loco seligendæ. Aliaque multa ibi proposita.

Sic à fructuum catalogo pruna, pyra sorbæ, jaubæ, hauriri poterunt, & horum multi lignea cortice contexti. Quies integra servanda erit animi &



corporis. Somno potius prolixiori indulgentes.

Pulvis sympathicas paratas ex Vitriolo Romano, crasciusculè trito, & in vitro soli canicularibus diebus exposito, absque alia præparatione mihi semper feliciter successit.

Imò sæpiùs repentina necessitas impulit me Vitriolo communi officinarum uti. Atque postquam petias sanguine madidas eo copiosius profudissem, & sub cervical lectuli reposuissem, observavi sanguinem efficaciter sistere, eadem ratione, qua pulvis sympathicus antedicta cohibere solet syrupus sinphiti Fernelii sanguinis fluores tollere solet.

Potus etiam aquæ frigide ad libras duas & amplius, in qua salis prunellæ drac. j. dissoluta sit, à fervida causa excitam hemorrhagiam in momento sedat.

Fronti, & cervici petiæ madide applicentur ex aqua rosacea, modico aceto, ovi albuginibus, succo plantaginis, pulvere thuris, & carabes. Et hæc si nive refrigerata fuerint, ac sæpiùs repetita, efficaciora in fervidis conditionibus erunt.

At succus urticæ ad ciathum unum cum granis tribus canphuræ, & unc. 5. syrupi de rosis siccis. Vel solus expressus, & epotus, ac fronti applicitus, naribusque inditus unum ex optimis auxiliis genericis est.

Linteo frigidissima posca madefacto cervix involuta, innocens auxilium, & bonum esse reputamus. Potissimum verò comendamus ut testibus, & manibus frigidissima posca sola, vel cum succo plantaginis, aut urticæ, & granis aliquot canphuræ repetatur cum intepuerit & frequentetur.

Vrgente tandem necessitate, in juvenibus neque admodum sanguine ex-

haustis, ac decoloratis, ad soporiferam, & opiata transeundum erit, ad tincturam opii, laudanum nepentes, theriacam recentem, & consimilia, quæ somno procurato horis nocturnis omnem excretionem certò compescunt, & acida solventia, fluorem inducentia, mira ratione attemperant, & ad amicabilem unionem secedentes in sanguine liquores venire cogunt.

Sal deinde corallorum, vel eorum legitima tinctura manè cum decocto Kaffeï, vel alio adstringente summat.

In mensa lentiù ferculum in modico aceto decoctarum veterum erat olim celebre auxilium.

Loco vini aqua calibeata plantaginis, vel aqua acetosæ, lapatii, acidula facta spiritu Vitrioli, ac deinde auri frustulis calibeata his inservire debet.

Universalitèr verò spiritum Vitreoli inter cætera auxilia magnam vim habere putabis; si in aqua plantaginis, vrticæ, portulacæ & consimili instilletur, ut acidulæ fiant; inde impositis floribus papaveris, eliciatur tinctura, Qua utantur pro ordinario potu.

Succus etiam rhibes, agrestæ, & aliorum fructuum modicè adstringentium, cum succis plantaginis, portulacæ, vrticæ, vel aquis dilutus ubique locorum commendatur.

Sic emulsiones in dictis aquis ex 4. feminibus frigidioribus ex conservis rosarum, violarum, Vel ex confectiionibus cum pulveribus absorbentibus atque fixioribus alcalicis crustaceis, canphura, opio, laudano nepentes Quercetani admixto, variæ opiata cocleatim summendæ parari poterunt.

Clausos interim teneant oculos, ne-



que inspiciant sanguinem fluentem. Ab omni maxillarum motu caveant. Nares non emungant. Situm servant supinum, nec loquantur.

Tellas araneorum, potissimum in molendinis critici repertas, cum ovi albumine, & thuris pulvere in naribus pessuli modo indere curabunt.

Suppressa, ac devicta præcipiti hemorrhagia medicus deinceps se accingere debet ad morbos tollendos à quibus ipsa procedit, cachexias, intemperies viscerum &c.

*Pro morbis oculorum, Ophthalmia Suffusione auxilia.*

**H**abet ophthalmia causas cum aliis inflammationibus communes, videlicet humores stagnantes, atque inter circulandum, extra vias sua deflectentes.

Universaliter tamen fovetur ab acido sanguinem & contentum serum coagulante. Dum itaque sanguinis massa à causis procathartice acrior fit, ad caput in magna copia delatus inveniens oculos debiles in majori copia ad eosdem confluit, quam quod ab eorum laxitate regulari possit, sed in tunicam ad natā exundans ejus vasa distendit ac dilatat, visibiliaque reddit suo sanguineo colore, non sine dolore, ob fibrillarum sensitivarum divulsionem ratione violentæ distensionis, tum ob mordicationem ratione præternaturalis acoris.

Lacrymæ verò lymphæ accurenti (ut irritantes sales diluere posset) impurantur. Ardor tandem salinis particulis adscribitur.

Suffusionis causa solet esse liquor albugineus nutritivus nervorum impurus, veniens à cerebro, à causis externis (potissimum studiis vel animi passio-

nibus) refrigerato, ac debilitato.

Nutriuntur etenim oculi, & eorum liquores restaurantur non à sanguine, sed à purissimo liquore albugineo, seu sero nutritio nervorum in cerebri glandulis optimè elaborato, atque nutritioni nervorum, & partium spermaticarum destinato.

Dum itaque talis liquor albugineus nutritivus nervorum coinquinatus, ad oculos venit, loco nutritionis ac restorationis, liquorum perspicuitatem offuscat.

Non negamus tamen, quod quandoque suffusionis incunabula non in cerebro, sed in ipsis oculis sita sunt. Dum scilicet liquor albugineus purus quidem à cerebro venit, sed intra oculorum orbitam concrescit, ipsis imbecillibus existentibus; ideòque difficultè concoquentibus ac assimilantibus perfectè, sed ipsum depravant atque præternaturali concretione inquinant.

Sunt etenim oculi (juxta Aristotelis monita sect. 31. probl.) omnium nostri corporis partium infirmissimi; frigida exanguis naturæ, aquei, mutabiles.

Sic absque cerebri læsione, sed annorum solo decursu observamus in valde senibus, quod turbatur pupilla, & aquæ marinæ persimilis fit, cum visus imminutione. Neque alia ratione, nisi quia liquor albugineus (nervæus succus veniens à cerebro) ejus naturæ est, quod concresecere possit. Ut facili negotio, quilibet experiri potest.

Hinc est quod in suffusione gradatim visio obtenebrari solet, & tandem tolli. Primò namque nubeculam, vel culices ante oculos volitantes (ob particulas incrassatas vagantes, quæ motum liquoris albuginei ante pupillam



sequuntur ) deinde objecta externa obscurius vident, demum lumen difficultè admittunt.

Interim oculos inspicienti, loconi-græ pupillæ ac tenebrarum ( quæ sunt secundum naturam ) humor aqueus vitri fusi ad instar turbatus apparet. Indè sensim magis albescere videtur. Donec tandem perfectam cataractam dictam producat, quam incrassatam ac aliquo modo consistentem Norisæ professores deponere facilè, & feliciter vidi.

*Auxilia.*

**I**ntentiones itaque præcipiæ eo dirigendæ erunt, ut ea in usu ponantur, quæ oculorum nativum calorem fovere, tunicas rarefacere, liquorem albugineum à cerebro venientem purum reddere possent.

Victusque ratio potius calefaciens, & siccans sit. Aer ad calidum potius vergat, vel cephalicis, exiccantibus alteretur.

Prout fontenta actu potius calida quam frigida esse debent. Abstineant à vino, vel sit cephalicis medicatum; tutior tamen erit usus mellificati, & aliarum potionum alibi recensitarum.

A veneris castris cauti recedant, neque à cæco duce se excæcari permittant. Nihil etenim succum nerveum equè depopulari, ac contaminare potest quam venus.

Potus qualiscumque sit semper parcius, & qui feri & lymphæ illuviones non augeat, sed arefcere permittat.

In cruditatibus omnibus stomachi vitandis etiam scrupulosè allaboret, ciborumque & potum electioni vacet, de præciosissimis corporis gemmis

redimendis sollicitus.

A cibis aliquas confectiones adstringentes sæpius recordatas assumat, anisofos confectos, vel semina coriandrorum, &c.

Vinum eufraggiatum tum pro curatum pro præservatione commendabile est, prout salviatum, vel lignis lentisci, laxafras &c. alteratum.

Verum arrideret mihi integra à vino abstinentia, & dieta sudorifera lignorum per 30. & ultra dies, sic etenim capitis, & oculorum excrementa attenuari, fundi, dissipari possent, & universæ partes laxæ roborari.

Cavendo interim ut caput, & oculi ab actuali calore cautè defendantur.

In principio morbi vino nigro austero, vel aquis stypticantibus oculi laventur. In progressu cum aquis eufraggiæ, fœniculi, chelidonij, & infusione croci resolutio procuretur.

Tunc temporis etiam liquor ex formicis in olla contacta in clybano tepente reposita collectus magnarum virium esse consuevit.

Succus pariter à chelidonio expressus, atque ( ob acrimoniam molestantam ) sufficienti lacti commixtus tunc temporis inservire poterit.

Si autem cum valdè incrassatis liquoribus pugnandum sit, ocularia auxilia Tobisæ ex felle piscium, cum aqua eufraggiæ vel fœniculi, & mellis modico efficacissima erunt. Nam fel universalitèr magnum obstergens est, sed ob validum morsum attemperari debet. Fella piscium quia mitiora si relinquenda sint, ad fellia perdicum, vel avium rapacium, accipitris, &c. ascendere poterimus.

Verum si de oculorum magna imbecil.



becillitate constet, hæc invalida esse reputabis, atque preciosissimum auxilium à balsamo Orientali in oculis instillato expecta. Et à magnis antidotis caput confortantibus, & defluxiones in suo fonte exiccantibus, ut est theriaca, mitridatum, opiata varia ex appropriatis cephalicis concinata, vesperi ante somnum exhibitæ.

Conservæ betonica, salviæ, stecadis, vel electuaria ex his, & succinatibus parata. Aliaque auxilia pro catarrho proposita non inutilia erunt.

Quoniam verò oculus cuncta medicamenta à se abigit, sive forma pulveris, sive forma aquæ. Ideò valdè conducet ut cucurbitula apta vitrea inveniatur, cujus os orbitæ oculi respondeat, in qua reponendi sunt antedicti liquores, vel spiritus aquei, admixto sive albo sine opio in principio.

Apponi vero debet primò clausis palpebris; nam sensim palpebræ aperiri poterunt, & liquorum impressio facta tollerabitur. Inter cæteras verò liquores præfertur aqua aufraggiæ chelidonii, fœniciuli, rosarum albarum cum modico vini spiritu. Sic enim dissolutionem albuginei liquoris incrassati, attenuationem, & penetrationem facilius molliiri poteris.

Nisi jucunda auxilia ab initio promississem, cauterizationes in occipitio. Sub aures affectas hirudines, pillulas capitales ante cœnam proponere ausissem.

Quare contentus ero commendare sepiùs in hebdomada neotericis capite derasis ut caput lixivio ex incineratis cephalicis parato lavent, ablutione etiam subsequente vini albi infusionis cephalicorum, & postremò inunctione facta cum oleo carabis, vel quinto essentia rosmarini.

Suffumigium verò interdium fiat ex croco in vino albo ebulliente, ad oculos fumo ascendente. Vel panis fœniculo subactus calēs à clybano extractus, sub oculis apertus, ut ejus fumus excipiat, actuali enim, & potentiali calore poros aperire, materiæ crassitiem attenuare poterit. Eodem paritèr tempore masticatoria, & alia lymphæ, & aqueorum fluores exiccantia commendabilia reputamus.

Sed super cætera omnia, duo proponimus suis cautionibus ministranda. Alterum est usus viperarum, & viperarum, qui rectè ministratus solus pro omnibus sufficere potest. Alterum est Mercuriale auxilium, quod quando de lue Veneris suspicio adest, nunquam intermittendum est.

Innumeræ verò cum sint Mercurii præparationes, quæ in variis conditionibus variari possunt; Nos inunctionem cum copiosa humana pinguedine cæteris ante ferimus.

### *Auxilia pro ophthalmia.*

**I**N conclavi obscuro degant, procul ab omni vento austrino. Pannis viridibus lectulus circumdetur, ut ab omni aeris injuria muniatur, non solum, sed quia est oculis gratissimus color, qui lucis radios ad mediocritatem moderatur.

Arcendi sunt ab omnibus acerbis odoribus, atque odores potius aquæ rosæ, canphuræ santallorum ebullientium procuretur.

Lumen quod vis procul absit. Aer pulverulentus, vel nebulosus, vel fumo obscuratus penitus arcendus. Ingens verò splendor, sive ignis, sive solis, visum notabiliter lædit, nam spiritus dissipat visivos à cerebro ad pupilla-



pupillam confluentes, nec quiescere  
sinit eos.

Decumbant in latus sanum, lecto  
sublimiori, seu elevato capite. Mo-  
tus interdicator omnis, & quies im-  
peretur.

Lucubrationes, & lectiones inter-  
mittantur. Illuminationes absint.  
Cibi offerantur boni succi, facilis co-  
ctionis. Atque victu in inflammatio-  
nibus præscripto utantur. Fugiendo  
acria, salina, fermentativa, corru-  
ptioni obnoxia, vaporosa. Quæ om-  
nia nervoso generi, & iis quæ succo  
nervoso aluntur hostilia sunt.

Sic universa acida, Legumina,  
Balneationes, æstuaria, imo solis  
æstus, & caput calefacientia omnia.  
Nocet tamen fluxiones promovendo  
vinum tenue, potissimum copiosum,  
tum potiones frigida. Æquè fortè ac  
aromata, & aromatica caput replen-  
tia, cariophili, allium, cæpa, por-  
rum, faba, lenticula, & consimi-  
lia.

A sole itaque à coitu, ab igne, à  
labore declinent. Alvi lubricitas om-  
ni studio procuretur. Fluentibus enim  
inferiùs humoribus, cessant ab infe-  
standis partibus superioribus.

Cœna semper sit parca. A cibis va-  
porosis se contineant, à dulcibus, glu-  
tinosis, salitis, acribus. Ab igne,  
radiis solaribus se custodiant. Imò  
ab omnibus caput calefacientibus.

Cœnam claudant aliquo adstrin-  
genti, granis 4. mastiches integris  
deglutitis, Vel conserva rosarum,  
aut diacitonitone.

Panis consuetus in mensa condia-  
tur fœniculo, vel cynamomo, ani-  
sis.

Dolentes oculi quia lumen effu-  
giunt, ideò holoserico viridi conte-  
gantur, procul à luce.

In doloribus oculorum ait Hipp. 7.  
aph. 46. ubi merum bibendum dedisti,  
& multa Calida lavisti, venam se-  
cato. Quæ tamen omnia juxta Pros-  
peri Martiani interpretationem ea-  
dem die facienda sunt. Nunc quia  
corpora nostra balneis uti desuevere,  
tutum auxilium non esse judicamus,  
licet de balneo, & vini meri potione  
idem confirmasset in 6. aph. 31.

Quare hæc auxilia sunt magna cau-  
tione administranda. Et solum post  
plethoræ imminutionem, nec non  
constantibus signis quod lippitudo fiat  
à sanguine crasso frigidiori, attenua-  
tione ac fusione indigente, in usu po-  
nantur.

Secus in conditionibus fervidiori-  
bus tutiorem esse potum aquæ judica-  
mus. Vel ad seri, sanguinisque par-  
ticulas acidas corrigendas potus theæ  
non inutilis erit.

Fœniculus omnibus modis oculo-  
rum laboribus proderit, sed potissi-  
mum succus in colyriis, & ejus semen  
in æsculentis.

Non est anile figmentum, sed  
fræquentibus experimentis veritas  
comprobata, quod magna utilitas li-  
pientibus oculis percipiatur si perfora-  
to apice auriculæ, frustulum radicis  
thimeleæ indatur, ipsum bis in die  
commutando; plurimo etenim acri-  
fero ichore evacuato, pro utili de-  
rivatione inservit.

Ad superfluum pariter lympham;  
uberius superiores partes rigantem ex-  
hauriendam masticatoria exhibeantur  
ex pyretro.

Vel saltem masticis grana aliquot  
dentibus terenda, jejuno ventre.

Hac enim arte copia lymphæ in sa-  
lialibus ductibus contenta avocatur,  
atque ab oculis ad palatum derivatur,  
acutisque salibus prægnans eliminatur.



Integra etiam fœniculi herba cum caule suo concidatur, & contundatur, atque placentulæ efformentur, quæ supra cratem ligneam patinæ impositæ saccaro irrorentur, & per noctem in loco humido reponantur. Id enim quod in liquorem versum manè invenietur, præstantissimum colyrium est.

Spiritus vini canphuratus, vel aqua reginæ Hungariæ, copioso spiritu aquoso eufraggiæ dilutus in oculorum imbecillitate, laxitate & conditionibus frigidis magnum auxilium est.

Econtra in conditionibus ferventibus, & magna liquorum tenuitate ac fluore, ad opiata, & soporifera ascendendum erit noctu cundo cubitum.

Decoctum etiam florum papaveris cum ovi albumine quassatum, & canphura, dolentes inflammatos oculos intra pauca momenta demulcet.

Dulcia oculis infensa reputantur à Rasi quocumque modo adhibita in usu interno. Nam in usu externo sensitivis oculis magna auxilia sunt, ut lac muliebre instillatum, quod acres liquores ad oculos appellentes attemperat. Idem operatur aqua plantaginis cum saccaro Saturni & canphura.

In declinatione aqua reginæ Hungariæ, validè roborare, ac discutere poterit guttulis duabus in oculo instillatis.

In longa lypitudine collyrium perox vino albo, aqua rosarum albarum, plantaginis, cum tutia in petia ligata, cum cariophyllis, canphura, & saccaro saturni. Interim usum viperarum præscribo simul cum decocto lignorum, & dieta sudorifera.

Declinante affectu pro colyrio utor croco metallorum in vino infuso albo.

Atque vesperi suffumigia ex succino cundo cubitum impero.

In levi ophthalmia, & ordinaria horum pauca sufficiunt, & facile sanantur. Si rebellem, & his auxiliis contumacem cernas, magnum indicium est à lue Celtica occultè foveri; quare ne laborem & operam perdas ad decocta lignorum, & dietam sudoriferam, nec non ad alexiteria luis, & viperata totus te converte, & sic certam victoriam reportabis.

#### *Pro affectibus aurium auxilia.*

**I**Nflammationibus tentari solent aures, atque ob intensissimum dolorem anexum, Paracelsus aurium panaritium dicere non dubitavit.

Tantus etenim increscit quandoque dolor, ut convulsiones, deliria, & mortem ipsam afferat. Advenit etenim cum febre acuta, quando inflammatio in profundo auris à calido humore oritur, sicut occupat neruum auditorium, & membranas conterminas.

Nam membrana, quæ auditorium meatum investit, tenerima est, nervosa, & exquisiti sensus, undique conspersa innumeris nervorum filamentis, à quinto pari venientibus.

Prout verò inflammatio est exterior, & alta, remota à cerebro & à partibus valdè sensitivis minor est dolor, minusque periculosa. E contra quæ interior, profunda, cerebro vicinior, magis nervoso generi insidiatur, magisque periculosa est.

Transitque ut plurimum in abscessum & vulcus (nisi ejus progressus inhibeatur in principio) & puris subsequitur excretio.

Materia ex qua fit, ut plurimum est serum acre falso amarum, quod per glandulas auribus proximas depurgari sole-



solebat, & excrementorum ceruminosorum aurium genitor erat, dum à causa aliqua externa à sua depuratione impeditur aut à cerebro malè affecto in debilitatem aurium cavernarum eructatur.

Non infrequens est paritèr aurium surditas, vel saltem auditus gravis, eveniens quia nervus auditorius difficultèr moveatur, vitio auris externæ. Vel quia meatus auditorius obstructus sit. Vel vitio liquorum adeò vasa replentium, ut fermè nulla sit via ad sonos. Vel à mala dispositione, nervi ad auditum destinati, vel ossiculorum auditoriorum in tympano contentorum.

Surditatis etiam perfectæ causa potest esse nervus auditorius immobilis, vel liquor nutritivus nervosus præternaturaliter in eodem stagnans, & coagulatus paralytico more.

Mali causa non rarò latet in meningemeatus auditorii quoniam rupta, vel exesa, vel exulcerata sit, vel callosa coaluerit.

Evenire etiam solet in surdis à natiuitate, quod nervus auditorius malam patiatur conformationem, prout & alia instrumenta ad auditum necessaria, quæ in alium locum quandoque indebitè transferuntur.

Quandoque idem nervus à proximè adjacentibus partibus adeò comprimitur, ut obstruatur, neque debitum additum permittere potest spiritibus animalibus, pro sensatione obeunda.

Verum quæ à nobis magis considerabilis hoc loco proponitur accidentalis, & ob errata dietetica superveniens gravitas auditus (quæ in valdè senibus familiaris est) fieri solet dum succus enervens flure impeditur in fibrillis nervi's audiendi instrumento destina-

ti, ob illarum compressionem vel obstructionem.

*Auxilia doloris aurium.*

**E**Adem dieta servanda est, quæ in inflammationibus omnibus communem esse indigitavimus. Tempora potissimum distinguenda erunt, nam in principio (ut verum fatear) cum Hippocrate unctiosa universa in inflammationibus suspecta sunt.

Mihi potius feliciter successit fotsurfurum, florum camomelli, & salis marini saculo inclusorum, & ebullitorum in aqua communium cum tertia parte aceti; faculumque tepentem ac effumantem reponere jubeo supra aurem dolentem, ut cum frigescere incipiat, mutetur. Hac enim arte intra bihorium circitèr sanatum, vel admodum dolorem imminutum fuisse observavi.

Causticum balsamum meum copioso butyro admixtum, exterius illitum, supra omnem fidem hos, & dolores omnes simul cum incipientibus inflammationibus tollere validissimum est.

Qui ab istis timidiusculi reformidant, & dolori aurium validis instrumentis obviam ire procurant vesperi ante somnum opiata propinare non desistant, & soporiferam tincturam opii & laudanum nepentes, & philonium romanum.

Exterius verò oleum à hyosciami, vel papaveris seminibus expressum tepidum applicetur, lanaque succida medicamento narcotico imbuta prius adhibeatur, deinde oleum ex vitellis ovorum infundatur, semper verò instillentur benè calentia, non solum ut promptius leniant dolorem, sed ut altius penetrent.

Oleum destillatum per retortam ex pice navali nigra unum ex celeberrimis secre-



secretis est D. Jo: Baptiste Silvestrini (aromatarii verè capitis aurei, mei pernecessarii, & amici duorum regum Poloniae, & Impetratricis Oleanoræ pharmacopeus, Europæ, linguis, & spargiricæ artis notitia insignis) qui felici semper successu his patientibus gratis illud elargitur.

In progressu morbi fatus fieri possunt sacculo hyssopo, camomello, salvia repleto, atque in lacte ebullito.

Si hæc displiceant, fumus tabaci ex thure, mastiche, succino auribus excipitur. Vel cæpa sub cineribus affata ad faciliorem promotionem puris validissima erit.

Aut in conditionibus calidioribus radix illiorum alborum. Vel oleum scorpionum, aut scarabeorum in oleo ex amygdalis Armeniacorum paratum pro omnibus sufficere poterit.

In affectu leviori, panis cum copioso feniculo cimino, anisis subactus, & à clybano calens extractus, apertus, ac dolenti auri applicitus sufficere solet. Vel guttulæ duo, aut tres olei cariophyllorum, cum tantundem olei ex seminibus papaveris expressi.

Succinata verò pro hoc affectu magnam laudem promerentur. Interius quidem guttulis olei succini propinatis. Exterius suffito pulvere.

Formicarum liquor, eodem modo paratus allumbricorum liquor in clybano tepente, primum & præcipuum locum obtinere penès magni nominis auctores pro curando hoc affectu reperies.

*Auxilia ad gravem auditum, surditatem, &c.*

**V**ictus eligatur tenuis, non admodum calefaciens, sed aliquatim siccans, boni, & laudabilis succi. Relegandaque vitiosa alimenta, vaporosa, legumina, cæpæ & consimilia caput replentia.

Caveant insuper à cruditatibus omnibus. A motibus vehementioribus, potissimum capite declivi. A sole. Igne. Potu meraciori. Caffeanaque potio exiccatione indigentibus non inutilis erit.

Ab omni aeris intemperie, sed potissimum ab improvise frigore custodiantur; ne obstructions viarumque angustia augeantur, meatus densentur.

Mesuesque præceptum servetur *capite de ophthalmia*. Quod sicuti in *ophthalmia* semper actu frigida sunt imponenda, sic in auribus calida.

Succinata primum habere locum creduntur, oleo inuncto, vel propinato, atque pulvere suffito, guttulisque præterea olei in aure instillatis.

Axungia viperæ multis hac ratione auxilio fuit. Non minus instillata aqua Reginae Hungariæ ubi de laxitate, & imbecillitate indicia sunt.

Decoctum theæ pro incrassatæ materiæ attenuatione aliis placet. Mihi verò potius arrideret longa dieta sudorifera, & usus decocti lignorum per 40. dies.

Suffitus ex gagate, & myrrha per tritorium vesperi eundo cubitum auribus excipitur.



Masticatoriā verò ex pyretro , vel granis masticis , exuberantem lympham , & affluxum liquorum ad aures ex haurire posset.

Oleum expressum ex nucleis persicorum , & armeniacorum pro valido attenuante crassarum materierum in auribus probatur .

Liquor anguillæ pulvere anisorum inter assandum conspersæ collectus , in aurem instillatus , convulsiva induratione instrumentorum factam surditatem sanat .

Dormituri sepiùs in hebdomada summant drac. j. theriacæ . Vere & autumno per 15. dies utantur decocto , carnibus , vel saltem pulvere viperino , & ab his sensus omnes acui , & veluti se rejuvenescere sentient .

Fumus sulphuris in aurem exceptus laxitate laborantes , & humiditate , multos persanavit .

Quod si hæc displiceant , peccante materia frigida lotiones capitis fiant lixivio cinerum cephalicorum , & vino infusionis eorundem , quibus cerebrum roborabitur , & moderatè exiccabitur .

Panis subactus pulvere aromatum nucismoscatae , &c. calens à clybano extractus , vini spiritu iroratus , apertus , auribus applicetur .

His tandem omnibus , & singulis invalidis existentibus ad mercurialia ascendendum erit , tum propi-

nata , tum inuncta , à qui-

bus penetratio om-

nis , emollitio ,

& concre-

to-

rum dissolutio spera-

ri poterit .

⊕()

*Pro memoria lesionibus  
auxilia .*

**S**cientiarum , & artium depositoria arca Memoria , sacra Musarum Mater , illuminansque Diana , Apollinis intellectus radios reflectens , quandoque ab improporportionatis liquoribus cerebelli substantiam inundantibus varias læsiones patitur .

Equè enim pituitosi ac melancolici succi spirituum rectas , & naturales vias occupantes , in causa esse possunt , quod à muneribus suis spiritus animales impediantur , vel confusè agere cogantur .

Hinc est quod notat Aristoteles in problematibus , quod melancolici neque recordantur neque recordari possunt ob animalium spirituum invicem collisionem in his consuetam .

Nosque leviolem affectum quotidie in plurimis melancolicis observamus , qui ratiocinantes , alicujus nominis obliviscuntur . Imò quo magis recordari conantur , advocatis ad imaginationis locum spiritibus , confusio augetur , minusque recordantur . Dum vero de illo amplius non cogitant , in mentem venit .

Hujusmodi itaque memoriæ lesiones à frigidis cerebri intemperiebus provenire solent , crebriusque cum materia humida quam sicca .

Hinc est quod defervescente ætate , & declinante , sensuum omnium prima memoria , incipientem cerebri refrigerationem , seu insiti vigoris , ac caloris imminutionem præmonstrat , inde oculi conspici-



lorum auxilia reſolcunt .

Veneris penu penuriam pati incipit , & ſic evidentia indicia habentur à minori in ſpermaticis partibus nutritione tunc facta , quod cerebri vigor ſenſim labefcat , neque amplius ad reparandum ſuccum albugineum nervorum nutritium in tanta quantitate ſufficiat .

Dum igitur refrigeratis cerebri glandulis ( ſeu earum inſitavi immixta ) minus de ſucco nervorum nutritio , minusque per conſequens de ſpiritibus animalibus enim generatur , ſenſim quilibet ſenſus labefſatur , & cum his etiam memoria .

Ita ut memoriæ læſionum cauſam eſſe reputemus liquorem albugineum minus proportionatum , quem veteres pituitam , vel ſerum acidum melancolicum ( pro varia depravatione ) nuncuparent , à quo improporportionati , minus lucidi , minus agiles animales ſpiritus procreantur .

### *Auxilia .*

**Q**Uamobrem intentiones univerſæ eo dirigendæ erunt , ad probam memoriam obtinendam , ut cerebri temperies moderata ſit , ad calidum potius vergens , atque glandularum ſubſtantia mollis , ac undique pervia aptis ſuccis irrorata , quibus tum copioſum tum aptum in omnibus ſuis conditionibus ſuccum nutritium nervorum , elaborare poſſit .

Si vero lædatur memoria ob ætatis jacturam , ſola congrua victus ratione curanda erit , atque ætas reſtauran-

da illis artibus , quæ alibi in apendice prima inſinuavimus .

Theriacam itaque primarium læbentis memoriæ fulcrum eſſe noſtris , & aliorum experimentis cognovimus .

Rofolinum ex præcioſioribus aromaticis , cephalicis ambra , Zedoaria , moſco , ligno aloes , &c. potiſſimum in frigidioribus conditionibus uſurpari poterit .

Sic vinum medicatum gingiberè , galanga , nuce moſcata .

Caput vino albo cephalicis ſimplicibus imbuto lavetur .

In ciborum præparatione uſus cinamomi , croci , moſchi , ambre grifeæ frequens ſit , turcarum more . Vel horum eſſentia .

Sed quod omnium maximè procurandum eſt , vires corporis omnes quantum fieri poteſt inſtaurandæ ſunt per optimam ſervatam vivendi regulam , ſic etenim optimus liquor albugineus nervorum nutritius ſperari poterit , & non alia ratione .

Interim nativa quadam ſui conditione memoriæ obefſe ſcias lac , & lactaria , allium , cepas , porros , legumina , caſtaneas , carnes ſalitas , fumo induratas , caſeum antiquum , mucida , & abominabilis odoris , rancida unoque verbo quæcumque ſanguinem impurum , minus ſpirituolum , mobilem , magisque ſæculentum , craſſum , tardigradum generant animali facultati , ac memoriæ contrariantur .

Ebrietas Bacci , incontinentia Veneris , & ſaturitas Crapulæ , à ſacris Minervæ aris , & Mnemoſinis phæno exules vivant .

Sic Endimionis ſomnus , lethiſ ,  
&



& oblivionis frater arcendus est .

Moderatoque labore corpus exerceatur , nam per exercitia violenta summoperè læditur memoria , evacuatis animalibus spiritibus , & exhausto liquore albugineo spermaticarum partium nutritio .

Prout etiam faciunt superflua evacuationes quæcumque sed potissimum sanguinis , & adhuc magis feminis . Ita ut qui semen copiosius profuderit , etiam si juvenis sit , insignem memoriæ labem se pati persentiet .

Quia verò memoria excolendo , sicut omnia alia augetur , nihil equè labefactat memoriam , quam labores violenti corpori , animi otium , & memoriæ nulla exercitatio .

Animi etiam affectus , ira , timor , tristitia , longæ lucubrationes , vigiliæ , curæ fugiendæ . Omnia denique vitanda quæ spiritus imminunt , liquorem albugineum nervum à suo naturali statu immutant , sanguinem , & serum ex hauriunt , viresque resoluunt , & facultates labefactant .







D E

## AFFECTIBVS THORACIS

## PARTICULA TERTIA.

*Angina Cause, & auxilia.*

Communes causas habet angina cum cæteris inflammationibus, videlicet partem imbecillam, & extravasatos liquores (in gutture) qui à prædominio biliosi fervidi solent esse, inviscati à frigidioribus, & pituitosis.

Hæc inflammatio quandoque eripelatodis inflammationis naturam immitatur, absque tumore, & aucta magnitudine, quæ si occupet internam partem asperæ arteriæ cynanches nomine periculo plena est.

Quæ enim in faucibus fit, à frigidis glutinosis succis provenire solet, tenuibus succis commixtis, minusque periculi adducit, nam circa glandulas, & vasa faucium dum in tumorem attollitur, vias excretionum absque magna difficultate invenire solet.

Spuria itaque hæc angina à liquoribus ætherogeneis produci solet, sed potissimum à sero nervorum nutritio crudo, viscido, crasso, à capite veniente formâ pituitæ, dum caput de-

bile frigidum, ab externis causis intemperatum, excrementum hoc à se productum ad guttur, fauces, & glandulas proximas dimittit, quod præ constipatione externi frigoris, dum diffuari prohibetur, & stagnat, calorem, & acridinem majorem acquirit, vasa replet, & orgasmo facto, extravasatur.

Inter alias causas internas, quandoque lymphæ numeratur, quæ naturalem habet motum, & excretionem per vasa gutturis, faucium, & circumfilarum glandularum.

Hæc quandoque acris, acida, salina ætherogenea glutinosa obstructions faciens in vasculis prædictis, sanguinis & aliorum liquorum circulationem prohibet, atque fit dolorosa anginosæ inflammationis parens.

Vitiata etenim cum nimis fuerit, ductus suos salivales ritè, & rectè permeare nequit, neque per glandulas suæque vasa excretoria eliminatur.

Verùm frequenter fit (ut diximus) ab acrimonia ferià capite intemperato venientis, forma deflventis catarrhi, ad fauces, & glandulas, quod extravasatum irrigans loca vicina, va-



la sanguilla comprimens , sanguinis circulationem impediens, inflammationis forma se manifestat.

Procatharticae causae frequentiores sunt frigidiores potiones ingurgitatae aestuante corpore, & capite præ labore, vel haustus aer frigidior qui in gutture constipationem facit calidarum acrium effumationum, vel succorum ferventium, biliosorum.

*Auxilia.*

**S**I à materia valdè tenui, biliosa, acri, furibunda fiat, atque sit in principio, ad papaveracea felici omne descendere poteris. Ad emulsiones 4. seminum frigidorum majorum, imò ad laudanum ipsum nocturnis horis, & oleum expressum ex seminibus papaveris cum oleo amygdalarum. Hac enim arte intensum dolorem demulciet, spiritum inordinationes, & liquorum orgasmum compescet.

Detineant isti in ore lac, & cum incaluerit expuatur, & recens assumatur. Mihi tamen suspicanti ne facile lac acorem concipiat magis arridet lac artificiale ex quattuor seminibus frigidis paratum, atque nive refrigeratum, ore continere, ac frequenter immutare.

Gargarismus cum succo granatorum dilutus aqua plantaginis, & sale prunellæ. Vel agrestæ succus, sapa cum eadem aqua aut violarum diluta optima auxilia sunt.

Sic portulacæ succus, vel rhibes cum aquis refrigerantibus stypticis dilutus, sale prunellæ admixto in ore detineatur absque gargarizatione, ne per motum concitentur humores, sed laxæ gutturis partes firmentur, & fibræ invicem magis hærentes appellentibus

liquoribus additum negent.

Victus sit in his exquisitè tenuis. Inter cætera jus decoctarum ranarum summè commendatur.

Pro potu verò tinctura florum papaveris, in aqua florum papaveris acidula facta guttulis spiritus vitrioli. Vel tinctura rosarum in aqua plantaginis eodem modo facta.

Butyrum recens, vel cremor lactis (pana Italicè) aut caput lactis, admixto sale prunellæ & nive congelatum, par auxilium non habet, pro tollenda præcipiti, ac tenuissima angina dolorosa, absque copiosa crassorum excrementorum defluxione à capite; si ore aliquantulum contineatur.

Hordeum, hordeata fercula, & aqua hordei, his accomodata auxilia erunt.

Verum si pituitosa magis angina vexet, & affectus non sit adeò in principio, hordeatis mellita, & mulsa admisceri poterit, atque in potu propinari. Detinere poterunt isti ore decoctum malvæ, liquiritiæ, passularum, caricarum.

In cibis pulli hirundinis commendantur. Vel cinis epota. Potus sit aqua mulsa cum hyssopi portione, qui etiam frigidus nunquam propinetur.

In magis spuria angina etiam oximel squilliticum adhibeatur acetum, & mel gargarizetur.

Gargarismata ex decocto salviæ hyssopi, pyretri, betonicæ caricis, liquiritia, addito oximelite, in spuria pituitosa angina optima erunt.

Si vero laxæ valdè sint partes gutturis, gargarisma exhibeatur ex aqua plantaginis uncia una cum quarta parte spiritus vini.

Imò exterius circa collum imponantur



nantur linthea duplicata spiritu vini canphorato madefacta, vel aqua Regine Hungarie, & coagulatorum incrassatorum liquorum dissolutionem fieri videbis nonsecus ac ad solis ferventis aspectum nives & gela liquari ac disparere.

Caricem in ore detentam. Vel decoctum hordei cum melle, incrassatam pituitam circa os sensim educunt.

Si à capite defluxio, ob magnam cerebri humidam intemperiem, & glandularum ejus laxitatem vrgeat, fermentum panis cum succino, & thure vertici imponatur.

Aliaque auxilia usurpentur quæ capite de catarrho indigitavimus. Sed potissimum suffitus ex succino, thure, & mastiche, vesperi hora somni nunquam intermittatur.

#### *Tussis causa, & Auxilia.*

**T**Vsis sicca (quæ scilicet absque sputo fit) oritur dum latex tenuis serosus è vasis pneumonicis immediatè in pulmones suffunditur. Vel ab arteriis in laringem dehiscantibus exundans, in pulmonum capacitatem decumbit.

Hac etiam ratione ex bono pulmonis alimento depravato (sero nutritio, roreque à veteribus dicto) phlegma provenit quod tussi rejicitur, & facit tussim humidam.

Absque eo quod caput, & cerebrum lædatur, & ab eo destillatio ad pectus perveniat tussis fieri potest à liquore seroso ob præpeditam perspirationem in sanguine conservato, deinde effervescentia oborta, ac præternaturali fermentatione, arteriolarum orificiis dehiscantibus in pulmones ille eructatur.

Hinc est quod frigore suscepto, ob impeditam perspirationem facili negotio fit tussis.

Quæ universalitèr pro primaria, & immediata causa cognoscit partium sensitivarum, seu fibrillarum nervearum tracheæ, & pulmonum irritationem à re aspera inæquali, ac præternaturali.

Hac ratione lymphæ sero admixta, quæ succus lenis, & blandus est, à natura destinatus, ut ex vasis trachealibus ad laringis partes superiores extillet, ad eam mollem, æquabilem reddendam. Si quandoque salinis asperis particulis scateat molestam tussim excitare solet.

Ductuum adhuc pulmonalium obstructio, compressio contractio fibrillarum nervearum tussiculosum hominem reddere possunt.

Sic tubercula, inflammationes concretiones argillaceæ tussim inducunt lacefendo.

Materia etiam ætherogenea, præternaturalis, ac elastica, e cerebro per nervorum ductus prolapsa, simul cum liquore nerveo in fibras pectoris, & pulmonum motrices, effarata tussim producere valet.

Frequentior tamen causa, lymphæ acido, acri, irritantis sero commixta, atque inæqualibus particulis salinis turgens ad tracheam delapsa, tussim promovet.

Id enim quod pituitæ nomine venit, atque catarrhi, serum lymphæ commixtum evasatum est, quod illic à acris acorem, & extrinsecam frigiditatem persensit in mucaginem, gelatinam, & viscidam pituitam concrefcit.

Hæc itaque præternaturalitèr se habens, quantitate, ac qualitate peccans,



eans, ex asperæ arteriæ glandulis copiosius effusa, fauces, & asperam arteriam irrigans à loci frigiditate (ob inspiratum aerem) & à mora acorem contrahens majorem, inde fibrillas nervosas obvias irritans, & vellicans, molestæ tussis parens fit.

Acrior verò, & acidior potissimum fit, uberior, si per frigus externum insensibilis transpirationis evacuatio præpediatur.

Ab aere vero frigidiori inspirato, in trachea, & pulmone magis increasatur. Insunt etenim aeri acidæ particulæ nitrosæ in alcalicæ lymphæ coagulationem, ac increasationem pronæ adeò ut in momento lymphæ in vasis suis liquida, fluxilisque aqua existens, extravasata in os mucilaginosa, viscosa, crassaque fiat magis, vel minus pro majori vel minori ætherogeneitate.

Est & genus ferinæ, & pervicacis tussis, quæ oritur à fluctuantibus pituitosis salis, vel salso-acidis in ventriculo, quæ à parte post partem successivè irritant orificium superius ventriculi, diaphragma, inde & musculos respirationi dicatos, & asperam arteriam, quorum omnium nervosas fibrillas concutiendo, ac irritando, contractionem, & molestissimam crispationem convulsivo more molitur, pauca post modum subsequente per anacatharsim sputi excretionem.

Neque cessare solet (in pueris potissimum) nisi enormi facto vomitu alimentorum, & contentorum in ventriculo.

#### *Auxilia.*

**U**niversaliter vasorum, & glandularum oscula in tracheam

dehiscencia, modicè adstringentibus occludenda sunt, (potissimum in principio) ne serositates in eam naturaliter confluentes, ob laxitatem præcipientes affluant.

Equè tamen respectus habendus est, ut laryngis latera sufficienter demulciantur, ac deliniantur, ut neque acris, inæqualis materiæ serosæ irrigatione, neque externi frigoris occursu ledantur, exinde ad tussendum insurgant.

Vaginis etiam dulcificantium includendæ sunt particulæ cuspidatæ acutæ, acres, salinæ liquorum serosorum ad pectus confluentium.

Si impluvium à capite intemperato venire videatur, quod humidiori intemperie afficiatur, exiccantibus curetur, succino, decocto lignorum, sudore procurato, tum diaphoresi per viperata & pulverem viperinum tentata.

In progressu antiquorum bechichia (tussicularia dicta) spernenda non erunt. Tum confectiones ex speciebus diatragacantho, diairide, & consimilibus abstergentibus, incidentibus, quibus mediantibus molli tussi excitata, à pulmonibus præparata excrementa eliminantur.

Ad hoc igitur inservire poterunt decoctiones hyssopi prassii, radicum enulæ, glicerisæ tragacanto saccharo penidiorum, & consimilibus admixtis.

Pro intemperato, ac humidiori capite, cacusæ ex thure, mastice, cinamomo, nuce moscata, & carabe parandæ erunt.

Sed super cætera auxilia, magna cura habenda est in regulis dieteticis. Aer enim temperatus, vel ad calidum inclinans procurandus est; frigidus enim



enim particularum suarum nitrosa acrimonia faucibus, & pulmonibus infensu esse solet. Ideoque Hipp. animadvertit in 3. aph. 13. *Tusses potissimum hyeme ingruere, & 3. aph. 5. tum 5. aph. 2. Frigida qualis nix, Tum flatus frigidi aquilonares pectori inimici sunt.*

Motus, & quies mediocritatis claustra non excedant, nam per nimium motum liquores omnes tenuiores atque ad fluendum paratiores fiunt. Serum nutritium, tum lymphæ aciores facti, glandularum separationem affugiunt, & extravasantur. Per quietem verò nimiam pituitosi crassi succi stagnantes, aciores fiunt, magisque naturæ molesti.

Cibus, & potus temperatus sit, & qui blandis particulis suis demulcire, ac oblenire possit fibrillas nerveas asperæ arteriæ valdè sensitivas.

Caveant idcirco (potissimum in principio, nam in fine aliqua irritantia expectorantia convenire possunt) ab acris, falsis, aromaticis. Tum ab iis quæ serum acutum, tenue, fluxile reddere possunt.

Potus sit ptisana, vel mulla in causa pituitosiori. Decoctum hordei, pasularum liquiritiæ hyeme, & mediis temporibus. Vel decoctio florum papaveris, aut capitum papaveris æstate, & in conditionibus fervidioribus.

Quia vero actu frigidus potus (potissimum in copia, & confertim factus) etiam benè valentibus tussim excitare posse observamus. Ideo universa potulenta tepentia bibere, semper in tussi, & affectibus pulmonum commendabile esse reputatur.

Vina acida. Imò universa potulenta acida detestabilia sunt tussiculosis.

Hæc enim particulis suis salinis, aculeatis, irritantibus sensitivas fibrillas mordicant, & spiritalia universa organa exasperant.

Placet admodum (in tenui fluxione potissimum, & calidioribus conditionibus) statim à principio opiata, & soporifera exhibere, vesperi eundem cubitum propinata decoctione florum papaveris cum unc. j. syrupi ex iisdem floribus papaveris; quæ etiam manè jejuno ventriculo poterit usurpari.

Vel philonio Romano, aut laudano opiato utantur ut sic demulceatur, ac attemperetur serum acre, & quicumque alii effervescentes liquores ad naturalem statum deducantur, eorum tum progressivo motu, tum fermentativo interno sedato.

Dum etenim massa sanguinea effervesceat, atque præternaturali fermentatione exagitur, serum & cæteri liquores invicem secedere compelluntur, & fluxiones dolorum, & laborum causas concitare.

Per opiata igitur, & narcotica massæ sanguinæ dissolutio, atque in serositates fusio inhibenda est, & quies omni arte procuranda.

Ad falsos etiam tenues humores corrigendos, & temperandos, plurimum inservire potest gummi arabicum, vel tragacanthi in emulsione quattuor seminum frigidorum. Vel oleum amygdalarum dulcium.

Verum si pituita crassa vexet, & conditiones frigidiores præsent, oximelite, melicrato, atque mellitis auxiliis ipsam expugnare aggrediemur.

Antiquam, & contumacem tussim, cum suspitione ne tandem pulmo flaccescat, & à capitis defluxione æger pereat, decoctum ex lignis cum dieta



sudoriferā penitus eradicare poterit pectoralibus intermixtis.

Olibanum in excavato pomo excotum, & à cœna sumptum innumeros à tussi longa liberavit.

Lotio pedum pariter sub ingressum lecti mirificè tussiculosos levat, & noctem placidam impetrat; Si potissimum eodem tempore archea capitis irritato, thuris, & gagates suffumigium propitiatorium exhibeatur. Cujus vires pro roborando cerebro, & glandularum ejus erroribus corrigendis nunquam satis explicari possunt.

Declinante affecta theriaca cundo cubitum incassum non propinabitur.

Si ab acido viscido fero, pulmonum vesiculis impacto oriatur tussis, incidentia aromatica exhibeantur, & potissimum enulæ decoctum cum passulis, syrupus de peto. Spiritus vini, cum tincturis pectoralium, & saccharo cando inflammatus (dictus improprie oleum sacchari.)

Si tussis à ventriculo mucositatibus oblinito oriatur; vel à materia corrupta, naturæ odiosa circa primas vias stabulante (& hæc inter cæteras tusses impetuosior est, & maximè affligens, paucas habens per pulmonem excretiones) vix alio remedio, quam per vomitum aptius compesci poterit.

Deinde ad reliquias deturbandas, & abstergendas, oximel, decoctum hyssopi, & consimilia propinentur.

Ego ut verum fatear initio tussis ad demulciendas, attemperandas particulas acutas vellicantes membranofum velamen asperæ arteriæ, ac bronchiorum, securius auxilium non vidi quam opiatum, quod omnem acrimoniam attemperat, & stomacho fermentum ad mucositates procreandas inclina-

tum emendat, & sic in suo fonte fluores exarescere facit.

Exhibeo igitur vesperi post modicam cœnam decoctum florum papaveris cum saccharo modico, quod somno procurato catarrhos incrassat, & minus mobiles reddit, magisque expulsioni paratos, tum sensum molestum irritationis circa caput asperæ arteriæ tollit, vel levat. Factoque suffumigium ex olibano ex gagate. Post tertiam vel quartam vicem rari sunt qui (nisi in vivendi ratione intemperantes sint) à tussis molestia non liberentur. Syrupi glicerrhiæ vel hyssopi compositi inveteratæ tussi medentur.

#### *Astmatæ causæ, & auxilia.*

**V**ariæ procul dubio sunt astmaticorum affectuum, atque difficilis respirationis causæ. Frequentèr tamen à liquoribus crudis, serosis, acidis melancolicis, vel à fero nutritio nervorum depravato per arteriam venosam in pulmones lapso oritur, quod occupatis ductibus bronchicorum, & bursulis respirationi dicatis, absque defluxione à capite astmaticos insultus excitat.

Quandoque ob serum acre lixiviosum, fluxile biliosum, nimis in corde præter naturam effervescent ac ebulliens, pulmones nimis distenduntur ac inflati detinentur (eadem penitus ratione ac in recipiente Boiliano aere exhausto, animalia astmate corripuntur) & sic respirationis difficultas, ac inæqualitas insurgit.

Dum enim per arteriam pulmonalem cum impetu massa sanguinea in pulmones irruit, vexasculas pulmonum replens, vasaque sanguiflua distendens efficit ut pulmones debite relaxari, ac pro aeris receptione



ne rursus expandi nequant.

Non semel difficultatur respiratio, dum bronchia, vesiculæ pulmonum à pituita viscida, pure, tuberculis, callo adnato, vel materia tephacea aliove impedimento &c. angustiantur, & prohibentur ne liberè munus suum obire possint.

Duo verò sunt potissima astmatum genera humidum videlicet, & siccum.

Humidum fieri consuevit à mucagine viscida, bronchios, & pulmonum vexitas inviscante, quandoque in ipsis pulmonibus à corrupto nutrimento genita, quandoque à capite intemperato veniente, quandoque à depravata stomachi concoctione originem ducente.

Siccum verò astma, & convulsivum, nervorum & spirituum animalium culpa fit. Dum scilicet nervi pneumonici ob irritationem aliquam spasmodicè contrahuntur (& potissimum diaphragma) tunc enim, sanguis in præcordiis impedito libero motu, regurgitat tumultuariè, atque stagnatio, suffocationisque sensus inducitur.

Ideoque situ erecto corporis respiratio facilius fit, quoniam viscera abdominis facilius deorsum præmuntur, adjuvante eorum gravitate, & diaphragma liberiùs movetur.

Non semel difficultatur respiratio, ob imminutam sanguinis fermentationem, & torpidum in præcordiis motum, à sanguine crudo, viscido, acido, austero, seroso factum.

Ideoque hypocondriacorum pluri, tum aliàs, tum hora una vel altera à pastu, aut à motu corporis difficili respiratione tentantur, quo tempore scilicet chylus crudior, acidior sanguinis massæ confunditur.

Semper enim liquores acidi massæ sanguineæ de repente, ac affatim irruentes, circa præcordia, & vasa pneumonica magnas turbas concitant, coagulationes moliendo, equabilem circulationem sanguinis deturbando, respirationem lædendo.

Prout injecto spiritu nitri, vel alio spiritu acido in canis vena subclavia quilibet experiri potest; nam illicò difficili facta respiratione, veluti strangulatus obijt, sanguine in grumos concreto.

Præterea difficilis respiratio, & astmatici affectus provenire consuevere dum pectus, & viscera in eo contenta, à naturali constitutione dejectum alimentum in sui substantiam convertere nequit; sed illud imperfectè assimilandò, in materiam crassam mucaginofam vertit, eadem ratione, ac intestina alimentum suum in dysenteria catarrhi forma evomunt.

Sunt etiam peculiaris venena (reticenda, ne improbis hominibus nequiarum pabula præbeantur) quæ sua peculiari vi pulmonum innato calori, ac robori insidiantur, ut exinde probè nutriri, nec probè vitalia munera obire possint, dum assiduas excrementis undique conflictantur.

Quæ tamen excrementa, causæ occasionales difficilis respirationis non sunt, sed potius producta morbosa.

A tali causa nature hostili, ac deleteria difficultatur respiratio quandoque, dum partes motrices pulmonum, contractiones ac crispationes patiuntur. Nam fibras nerveas pneumonicas, & musculos respirationi inservientes occupans, spiritus incolis læcessit, qui in irregulares motus tumultuariè erumpentes, difficilem reddunt respirationem.

Fit denique difficilis respiratio, à cibis



bis in stomacho corruptis vel etiam repugnantibus concoctrici stomachi, ( ut fungi, qui idè strangulatores dicuntur ) vel à viscida pasta ventriculi oscula infarciēte . Quæ etiam solo vomitorio propinato citissimè & felicissimè solvitur .

*Auxilia.*

**A** Er temperatus procuretur, Aëstans etenim sanguinem rarefacit, ac in pulmonum vasis turgescere facit, respirationem frequentiore ac difficiliorem reddens. Frigidior vero pectori inimicus est, teste Hipp. & experientia.

Vitentur odoramenta, & potissimum quæ suavia sunt à foeminis, in quibus uterus facilimè in furores agitur, & integram respirationis cessationem molitur præfocando. Suffitus tamen ex gagate, myrrha, olibano commendabiles affluente catarrho sunt.

Animi motus omnes impeturosi vitandi, à quibus sicuti epylepsia, sic asthma potissimum siccum, ( quod pulmonis epylepsia ab Elm. vocatur ) concitari consuevit.

Somnus, exercitium, mediocritatis limites non excedant. Partium potissimum exercitia inferiorum manè ante cibum facta, commendantur.

Violentiores sive corporis sive animi motus ( ut ira &c. ) arcendi sunt, ut potè qui sanguinem impetuosiùs ad pulmonem concitare valent. Vel circa cor detinere, ut per timorem, & tristitiam evenit.

Erectam figuram corporis in accessione servant, ut libere magis septum transversum dimoveri possit, neque à viscerum naturalium pressura angustietur.

Victus attenuas sit, bonique & lau-

dabilis succi, ac humectans.

Tralliani documentum est, ut his copiosus potus exhibeatur. Per humidi enim abstinentiam periclitantur ne materia in pulmonibus exiccetur, atque rebellis fiat, ut per sputum excerni non possit. Utantur itaque mulsæ ad frequentem oris, & gullæ ablu-tionem.

Panatellæ oleo amygdalarum, & saccharo præparatæ anelosis inservire poterunt. Caricæ cum melle. Cæpæ elixæ in ferculis, & potissimum in panatellis cum ovi luteis. Ex lacte artificiali pineorum amygdalarum, seminum papaveris parentur panatellæ vel hordeata. Cæpæ sub cineribus cum butyro, & saccharo.

Affecto pulmone ( prout notat Jos Elm. ) ut plurimum post assumptionem copiosiorum, & bonorum alimenterum, augetur catarrhus. Ideoque jejunantes melius habent.

Zechii experimento inter alimenta astmaticorum, tria potissimum commendantur, quæ alimenti, & medicamenti vicem gerunt. Videlicet jus caulium cum hyssopo, & butyro recenti. Secundò hordei cremor cum melle vel saccharo. Tertiò cicerum alborum cremor, cum lacte amygdalarum dulcium, saccharo, & butyro recenti.

Ipse proficuum esse repetitis experimentis observavi ptisanam, mixtam cum pasta marciapani butyroque recenti.

Ex fructibus concedantur porissimum passulæ, caricæ, dactili, poma apia. Ex quibus etiam liquor sacchari à taleolis deciduus utilis valdè paratur.

Potus sit aqua hordei cum melle. Vel decoctum glicerhizæ, hyssopi, caricarum, passularum.



Diximus superius quod copiosior potus astmaticis interdicens non est, potissimum quando pulmonum viæ à crassis viscidis humoribus occlusæ sunt.

Tunc enim humectatione plurima indigent, ut abstergi possint. Talis enim, & tanta potio esse debet in prandio, & coena, quæ ventriculi coctionem deturbare non possit, neque cibum fluctuare faciat. Verum post quartam, vel quintam horam à cibo, tam noctu, quam interdiu portiones potissimum medicatas offerre etiam in copiosas, irrationabile non est.

Animadvertendum est etiam, quod alia cura adhibenda est in accessione, alia extra accessionem (scilicet pro præservatione) in qua licebit decocta, vina medicata, & alia, &c. infradi-cenda præscribere.

Præsentem igitur accessionem aer temperatus requiratur, vel arte paretur, ne scilicet frigiditatis causa humor crassus incrudetur. Vel præ caliditate liquecat, & præcipitanter ad pulmonem fluat ex capite, atque suffocationis periculum inducat.

Somnus in accessione vitandus, ob suffocationis periculum. Vel saltem brevis sit atque interruptus.

In accessione pariter motus quilibet tum animi tum corporis obest. Sed sola lenis ambulatio in loco perspirato convenire potest, quæ crassos humores commovendo attenuare, & musculos concutiendo robustiores efficere, atque ad excernendum per insensibilem halitum quæ crassa sunt promovere possit.

Venus in accessionis lucta, omnino abigenda ac vituperanda, nam suis concussionibus ac laboribus, magis ad fluendum ad pectus, liquores omnes disponit. Non negamus vero

quod extra accessionem in juvenibus, nuptis, atque huic excretioni assuetis, ac plenissimis, tempestiva Venus convenire possit. Docet etenim *Hipp. 6. epid. sec. 5. Quod Venus morbis à pituita factis remedio est.* Crassos enim humores attenuat, discutit, & ob validam agitationem excito calore ac spiritu, excrementa ad ambitum corporis propelluntur, & dilatatis vasculis, & papillaribus cutaneis poris patentioribus factis eliminantur.

In accessione quoniam flatus crassi, & nebulosi cum noxiis humoribus admiscuntur, difficilemque respirationem faciunt. Ideo cum expectorantibus flatus discutientia miscere utile erit, ut est oleum anisorum, essentia citri.

In materia potissimum tenui ac fervidiori præstat adhibere oleum amygdalarum dulcium ad unc. vj. cum unc. j. sacchari candi. Vel etiam oleum pineorum cum quarta parte seminum papaveris albi expressum, quod summis laudibus celebratur. Quæ etiam olea cum pulvere sacchari candi forma lambitivi propinare consuevi.

A nimis enim calidis expectorantibus, radice elemi, syrupo de peto, præsisio, botride, & consimilibus valide etiam exiccantibus abstinere, vel cautè exhibere; nam tenuiores partes absumendo, reliquas incrassare possunt, & sic contumacem affectum reddere.

Securius igitur ad expectorantia humectantia confugimus passulis, caricis, dactylis fructibus intermixtis.

Majorisque notæ medici præsentem ortopnea jubent ut omni arte pulmoxaretur absumendo potissimum lambitiva ex oleo amygdalarum, vel pineorum, cum syrupo ex floribus papaveris erratici.



Riverius de se ipso narrat quod laudano sumpto ad gr. iij. vesperi eundo cubitum, impetrata quiete sanatus est.

Si febris adsit, æstus, atque massæ sanguineæ bullitio fermentativa, dentur refrigerantia sanguinem dulcificantia, æstum, ac fermentationem modificantia. Ut sunt emulsiones ex quatuor seminibus frigidis majoribus, aliisque papaverinis, oculi cancri, lapis prunellæ.

Si suspicio sit de materia mucosa. viscida ventriculum infarciens, vomitorio exhibito deturbanda est, deinde amaricantibus, & potissimum elixire. Proprietas Paracelsi ex mirrha aloë, ventriculum ab acidis coagulatoribus liberare procurabis.

Pro his etiam stomachis frigidis flatu turgidis appliciti sacculi rebus carminatiuis in vino decoctis, anisi seminibus absinthio, &c. profunt.

Præterea Zacutus Lusitanus observatione 7. in his conditionibus frigidis chiocolatam summis laudibus celebrat.

In accessione balneatio pedibus, tum frictiones asperæ à suffocante difficili respiratione multos sublevare potuit.

Verùm si sit astma siccum, quoniam prohibeantur spiritus animales (qui promptè confluere deberent ad motum pectoris, & pulmonum) ne influant, vel parcè, & inæqualitèr. Tunc exhibeantur succinum spermaceti (sed non rancidum) essentia croci, & Castorei in spiritu vini, aliæque nervorum fibrillas demulcientia. Hunc paritèr paroxysmum sepè tollit tinctura opii, vel laudani cum nervinis cocleatim exhibita.

Non infrequentèr fit à chylo, vel sanguine crudiore, atque viscidiorè,

minusque spirituosò, visceribus naturalibus malè affectis, ac oppilatis (ideòque scorbuticis, & hipocondriacis familiaris est dispnæa) quorum causa abdomen flatibus repletur, hi vero septum transversum comprimentes, difficilem faciunt respirationem. Mirè autem isti sublevantur à flatibus discutientibus, atque aromaticis, & potissimum elixire proprietatis Paracelsi.

Si in massa sanguinea impurum serum sit fomes hujus affectus, decocto lignorum, tum dieta sudorifera adminiculo etiam viperini pulveris, & viperarum ad moderamen deducendum est. In quo casu etiam vina medicata in usu ponenda erunt.

In accessione, non solum ob rationes superius alatas sed ut sputum facile educatur, & tenaces mucositates in bronchiis pertinacitèr infixæ per sputum educantur, lambitiva propinanda erunt (vel saponæ liquidæ antiquorum dictæ) ex pineis, amygdalis, tragacantho, farina amyli, seminibus cydoniorum, plantaginis, papaveris, radice liquiritiæ, passulis, caricis, dactylis, gummi arabico, saccharo penidiorum vel cando, & consimilibus fiant.

Rotulæ ex speciebus diatragacanthi, diasulphuris vel flores sulphuris, aut butyrum sulphuris, aut rubinum morbis hujusmodi humidioribus accommodari poterunt.

Pronti in siccioribus conditionibus decoctum limacium cum saccharo ingens auxilium est. Semper vero nisi obstitent nimii pulmonum infarctus crassioris materiæ. Atque insignis sit virium omnium languor (& potissimum digestivæ) ad opiata confugere poterimus, & papaverina hora somni.

Potissi-



Potissimum si respirationis instrumenta à spasmodicis affectibus correpta esse suspicemur. Et adsint conditiones calidæ & siccæ. Hac enim via spirituum animalium inordinationes cohibentur. Atque cum somno tardior motus, & concoctio humoribus procuratur.

*Pleuritidis causa, & auxilia. Peripneumonia & inflammatio-  
num internarum  
genericè.*

**I**Nflammatiō, quæ tumor est cum pulsatione, dolore & calore, à solo spiritu casualitèr, à materia verò morbosa occasionalitèr tantum ortum habet.

Observat enim Hippocrates calorem, & frigus non esse morbos, neque morborum causas immediatas, sed morborum causas occasionales esse amarum, acre, falsum, ponticum &c. spiritum verò esse causam efficientem primitivam, est enim impetus omnis causa, ideòque inflammationem facit suo impulsu.

Materialis causa est liquor secedens à massa sanguinea, vel alimenti in partem aliquam evasatio, dum enim à tubulis suis exit, in fibrillarum interstitia effunditur, per stagnationem verò accessit, & incrassatur. Stagnatio itaque causa universalis in tumoribus est, quod intestinus motus in stagnantibus liquoribus fiat.

Ex hoc porì partis à crassioribus particulis obstruuntur, circulatio interturbatur, pars in majorem molem augetur dum sanguis cum aliis liquoribus extra arterias fertur, neque re- forberi potest adeò promptè à venis.

Partis verò poris, partim compres-

sis, partim obstructis, fuligines naturalē exitum non habentes, fermentationem stagnantium liquorum magis adaugent. Prima tamen origo fuit ab humoribus primò liquatis, deinde frigore conerectis, & acido in stagnatione prævalente.

Idea itaque communis inflammationum talis esse consuevit. Dum sanguis salinus, aquosus, terrestris existit, de nitro acreo spirituofo volatili, minus quam oportet participans, tenuitèr eventillatur. Imò depravatè in corde effervescent, atque ad angustiora vasa deductus, vasorum tunicis hæret (ob glutinositatem à sale depresso aquisitam). Imò vasorum pori ab illa humoris viscidæ remora arciores fiunt, & obturantur, quo fit, ut fuligines exitum sibi parare nequeunt, deinde in sanguinem concidunt, qui fumo veluti obrutus, & ab hoc veluti fermento contaminatus, vehementius ebullit, & molle augetur. Atque parti in qua stagnat labem suam communicat, & inflammationem inducit, motu circulationis sanguinis impedito, inde necesse est vasa distendi, ac rumpi, sanguinem verò effusum, suarum partium mutua actione corrumpi.

Fræquens etiam causa inflammationum effatus sanguis, & evapidus est, dum per violentos motus, & præternaturales calores nimis rarefit, atque avolantibus ab eo partibus subtilioribus crassioribus remanentibus, hæc à spiritibus in pauca copia restitantes frænari nequeunt.

Ad partem itaque debilem allabendo, minusque perspiratam ob aerem frigorem, vel ob stypticantiæ extrinsecæ, concrefcere, ac stagnare compellitur. Ob motumque ipsi denegatum, volatiles tenuissimæ partes tum



*Auxilia inflammationibus communia.*

*Spiritus àvolant*. Qui salinas, tum acidos partes temperare solebant, quare acido prævalenre, in alcalicis acrius pugnans, corruptionis, & mutationis in pus fecundus fit parens. Communes habent causas, eque pleuritis, ac peripneumonia. Videlicet fiunt ambo ab aciditate peregrina, dum stagnantes liquores extravasantur.

A causis tamen procatharticis sanguinis massa prius agitari, atque præternaturalem fermentationem sortiri solet. Nisi enim plus justo effervescat à tubulis suis amplius spatium requirens non effertur. Nimis igitur æstuans cruor, spiritibus turgens, tenuibusque acribus particulis scatens, nimio facto motu, ac impetu, vasa disrumpit effususque ab arteriis sanguis, ob stagnationem, & moram in fermentum acidiusculum abit, & in furorem concitat Archeum.

Particulæ verò acres acidæ aculeatæ, cum sanguine mixtæ, sunt quæ rimas faciunt, atque nerveas fibrillas divellunt ab initio dum impetuosius concitatæ tubulorum fibrillas dilacerant, & sanguis per scissuras effluit, ac præternaturalem fermentationem subit.

Dicendo sanguinem, etiam serum & alios liquores in massa sanguinea comprehendendo. Nam ut plurimum tam pleuritis quam peripneumonia (qui teste Hippocrate non natura sed loco tantum differunt) à sero nimis fluido, acido & acri fiunt.

Inflammatiō tamen nervosarum partium, omnium maximè peracuta est (pleura vero membranosa ac nervosa substantia est) tunc enim nervorum succus optimus, pessimas corruptiones subire, ac alterationes compellitur, à quibus inde gravia symptomata exurgunt.

**A** Frigido externo corpus admodum defendendum est; ne libera perspiratio cohibeatur. Secus frigidiusculam auram haurire, semper (& æstate potissimum in febribus, ab inflammationibus ortis, optimum esset, in ægro obsequente, & qui coopore aptè contexto permanere gaudeat, absque magnis agitationibus.

Ad æstum adhuc moderandum, & liquorum asperitatem attemperandam, sanguineæ massæ effervescentiam imminuendam, proderunt emulsiones ex quatuor seminibus frigidis majoribus in aquis portulacæ, papaveris, plantaginis, vel in eorum decoctis.

A motu quolibet sive animi sive corporis vehementi abstinere debent patientes. Et ab iis omnibus quæ validam commotionem in massa sanguinea, & effervescentiam inducere possunt.

Inflammationes verò universæ, quoniam in numero acutorum morborum recensentur, victui tenui tractandæ. Ideoque tum hordeata, tum universa fercula, quæ in prima appendice acutis morbis accomodari posse diximus, inflammationibus quoque aptissima erunt.

Sic & potiones refrigerantes inibi eligendæ erunt aqua hordei, vel alicæ decoctum.

In affectibus verò pectoris & conditionibus potissimum frigidioribus nulla ex aqua hordei parata præferri solet, utpotè quæ exiccationem pulmonis non admittit, ut nec durior fiat, neque sputum incolari possit.

Actius ejus opinionis est, quod humiditas noxia sit pulmoni, ideoque pau-



paucum potum præscribendum esse. Galenus quoque paucum præscribit potum, comparative ad magnam sitim.

Verum si humores incrassati in bronchiis hæreant, jubet potum multum, & crebrum. Pulmonum verò sitis frigidi potius aeris inspiratione, quam potulentis mitigatur.

Vinum universaliter in quacumque inflammatione interdicendum est. In affectibus pectoris declinante morbo, & in conditionibus minus ferventibus vinum album dulce, tenue concedi poterit, ad virium restorationem, & spuri faciliorem educationem.

Affecto etiam pectore somnus elevato thorace procuretur. Atque à multa loquutione se contineant. Si materia crassa incisione indigeat, mulla adhibeatur, oximel, syrupus acetosus, vel saccharum in aceto dissolutum.

Gargarismata nunquam intermittenda. Hippocrates namque *lib. I. de morbis*. Pulmones affectos magna indigere humectatione insinuat. Monet insuper quod *ubicumque sputum glutinosum apparuerit, ab exhibitione cibi abstinendum erit, & sorbitio tenuis dilutum hordei exhibeatur*. Si vero *concoctum appareat, confidentius cibum augere poterimus*.

Decoctum pectrale antiquorum ex hordeo, passulis, jujubis liquiritia, & malva fatis accommodatum potulentum istis erit.

Pro aliis vero inflammationibus tintura rosarum, julep Alexandrinum ex aquis destillatis cum aqua rosarum, & saccharo, addito etiam uno, vel altero grano canphuræ.

In inflammationibus potissimum interternis, tenuissimus victus commendabilis est, nam sanguinem minorare valet,

Situs cubandi, durante fluxu (in pleuritide potissimum) sit super latus oppositum. Verum cessante sit super latus ægrum. Nam calefacta pars magis attenuat, ac rarefit, porosque magis pervios efficit, magisque concoquitur humor, & facilius prodit.

Sicuti à frigore læditur pectus, ita à calore moderato fovetur. Ideò prohibitiones, & potiones affecto pectore nunquam frigida, sed tepentes sint.

Et quoniam calor à mutua particularum collisione, ac fermentatione in inflammationibus contingere solet, qua cessante tensiones, & dolores cessant. Ideò à calidis auxiliis assumptis, fluorem, ex fervorem massæ sanguineæ exhibentibus, majoremque dolorem inflammationi communicantibus abstinendum erit.

Materiæ insuper influxus in parte prohibendus ab initio. Anodynus dolor leniendus ne major fiat spirituum cum sanguine accursus.

Digerentibus ac ressolventibus in statu agendum erit. Diaphoreticis tum internis, tum externis sanguinis motus restituendus est ad naturalem.

Lentor, aciditas pravæque ejus qualitates emendandæ. Æstus & fermentatio præternaturalis sedanda. Coagulati succi dissolvendi. Effusi, & corrupti eliminandi. Acidi verò facti, alcalicis, aromaticis corrigendi.

Opiata potissimum in principio, & in conditionibus calidis, inter valida inflammationum omnium depulsoria auxilia numerentur. Tantum verò abest quod timor sit ne in parte liquorum incrassatio subsequatur quod diaphoresim ampliolem ab eis expectabis factoque somno liquorum correctio, ac concoctio speranda, de-



pravataque fermentorum actio per papaverina ad moderamen deducenda.

Super inflammata vero loca externa quo vis tempore acidorum vim infringentia, absorbentia ac incrassata dissolventia applicari poterunt. Aqua calcis, calx ipsa, lixivium potissimum ex cineribus cephalicorum, sapo, spiritus vini canphuratus, vel crocatus, canphura saturni præparationes absque acidis.

Magnarum virium sunt in principio statim sibi datum emeticum quod viscidam acidam pastam à primis viis deturbet, & insuper per diaphoresin moveat.

Ab omnibus austeris, acidis, ac valde salitis magno studio cavendum erit. Pars quæ semper laxior est roboranda.

*Pleuritidis cum peripneumonia  
Auxilia.*

**T**Ransacta quarta die, aliquo coctionis signo apparente exhiberi poterit pomum excavatum, drac. i. thuris repletum, & cortum. Vel unc. vj. olei communis in aqua communi (sed melius in decocto malvarum ebullitum, ac propinatum. Lenit enim dolorem, vias laxat, & expectorat, sed præterea induratum alvum cum fructu) soluit.

Oleo tamen amygdalarum dulci palmam cedere debet ad unc. vj. pariter sumpto cum uncia una sacchari. Verum qui majori expectratione egent oleo seminum lini ad unc. vj. uti debent.

Lacte amygdalarum dulcium, vel seminum quatuor frigidorum pasta saccharo facta ac soluta panatela, hordeata & alia concinari debent.

Lac seminum papaveris, & melo-

num cum modico sale prunellæ assiduò in ore detineatur in conditionibus valde fervidis.

Loco unguenti pectoralis (quod inflammatis unctuosum fortè parum conducere potest) terebentina, cum resina, & colofonia super alutam extensa majoris est emollimenti.

Mucilago seminum cydoniorum in aqua rosarum parata cum modico saccharo in ore detenta siccitatem faucium & pulmonum arcet.

Si de catarrhi continua destillatione ad pectus indicia constent, ea exhibeantur quæ superius in cura catarrhi exaravimus suffitus ex gagate, & alia, &c.

Mororum nigrum succus omni tempore aptari poterit, nam cum expectoranti dulcedine inest quædam acerba stypticitas, & lubrica humiditas.

Urgente potissimum dolore ac vigiliis, ut partium vellicatarum fibræ contractæ relaxentur, & quies subsequatur, ad opiata, papaverina ac anodyna confugiendum erit.

Nam præter quam quod spiritus animales demulciunt, ac leniunt (ne præ doloris impatientia feroces fiant) sanguinem plus justo effervescentem, & accensum, ad moderatam fermentationem deducunt.

Aciditatem, & humorum acrimoniam infringunt. Atenuatos etiam ac preparatos peccantes humores diaphoresi aperta, ac sudore provocato evacuant.

In conditionibus itaque tenuibus biliosis potissimum ut ad sacram ancoram ad opiata confugies, modo vires constent, atque non procul sit à principio, & nundum materia impacta sit, sed in via. Inter papaverina placida excellunt emulsionem ex seminibus papaveris albi, & decoctio



florum papaveris erratici, ac ejus syrupus.

Exteriùs etiam admodum prodesse possunt quæ anodyna sensitivarum partium sensum demulcent, oleum ex seminibus papaveris expressum, vel ex seminibus hiosciam, oleum amygdalarum dulcium.

At oleum cucurbitæ his temporibus in nostris regionibus celebre est anti-pleuriticum.

Verùm quia mihi olea in inflammationibus omnibus parum arrident, potius familiaria sunt fomenta in doloribus pleuriticis, quæ certo experimèto mihi inotuere efficacissima esse ad dolores laterum tollendos vel mitigandos, si frequenter repetantur, neque integrè frigescere permittuntur, postquam calentia applicita fuere.

Parantur verò acceptis duodecim manipulis furfurum, florum camomelli manipulos tres. Seminum lini contusorum lib. 5. Salis marini unc. iij. Aquæ, & aceti an ciathos tres. Hæc in sartagine posita calefiant, inde in sacculo posita applicentur.

Hac enim via, mediante actuali calore esamido extenuante, penetrante, attenuabitur materia stagnans incrassata, introductis particulis spirituosiss, subtilibus, mobilibus, salinis, volatilibus.

Quandoque alternatim sacculos applicui vino incoctos, & aqua, aceto, sale, hyssopo, & furfuribus miliaceis. A quibus viscositates solvuntur crassities inciditur, & sic materia coagulata fluidior facta, debite mixta, & agitata, ad circulandum cum sanguine iterum admittitur, tubuli repleti laxantur, dolor remittit, à materia tenuiori liberata pleura, nam sensim postmodum crassiores reliquias fortior facta de se excutit.

Formulas consimiles fovendi pleuriticos, penes Hippocratem de ratione victus in acutis videre poteris. Atque bona fide testari possum, plurimos hac arte me liberaffe. Nam hoc solo auxilio adhibito, absque venæ sectione, anacatharsi procurata ante septimam evaserunt.

Suffitus ex succino mastiche olibano sepiùs repetatur, ad capitis fluxiones moderandas.

Ad sanguinis fervorem attemperandum, diluentia aquosa exhibeantur, ac refrigerantia. Aqua florum papaveris, violarum cum sale prunellæ.

In pleuritide pituitosa, cum primarum viarum infarctu, vomitu procurato, vel vomitoriis propinatis victoriam ab initio certum obtinebis. & hoc solo auxilio plurimos à morte vindicatos vidi, inhærens experimentis Rulandi.

Ab initio dolori sedando, totus intentus eris, tum externis, tum internis. Quo præsentè inflammatio augetur & fluxio. Quo cessante omnia tolluntur.

In progressu apponenda erunt calida, emollientia, laxantia, concoquentia, discutientia, ressolventia unguentum pectorale axungia gallinarum; sed terebenthina, cum colophonia super alutam applicita efficacissima est.

Peccante etiam materia crassa viscida, & declinante inflammatione externa fomenta cum sacculis repletis malva, geranio, hyssopo, altea proderunt.

Sed præ cæteris auxiliis efficaciter operantur capæ in lactæ ad pultis consistentiam coctæ, lateri applicitæ, ad tenacium expectorationem, & coagulatorum dissolutionem.

Præsentibus biliosis conditionibus, ac magna siti manè jejuno stomacho dentur



ſentur emulſiones ex 4. ſeminibus frigidis cum lapide prunellæ, tum veſperi decoctum florum papaveris cum eodem ſyrupo.

Interdiù verò lac artificiale ex 4. ſeminibus frigidis majoribus gargarizandum aſſiduò tum ſenſim deglutendum. Aliaque conſimilia exhibenda quæ copioſum ſerum ad ſanguinis maſſam inferant, culinas à ſalibus acribus eluant, & ad vrinæ vias ſecum ducant.

In dictis itaque emulſionibus in aqua florum papaveris factis, vel in decocto florum papaveris erratici addi poterunt pulveres mandibulæ lutii, cornu cervini, oſſa capitis lutii, nitrum. Cruor hirci pulverizatus ad drac. j. more Elmontiano præparatus. Sed florum papaveris erratici pulverem fortè omnibus præcellere experientia fateberis. Oculi cancri, pulvis corallorum, papaverinis admixta cocleatim tum alia quacumque ratione (etiam in ferculis) exhiberi poterunt.

*Pro inflammationibus internis, tum externis generalia auxilia.*

**Q**Voniam his æſtuoſæ febres anæxæ eſſe conſuevere, ideo poſca frigida, vel aqua roſarum cum canphura teſtibus applicita (potiſſimum capite conſentiente, ac dolente) validè efferveſcentias omnes ſedat.

Oleum amygdalarum dulcium ad uncias quinque, vel ſex cum unc. j. ſyr. ex floribus papav. erat, magnum alcalicorum bilioſorum frænum eſſe comperies.

Fumus aneti, à furfuribus in olla efferveſactis elevatus, ab inflammatis extremis partibus luſceptus. Vel ſacculus factus ex iſdem furfuribus aceto

aqua, & ſale madefactis, ſupra tumores, & dolores ubicumque locorum applicitus, potentèr coagulata ſolvendo ſanat.

In principio, exiſtente potiſſimum materia tenui ad fluxili, ſepiùs in die exhibeantur refrigerantia fluxionem cohibentia, ebullitionem ac fermentationem ſedantia. Inter quæ papaverina excellere certum eſt.

Enemata ex lacte vacino vel præſtat lacte artificiali ex 4. ſem. frig. cum butyro, nitro applicita, magnarum ſunt virium.

Emulſiones itaque ex 4. ſem. frig. etiam concleatim adhiberi poterunt. Imò etiam in ſotu externo. Inſeſſus tamen in lacte, his anteponi debet.

Ad ſtagnationes arcendas, & coagulationes exhibeantur ſudorifera interna, volatilia, tum fixa. Tum decoctum lignorum. Spiritus vini canphuratus. Elixir vitæ paratum cum mirrha, aloe, canphura, in linteis duplicatis exceptum.

Si tamen ſpes ſit nos vias fluxionis intercludere poſſe, & pauca ſit materia jam in parte recepta, neque valdè coagulata. Tunc linimentum ex unguento inſfrigidante Galeni, roſato Meſves ana drac. ʒ. cum oleo ſem. papav. albi expreſſo drac. j. & ſaccaro Saturni ſcrup. ij. aptiſſimum erit. Si inſuper per os tunc exhibeatur lapis prunellæ, ſaccarum ſaturni, canphura ad pauca grana in aqua florum papaveris.

Niſi certus ſis de materiæ peccantis reſolutione in inflammationibus, ſemper à nimis calidis, & efferveſcentiam inducentibus abſtinere debes, prout etiam ab omnibus acidis debilibus, & coagulantibus, nam accida validiſſima diſſolventia (ut eſt baiſamum cau-



sticum nostrum, dolores omnes, tumores, inflammationes tollere valent.

Qui his carent, securius lacte virginali, ex saturni elicita tinctura in spiritu aceti, & oleo tartari & succo limonum. Vel sale saturni in mortario plumbeo, & oleo amygdalarum facto linimento utantur.

Si spes sit de toto, vel capite multam materiam ad partem debilem fluxuram non esse, tunc pars foveri poterit externis tepidis fomentis, quibus vasorum obstructio referetur, materia attenuetur, iterumque ad circulandum cum sanguine promoveatur.

Quod impetrari poterit spiritu vini turgido croco, & canphura. Tum valido cinerum cephalicorum lixivio, tum aqua calcis, & dicto spiritu vini, ac sale saturni, linteis duplicatis, calidè sepius repetitis.

Valet præterea aqua calcis tepens in qua copiosus sapo dissolutus sit. Tum epythema ex carduo benedicto, scordio, absinthio cum farina lentium in vrina, vel lixivio coctis. Tum tinctura myrrhæ, aloes, croci in spiritu vini.

Pars etiam inflammata crebro foveri poterit decocto sulphuris cum vrina. Tum spiritu vini canphurato rosmarini essentia turgido, aqua reginæ Hungariæ dicto. Denique sapo, canphura, spiritus vini crocatus, vel canphuratus, calx, lixivium, quo vis tempore adhiberi possunt. Nam sanguinem, & humoris effusos, coagulatos, vel corruptos, acidos factos corrigunt, dissoluunt, & ad exitum parant.

Transacta itaque occasione principii, ac fluxionis, cavendum erit à repellentibus, & incrassantibus. Extravasatæ enim particulae ex arteriis, à ve-

nis incrassatæ difficultè resorberi queunt, sed præsentè statu inflammationis, quantum fieri potest attemperentur, tum externis, tum internis acidis imbibentibus.

Atque dum ad suppurationem accelerat materia crassa frigida, vel quia pori pertinacitè obstructi sint, neque subtilium partium auxiliis, atque res solventibus auscultent. Tunc maturatio promovenda erit iis, quæ papillarum cutanearum externos poros obstruant, juxta decretum illud Hippocratis: *Quæ concoqui debent, oportet esse conclusa, contraria verò aperta.*

Hac enim occlusa via, interior promovebitur fermentatio. Pro hac itaque intentione exequenda valebunt glutinosa, viscosa, pingua, mollia. Dum enim conficitur pus, emollientia cum res solventibus incoqui poterunt.

Sic lac in quo copiosus sapo Veneris incoquatur tepidus applicitus cum linteis maturum reddit abscessum facilemque disruptionem promovet. Sic vitella ovorum cum farinis in lacte Coctis in materia fervida. At in materia frigidiori crassa, capæ in lacte coctæ applicitæ, aptiores erunt.

Abscessu jam aperto ut vulcus jam mundificetur ab acido acri liberandum est. Spiritu vini canphurato, vel aqua Reginæ Hungariæ, calcis vivæ, balsamo Peruano, vel sulphuris.

Tandem ad vulcus carne replendum, ac cicatrizandum,

sal saturni, cerula &

consimilia suffi-

cere pote-

runt,

myrrha ad-

mixta.

..



*Sputi sanguinis Causa, & auxilia.*

**P**Ræcedere solent ad Sputum sanguinis, indicia sanguinis acescentis. Videlicet calor, sitis, pruritus ac irritatio in gutture, sapor salus in ore, gingivarum ulcuscula, ac rimulæ sanguinem fundentes.

Prodromi etiam esse consuevere flatus multi impetuosius commoti. Summa plenitudo vasa universa distendens, cum rubore faciei. Vasorum insuper durities, ad hunc affectum disponit. Habitus pletoricus. Pectoris angustia. Tubulorum sanguifluorum exilitas. Tussis. Suppressæ consuetæ evacuationes. Violenta exercitia cum spiritus retentione. Excandescencia ac ira multa repentina frigidus aer, cuius proprium est contrahere, constringere densare, indurare vasa, ideòque ruptioni exponere prout observatur Hippocr. 5. aph. 24. & 6. epid. sec. 3. tex. 14. sic: *Frigidum valde venas rumpit, tum movet.*

Dum sanguis per nimiam, & præternaturalem fermentationem mole augetur rarefactus; æstuat. Transpiratio dum per poros cutis à causis procatharticis, vel à frigido externo impeditur. Tunc furiosius adhuc effervescit fumida evaporatione imprægnatus mole augetur, & ampliora spacia requirens vasa dirumpit.

Fermentatio etenim, quæ vitalis in corde celebratur, à sale acido, & alkali moderatis, pacificè, & sine tumultu peragitur. At ob unius, vel alterius salis excessum, vel defectum ab hoc statu pacifico deturbatur, Inde sanguinea massa acrior, vel fluidior redditur, & hac ratione ad conceptaculorum suorum rupturas, & ex-

travasationes disponitur.

Hæ ut plurimum fiunt à nimia sanguinis fluiditate, Vel à seri abundantia. Vel à sale volatili simul, & acri, sanguinis massam fundente. Et ob impetuosum motum non solum progressivum, sed intestinum fermentationis vasa dirumpentem, vel eorum oscula patula reddentem.

Salia etenim corrosiva acria, acuminata, scindentia, benignorum succorum demulcentium mixtura destituta, veluti enses evaginati tenellas sanguifluorum vasorum membranas discindunt, ac violentè sibi vias aperiant.

Rariùs evenit, quod tenuior, ac scrorior sanguis per vasculorum sanguineorum tunicas transudet.

*Auxilia.*

**A**D salia illa acria, arteriarum, vel venarum tunicas scindentia, & rimulas efficientia obtundenda, scopi dirigendi sunt, atque demulcentibus invaginanda, vel aqueis diluenda. Ad naturalem crasim sanguis deducendus. Naturalisque, & blanda ejus fermentatio procuranda.

Aer eligatur, qui potius ad frigidiusculum vergat, à quo sanguis potius cogatur, & incrassetur, & ejus impetuosam effervescenciam coerceat. Calens etenim aer aperit, fundit, fluxionesque omnes, tum sanguinis solutionem promovet, ac sanguinem magis rarefieri permittit.

Sic nimis frigidus ob rigidas particulas quibus abundat, ad scisuras, & ad continui solutiones faciendas paratus, vitandus. Experimento etenim Hippocratis in 3. aph. 5. tusses facit, faucium asperitates, dolores laterum. Tum 3. aph. 17. Aquilonios flatus,



*flatus, dolores circa thoracem facere docet, & aph. 23. Hyeme pleuritides, & peripneumonias (frigiditatis pectori hostilis ratione) fieri insinuavit.*

Ira impetuosa, & quaecumque sanguinis effervescentias concitare possunt, vitentur. Non minus etiam timores maiores, & quæ sanguinem ad cor retrahere, vel confugere faciunt, & versus pulmones promovent. Nam in complicatis horum tubulis conculcatus acrior fit, & paratur sibi vias præternaturaliter aperire dilatare, vel erodendo novas facere solet.

Venus pariter tuta non est. Corporis enim violenta agitatione, spiritus contentione, vel frequenti respiratione facta, sanguinis fermentatio cum pulsu augetur, liquores omnes funduntur, & massa sanguinea attenuatur.

Ideo tutum est pro his, ut ab omni tum corporis, tum animi motu se contineant. Atque somno potius quam vigiliis se tradant. Somnus tamen sit moderatus, hic enim vires reficit, liquoribus præternaturaliter effervescentibus quietem inducit. Spirituque ac calore ad interiora revocato minor fit massæ sanguineæ effervescentia, ac tardior conciliatur motus, unde neque per superiora, neque per inferiora fiunt expulsioniones, ut bene notat *Hippocr. 4. aph. 15.* Somnus etenim evacuationes omnes retinet, excepto sudore, quem magis provocat.

Ad illos verò qui per somnum revocari calorem ad pectus. Calore vero ad pectus revocato majorem fieri sanguinis ebullitionem, majoremque ad fluendum aptitudinem acquirere putant. Res ostendimus hujusmodi mala ab immoderato somno proveni-

re (ut de conservanda valetudine in proprio capite ostendimus) In moderato verò somno magnam cognoscimus utilitatem ex tardiori liquorum omnium motu, & retrocessione spirituum animalium ad arcem suam.

Minima verò noxa est, quæ ab interna retrocessione caloris consequitur. Hinc est quod narcotica, & soporifera cum tanto fructu exhibeantur.

Quies, & silentium valde conferunt; nam vocis articulatione spiritalium partium calor major fit, vasaque dilatantur, & sanguis fluxilior fit.

Incrassantia, & potissimum lac vaccinum illic exhibendum esse præcipit *Hippocr. lib. de inter. affect.* dicens: *Non conducit in hoc morbo tenuem esse.* Hac etiam ratione papaverina cæteris auxiliis palmam præripere observantur, quæ sanguinis æstum, ac effervescentiam omnem moderantur, salumque asperitatem attemperant.

Per soporifera etiam evacuatio omnis conquiescit, fluxiles tenues liquores incrassantur, & ad motum inepti redduntur, potissimum si cum succo plantaginis, portulacæ, bolis, coralliis aliisque validioribus adstringentibus propinentur, illic ab initio, præsentem imodico sanguinis fluore.

Si etenim mitiora adstringentia, vel non valida narcotica prius experi ri volueris, extra artem facies. Nisi enim dilaceratio, ac vasorum apertio statim consolidetur, tum fluor, & tussis cohibeatur, exigua spes est imposterum ut sanetur.

Nam phlegmone post primos dies circa labia disruptionis insurgente, fit vulcus purulentum. Ex hoc postmodum tabes irreparabilis consequitur. Juxta observationes Hip-



pocráticas in 7. aph. 16.

Si itaque adstringentibus intus assumptis sanguis compesci nequit, etiam exterius adstringentia validiora admoveantur. Posca, aqua vel succus plantaginis, portulacæ, solani cum bolo.

Saturnina linimenta, & unguenta styptica refrigerantia, potissimum si æstas sit.

Præcipua verò ars versari debet in optima instituta dieta, & proportionata electione ciborum. Ova forbilia tepida Mattheolus consulit. Tum plantaginis, & portulacæ usum quocumque modo. Valet farina tritici (sed amyllum præferri debet) in aqua, vel decocto plantaginis ebullita, & more lambitivi sensim assumpta.

Pisces optimæ notæ carnibus ipsis præferri debent, tum limaces, ranæ, testudines, anguillæ, ex quibus gelatinæ optimæ parari possunt, potissimum ex passere.

Inter fructus forbæ, corniolæ, mespilla, onfacium. Farinam etiam in lacte caprillo coctam liquidissimam sorbere expedit.

In hoc proditorio affectu, transactis primis diebus in quibus sanguinis sputum apparuit, cessat timor, & miseri ægrotantes, se omnino evasisse putant, liberèque vivendi rationi se tradunt, donec iterum atque iterum per repetitas sanguinis excretiones se egrotare commonefiant, & tardè ad auxilia confugere magno suo exitio decernant.

Ideò qui benè sapit, magis de prophylaxi sollicitus erit, quam de sistendo sanguine, quem sola posca frigida exhibita illicò semper cessare observavi, & paucis aliis administratis.

Sequenti igitur tempore, ab acris, salsis, oleo frixis, acidis, ni-

mis pinguibus abstinere debent. Tum à laboribus vehementis, ab ascensu locorum acclivium, cursu, & aliis frequentem respirationem inducentibus. Secus his erroribus commissis, & sanguinis sputo recidivante, fit morbus peior priore.

His paritèr acetum suspectum esse debet, tum acida, ne contractionem fibrillarum asperæ arteriæ molliantur, & exasperando vias, tussim concitent.

Sitis huic morbo prodest, & à vino abstinencia vel si vinum propinandum sit, oligoform Galeni sit, vel lignis, & cephalicis medicatum. Vel exiguus potus sit vini granatorum, vel amare narum aqua plantaginis diluti, syrupus myrtinus compositus sanguinis fluores omnes tollit.

Abstineant ab iis, quæ multum sanguinis (& potissimum fervidi ac fermentabilis) generant.

Alimenta præstant refrigerantia, adstringentia, vi emplastica prædita. Ut hordeata cum modico aceto amygdalata, orizata, panatellæ in lacte artificiali, gelatinæ ex extremitatibus animalium. Amyllum cum lacte naturali, tum artificiali.

Cum esculentis semper aliquid succi mali punici, vel aceti rosacei addi poterit. Aliaque multa in usu poni poterunt, quæ in appendice prima de victu incrassante profusè exaravimus.

Lactaria universa pro his valdè commendabilia sunt. Aliquos vidi meo consilio ab imminente tabe liberatos, qui loco vini per annum lacte & lactariis usi fuere.

Galenus primis tribus diebus victu tenuissimo utitur solas sorbitiones hordeatas, refrigerantes propinans, ut febrem, & inflammationem circa vas



ruptum arceat. Alica igitur, ptisana, oriza cum amylo & lacte, imò lac statim ab initio solo, atque longo tempore cum victu lacteo usus est *Trallianus lib. 7. cap. 1.*

Primis etiam septem diebus à sanguinis expuitione opiatam cocleatim summere conducet pluries etiam in hora, ex syrupo de papavere, aqua ejusdem, & confectione hyacinti cum copioso pulvere corallorum, vel lapidis hematites.

Conserva pariter rosarum, syrupus de rosis siccis cum prædictis pulveribus, vel succino præparato seu trochis de succino, erunt apta auxilia.

Curandum erit interim, ut segregati serosis humoribus, sanguis pristinam suam crasim recuperare possit quod fieri poterit decoctis sudoriferis, tum per urinam evacuantibus oculis cancri, sale prunellæ, & emulsionibus, ex seminibus peponum in aqua saxifraggiæ, papaveris.

Per frigidam poscam gargarizatam, semper mihi contigit videre sanguinis excretionem conquievissè. Deinde syrupo de portulaca, vel plantaginis, vel succi granatorum pro lambitivo adhibito, recidiva avertebatur.

Quoniam adstringentium validorum usu continuato quandoque sanguinis extravasati sputum supprimitur, & respirationis difficultas oritur. Ideò optimum consilium est, per intervalla recurrere ad ea, quæ pectus leniunt, sed tamen sanguinis sputum cohibere valent, ut amyllum, aqua cum syrupo ex floribus papav. erat.

Si verò jam de sanguine in thorace concreto inditia sint, oxicratum offeratur. Quod ut jucundum fiat, neque ob acetum copiosius tussim moveat, saccharo attemperetur. Hæc pariter

intentioni inservire potest julep acetosum, vel mulsa.

Ad vasa aperta consolidanda, & dilaceratas fibrillas agglutinandas vulneraria exhibeantur. Conserva rosarum antiquata, cum pulvere corallorum, Pomum excavatum, coctum cum olibano. Gargarisinata cum succo granatorum diluto aqua plantaginis, vel succo onfacii & sapa, optima sunt.

Universaliter Cibus refrigerans sit, & incrassans, viscosus, glutinosus. Ut lac, cremor hordei, pedes vitullorum, glutem piscium, oriza lacti incocta, pulmenta ex avena, ex amylo, tritico.

Ex fructibus concedantur acidiuscula, pruna Vngarica, pyra, cydonia, mespila &c.

Vitent concoctu difficiles cibos, acres, salitos piperatos, aromatizatos, impensè dulces, utpotè oculum acidum in se habentes, ut sunt saccharata, & mellita omnia sincera.

Potus sit hydromel, aqua hordei, emulsiones ex seminibus frigidis, decoctum lignorum.

Vitentur quæ sanguini effervescentiam inducunt spiritus in furorem agunt, ut facit Venus, & aeris æstus, laboresque improportionati.

Paradoxa videtur, veritati tamen consona doctrina est *Galenii libro de vena sectione advers. cresistrat.* Quod inedia sanguinem incrassat, & ad fluendum ineptiorem reddit. Dum enim humido quo antea abundabat privatur, magis siccescit, magisque concretus fit, ac tardigradus ad fluendum. Per exhibitionem ergo pauci alimenti, paucus sanguis regeneratur & sic natura quæ profundendo prodiga erat, vitæ thesaurum retinendo, fit avara.



Nisi igitur vires admodum langueant, victus tenuis instituendus est. Præterea consilio Hippocratis 7. aph. 37. Qui sanguinem vomunt, curentur refrigerantibus, & adstringentibus, seu incrassantibus adstringentibus, quæ fluentes humores coerceant. Et hac ratione alimenta stypticantia, acerbata sanguinem spuentibus rationabilia sunt.

Amylum pariter accomodatum, cœsetur, quoniam emplasticum est, vasque obturandi, humoresque incrassandi vim habet, lentum præbet succum, & incrassantem, mediocriter refrigerando. Leni exiccatione acria lenit. Cum aliquo succo adstringente dissolvi potest, vel cum lacte naturali aut artificiali, & saccharo ad ignem modicè crassescat. Valet posca tum propinata, tum extremis admota manibus & pedibus, sed potissimum testibus applicita. Vinum granatorum.

Quia verò à sanguine concreto intus relicto quandoque lætalia symptomata contingunt. Nam pulsus fit parvus frequens. Aeger fit anxius, hinc indè volutatur, cum aliqua animi exolutione. Ideò illicò occurrendum erit incidentibus actu calidis, & potissimum oximelite, vel posca. Sed si tussis ingens vexet tutius auxilium erit lixivium tenue, cum portione theriacæ.

*Phtisis cause, & auxilia Marcoris, atrophie &c.*

**N**ON levibus indiciis conjicimus cum scola Anglicana nervos non solummodo spiritus animales deferre, sed tubulorum more etiam nutritionem partibus albis, ac spermaticis adducere. Primò quoniam vulnerato

aut inciso, seu notabiliter læso nervo ex. gr. brachii, pars infra incisionem tabefieri solet.

Secundò quoniam in paralyfi Ex. gr. brachii, primò intumescit pars, deinde omninò amisso sensu, & motu tabefit.

Tertio quoniam in hecticis multum prodesse comperitur, si circa nucam, & spinalem medullam inungantur medicamentis nervos deobstruentibus ac roborantibus.

Quartò quoniam in rachitide (morbo capitis) apud ad magnam molem excrescit, & benè nutritur, dum interim ceteræ partes infernæ contabescunt. Indicio satis manifesto, quod à capite, præcipua nutritio venit.

Quintò in vulneribus partium albarum, seu nervosarum assiduò extillare comperimus materiam albugineam nutritiam.

Sextò quoniam nulla fermè tabes contingit, absque signis læsionis capitis, ac cerebri.

Septimò quoniam id quod à nervis extillat, vel fibris nerveis, ovi albumen refert, atque nutritia eorum substantia est, quæ ad ignem concrefcit, & à nobis sub titulo liquoris nervorum albuginei passim in nostris scriptis celebratur.

Ab hoc liquore frequentior phtisis causa venire consuevit; dum enim acidus, acris, impurus, etherogeneus, massæ sanguinis confunditur, & ad pulmonales vesiculas tenuissimas defertur, fervens, implens, distendens, corrodens, extravasari affectans, disruptione facta, atque in ampliorem locum receptus ab humidi loci calore, ac particularum suarum inversione exaltatis sulphuribus in pus vertitur. Quod invadens acredine suo locum per quod exiit, irritat, inflam-



mat, denique ulcus sordidum reddit, atque pessimum hunc affectum denominat.

Est enim phtisis vulcus salinum pulmonum (scilicet à materia acri, salina factum) cum macie totius corporis, & febris continua. Omnis autem profluo à sale fieri contuevit. Quandiu verò sal noster balsamicus, viscosa sulphuris dulcedine, atque nectarea mercurii irrigatione contemperatus, proportionales confederationis leges servat, tandiu talis vnitas, & vigor conservatur. Quando verò effervescent, ac turgescens à reliquis divortium facit, quietem invenire nescit, nisi postquam in amplam capacitatem effundatur.

Ab acido igitur hoc sale sanguinis balsamica conditio dum alteratur, fiunt erosiones, ac inflammationes in pulmonalibus vesiculis, & phtisis in actum erumpit.

Aeris borealis, acutis salinis particulis impregnati pneumonica instrumenta indurantis. Vel aeris æstuantis, ac sanguinem plus justo rarefacientis conditiones, in causa quandoque sunt scissuræ in vasis sanguifluis pulmonum, postmodum inflammationis, atque ulceris purulenti. Tenuera namque pulmonum substantia extrinsecorum impetum ac violentiam diu, ac valde tollerare nequit. Sed vulnere inflicto, loci fermentum corrumpitur & alienatur, pulmonisque archeus ad tabem disponitur.

Equè serum nutritium nervorum, ac cruor sanguineus, à naturali dulci conditione sua alienus, partibus nutriendis ineptus, acris, corruptus, vitiosus, naturæ odiosus, ad pulmonum vasa confertim accurens, vasorum apertionem facit. Simbolum verò succum conferunt alimenta acris, salita, cor-

rosivis qualitatibus imbuta quæ antea suscepta fuere. Tum causæ procathartice præter naturalem calorem, & acredinem salinam corrosivam in sanguine inducentes.

Quandoque tabem, seu potius flacciditatem pulmones contrahunt, à sanguinis massa acidiori facta, ideoque (lactis, & liquorum ethæroge-neorum more) in partes secedente, ac serositates suas ex arteriis in pulmonum substantiam suffundente, nutritionem interturbante.

Isti ergo liquores (sed potissimum serum nervorum nutritium corruptum) acrimonia sua muriatica, salsa ad sepiùs tussendum vellicantes pulmones, eosdemque fatigantes, extravasati, corrupti, acres, innatas vires pulmonum prosternunt, ac nutrimenta eorum corumpunt. Istis verò corruptis liquoribus manum porrigere solet chylus crassior, acidior, à depravato stomachi fermento acidiori genitus. Qui ad ductum thoracicum versus cor translatus, ad pulmones exulcerandos copias suas adducere consuevit.

#### *Atrophia ac deficientis nutritionis causa.*

**N**utritionis operationes læduntur, vel culpa spirituum, vel canalium, vel succi nutritii, vel partis nutriendæ.

Spiritus peccare possunt quantitate, vbi sufficiens eorum copia non supeditatur, quod fieri consuevit potissimum, ob nimiam senectutem. Vel ob cibos acidum, vel improporcionatum crassum chylum præbentes, reficiendis spiritibus ineptum. Vel ob inediam, paralyfim, aut evacuationes nimias. Vel dum ad alias actiones vocantur ex. gr. meditationes profun-



fundas, curas, amores &c. in his enim nimis occupati, nutritionis negotiis debita adminicula subtrahunt.

Qualitate peccant & motu spiritus animales ubi ipsis admixtæ sunt particule salinæ, acidæ, viscidæ, quæ motuum eorum, & vigorem impediunt, ipsos torpidos reddunt.

Canaliculi nervei læduntur, a vaporibus seu potius à spiritibus ac particulis narcoticis sulphureis quæ animales spiritus contrarietatis suæ ratione comprimunt, ac extinguunt, ut particule mercuriales, arsenicales, quæ in metallurgis artuum debilitates, tremores, contracturas, sed potissimum ariduras efficiunt.

Canaliculi nervei culpantur quando indurati, obstructi, spiritibus animalibus liberum cursum, & motum denegant, inde sensum, & motum, & per consequens ipsam nutritionem impediunt. Quod fieri solet à particulis austeris, crassis, acidis, stypticis, à tumoribus, luxationibus, & alijs, &c.

Succus verò nerveus nutritius albugineus, cum spiritu animali ex cerebro dulcis, vel saltem blandi saporis defluit, omnesque fibras, ac ramulos nerveos in toto corpore replet, ut nutrimentum spermaticis albis partibus dispense. Si itaque præternaturalibus saporibus acidi, amari, salis, aut alijs imbuatur, naturæ hostilis fit, ac nutritioni ineptus.

Partis verò nutriendæ officium est succo nerveo per pulsionem ac motum oblato fibras suas & porulos legitime dilatare, & quale ac quantum ad sui nutritionem sufficit, per canaliculos susceptum dispensare.

Atrophia verò quoniam alia universalis, alia particularis est, ambo tamen à frustrata nutritione fiunt; cu-

jus prima rudimenta, ac initia ab optima chylori in ventriculo fundata sunt.

Chylus itaque per venas lacteas, ac ductum thoracicum ubi ad cordis ventriculos pervenerit, in eis fermentari, attenuari, ac incidi solet. Inde magno cum impetu, ex spatio latiori semper in angustius transfertur, factaque in cerebri cortice separatione rubicundæ partis, & albugineæ ad cerebri glandulas transfertur ac ibi ulterius depuratus ac concoctus, spinali medullæ (maximo trunco cerebri, aortam cordis referenti) dispensatur, inde postmodum universis nervis, ac fibrillis nerveis, (quæ universi spermaticis partibus pro tubulis inserviunt) distribuit.

Hujus itaque albuginei succi particule dulces, oleosæ additum habent ad singulas partes albas nutriendas, quæ cum invenerint porulos in eis, qui figuris suis, & superficiebus accommodati sint, illic invento insito fermento coagulatore in parte nutrienda hærent, & agglutinantur pororum lateribus, & ad tempus quiescunt.

Ad harum itaque partium solidarum nutritionem requiruntur particule tales, quæ leni sua ramositate, ac flexibilitate poris partium sese accommodari possint, atque eorum lateribus applicentur. Quales sunt blandæ oleosæ, quæ juxta se invicem facile accommodantur.

At humidæ nimis glabræ sunt, & anguillarum instar lubricæ per eandem portam per quam admixtæ sunt, facile relabuntur, & exeunt. Quod nutritioni valde improporcionatum est, quæ quietem aliquam de se expostulat.

Acidæ igitur, aquæ, salinæ, tenues, amaræ, valde mobiles parti-



culæ nutritionis negotio impropor-  
nata sunt. Sed ex his modificata pro  
vehiculo oleosis inservire possunt.

Atrophia adhuc quandoque con-  
tingit dum ob arefcens nutrimentum,  
exiccantur & vasa. Arefcit vero ac de-  
ficit alimentum per nimiam spirituum,  
ac sanguinis evacuationem, ut in vul-  
neribus, ulceribus, vel nimia facta  
succu albuginei nervosi per coitum  
profusione. Vel ob nimios labores su-  
dore, inedia, vigilas, Tandem  
ob nimias qualescumque evacuatio-  
nes.

Fit & quandoque atrophia à lento-  
re, pigritie liquorum nutritiorum  
circulantium, qui ob crassitiem, con-  
cretionem ad angustos canaliculos  
pervenire non possunt, neque ad loca  
nutritionum. Hoc tamen ut pluri-  
mum contingit ob liquorem chylo-  
rum acore imbutum, ac incrassatum  
ideoque ad circulandum ineptum, an-  
gustos tubulos obstruentem.

Non infrequens est etiam atro-  
phia ob insignem vasorum ad partem  
tendentium læsionem, vel ob com-  
pressionem externam, tumores, aut  
alia ratione impedito transitu nutri-  
tionum liquorum.

Marcescit etiam ac contabescit cor-  
pus ab acrimonia puris in phtisi. In  
pure etenim multum salis acidi cor-  
rosivi latet, qui nutritioni omnino  
contrariatur atque agglutinationi.

Uno verbo tandem, massa san-  
guinea quoties cumque valde inqui-  
nata fuerit, vim suam nutri-  
tiam amittit, & pro ex-  
cremento computan-  
da est, non pro  
nutrimen-  
to.

### *Auxilia tabi, ac atrophie.*

**Q**Uoniam aer ad pulmonum vitia  
tollenda, vel augenda plurimum  
conferre solet. Ideò Galenus mittebat  
ægros suos ad Tabias (erat hic locus  
altus siccus, propè montem Vesuvium,  
non procul à mari) In hujus defectu,  
ex thure, myrrha benzoino suffumig-  
gia parentur aerque cubiculi moderatè  
caleseat, nam frigescens tussis concit-  
tat.

Candelæ etiam effumantes, vel car-  
bones effumantes, ex pulvere carbo-  
num, thure, myrrha, aloë modica  
therebentina, & cera excepta, pro-  
portionata his affectibus auxilia erunt.  
Siccus enim in passivis aer esse debet,  
ulceris ratione habita. At ratione fe-  
bris in activis frigore, & calore debet  
esse temperatus.

Si æger non sit admodum invalidus  
maritimum iter aggrediatur. Maris  
etenim aer, ob salcedinem ulcera exic-  
cat, eorumque sorditiem absorbit.

In æde recentè constructa, seu in  
cubiculo calcis exhalationibus corosi-  
vis, acribus imprægnato æger non de-  
tineatur. Nam de C. Mario narrat  
*Valerius Maximus libro 9. cap. 12.*  
quod arecenti calce illito atque per ca-  
lesfacto cubiculo, invictus dux à vita  
decedere coactus fuit.

Mineralium quoque fossiles, tum  
inauratores, tum per aquam fortem  
separatores auri, dum ex fodinis, vel  
ex rebus metallicis assurgunt spiritus  
arsenicales, qui archeo pulmonum in-  
sidiuntur, eorumque vasa labefactant,  
huic affectui subjiciuntur.

Quia etiam phtisici aere inspirato  
sanos inficere possunt. Ideò provi-  
dentia habenda est trochiscis sub lin-  
guali-



gualibus, pomis odoratis, & aliis.

Soli, & Cœli mutatio, qui morbum peperit, cæteris auxiliis anteferi debet. Meoque judicio aeris mutatio ad humidiores, & crassiores potius conducit. Siccum enim aerem his potius obesse observavi.

Tabaci fumus ( licet herba ulceribus medicina sit ) sua exiccatione tabidis obest. Laureti castrum propè Adriam anno 1670. alebat octo circiter viros, & fœminas nobiles quæ pluries sanguinis sputo, in locis boni, & tenuis aeris tentatæ fuere. In hoc verò castro nunquam talia passæ fuere, quare in eodem consenescere decrevere.

Ideoque parcant mihi manes Galeni, qui Tabiarum locum calidum, & siccum propè Montem Vesuvium his aptissimum esse reputabat; minus enim febrem accendere vel thoracem inflammare Laureti crassissimum aerem certo, & repetito experimento comprobavi. Innumerosque Veronæ, & aliis tenuis, & delicati aeris incolas tabe interire observavi. Nullos vero circa pallustria, & crassi aeris incolas tabidos mori, sed propè omnes opilatos, cacheticos, hydropicos fieri, & à morbis pectoris immunes servari, ac tabidos aliundè venientes inibi consenescere.

Motus vehementior his intensus est, cum eo enim necessariò concurrit vehementis, ac frequentior respiratio, & per consequens sanguinis circulatio in corde augetur; unde massa sanguinis effervescens, majusque spacium occupans facilis fit ad vasorum sanguifluorum disruptionem.

Sic per iram impetuosiores plurimi sanguinem à pectore rejicerunt. Innumeri vero vel nimio pondere, ac spiritu compresso, vel ingenti clamore

facto, contractis in pectore vasis, ad phthisis, & mortis liminaria propero pede festinarunt.

Ab his igitur cautè abstinendum erit. Atque somno magis, & quiete quam laboribus atque vigiliis indulgeant.

Alvus neque nimis soluta (ob rationem adductam ab Hippocrate 5. aph. 14.) neque nimis styptica sit. Oblita tamen muneris sui ( id quod in tabidorum siccitate non infrequentè evenit ) per blanda solutiva excitanda erit.

Excretiones reliquæ considerandæ, ut arte vel natura rationabiliter respondeant. Nam ad pulmonem ingentibus ac innumeris vasis omnis generis instructum, laxam corporis nostri partem ac debilem, circulando deveniunt pessimi liquores ab hemorrhoidibus, vel menstruis suppressis confluentes, atque per pulmonem facta via, naturales semitas derelinquentes, ac redinem, & corruptionem subeunt syrupus de papavere compositus cum magno emolumento exhibetur.

Lac, & balneum veterum fuere celebria auxilia. Verum non semper lac muliebre, vel asini phthisicis prodest. Imò lac acisum, vel ebutyratum potius istis convenientior esse videtur. Primò quando cum phthisi alui fluor adjunctus est. Vel quando suspicio est, ne in ventriculo malè affecto coaguletur aut corrumpatur. Vel quando febris vehementis ardor urget. Vel quia ventriculus natura sua biliosus, nidorosus existit, pluribusque excrementis repletus apparet.

Tunc enim lac facili negotio corrumpitur, & in biliosum, pessimum liquamen transit omnia devastans. Vel denique quando phthisi febris putrida magni momenti ( non levis ut Hipp.



*Hipp. 5. aph. 64.* insinuat ) conjungitur . Atque in visceribus naturalibus multæ sunt obstructions . Tunc ergo sicuti lac nuper emulsum depravari, ac omnia deturbare valet .

Sic lac acetosum factum ( oxigala Græcorum & Galeni ) aluum cohibere, bilem attemperare valet . Neque enim promptè bilis naturam induere potest, cum ei butyrum ademptum sit, Quæ etiam ratione in febris putrida non sic facillè putrescere potest .

Balneum phtificis conferre potest, quoniam acres humores attemperare . Æstuantem viscerum calorem demulcire . Aliquando liquores nutritios, nutritionem juvare . Suoque humido calore, vias pandendo, nutrimentum à partis longinquis venientem penetrans facere . Sputum facilitare, saniem detergere, somnum conciliare valet . Quibus postmodum recreata natura, & alacrior facta, optimoque regenerato sanguine ulcus conglutinat æquivoco callo inducto . Nutritionem, carnesque deperditas, restaurat, renovat .

Balneum tamen jis concedi nequit, quibus de capite ingens catarrhi fluxio præsens est, Vel de pectore sanguinis sputum . Nam fluxiones quascumque valdè irritat, vasa emollit, ac sine adstrictione undique relaxat . Ideò *Hipp. 5. aph. 16.* in sanguinis eruptionibus balneorum usum reformidat .

Quo ad cibandi rationem in phtisi, securior frequens, & paucus singulis vicibus cibus est, jisque boni, & laudabilis succi, ac incrassantis . Ideò juscula cancrorum fluviatilium commendantur, coclearum, limacium, ostrearum, ranarum . Ex fructibus amygdalæ dulces, & inde para-

tæ emulsiones, passulæ cum carnibus coctæ, dactili, caricæ .

Præsentem magnam maciem, & absentem magnam febrem, ac destillationem exhibetur lac muliebre, de mamma sumptum . Quod si concreascit, vel depravetur in stomacho asinum propinetur quod valdè serosum est, si potissimum hordeo viridi animal nutriatur, vel plantis ac simplicibus antiptificis .

Vitentur ab ægris universa acida, acrida, falsa, amara, viscosa . Neque tamen dulcibus admodum fidendum est, quæ in primis viis frequentè acorem contrahere observantur, & concoctiones subvertere . Ideòque magis judiciosi abusus sacchari rosati improbant non sine laudabili ratione in biliosis .

Pro convalescentibus à phtisi initiante, & à sputo sanguinis victus incrassans instituatür . Et lactaria universa concedantur . Lac bubulum potissimum sumant per 40. dies interea à durioribus cibis abstinendo, eos pinguefacere studeto . Per annum ab ebrietate, à Venere, à valido exercitio imperata abstinencia . Prout nos monet Hippoc. in libro secundo de morbis .

Præcepit paritèr divinus senex in libro de locis in hom. istis, ut cibos non multos simul ingerant, & quod in obsoniis frumentaceis insistant . Vinoque inter edendum utantur aquoso; ne incalescant, & corpori debili, caliditatem exhibeant, & simul ambo calefiant in eodem tempore, atque per caliditatem postmodum copiosum fluxum inducant .

Detur etiam lac asini, vel caprillum copiosum, ad subpurgationem ( ait ipse ) . Tum lac bubulum crudum tertia parte mulsæ admixta per 45. dies .



### Particula III.

III

dies. Arcet autem à cibis pinguibus, nidorosis.

Vinumque potius austerum nigrum, vetustissimum; sed modicum propinandum esse docet. Præsentibus tamen conditionibus fervidioribus tutior est in potu decoctio hordei cum passulis, & liquiritia.

Vel decoctum lignorum fantali, lentisci, visci quercini ligni Brasiliensis. Vel lac ebutyratum in quo sepius ignitus calibs extinguitur. In conditionibus pituitosioribus, ac ventriculo imbecilliori vinum Hippocraticum nigrum austerum; modicè in cœna epotum ventriculum robore, cujus fermentum acidum exaltare, spiritus augere, atque nutrimenta ad loca longinqua sua tenuitate perducere valet.

More etiam Kaffeano sumere cum pulvere Kaffeï, salis, visci quercini, sassafras admixtum portionem pulveris viperini, decoctum cephalicum est catarrhosis proficuum.

Prisana cum melle pro cibo utantur, Pro potu vero eliciatur tinctura & collectur, ex aqua communi facta & saccaro rosaceo pro illis qui bile crassa infestantur.

Accipiant jejuno ventre singulo mane vnc. iij. decocti cancerorum in aqua hordei cum modico melle isti.

Panatellæ cum emulsione seminum papaveris. Lactucæ caules concisi more cucurbitarum cum ovis, & lacte amygdalarum illis non inutiles erunt.

Cocleæ, ranæ, cancri, testudines, capita, pedes vitulorum dabunt optima obsonia, quæ semper cum passulis, pasta marciapani, & lacte parato ex seminibus papaveris eratici, amygdalis, & nucleis pineis concinari debent.

Noctu ad increassandam fluxionem potissimum tenuem exhibeatur diacodium, tum papaveracea.

Imò ad tussim frænandam, tanquam præcipuum, atque vrgens symptoma laudanum opiatum exhiberi poterit. Quo solo fræquenter catarrhorum acrimonia & tussis sublata fuit. Inde sordium copia minor, Sputa verò meliorem consistentiam nancisci observantur. Tum regenerationem quantum fieri potest præcavent sputorum. Increassata verò ac spumosa, seu concocta, faciliori negotio per anacatharsim purgantur. Vigiliæ etiam præ siccitate vigere solitas arcent opiata.

Quamobrem phtisici semper ab opiatis sensibile beneficium recipiunt, illis exceptis desperatis, qui ad extremam maciem, & virium languorem devenere, factiq; jam impotentes sunt, excreatu pulmonum repurgare. Dum materia stagnans nimis per moram increassata est.

Si itaque catarrhus tenuis vexet, cum conditionibus fervidis, atque aliquam acredinem, seu salsedinam præferat, ad opiata continuo accedere non dubitabis, & ad papaveracea.

Si autem aqueus catarrhus sit potius in sudoriferis spem tuam repones. Si materia peccet tenax, viscida potius ad blanda incidentia festinabis.

Ad ulcus verò mundandum exhibeatur terebinthina in bolis, tum cepæ coctæ in melle, mulla, & melita auxilia.

His tamen anteferi debet balsamus sulphuris, cum oleo succini factus, in sententia spargyristarum. Sylvius tamen negat se à sulphure in his agris ullam bonum effectum vidisse. Et ut



verum fatear, quoniam in horum cura tota spes est in optima renutritione, & calli super locum ulceris generatione, quæ sunt mera opera nutritivæ potentia; hæc à metallicis auxiliis, & à sulphure omninò ab operibus suis deturbatur.

Sed solum vis sulphurea in ulceribus externis mirè se insinuat ad eorum pessima fermenta absumenda. At sulphur à ventriculi concoctrice subigi, vel subactum viribus suis integris ad vlcus pulmonum devenire posse, credat judeus Apella.

Qui ab aliis validioribus decoctis imbecilles aborrient, accedant ad decoctum chinæ in jure columbæ paratum. Nam absque decoctorum auxiliis (si magna suspicio sit de lue Celtica) vix quidquam proficere poteris.

Suffitus vesperi ante somnum ex gagate, plurimum tussiculosos juvat, & quietem procurat, moderata siccitate inducta.

A cibo deglutiant grana tria mastiches, vel cocleare unum, aut alterum conservæ rosarum.

Ferculum Saxonix quilibet pro indigentia parare poterit, ex farina hordei, cum pulveribus, chinæ, saffras, lentisci, corallorum alborum, oculorum cancri & consimilium, addito saccharo.

Panatellæ cum malvis concisis, & oviluteo sint frequentes illis potissimum qui stypticitate alvi laborant.

Vinum subdulce tenue, oligophorum Galeni, Garganicum Veronense, omnis aciditatis, & incrassationis expers solis biliosis interdicens puto, prout & vinum passulatum Auicenæ quod alias expectoratione indigentibus aptissimum esset, & potissimum procul à fervido anni tem-

pore. Nam æstate commendabilis est tinctura rosarum.

Passulis cum pane commestis victitans puella phthisica ad extremam maciem deducta. E pro potu vtens decocto hordei cum liquiritia intra octo menses restituta est, auctore Riverio.

Suffitus ex carbonibus extinctio in solutione stibii part. ij. & arsenici part. j. aliquos ulcere sordido pulmonum laborantes sanare potuit, ut Rulandus refert.

Qui sumptibus parcere nolunt, ut vitæ momenta venundentur, perlas conterendas emant, & in assiduus emulsionibus artificialibus passim utantur cum esculentis, & lacteis potulentis. Nil enim equè auro potabili propinquum est, quam perlæ. Neque ad labentem nutritionem quidquam equè validum comparari potest, quam margaritarum levigatarum pulvis.

Morselli ex carnibus testudinum, cancrorum, viperarum, vel saltem anguillarum consueto modo parati commendantur.

Quando à lactis usu arcendi sunt, tunc uti poterunt lacte artificiali facta pasta regali ex 4. sem. frig. nucleis pineis, amygdalis, carne testudinum, gammarorum, coclearum, ranarum, addito modico saccharo. Quæ pasta postmodum dissoluta in jure pulli nobile lac artificiale constituit, quo innumera fercula parari poterunt, gelatinæ, panatellæ, rosatæ vel ipsa pasta integra devorata.

Sed potissimum dissoluta pasta in jure, forma lactis assumatur summo mane, mox somnus procuretur. Si vero in hac pasta regali erit pulvis viperarum, vel earum caro, vel saltem anguillarum caro, multo efficacior fiet.



Hoc semper ante oculos sili proponens medicus, quod solum ab alimentis, quæ probè à ventriculo concoquantur nutritio fit. Lac verò licet optimum alimentum sit, attamen ob degenerem aciditatem fermenti in ventriculo, spontè accessit, & exoticum naturæ, neglectum mille turbas in corpore excitat. Qua de causa rari phtisici, vel hectici lacte mediante servantur.

Ex pulmone vituli destillatur aqua pro his valdè commendata pro potu ordinario. Sed ex sero porcelli cum succis herbarum antephtisicarum aqua multo efficacior sit quam ex universo sanguine.

Pistacia, nuclei pinei, caricæ, testudines, ranæ, cancri, vipera, anguilla, simplicia cephalica, tum expectorantia, cocleæ, testes gallorum, passulæ, sunt materiæ ex quibus varia auxilia concinari possunt pro his ægris.

Nam morselli parari poterunt pulpa caponum, perdicis cum testibus gallorum, cerebro leporis affato, vel cerebellis passerulorum, carne testudinum cum pineis, amygdalis, pistachiis, 4. sem. frig; cinamomo macis, pulvere Margaritarum, vel specierum diamargaritonis, aliisque pulveribus; atque saccharo dissolutò in aqua rosarum, & ad consistentiam Manus Christi cocto. Facti morselli deaurentur.

Glirium pulvis, creditur ab aliquibus esse palmarium auxilium in in phtisi; A quo mirificè nutritio restauratur.

In hoc affectu suffitus magni faciendi sunt, qui potissimum via compendiosa integris ad pulmonem viribus pervenire possunt. Hos igitur parare curo per foramen chartæ involutæ pyramidis in modum ( scartozzo

Italicè dicitur ) respirationeque facta in pulmones fumus hauriatur, manè, & vesperi per horæ quadrantem circiter.

Hujusmodi suffitus alii humidi (in conductionibus siccis) parabiles ex herbis, decoctis, succis, hyssopi, marubii enulæ, tabaci, &c. alii siccis (in conductionibus humidioribus) ex rebus balsamicis, sarcoticis, vulnerariis, ex olibano, succino, benzoïno, thure, mastiche.

Ad vires restaurandas, & ad putridos fatidos halitus, ex putrido ulcere, ac pure ad cor missos reprimendos, & cor ejusque vires, ac spiritus recreandos, semper aromatica cum cibis, & aliis auxiliis admisceantur tum alkermes confectio, ac hyacintina cum ambra, &c.

Ad acidum acrem in sanguine latentem, & pulmonem corrodentem omnes fermè scopi dirigendi sunt. Ideoque absorbentia sine intermissione adhibenda, terra Samia, alba Virgo Mutinensis, oculi cancri, corallia, & testacea universa.

Salsuginosum præterea sanguinem attemperare valent decocta lignorum. Sed lac ad sanguinis acrimoniam corrigendam, & liquorum asperitates demulciendas vix par habet.

His non conferentibus, saltem ad decoctum salsæ, tussilaginis, hyssopi cum carne testudinis, limacium, ostrearum, coclearum, cancrorum, accedere non verèantur.

Et præterea pro debilioribus, ad corporis renutritionem gelatina paretur ex Cornu Cervino recenti unc. iij. & aqua fontis lib. iij. vino rubro unc. 5. digerantur in tepido per horas duodecim, inde coquantur ultra mediæ tatis consumptionem. Collaturæ addendo confectionis alkermes drac. ij.



Repouantur in loco frigido, in vase vitreo, ut fiat gelatina.

Sic ex animalium capitibus, pedibus, ossibus con fractis, & consimilibus gelatinæ parari poterunt, tum ex piscibus, potissimum ex passere, anguilla, & piscibus optimæ notæ.

Excogitavi per tubulum quo tabacus hauritur, jubere, ut fumum hauriant ex variis pectoralibus elicatum, ex nicotiana potissimum, ligno aloes, thure, myrrha à quibus vulceris acorem corrodentem infringi incredibilitèr observavi.

Notabilis est Hippocratis textus in 6. epid. sect. 3. tex. 6. *Qui carnes suillas assas istis comendat, cum aliis probe substantia edulius; firmum enim, atque stabile alimentum præbere docet.* Supponit tamen Divinus senex, vires stomachi infractas non esse, si quis verò has carnes levitèr ferre potuerit, procul dubiò citò per has sanus fiet.

Hunc tandem sermonem claudam cum doctrina Galeni lib. 5. meth. 14. dicentis: *Oportet in principio nullius rei esse sollicitum medicum, quam ut agri isti neque tussiant, neque ex capite aliquid in pulmonem defluat.* Pro his verò intentionibus obtinendis opiata præcipua auxilia esse satis superque insinuavimus.

#### *Empyematis causa, & auxilia.*

**D**ifferunt inter se pus, & purulenta materia. Pituita enim diù retenta in aliqua capacitate fit purulenta materia, non verò pus.

Pus enim feri potius quam sanguinei cruoris soboles est. Dum enim impeditur feri nutritii, seu succi albuginei nervosi, & associatæ lymphæ motus, ob vasa obstructa, vel con-

fracta ab externa frigiditate, aut à succis in tubulis incrassatis, sensim accumulatur magis, & tandem vasa disrumpuntur, atque in partes proximas effunditur.

Ex mora verò extra naturalia sua vasa acedinem concipit (more liquorum fermè omnium per moram fermentescentium) ex aciditate contracta coloratur, crascescit, & alia accidentia puris in se suscipit.

Idem de massa sanguinis extravasata dicendum est (mirum enim dictu quod vasa sanguiflua adeò massam sanguineam custodiant, ut neque in mortuis solutam in pus mutari permittant) per moram vero, & loci humidam caliditatem, fermentationem subit, & acorem contrahit. Cum alcalicis deinde appellentibus congregiens, purpuram exuens, album puris claudem induit.

Dum interim spiritus, aliæque activæ particulae passivas moderantes resolvuntur ac in auras abeunt. Sal fluorem concipit. Et postmodum ex acore illo insigni, & sulphure exaltato fator in pure exurgit. Semper enim a volantibus particulis volatilibus acidum increfcere observatur quod puris vera, ac legitima causa est, & non decantata ulque ad hæc tempora concoctio.

#### *Empyematis auxilia.*

**M**edicorum princeps Hippocrates jubet in libro de internis affectionibus, ut istis propinetur ptisana cum melle, & vino albo dulci. Præterea vult, ut isti non sitiant, donec latus suppuratum fuerit.

Caricæ. Pastulæ. Mel. Oleum lini, vel amygdalarum salvia, betonica cum aqua melita. Nuclei pinci.

Amyg-



Amygdalæ. Vinum vel decoctum hyfopi, aut ex rebus pectoralibus paratum. Lac amygdalarum. Pasta regalis. Oximel. Lac artificiale ex 4. fem. ma. elicatum sunt materiæ pro variis concinandis auxiliis aptæ.

Ferculum Saxonæ variis pulveribus instructum pro indigentia parari poterit. Capa cocta cum melle preciosissimum ferculum pro istis erit.

Tum caricæ cum amygdalis. Tum pasta regalis ex amygdalis, pineis, carne viperæ, vel anguillæ, saccaro, cinamomo, & aliis superius descriptis, mille ferculis concinandis inserviet, tum pro emulsionibus ex abrupto parandis.

Potus mulsæ potissimum cum hyfopo, vel prassio celebratur. Vel vinum album saffrafas, lentisco medicatum. Aer ad siccum vergere debet, suffumigiisque alteretur.

Maturato abscessu, ad puris evacuationem accellerandum est, ne pus mora facta acrius reddatur, & altius in pulmones labem suam imprimat.

Quia verò à phthisicorum cura admodum aliena non est empyematicorum curatio. Ideò qui plura desiderat, superiora recensita auxilia recolat. Præterea elicitis indicationibus extenuandi, incrassandi, nutriendi satisfacere poterit, qui ad apendicis primæ destinata capita confugere non dedignetur.

Monens quod pro suppuratis certius auxilium non inveni quam in pluribus locis causticum balsamicum meum applicare, & expectare ut sensim natura per ulcuscula illa se se exonerare edoceatur.

Validioribus interim expectorantibus manè jejuno ventriculo propinatis, & sunt radix elenii variis modis condita; vel forma ele-

ctuarii sumpta, sic Nicotiana, & marubium.

*Cordis palpitationis, ac lypotymia  
cause, & auxilia.*

**P**alpitation cordis, motus præternaturam cordis est, dum vitalis facultas à dilatatione, vel constrictione impeditur. Nullus verò affectus fortassis est, qui tam multiplici causarum varietate gaudeat, prout cordis palpitation, quæ à symptomatis aliqua variatione etiam cordis saltus appellari consuevit.

Quandoque igitur à tumoribus, e cordis inflammatione abscessu, tuberculo propè cor fieri consuevit, cujus quidem cognitio à prædictorum morborum cognitione dependet.

Fit & quandoque ab usu aucto, & refrigerationis necessitate. Talisque cordis saltus in motibus violentis, & cursu velociori, facta repentina quiete obstruatur.

Fit & à spirituum defectu, vigilia, inedia, seu à causis spiritus dissolventibus, ut à nimio gaudio, ira, &c.

Fit non minus ab exuberante, quam à deficiente in vasis sanguifluis, liquore seroso. Illud dum copia ac fluiditate sua, justo magis motum cordis accelerat, tenuem, fluidam sanguinem reddendo. Inde cor ad sui expulsionem suffocationis metu, inordinatè, atque frequentè irritando. Hoc vehiculum sanguini denegando, laboriosiore, ac difficiliore exitum sanguinis ex corde efficit, ob tardum motum, & incrassationem.

Ex tali feri defectu, sed a sanguine in venis concreto extinctos cordis palpitatione ægros vidit Petrus Salius.



Magis tamen frequens causa esse consuevit convulsiva quædam cordis affectio, proveniens à vitiosis liquoribus cum sanguine ad cor delatis, bile, fero acriore, vel copiosiori, aut salibus turgido; cor stimulantibus, ac irritantibus.

Rarius vero à corruptis, & præternaturalibus liquoribus fit in pericardio contentis. Rarius adhuc à polypo cordis, à vermibus, & ab aliis quæ penès Marcellum Donatum leguntur, fieri observatur.

A vitiosis itaque liquoribus tacitam, & blandam cordis fermentationem, ac micationem turbantibus ordinariè fit. Sanguinis etiam motu in arteriis potissimum interrupto statim manifestatur, dum cordis auricularum, & ventriculorum expansio inæqualis necessariò fit.

Hac paritèr de causa à pletoria, & à sanguine nimis fervido exoritur. Nam ob affluentem nimiam copiam, cordis ventriculi se perfectè constringere nequeunt.

Tum sanguis de corde egressus spacium proportionatum in pulmonibus non inveniens, auriculas cordis in suo regressu violentèr distendendo, cor ipsum quatit, ac necessariò irregularitèr moveri, ac palpitare cogit.

Ab halitibus acris, seu à volatilibus salibus elevatis à vitiosa effervescencia in visceribus naturalibus (& potissimum in intestinis tenuioribus) qui sylvestres, ac effrænes ad ampla cordis vasa delati, ejus pacatam effervescenciam turbare possunt.

Non semel fit ob sanguinis crassitiem, & cruditatem, seu ob acidam viscositatem, dum scilicet cum chylo crudiori, ac viscosiori sanguis circulando ad cor revertitur. Tunc enim immodicas facit efferve-

scencias, & motus præter naturam.

Rem verò sic esse ex eo colligitur quoniam isti à diaphoreticis juvantur, ab acidis læduntur, & à cibis crassis, ostreis, & consimilibus afficiuntur.

Frequentior tamen causa à sanguinis rarefactione, & ex inde orta nimia commotione in biliosis culpari solet.

Apulsus vero succi pancreatici, vel acidi in liene stagnantis nimis austeri, vel alia exotica qualitate imbuti, in melancolicis frequentissima causa est, ut cordis saltu infestentur.

Sic à fero scorbutico peregrinis, ac pessimis salibus prægnante in sanguine redundante, melancolico affectu laborantibus, familiaris cordis saltus est.

Universi denique liquores, ac substantiæ, qui acrimoniam ac irritationem possidere jactant, dum cordis parenchyma, ejusque fibrillas lacerant, ad convulsivum, & irregularem motum palpitationis, cor deducere possunt.

*Lypotymia causa, tum aliquando  
synopsis.*

**I**N animi defectu modò præcipitantèr, modò sensim vires collabuntur, dum vitales spiritus ab illuminatione, ac irradiatione sua aliqua causa oblata impediuntur, adeò ut ingravescente affectu facultas à pulsu, & respiratione syncope detenta cessare observetur.

Fiunt isti affectus (qui secundum magis, & minus inter se dissident) frequentèr à cordis motu de repente abolito, ob obstructionem, compressionem, vel aliam insignem læsionem nervi sexti paris, in corde implantati, à quo musculosum viscus,



viscus, præcipuum sui motus vigorem agnoscit.

Quandoque lypotymia fit, à nimia sanguinis dissolutione, ac rarefactione, non minus quam ab ejus nimia incrassatione, ac coagulatione ut in scorbuticis, & in cordis polypo observatur.

Fit deficientibus spiritibus animalibus in cor non amplius influentibus, deficiente eorum materia videlicet sanguine vitali spiritu imprægnato, ob nimiam succorum acidorum, ac feri salini copiam sanguinis massam coagulantem, ac depravantem.

Fit aliquando à copia crassorum, crudorum, corruptorum, acrium, mordacium alimentorum assumptorum, vel humorum præternaturalium viscera naturalia, (sed potissimum os ventriculi) malè afficientium, vias, porositates, eorumque tubulos obstruentium, ac veluti præfocantium, unde a motu liquores intercipientur, & cor à suis vibrationibus cessare compellatur, ut in affectionibus uteri videre quotidie possumus.

A venenis pariter cordis facultati infensus, tum à salibus volatilibus ab aliqua corrupta materia elevatis, in peculiari corporis parte consurgit.

Sed quoniam circulariter facultates altera, alteri suppetias præbet. Ideò animali facultate ob aliquam causam extrinsecam fatiscente, cor apto spirituum influxu à nervis sextæ conjugationis destituitur; quare vibrationibus suis, nec sufficienter sanguinem exagitare, nec flammulam vitalem aptè accendere valet, inde pro reparandis universis spiritibus massa sanguinea non satis accensa, inepta fit. Neque cum vivido vigore circulatur, existentibus particulis igneis nimis depressis, ac fermè massa sanguinea va-

pescente, ab externis causis jam resolutis spiritibus.

Vel etiam à causis internis, ut evenit in febribus acutis, dum sanguine nimis in corde accenso, ac veluti conflagrante, particulæ tenuiores, tum sulphureæ nimis solvuntur, ac resolvuntur.

Ignis namque vestalis cordis, ad Pacis oleosas leges conflagrans, Vitæ & sanitatis concordiam servat, cum neque exilior, neque major quam natura ferat conflagrat:

Minuta itaque bile atque particulis tenuibuss, sanguis crassescit, atque veluti coagulatus exiliorem flammam de se prodit, & ad lypotymias disponit, prout coagulatus à succo acidiori pancreatico, aut alio grumescit, idem efficiens, nam spiritus veluti opprimuntur, ac suffocantur, & particulæ volatiles salinæ fixantur, quare vitalis facultas ecclisim pati cogitur. Talia vero acida indiscriminim à visceribus naturalibus liene, utero, pancreate potissimum venire possunt.

Ad lypotymiam etiam frequentèr rapiuntur virgines, tum juvenes qui in dies corpore augentur, tum prægnantes jejunantes, vel pica laborantes dum spiritus in sufficienti quantitate non generantur, ob materiæ adequatæ defectum, sive quia alimenta assumpta laudabilia non sint, neque spirituosæ, neque in debita quantitate. Vel ob infelicem stomachi digestionem. Vel ob superpurgationes nimias per alui fluores, hemorrhagias, & coitus.

Per ingentes tandem animi passionem iram vehementem, terrorem subitaneum, dum spiritus, & sanguis irregularitèr moveri coguntur, in labyrinthis pulmonum gyris confunduntur



tur atque vitalis ignis veluti conculcatur, ac ardere secundum naturæ leges desistit.

A symptomatum vero magnitudine affectus magnitudinem variis nominibus metimur. Levior enim lypotymia, lypopsichi, gravior in qua integra pulsus, & respirationis fit perditio syncopes appellatur.

*Auxilia pro cordis palpitatione, lypopsichi.*

**I**N conditionibus fervidis aer alteretur frigidis, & humectantibus; aqua rosacea, aceto, santalis, rosis, floribus papaveris simul in cubiculo ebullitis. Vel alijs artificiis de tuenda valetudine indigatis. Coelum quod morbum parere, vel augere observatur, mutetur etiam in pejus.

Animi pathemata universa cautè vitanda erunt, (neque excepta latitia) potissimum ingentia, & repentina, quæ cor quatere valent.

Veneris commercium abdicandum, quoniam vires omnes sæda sui usura depauperat, & exhaurit. Dulcem namque succum nutritium, elaboratissimam spermaticarum partium substantiam dilapidat. Unde cæteri liquores hoc blando commercio destituti, acuuntur, ac exasperantur.

Qui per nimiam spirituum exolutionem ad lypotymiam rapiuntur, ab omni motu arcendi sunt, & in talamo frigidiusculis floribus stipato, vel nive refrigerato pacatum somnum procurare debent.

Refrigerantibus cibis in parte tertia appendix primæ descriptis alendi erunt isti. Succo granatorum refocillandi, conservis de ribes, rosarum, violarum.

Universalitèr ab attenuantibus,

tum validè calefacientibus, ac fermentativis, flatus excitare valentibus arcendi erunt.

Sed his tutiora erunt extenuantia frigida, ut syrupus acetosus, de succo limonum, emulsiones ex 4. sem. frig. cum spiritus vitrioli guttulis, sale prunellæ Iulep ex aqua rosarum, & saccaro per haustulos summatur.

Si autem majori infrigidatione opus sit, dum post frequentes insultus suspicio sit de futura cordis inflammatione; tunc ad opiata confugiendum erit, & ad papaverina universa ad succum de pomis, de borragine, acetosæ, onfacii.

Externa paritèr epythemata jisdem indicationibus correspondentia parabuntur aqua rosarum, succo citri, melissæ, borraginis, cum modico vino malvatico, & aceto rosaceo. Additis pulveribus rosarum, ligni aloes, specierum diamargaritonis frigidi, eboris, croci, canphuræ.

Quia tamen cæteris frequentiores palpitationis causæ flatus, ac flatulentæ fermentativæ materiæ sunt. Ideo flatus discutientia, atque corruptas, & fermentantes materias corrigentia, in usu ponenda erunt.

Inter hæc igitur efficacissimum auxilium erit spiritus vini juniperinus, vel theriacalis Vel theriaca ipsa, aut croci tinctura in spiritu vini anisato facta.

Materiæ paritèr generales pro indicationibus antedictis absolvendis erunt Cortices citri. Cinamomum. Crocus. Conserva totius citri. Spiritus vini anisatus. Oleum anisi. Oleum cinamomi. Quinta essentia rosmarini. Aqua Regiæ Hungariæ,

Ex quibus solis vel conjunctis variæ remediorum formulæ parari poterunt. Et potissimum rotulæ ac confectiones,



conservæ & alia admixtis macis, margaritis, corallorum pulvere, oleo corticum citri, mosco, ambra, atque dissoluto saccharo in aqua rosarum vel florum aurantium, & cocto ad consistentiam manus Christi, non omisso ligno aloë, rasura eboris, & lapide bezoar, ac universis preciosioribus aromaticis.

Nam ut medicamentum cordi acceptum, gratumque sit, atque ad intima penetralia admittatur, odorum esse debet. Atque potissimum spiritui vini nuptum.

Os pariter ventriculi non inutiliter varijs confortantibus fovebitur, agrestia, succo granatorum vino malvatico, ossa panis imbuta, & cinamomo conspersa. Vel decocto cinamomo in vino Cretico.

Si de inanitione ac longo jejunio constet, illicò vino fragranti, muscatello, & optimis cibis reficiantur. Naribus admoveatur panis calens ex forno extractus, vino malvatico, & cinamomi pulvere conspersus.

Regio cordis suis auxilijs destituida non erit. Sed aqua florum aurantium, succo citri, vino albo aromatico, speciebus diambra admixtis, & multo croco, & granis canphuræ intingantur panis coloris cocinei, & applicentur. Mihi tamen magis arrideret theriaca, vino albo aromatico dissoluta, cum modico succo citri, vel aceto rosaceo, croco, & granis canphuræ cordis regioni illita.

Citria deinde condita, sed potissimum citri cortices, aut aurantium conditæ. Saccharum florum citri, vel florum tunica, aut rosamarinum, primas inter flores possident in hoc affectu laudes.

Vinum vetus aromaticum, tum vini spiritus, validas vires habent ad

tollendos flatulatus, qui frequentes sunt palpitationis causæ, ideò concedi poterunt. Nam pituitam, crassos, & fermentabiles liquores, corrigunt, attenuant, calefaciunt, cor confortant, vires reficiunt, & simbolicos sibi spiritus universos restaurant.

Si melancolicos liquores subesse reveraris affectum foventes; à lapide bezoardico, & à margaritis non recedas, quæ melancoliam valde oppugnant.

Si de stomachi imbecillitate indicia constent, scutum stomachale, ex serico confuto cum speciebus aromaticis cordialibus paretur, supra cordis regionem, & stomachi, assiduò gestandum.

Si fiat ab æstu nimio, frigida in vultu inspergatur, flabellentur, in acre aperto ac frigidiusculo locentur.

Os pariter ventriculi succo granatorum, agrestæ, portulacæ, plantaginis foveatur. Testes vero posca Galeni aqua, & aceto, vel hyeme vino, & aceto foveri debent. In os autem aqua cinamomi, vel spiritus vini, aut vinum generosum indatur.

Si à nimio sudore fiat, aqua rosarum, cum aceto rosaceo in faciem aspergatur, Cutis autem rosarum pulvere modico alumine admixto inspergatur universa.

Ad citissimam virium restaurationem vinum odoriferum vetus, vel jus cum cinamomo sufficere poterunt. Interim pulli restaurans, vel contusam parari poterit.

Si de vteri affectione suspicio sit, graveolentia naribus apponenda, asafætida, castoreum, sal volatile cornu cervi, succini, urinæ, falis amoniaci. Benè olentia vero orificio uteri indenda, moscus, am-



ambrae, zibetta, & consimilia.

Odor carnis assae, cariophyllis, cinamomo, vinoque malvatico conspersa lypotymia correptos illico reficit, si à spirituum dissolutione fiat. Si autem à refrigeratione evenit, vini spiritus, modico allio contuso admixtus, in momento restaurat.

Si ab humoribus biliosis acribus in superiori orificio ventriculi stabulantibus proveniat, vomitu procurato ante omnia eliminantur. Deinde ad os ventriculi roborandum accedes, vino granatorum succo agrestæ, ribes, cotoneorum.

Ad tremorem tandem cordis, & leviam animi deliquia vix aptius auxilium habebis, (quod acida molestia ac irritantia blandè absorbere possit. Quodque auro potabili magis propinquum sit) perlis nuda levigatione præparatis. Ex quibus cocto saccharo ad cocturam manus Christi nobilia confecta cum, vel sine essentiis, aut odoribus parari curo.

*Ad lypotymiae affectus auxilia,  
& syncopis.*

**C**URATIVAE indicationes in paroxismo executioni mandandæ sunt. Præservative extra.

In accessione itaque omni arte sensus excitandi sunt, asperis frictionibus cum aceto, & sale in partibus extremis factis. Altis vociferationibus, porcello proximo, clamoribus. Rebus acribus circa nares, & os impositis. Aceti asperisionibus aquæ rosaceæ, vel putealis frigide. Suffito succino, pennis perdicis, assa foetida, & aliis grave olentibus, si potissimum mulier sit, & uterius de affectibus suspicio sit.

Viri verò, (& illi in quibus spiri-

tuum vberiore factam fuisse dissolutionem veremur) odore panis recentè e furno extracti, aperti, vino malvatico, & aromatibus aspersi reffocillantur. Si etiam panis semine faniculi, anisorum, & consimilibus subactus fuerit, feliciter res succedet. Vel carnis assae odore præcalidæ atque fumantis recreentur; si potissimum aromaticis, & vino malvatico carnes irroratæ allentur.

In istis adhuc clysteres ex rebus spirituosiss, ac valdè nutrientibus spernendi non sunt. Vino albo aromatico, carniū contusis, & consimilibus.

Spiritus interim acuti sub nares ponuntur, videlicet spiritus salis ammoniaci, fuliginis, Cornu cervini, vel tartari. Vultus, & nares aceto potissimum rosaceo, vel antofato inspergantur.

Os ventriculi aromaticis, acidocitri, vel onfacio, aut succo portulacæ, & plantaginis commixtis, cum mica panis fulciatur.

Testes verò posca vel vino, aceto, & aqua rosacea aut florum aurantiorum foveantur.

Vinum malvaticum, vel spiritus vini in os immittatur, celeriter etenim ad symbolicorum spirituum naturam transire valebit.

Pro præservatione verò, qui frequentè his affectibus subjiciuntur, vasculum terreum secum gestent plenum vini spiritu juniperino, vel rosolino ex infusione præciosiorum aromaticorum. Cujus haustulis frequentè recreentur.

In hunc pariter affectum proclives, jejuni diu non permaneant; sed matutinis horis aliquid sumant, quod absque magna incallescencia ventriculo gratum, leveque sit, ut jusculum

cum



cum ovi luteo, & guttulis succi limonum. Bucella panis recentis cum butyro extenso, pulvere cinamomi & sacchari conspersa.

Quibus verò medicamentosa alimenta arrident, accipiant aliquam conservam ex. gr. rosarum, tunice, violarum, absinthii &c. pro rei exigentia, & anni temporis, ac ætatis opportunità.

Si de melancolicis affectibus latentibus suspicio sit, tempore veris, ad potum feri caprini, deinde ad lactis usum disponantur initio æstatis, cum balneo aquæ dulcis. Imò ad aquas naturales acidulas potissimum vallis Engadinæ Sancti Mauriti mittendi sunt isti.

Frequentèr externis cardiacis cordis regionem illinire, his magno solatio est, & potissimum aqua florum aurantiorum, aliqua essentia admixta ex. gr. essentia citria, oleo cinamomi, cum granis canphuræ.

Caveant isti ab aere fervido, etiam si affectio fiat ab humoribus crassis, & crudis. Per aeris etenim externi fervorem. crudi, tardigradi humores liquefcere, ac mobiliores fieri possunt. Intensè tamen frigidus aer suspectus non minus est, humores etenim incrudare, atque obstructions augere valet.

Si tamen à summa spirituum resolutione affectus procedat externa, ac repentina frigiditas summo perè proderit. Retrahuntur etenim hac arte spiritus, seu pelluntur cum sanguine ad cor, & sic facultas ejus reffocillabitur. Quod fiet admissione frigidi aeris, vel subita gelidæ aspersione in faciem. Cutis etenim subito horrore concussa dum constipatur, atque constringitur, ejus spiracula occluduntur, atque spirituum caloris-

que resolutio inhibetur.

Motus corporis tum animi moderationis limites non excedant. Immoderati enim, spiritus & sanguinem exagitando impetuosius, vitalem facultatem depauperant animalem verò ad irregulares motus, & spasmodicos insultus disponere solent.

Quies paritèr, & ocium excedens plurimum obesse consuevit. Atque quotidiana experientia nobis ostendit, quod domicilarum affectus est, mulierumque vitam sedentariam degentium. In quibus ob copiosiora, ac valdè nutrientia esculenta, summam quietem, & ocium, dum chylus non rectè elaboratur, neque sanguis probè disponi potest, ut spirituale scaturiat. Sed tardigradus, stagnationibus dispositus, crassus, viscidus vndique in tubulis heret.

Per stagnationem vero, vel tardiorum motum acrior, & vellicans fit. Prout in illis in quibus menstruæ purgationes instant, facilè observare possumus. Dum etenim factò otio difflari prohibeatur sanguinis particulæ per transpirationem avolare solitæ (seri sanguinis nutritiæ) acscentes, dum iterum sanguini per circulationem confunduntur, fermentationi, ac universis spiritibus fiunt infensæ.

A Veneris luctis procul absint. Improba etenim ex his multos in agone positos, letali palpitatione correptos perdidit.

Cibi paritèr fugiantur flatulenti, crassi, viscidi, acres, falsi, intensè acidi, lac, fructus horarii, carnes salitæ, ac fumo induratæ. Tum ea quæ crassa, frigida, flatulenta, fermentantia chylum acrem generant.

Potus sit vinum tenue odoratum in causa frigida. At in conditionibus calidioribus in quibus vini usus suspen-



ctus est, aqua aliqua cordialis exhibetur, vel decoctio florum, & fructuum cordialium, vel in aqua simplici acidula facta succo limonum, vel spiritu vitrioli eljiciatur tinctura à rosis, violis, floribus papaveris, peonia, tunica, & ab omnibus simplicibus cordialibus, exigentiæ proportionatis.

Vina generosa vitentur, tum aromata copiosiora. Uno verbo ab iis se continere debent, quæ furorem sanguini, & spiritibus conciliare Cordi extraordinarium motum concitare valent.

Vinum quod in usu mensæ quotidiano adhibetur sit medicatum infusione corticum citri, salvia, betonica, absynthio, lignis sassafras, santalorum floribus rosmarini, hypericonis, seminibus fœniculi, anisorum, coriandrorum in causa pituitosa.

At in melancholica expedit vinum absynthite. Quoniam opiata summam energiam habent pro compescenda vitiosa acrium humorum effervescencia, sine qua noxij halitus acidiusculi, irritantes elevari nequeunt. Ideò constantibus viribus nullo modo intermitrenda sunt, & potissimum in causa biliosa. Videlicet aqua vitæ Mattioli cum laudano opiato. Vel opii tinctura in optimo spiritu vini, & multo croco facta, canphura etiam admixta.

Qui hæc pertimescit, saltem ad papaverina blandiora, emulsionem 4. sem. frigidorum. Ad tincturam florum papaveris erratici in eadem aqua florum papaveris facta cum guttulis spiritus vitrioli. Vel ad decoctum eorundem florum cum syrupo pariter eundo cubitum accedat. Hac enim via tenuior sanguis vitiosus, vel acrior ferrosus, qui de facili acenditur. rarefit, & fermentescit in paroxismo mo-

dicè increassatur, atque corrigitur, & sic magnum hujus affectus prophylacticum acquiritur, simul, & curativum auxilium.

Non negamus tamē quod in accessione vrgentibus flatibus, statim ad carminativa accedere debet medicus, & antecætera eorum discussionem moliri aromaticis, oleo anisorum, succini, fœniculi optimum consilium erit, præsentibus conditionibus frigidis. Vel actuali refrigeratione introducta præsentibus conditionibus calidis foru frigido.

Soluto paroxismo, vires spirituosas recreentur, & aromaticis. Vino generoso. Vel tincturis aromatum in spiritu vini factis. Aut aliquo elixire.

Rotulæ etiam ex oleo de corticibus citri, vel quinta essentia rosmarini, sed potissimum oleo cinamomi, maxime probantur.

Aqua florum citri, vel rosarum, vel aurantium, species aromaticæ alibi insinuatæ Ambra, & alia aromatizantia, & cordialia cum cibis assidue vsurpentur.

Succus citri in vino albo aromatico, vel malvatico, vnum ex præcipuis instantaneis auxiliis reputatur. Non minus ac aqua cordialis Saxonie aut alia, spiritu vitrioli acidula facta, in quo sepius auri frustula ignita extincta sint.

Si autem de nimia viscositate, ac stagnatione suspicio sit. Ut sanguis attenuetur, ac volatilizetur, diaphoretica exhibeantur, decoctum lignorum, cum pulvere viperino. Tinctura ambra, cinamomi; succini, croci, canphura, theriacæ, pulveris viperini.

Inter igitur spirituosas sulphureas, quæ Vestalem cordis ignem pereuntem reparare, vel semiextinctum recendere valent, sunt aquæ cinamomi,

tum



tum florum aurantiorum, & omnes  
fermè odoriferæ.

Sic essentia vniversæ aromaticorum,  
oleum citri, cinamomi, cariophyllo-  
rum. Moscus, ambra, zibeta ex qui-  
bus rosolinina varia interiùs propi-  
nanda.

Tum balsama præciosa exteriùs  
inungenda parari poterunt. Non ob-  
lito balsamo apoplectico, vel Perua-  
no, aut Opobalsamo, oleo succini,  
quinta essentia rosmarini.

Et quoniam pro restaurandis spiri-  
tibus vitalibus aurum pro summo ar-  
cano à Chymicis deprædicatur potissi-  
mum in forma potabili. Alibi locum,  
reservamus modum intra tres dies sol-  
vendi aurum ostendendi, quod volati-  
le, & aqueiforme per retortam in re-  
cipiens delapsum, ad pristinam metal-  
licam auri formam nullis artibus re-  
duci poterit.

Materiæ paritèr ex quibus innume-  
ra auxilia parari poterunt sunt: Co-  
ralliorum variæ species, margaritæ.

Cortices citri. Cornu cervinum Gra-  
na chermes, & eorum tinctura, vel  
sericum. Buglossum, ejusque flores.  
Aqua cordialis Saxonie cum confe-  
ctione alkermes. Spiritus vini can-  
phuratus. Borrago ejusque flores.  
Citria (& potissimum cortices confe-  
cti) aurantia, limonia. Rosæ dama-  
scenæ earum laccarum, ac tinctura.  
Tunicæ laccarum & tinctura cum spi-  
ritus Vitrioli guttulis. Canphura.  
Rhibes fructus. Theriaca in vini spi-  
ritu dissoluta. Tinctura ambre. Li-  
quor ex pomis redolentibus concisis,  
& saccharo conspersis supra cratem li-  
gneam. Quo etiam artificio ex pre-  
dictis universis floribus, radicibus bu-  
glossæ, & aliis concisis liquor deciduus  
parari poterit.

A neotericis tandem summis laudi-  
bus effertur chiocholata, quotidie ma-  
tutino tempore exhibenda, illis, qui  
ab hujusmodi affectibus frequentèr  
conflictantur.







D E

# AFFECTIBVS ABDOMINIS

## PARTICULA QUARTA.

*Cardialgia, dolorisve Ventriculi causa,  
& auxilia.*



**C**ardialgia Græ; ventriculi dolor Lat. in orificio superiori ventriculi, veluti in centrali puncto, radice, ac principio vitæ, digestionis ciborum, & dispensationis fundatur.

Varias equidem hic dolor causas agnoscit. Aliquando enim à fermento suo acidiori facto; fixiori, acriori, aquæ fortis indolem sapiente (ob varias causas tum internas tum externas) in orificium stomachi, suæ malæ sensationis, ac prævæ vellicationis molestiam prodit.

Frequentius fit à salibus acribus, vel acidis, vel salsis in massa sanguinea, vel sero, & lymphæ admixtis, ad os stomachi impetum habentibus.

Sic in febribus, dum balsmicæ, mites particulæ resolvuntur, sequentur, vel invertuntur in succis nutritiis, & contra lixiviales, biliosæ, acres exaltantur, circa viscera naturalia, os ventriculi (cæteris magis sensitivum) suis quærimoniis, molestantium præsentiam declamat.

Sæpè enim bilis ex intestino duode-

no ad ventriculum motu præternaturali ascendit. Ibi verò ratione suarum cuspidatarum particularum quibus scatet, nerveas sensitivas fibrillas vellicans, dolorum molestias infert. Estque affectus hic, diù jejulantibus familiaris.

Fit interdum à flatibus acribus, (seu potius à tenuissimo spiritu acido ab humoribus melancolicis elevato) & in fibrillis nerveis circa orificium ventriculi locatis sese insinuantibus.

Estque affectus melancolia hypochondriaca laborantibus fræquens, tum ventriculi imbecillitate affectis. Ob depravatum enim, & inefficax ventriculi fermentum, præternaturalitèr fermentata assumpta, in pastam acidam, viscidam degenerant. Hæc loci calore, & perseverantis fermentationis conamine in gas sylvestres & spiritus violentos, ac flatulento, exurgit, pro ratione majoris, vel minoris cruditatis nidorosæ, vel acidæ.

Quandoque impetuosus spiritus isti, seu salia volatilia acria, caustica (in peste, & morbis malignis) ad vitæ radicem, os ventriculi, cor veteribus di-



dictum, impetum facientia, prima vulnera sua inibi doloribus factis, ac scisuris procuratis manifestant.

Universaliter enim absque continui solutione, ab objecto improporcionato dolor non fit, seu tristis sensatio, quæ æquè à particulis acribus, acidis, rodentibus, pungentibus fibras nerveas lancinantibus fit. Ac à particulis biliosis, tenuibus, acribus, alkalicis, lixiviosis, alijsque ætherogeneis exoticis ad os ventriculi delatis excitatur.

*Cardialgia auxilia.*

**S**uper cætera magna cautio servanda est in electione accommodatorum ciborum, & in fuga à rebus nocentibus. Dulcia etenim, lac, & pingua in vètriculo malè affecto, ejusque acido fermento depravato corrumpuntur, & pessimum acorem contrahunt, à quo intollerabiles stomachi ardores confurgunt.

Cibi pariter viscidiflatulenti vitentur. Ingesta nimia copia, vel unctiosa, aut alia excedenti qualitate peccantia, ventriculi vires, seu stomachici fermenti facultatem obruentia, aut nimis diluentia, totis viribus fugienda sunt. Sic copiosæ computationes, tum potulentorum meracorum.

Cavendum idcirco ab assumptione eorum, quæ magnarum sunt virium, ut spiritus ardens, qui ventriculi acido opponitur ac insidiatur, adeo ut in progressu temporis eundem de ponte dejicere, ac languidum reddere possit. Spiritus etenim vini acidis commixtus, in tertiam naturam acidum mutat, effaminat, atque dulcescere facit.

Pro languidis igitur stomachis, po-

tius quam sumere manè spiritum vini, consultum erit jusculum cum modico cinamomo, vel decoctum theæ propinare.

Ante verò omnia respiciendæ sunt conditiones frigidæ, vel calidæ, ut contrariis auxiliis obviam ire possimus.

Aromatum namque condimenta in frigidis conditionibus probantur. Prout si à viscida, acida mucagine ventriculus oneratus doleat quandoque, prophylactica auxilia erunt oleum succini, absinthium, vitriolum martis, & amaricantia.

Somnus manè prorogetur, ut cruditatibus prospiciatur. Si vero vigiliæ infestent, & conditiones fervidæ adsint, vix aptiora auxilia, quam opiata, & papaveracea invenies, quæ quadam Dei benedictione fermentum stomachi digestivum depravatum moderantur, & facta quiete, dolores consopire, & intestinas seditiones omnes pacare solent.

Decoctum itaque florum papaveris vnc. iij. cum vnc j. fl. papau. vesperi potissimum cundo cubitum, more Kasseano calens assumatur, & vix alio indigebis, sicut opii tinctura. Philonio Romano, Laudano nepentes & consimilibus validioribus.

Exerceantur etiam validè ante cibum, aliisque artificiis calor ab interno ad extimas partes evocetur.

Animi autem motus aliaque ab extimis ad internas partes calorem revocantia avertantur. Cibi optimi succi, & moderatæ fermentationis eligantur. Qui etiam aromaticis condiri debent moderatis.

In languido ac seniori ventriculo conducet magis generosum vinum, sed paucum, quam multa, aut consimilia, quæ tamen ad liberandum



ventriculum à mucositatibus magis conducere posse fatemur.

Isti etiam piscinæ languidi, qui consenescentis sui affectus medicos non inveniunt irrationabiliter viventes. Nunquam saturi à mensa recedant. Modica, atque frugali cœna semper victitent. Imò semel in hebdomada incoenati ad somnum se componant. Inter prandium, & cœnam decem, vel saltem novem horas numerare non recusent.

Nunquam supra adhuc indigesta alimenta in ventriculo, recens ingesta collocare audeant. Cibos eligant sibi per experientiam notos, facili coctionis, & boni succi. Ideoque à fructibus horariis aliisque facile corruptibilibus abstineant, tum ab oleis, piscibus, lactariis & consimilibus.

Materiæ universales auxillorum, à quibus inde variæ parari poterunt formulæ sunt Absinthium quocumque modo usurpatum, ejusque oleum Cortices citri. Gingiber conditum. Cydonia condita, vel citra, vel aurantia. Noces virides conditæ. Cydonia in vino austero. Succus granatorum, rhibes. Nux moscata, aliaque aromatica lignosa, tum semina. Salvia Betonica, Uno verbo cephalica simplicia.

Hippocrates lib. de affect. mulsam aquosam cum modico aceto, tepidam consultat, vomitumque procurat. Deinde ventriculum roborare internis, tum externis auxiliis jubet.

Blandos itaque vomitus cum præceptore illic imperatos cæteris prævalere posse auxiliis nostro quoque experimento fatemur.

Galenus verò de arte cur. ad Glæuc. Quibus os ventriculi præ imbecillitate dolet. Vinum calidum (potissi-

mum absinthite) propinatum levât. Illos quos multa materia corrupta circa ventriculum non vexat sublevare docens hac ratione.

Melicratum cum hyso. Oximel dilutum cum aqua betonice in casibus dubiis detur. Sic ptisana. Emulsionem ex 4. sem. frig. Sic oleum amygdalarum ad vnc. v. cum vnc. j. syrupi ex floribus papaveris tutò exhiberi poterit.

Medulla panis, vino malvatico imbuta, & pulvere nucis moscata conspersa supra fossulam pectoris in conditionibus frigidis prodesse solet. Vel familiare, ac extemporaneum auxilium matris meæ, est parietaria, absinthium, folia persicorum supra inversum æreum instrumentum ferefacta, aceto conspersa, cinamomi pulvere imbuta. Fossulæ pectoris applicita. Quibus me puerum centies fovit.

In causa calida, humorum acrimonia mitigetur hordeo, ac hordeaceis, orisa, alica, farina amyli, fero, butyro, lacte ac lactariis esculentis. Quibus non conferentibus exhibeatur lac artificiale ex 4. sem. frig. majoribus, & amygdalis. Gelatinæ ex piscibus optimæ notæ, ex pedibus animalium fiant.

Aqua frigida epota, in ictu oculi cardialgiam à causa calida ortam sedat. Idem operatur succus granatorum, agrestæ, rhibes aqua destillata, vel jure dilutus, tum exterius applicitus.

In causa vero frigida, oximel squillicum aqua betonice dilutum. Conserva absinthii, florum betonice vel salviæ. Masticeis grana aliquot devorata, tum masticando ore detenta. Absynthium in vino dulci coctum, vel in lacte, ac epotum.



Ex Quercetano cap. de Vinis: Vinum passulatum Hippocraticum, paratum ex rebus stomachicis, cinamomo, gingibere &c.

Cum signis plenitudinis, & repletionis in primis viis tutum auxilium est illico ab initio vomitum procurare aqua tepida vel jure tenui, oleo communi, & modico aceto vel oximelite admixto. Deinde oleum amygdalarum dulcium propinetur quod reliquias per aluum blandè ducere possit.

Quoniam frequentior causa esse solet acidum viscidum stomachi. Ideò ut corrigatur, aromatica attenuantia, incidentia exhibeantur. Balsamus Peruanus vel oleum succini ad guttas quinque Spiritus vini Canphuratus. Aqua reginæ Hungariæ. Tum sacculi ex baccis juniperi, absinthio, sale communi parati, & vino albo aromatico incocti, Cum rebus aromaticis, cinamomo, ambra, cariophyllis fofulæ pectoris applicentur.

Ructu vero acido præsentante cum torminibus, præsentaneum auxilium est decoctum florum camomeli, cum corticibus florum aurantiorum.

Si à spiritu acido tenuè volatili à melancolicis succis elevato fiat. Dulcificantibus ac fixantibus figatur, ac imbibatur, corallorum pulvere, margaritarum, vel concarum margaritifera-  
rum, terræ Virginis Mutinensis, aut Veronensis Allegri. Aut

Samia, aut Cornu cervi,  
eboris, denique cru-  
staceorum om-

nium, ocu-

lorum-

que

potissimum

cancro,

*Famis præternaturalis causa,  
& auxilia.*

**A** Depravato variis modis stomachi fermento acido, variæ con-  
surgere solent famis differentia. Nam bulimus, seu fames syncopalis cum animi deliquio fit. Estque affectus compositus ex impotentia, indigen-  
tia, imbecillitate, ac stomachi refri-  
geratione. Quibus cor in consensum trahitur, atque syncopem inducit. Appetitus verò Caninus maxima fa-  
mes est. Cui vomitio post assumptos cibos succedit. Et hic semper ab hu-  
moribus melancolicis acidis exaltatis fit, os ventriculi lancinantibus.

Horum affectuum universalior causa solet esse spiritus quidam, seu tenuissimus, penetrantissimus liquor dissolvens, in corpore genitus. Qui magna sui energia quidquid ciborum ingeritur, promptè dissolvit, ac le-  
gitimum, & necessarium nutritio-  
ni terminum naturæ non conce-  
dit.

Talem spiritum Paracelsus salinum, acidum, vitriolicum esurinum, na-  
turæ aquæ regiae putat esse. Ex variis namque salibus, videlicet nitro, Vi-  
treolo, sale communi aquæ fortes parantur, quæ metalla ipsa disso-  
luunt.

Mira certè observatio est, quod trium, vel quatuor horarum spacio canes durissima quæque ossa conficiant, & in tenuissimum liquorem chylosum convertant.

Fiunt ergo famelici affectus ab aci-  
do fermento stomachico præterna-  
turalitèr exaltato ob causas occa-  
sionales externas, vel ob affectio-  
nes internas. Et potissimum à spi-  
ritu, seu liquore acido salino, à  
liene



liene ad ventriculum transmissio.

Hinc est quod aves, quæ milium, & cerealia quæque durissima faciunt, carnem lieniformem habent quæ ventriculum undique ambit acidissimum spiritum in ejus capacitatem inspirantem.

Dum igitur talis liquor seu spiritus acidus inspiratus à liene, seu veniens à pancreate, tum ex mediana carnosæ ventriculi tunica exudans, naturaliter se habet, digestionem naturalem, & moderatam perficit. At vitiosus, nimis salinè acutus, ac dissolvens, solida alimenta celerius quam deceat liquans. Liquata verò ventriculum irritans tum à ventriculo deturbans, indigentiam, ac famem renovat, eamque immodicam, & præternaturalem suscitatur.

*Auxilia ad famelicos affectus.*

**S**I foveatur affectio, à vitio stomachi muco acido inviscati, ante omnia per vomitum eorum evacuatio tentanda est. Inde exiccantia adhibeantur, & sitim inducentia, urgente etenim siti fames necessario imminuitur.

Spiritus itaque Vini, aqua cinamomi, oleum cariophyllorum, tunc temporis in usu poni poterit. Ambra grisea in ovo sorbilli ad gr. v. Tinctura cinamomi nucis moscatæ, & cariophyllorum in spiritu vini facta.

Et hæc potissimum si constet de frigida ventriculi intemperie, in qua theriaca, aromata, & aromatica cephalica, & stomachalia usurpanda. Elixir proprietatis Paracelsi primas obtinet. Acetum squilliticum inviscatis stomachi parietibus auxiliatur. Conserva absinthii. Vinum absinthite.

Vomitibus blandus procurari poterit per tenue jusculum oleo communi vel amygdalarum dulci, ac oximelite admixtis, necnon succo raphani, & iure copioso.

Externi foci non omittantur. Sumptis summitatibus absinthii, menthæ, cum pulvere cinamomi, & nucis moscatæ, & in sacculo positis, in vinoque albo ebullitis, ferventibus, stomachi regioni applicitis.

Qui facile exoluuntur, ore cariophyllum, vel frustulum nucis moscatæ continuò versent. Vasculum præterea terreum secum gestent plenum spiritu Vini juniperino, vel cariophyllorum, atque frequentè ejus haustulo recreentur. Odorata etiam naribus admota proderunt.

Ventriculi regio oloris, vel marini vulturis pelle muniatur, aut sacculo plumis perdicis, vel anserum subalaribus repleto, vel leporis corio muniatur.

Qui verò inungi amant, utantur oleo nucistæ, balsamo Peruano, oleo mastice destillato, oleo succini.

Narcotica, opiata, papaverina sensum ventriculi nimis exquisitum obtundendo summopere profunt. Inter quæ theriaca recens cæteris præfertur, vel decoctum calens more Kaffeano florum papaveris erratici. Valet & laudanum opiatum ad granum, vel duo eundo cubitum cum syrupo ex floribus papaveris, & aqua ejusdem.

In causa materiæ pariter tenuis acutæ propinentur in obsoniis oriza cum lacte caseus recens, butyrum, cremor lactis, & lactaria omnia, & ex eis pulvis ex farina tritici, hordei. Caro suilla summis laudibus effertur in tali casu, tum pingua alimenta, ac valde nutrientia.



Hinc est quod pro summo remedio decantatur à neotericis caro glyrium affatorum comista, modò valdè pinguefacta talia animalia sint.

Universalitèr enim famem lenire possunt cuncta, quæ liquorum circa stomachum contentorum aciditatem obtundere valent, ut pingua, oleosa, capita, pedes, intestina, & consimiles glutinosæ animalium partes.

Naturalitèr verò se habente ventriculi acido fermento, nulli succi vitiosi in ejus cavitate coacervantur. At frigidius factum, videlicet acidum stomachi fermentum more aceti, evolutis jam majori ex parte tenuibus, igneis, ac sulphureis conflagrabilibus particulis, exaltantur salia, & fluore adepto, acorem majorem, ac præternaturalem contrahit. Inde appetitum ultra naturalem mensuram proritare validissimum est. Verùm assumptorum ciborum concoctioni se imparem esse, (quia præternaturale ac morbosum acidum est potiusque corruptioni destinatum) per vomitus manifestatur. Quod ut avertatur parum, & sæpè cibis offeratur.

Vinum meracum in copia sumptum famem tollere docuit *Hipp. 2. aph. 41.* Cautè tamen meo judicio in exhibitione vini meracioris procedendum est. Neque indiscriminatim vniversis exhibendum.

In ventriculis enim natura debilibus, vix fieri potest (in quocumque statu sit, sano vel morbo) ut valdè non concutiatur virtus languida ab iis quæ magnarum virium (fortia ab Hippocrate appellantur) inter quæ vina grandia seu meraca enumerantur. Quæ priusquam à ventriculo superentur, semper cum eodem luctantur.

Hinc est quod duorum amicorum

meorum casus recensitos audiui, in quibus ægri in vino meraco confidentes ad convulsiones deducti fuere. Securius igitur istis cocleare aquæ cynamomi. Vel rosolinum ambratum. Aut elixir vitæ propinari poterit, cæteris etiam auxiliis externis tum internis non omissis.

*Inappetentia causa, & auxilia.*

**A**Cidum fermentum, ac digestivum stomachi, ortum suum ducit à residuo liquore albugineo, sero nervorum nutritio, qui à natura ad magnos usus reservatur. Sed primarius ejus usus est fortè, quod sicuti nostræ mulierculæ, & pistorum in panificio, vetustam pastam reservatam in recentem farinam immittentes, licet in pauca mole, totam fermentare faciunt, atque acidiusculo penetrantissimo spiritu imbuunt.

Idem operatur in alimentis assumptis serum nutritium nervorum, ac spermaticarum albarum partium, quod in hunc usum à natura in medianam stomachi tunicam innumeris glandulis refertam deponitur. Tum undique naturalitèr ad stomachum confluit ex omnibus glandulis ventris infimi conglomeratis, & potissimum lienis, & pancreatis, hujus liquoris depuratoria, & ad tempus asservantia viscera.

Per glandulas itaque stomachi, & papilaria vascula sese in ejus cavitatem exoneratur talis acidiusculus liquor in statu naturali, & sua blanda irritatione appetentiam suscitatur.

Hoc igitur liquore à causis sive externis fortuitis, sive internis deficientibus, appetentia, imminuitur, tollitur, vel depravatur.

R

Nam



Nam pro hujus depravatione, imminutione, ablatione (ut in febribus potissimum observamus) inappetentia major vel minor fieri observatur, cum majori vel minori virium, & nutritionis labe.

Inappetentia itaque ut signum, indicat pauculum esse serum hoc nutritium, à nutritione residuum, vel alienis qualitatibus imbutum esse. Inde fit causa ut nutritio benè procedere non possit, carens hoc adeò necessario liquore.

### *Inappetentia auxilia.*

**A**B acidi igitur ventriculi defectu aut depravatione inappetentia manifestari solet. Vel quia nimis dilutum sit, aut amaris, & præternaturalibus succis contaminatum. Ideò acidia temperata, ut ros vitreoli. Spiritus salis dulcis ad scrup. j. in aliquo liquore appropriato, vel sal sacerdotale dictum, aut absynthii cum granis tribus salis martis, apta auxilia erunt. Ipse salem Martis gr. v. cum conserva absynthii in imbecillimis stomachis semel in hebdomada nunquam incassum propinavi.

Si indicia adsint viscidæ saburræ circa parietes, & os ventriculi stabulantes, vomitus omni arte procuretur. Deindè felici omine ad amara, aromatica, & absinthiaca accedere poteris.

Vinum malvaticum cum infusione radicis zedoariæ, gingiberis. Vel frustula zedoariæ confecta. Aut cortices aurantiorum confecta. Elixir proprietatis Paracelsi. Aliaque myrrha cum croco magni erunt emolumenti.

Exteriùs verò oleum nucistæ, balsamum Peruanum, ladanum, gummi

tacamacha comendabilia auxilia sunt. Non minus ac pellis leporis, aut marinæ aquilæ, seu vulturis supra ventriculi regionem.

Vel monialium sacculi stomachales ex speciebus omnibus fragrantibus galanga, cinamomo, cariophyllis, &c. cum gossipio confuti. At validiores erunt sacculi pro fomento adhibiti, stomachicis simplicibus repleti, & in vino albo, & aceto ebullitis, fossulæ pectoris admoti calentes.

Verùm præsentibus conditionibus fervidis, aquæ potus cæteris quibuscumque potionibus præferri debet; nam ex *Hippoc. 4. in 6. Epid. 20. Aqua vorax, vigilia vorax*. Ideoque aqua vberius utentes, coteris voraces magis esse observantur.

His pariter admodum conferre potest usus spiritus vitrioli, succi citri, aceti, onfacii aliorumque acidorum aliis liquoribus admixtorum, ventriculi acidum exaltare potentium, & non deprimentium.

Sic ex pedibus vituli gelatinæ paratæ cum modico pipere, cinamomo, aceto, saccharo. Spiritus vitrioli gut. v. in vino propinatæ per horæ quadrantem ante ciborum sumptionem, facta lenideambulatione lapsam appetentiam repetitis vicibus restituere valet.

Verùm si affectus præternaturalis, & longus persistat, non habet ars par auxilium quam ad acidulos fontes (& potissimum ad Sancti Mauriti Vallis Engedinæ) ægrum remittere, æsurino namque sale prægnantes has aquas esse, quilibet, qui ad istas accessit ore rotundo testatur.

Qui à conditionibus frigidis causas venatur in usu ponere poterit cor-



cortices aurantiorum conditas . Semina anisorum , fœniculi post cibum . Mirabolanos conditos .

Vitentur universalitèr pingua oleosa , inflammabilia , acido stomachico naturalitèr adversantia . Tum ea quæ aquea insipida illudidem diluere possunt . Nec non ingrati odoris universalis repudianda . Atque aromatibus semper alimenta condiantur , eaque temperata sint .

Sapa potissimum in condimentis , & cimamomum veniat . Sapa enim ( ait Dioscor. ) ventrem firmat , & appetentiam excitat .

Olivæ paritèr conditæ omittendæ non sunt , tum cappares in aceto , aliæque acetaria nobilia quæ penès nostras moniales servantur in moderata quantitate usurpata , magni emolumenti sunt .

Oximel summo manè ad coclearia duo vel tria ( scopa stomachi à me appellatum ) futuris cibus locum parat .

Nostrorum Lombardorum irritamentum gulæ & appetitus hoc loco apponere non recusamus . Videlicet fassamentum ex nucibus , allio , pane in iure , succo limonum , cinamomo , & saccaro simul in mortario lapideo contritis , & optimo jure dissolutis , quo carnes in mensa intinguntur .

Theriacam cum aqua menthæ copiosa dissolutam inappetentibus languidis cum evidenti emolumento manè ante cibum quatuor horis propino .

Sed quoniam Sanctorius in statica sua observat quod aer urbis , deterior est aere ruris , crassior , & minus perflatus , appetentiam tollens , vel minuens . Ideò consultum erit iis qui appetitum venantur , ut desinant ipsum in studiis , & in angustiis fori rimari . Sed migrent cum læto sodali-

tio , ad loca amena , perflata ruris . Ibique manè vacuo stomacho exerceantur , in ascensu potissimum alicujus blandi collis ; serenaque mente , à curis vacua cantillare non recusent . Et hac arte , magis quam Podaliria , ac Machaonia , languidi ventriculi sui vires ( medicinis in hipoteca otiantibus ) recuperare poterunt .

*Singultus causa , & auxilia .*

**I**mmediata hujus affectus causa convulsivus diaphragmatis motus universalitèr judicatur ; & ab instrumentis respirationis venire ideò colligitur , quia in potestate cujusque est , singultum effingere spiritus quadam contentione , qua etiam exortum tolli posse quandoque certum est .

Afficitur in eo per se primariò ventriculus , per accidens verò , & per consensum diaphragma . Est enim ventriculo propinquum diaphragma , Et communem habeat tunicam non solumodò , sed communes nevos , potissimum circa orificium divaricatos . Quamobrem facilè est , ut à corruptis in ventriculo alimentis excite- tur affectus dum in acidum irritantem materiam mutantur . Ab hoc namque acido peregrino , dum os stomachi contrahitur , diaphragma ad excussio- nem concutitur .

Quandoque tamen fit à iecoris , lienis viscerumque septo transverso propinquorum inflammatione , vicinæ suæ ratione irritamenta communicantia . Dum etenim simul diaphragma vellicatur ( scilicet nervorum fibrillæ sextæ conjugationis ei implan- tatæ animalium spirituum circa diaphragma tumultuariè furentiù impetu- tus fit , in spasmodicos motus erumpens ,




Rarius fit à tenuissimo spiritu acido irritante ad ventriculi tunicas, & ad diaphragma delato, quem non sine longa molestia per singultus, & irritos vomitus natura expellere tentat.

Idem fermè contingere solet post immodicas evacuationes per aluum, vomitum, sudores, menstruas purgationes, lochia, vulnus magnum, longam inediam. In quibus subtracto fero albugineo nervorum nutritio, seu spermaticarum partium debito pabulo, fiunt in partibus sentientibus spirituum irregulares motus, inde convulsiones, tum in diaphragmate respirationi dicato instrumento, motus isti convulsivi, qui singultus nomine veniunt.

Frequentior tamen causa sal quoddam acutum irritans volatile est, in stomacho ex corruptis cibis elaboratum, vel à sanguinea massa secretum, ad orificium stomachi supernum delatum, proximam diaphragmatis tunicam irritans. Cujus magnum indicium est, quoniam pipere, vel alijs tenuissimis acutis irritantibus pulveribus sensim assumptis singultus excitatur, dum absque violentia, & irritatione inferiori janitori facta, os tantum stomachi superius molestat.

Quæ enim nulla vel pauca illata molestia orificio stomachi superiori impetum suum convertunt erga inferiorem janitorem, non singultum, sed vomitum vel alvi fluorem concitant.

\* \*



### Auxilia.

**S**I de stomachi infarctu, & de materiæ acris, stimulantis copia in cavitate ventriculi suspicio sit, ante omnia procurato vomitu evellatur sine qua universa fortè incassum tentabuntur.

Postmodum ad attemperantia, & Narcotica deveniendum erit, ut acres reliquæ attemperari, ventriculi sensus obtundi commodè possint. Sic enim postmodum animales spiritus irritati, ac impetuosius moti, conquiescent, & pacabuntur.

Sorbitio frigida sensim facta, sanorum incipientes singultus citissimè sedat. Facto Hippocratico torpore 5. aph. 25. Sic sternutatio arte procurata (ex.gr. cum pulvere hellebori albi ad gr. ij.) doctore divino sene singultum solvere valet.

Quibus de crassa pituitosa viscidaq; materia in ventriculi capacitate suspicio est, loco aquæ oxycratum, mellicratum, vel mulla diluta, aut oximel cum jure tenui propinetur in copia ut facilè vomitum proritare possint.

In prandio postmodum vinum in quo simplicia stomachica infusa sint adhibeatur. Si etiam de stomachi languore, & de conductionibus calidis constet, vinum, aut succus granatorum, rhibes, omphacii propinetur.

Atque opiata, tum papaveracea primum teneant locum. A quibus certè acres irritantes liquores omnes impetrata quiete mitigabuntur. Leniunt enim aspera, & acida corrigunt, ut nullam molestiam inferant. Inter securiora, & leviora decoctum florum papaveris ad unc. iij. cum unc. j. syrupi ejusdem. Vel emulsio ex quatuor se-

mini-



minibus frigidis majoribus in aqua florum papaveris eundo cubitum adhibeatur . Immo qualibet hora diei hæc sumpta à molestiis liberare poterit .

Siautem flatum plurimum admixtum esse observaverimus , absque mineræ flatuum provisione vix quidquam boni facere poterimus . Quia extirpata , ad flatuum postmodum reliquias discutiendas accedemus , oleo anisorum quacumque ratione propinato ad guttulas , vel oleo cinamomi , essentia citri , & notissimis aliis , adversus flatum pugnare valentibus .

Eadem ratione plurimæ confectio- nes in hunc usum parantur , cinamo- mi , & aromatum omnium . Imò va- ria rosolina aromatica alibi descripta , non inutilia erunt .

Ad sedandas etiam fermentationes , flatuum mineram veluti supprimen- dam , magnoperè conferre poterit confectio alkermes , cum laudano opiato ad grana tria , & canphura in aqua florum aurantiorum dissoluta , & cocleatim assumpta .

Exteriora interim auxilia negligen- da non sunt . Panis triticei fermèn- tum acerrimum , aceto , & sale sub- actum , cum pulvere seminum aniso- rum , & cinamomi , fossulæ pectoris applicitum .

Pro languidis pariter stomachis cru- sta panis vino malvatico , ac aceto ir- rorata cum cinamomi pulvere , & nu- cistæ .

Siautem in fomentis major spes af- fulgeat , accipiantur flores camomelli , summitates rosmarini , absinthii , corti- ces aurantiorum pulveres nucis mosca- tæ , & seminum anisorum . Quæ crasso modo contusa , sacco indantur , atque in modico vino & aceto ebullita , te- pentia applicentur .

*Sitis causa , & auxilia .*

**H**Umidi aquei appetentia sitis est , eo fine à natura animantibus in- dita , ut ad assumenda potientia aquea festinarent , quæ tum alimentis in corpus distribuendis , tum excremen- tis extra corpus deijciendis inservi- rent .

Fit itaque sitis , à vellicatione mo- lesta superioris orificii ventriculi per acrimoniam salisam vel urinofam con- citatam . Vnde pro horum salium acrium dilutione , ac abstersione , li- quidum aqueum natura exposcit . At- que prout acriora , vel temperatiora , magis vel minus oleosa , biliosa , aut viscida fuerint sic magis , vel minus intenditur sitis .

Locus affectus semper os ventriculi est , qui aliquando per se , aliquando per consensum laborat . Consensus fit à lingua , faucibus & sophago ob com- munem membranam oris ventriculi . Quandoque à pulmonibus , iecore , sed potissimum à renibus in affectu diabe- tico venit .

Sitis causæ multiplices proculdubio sunt . Nam defectus lymphæ , seu li- quoris salivalis , dum fauces debite non irrigantur , vel aspera arteria , si- tim producit . Sic dictarum par- tium præternaturalis estus , & exic- catio . Vel dum acria salia non eluun- tur .

A toto pariter venire potest sitis , dum serum , & omnes aqueæ partes sanguinis per halitus , & insensibilem transpirationem , aut per alias vias in magna copia extra corpus protru- duntur .

Ita ut lymphæ deficiat , quæ ad os confluit , ad gulam & ad stomachum hume-



humectandum, quæ sitis solo potu refarciri solet.

Sic ab inanitione in superpurgationibus, exercitiis, vigiliis moerore, aere æstuante, ac sudoribus fieri consuevit, dum evacuatur serosa pars sanguinis.

Verum sitis omnium molestissima illa est, quæ à sero albugineo nervorum nutritio corrupto, ac depravato fit. Diximus enim superius de famelicis affectibus, quod serum albugineum nervorum nutritium, residuum à spermaticarum partium nutritione, pro fermento inservire debet alimentis assumptis, atque aciditatem à mora, & loci calore contrahens ad medianam ventriculi tunicam innumeris glandulis refertam perveniens, ad ventriculi internam cavitatem exudat.

Aciditate itaque præternaturali, famis affectus præternaturales parere superius innuimus. Acrimonia vero biliosa, salsa, amara imbutus ventriculus in loco, in quo à potulentis aqueis non ita facile dilui potest (scilicet in mediana tunica) ingentem sitim, neque facile sedabilem excitare valet.

Et hæc est illa sitis, quam *Aristoteles in 22. sect. probl. admiratur. Qua non cessat licet venter plenus humoris sit*. Putat verò ipse (nec fallitur) tunc sitim propriè cessare cum universa membra humorem sibi commodum dispensatum habuerint.

Subjungimus itaque Incommodum & prævum universorum membrorum nutrimentum, exoticis salibus, ac sulphuribus prægnans, dum ad medianam ventriculi tunicam ablegatur, ut sit ejus concoctionum fermentum, dum loco aciditatis (siti contrariæ) amaram acutiem biliosam inducit, in-

exorabilem ac implacabilem ferre sitim excitare consuevit, quæ ventre potulentis pleno, non cessat.

Magnum nostræ veræ assertionis indicium sitis hydropicorum est, quæ ab eodem sero albugineo spermaticarum partium nutritio fit. Dum enim ichorosum, salsum, præternaturale membris nutriendis ineptum, facta atrophiam ad ventrem ablegatur (ideoque etiam ad medianam ventriculi tunicam) appetentia in hydropicis prostrata, sitim inextinguibilem accendere observatur.

Hæc pariter sitis in plurimis febribus observatur depravato tali succo albugineo nervorum nutritio, dum aciditate exuta alcholino bilis amaro re imbuatur unde fame pessundata, sitis clamosa fit parens in ventriculi mediana tunica concipiens, aliisque visceribus calorem, & salinam sui depravatam conditionem communicans.

Sitis etenim quæ ob falsos, acres, irritantes liquores, vel ob pituitam falsam, aut bilem in cavitate ventriculi oritur, vomitoriis, dejectoriis aqueis diluentibus facillimè tollitur.

Fatemur itaque quod omnia salia, acrida, urinosa, aromatica, salivolatili oleosa, plus minus imprægnata, sitim pariunt.

Sic alimenta salita, piperata, difficilis digestionis quæ tenues aqueas partes citò per pylorum dimittunt, crassioribus siccioribus, ac terrestrioribus relictis sitim faciunt.

Sic saliva vitiosè salsa deglutita, fauces irritando. Sic cruditas nidorosa, defectu acidi in eluonibus, ac parasitis, matutinam sitim à somno excitare suscitare observatur.

Observabile quidem est, quod quo



magis actiuum est stomachi fermentum acidum, eo minus vrgeri potest sitis. Viceversa dum in febribus deficit acidum fermentum, assumpta in nidorem corrumpuntur, fitque continua, & clamosa sitis, quæ nullis aqueis potulentis cedit. Quoniam aquea isthæ causa proximam sufficienter non corrigunt.

*Auxilia sitis.*

**I**N febribus sitim tollunt acida potissimum tenuia spirituosa, ros viatrioli, spiritus nitri &c. quoniam acria nidorosa circa naturalia viscera, & in stomacho contenta corrigunt, præcipitant, & in tertiam naturam mutant.

In scorbuticis, & affectibus leprosis sitim levant vel tollunt lactis, vel feri potus. Quoniam acrium salium impetum frænare valent.

Gargarismata sitim à naturalibus visceribus venientem fallunt, & solantur tantummodo.

Sitim vero à faucium siccitate ortam benè tollere possunt. Quæ etiam Hippocratis documento arceri poterit sic docentis 3. in 6. Epidem. 33.

*Non sitire faciunt continere os, tacere, ventum cum potu paulatim admittere frigidum.* Sic enim Aristoteles de admirandis audit. narrat: *In Cephalenia capra, tum cætera quadrupeda nullo pacto bibunt; sed rictu in opposito flatu conuerso, ac ore aperto aera suscipiunt.*

Uniuersa acida sitim à causa alcalica biliosa, amara orta solantur, vel tollunt. Atque experientia ostendit, quòd vnicus vini haustus plus sitim sedat, quam duo aquæ simplicis, ac insipidæ.

Verum potulenta aquea cæteris effi-

caciora sunt in tollenda siti, ab acribus salibus facta. Hæc etenim ab aqueis facilè dilvuntur, imbibuntur, abstergantur.

Quæ à calore solo in non febricentibus exigua sitis excitatur (à Galeno superficialis dicta) hæc inducto refrigerio, per potulenta actu frigida conquiescere solet. Hæc eadem est illa ab Hippocr. 5. aph. 27, descripta, quæ solius patientiæ fuste, ac somno abigi solet.

Verum sitis morbosa, quæ cum notabili spirituum animalium consumptione conjungitur, spiritus oleosus volatilis, vt est spiritus vini ad coclearia duo sumptus, magis sitim suffocare valet, quam centuplum aquæ.

Quæ adhuc sitis ab immodicis evacuationibus equè sanguis, ac excrementorum obstinata persistit, balneo, & lacte feliciter demulciri consuevit.

Materiæ ex quibus varia sitima stiga parantur sunt: Emulsioncs ex 4. sem. frig. ma. Lapis prunellæ. Serum lactis. Lac acetosum (oxigalà Græcorum) Aqua, seu decoctum hordei. Aquæ stillaticiæ acetosæ, endiviæ, cicorei, borraginis aliæque innumera-biles. Fructus succolenti rhibes gres-pini, limonum, aurantiorum, citri, fragarum amarenarum, peponum, anguriæ, cucurbitæ, ex quibus etiam taleolæ supra linguam ponendæ parari possunt, & potissimum cucumeris. Variæ emulsioncs ex variis seminibus, & potissimum frigidis. Variæ mucilagines & potissimum ex seminibus cotoneorum, psilii &c.

Multiplicia potulenta in appendice prima eligentibus proposita. Vinaque Avicenæ dicta, ex passulis varia pro varia exigentia. Vina malorum puni-



corum, amarenarum, & aliorum fructuum, ac seminum.

Vina meraca tamen præcaveantur, sed diluta semper sint, magis enim penetrantiora fiunt, magisque corpus humectant. Talisque humectatio magis nutriens ac refocillans est.

Aqua gelida ventriculi regioni per petias applicita, tum testibus. Meo tamen consilio linthea frigido lacte madefacta applicabuntur.

Quoniam sæpè sitis fit, circa finem coctionis in ventriculo, post elapsam à ventriculo partem cibi tenuiorem, crassiore restitante. In hoc casu istæ crassæ salinæ reliquiæ potu diluendæ sunt. Vinum tamen dilutum, ac pauciferum sit, ad faciliorem chyli distributionem.

Præternaturalitèr sitibundi, cibos equè, ac labores minuere tenentur. Atque otiantes in loco perspirato aerem frigidum respirent.

Ore detineant ossa amarenarum, vel prunorum aut globulum chrystalli, aut citri taleolam, lactucæ, vel cucumeris frustulum. Vel chartæ globulum in quo sal prunellæ detineatur.

Epythemata ex succis, & speciebus refrigerantibus os frequentèr frigido lacte abluatur. Vel saltem emulsione gelida ex 4 sem. frig. ma. parata.

*Vomitus causa, & auxilia.*

**E**Xcretio per os vomitus est, rei in ventriculo contentæ, à perverso ventriculi, tum annexorum intestinorum motu peristaltico, ab acutis, acutis, heterogeneis particulis facta.

Motusque hic, stomachi violentus,

ac convulsivus fit à spirituum animalium in ventriculi fibras impetuosè insilientium, magna explosione, seu expansione, ut irritantia deiciant. Peristaltici verò motus inversio frequentius incipit à loco utriusque ductus, videlicet biliarij, & pancreatici.

Atque duo præcipuæ vomitiones fiunt. Alcalicorum biliosorum, & acidorum corruptorum equè stimulantium. Biliosus vomitus fieri solet, dum materia biliosa stomacho affluens, irritatione sua est in causa ut pilorus in se constringatur & arctetur, quare mora facta magis incalescit, & corrumpitur.

Pro varia verò occursantium mixtura, atque fermenti qualitate, viridis, flava, poracea, amara magis, vel minus fit, prout acidum stomachicum ad varias corruptiones rapitur.

Si organa fellea, tum fermentum fellis in iecore fellis confectionem, ac separationem indebitè moliantur, ardores præternaturales ebullitiones, inappetentiæ, ructus, vomitus excitantur.

Si lienis organa, & fermentum exorbitet, fiunt tormina, erosiones, atque sanguineæ evomitiones. Mitigato tamen semper utrobique pylori furore, facili Marte vomitiones universæ cessant, & molestia ad inferiora demittuntur.

In febribus tamen, & magnis totius affectionibus, vomitus frequentes fiunt, dum cum sanguine acres, vitiosæ quandoque malignæ corruptæ particule, per arterias ad ventriculum delatæ, ventriculi fibrillis sentientibus vim inferunt. Inde animales spiritus irritantur, ac in furorem aguntur, quare à consuetis blandis, & placidis motibus peristalticis desistentibus,



tibus, dum talis motus invertitur, ventriculus concutitur, & veluti abortiri cogitur. (Sive irritans acrimonia salina lixiviosa sit, sive acida mordicativa) inde quæ in ventriculo, vel huic proxima sunt, vomitu pelluntur.

A cruditate quacumque acida, causticis quibusdam irritantibus salibus admixta, sive in ventriculo contenta, sive ad ventriculum, & intestina transmissa, vomitiones etiam cruentæ exurgunt, tum disentericiæ torminosæ.

A vitioso muco salino, vel acrilactice in plicis ventriculi hærente, non semel fiunt vomitiones. At horrendi vomitus exurgunt à sero nutritio albugineo nervorum, à spermaticarum partium nutritione residuo, à natura destinato, ut sit ventriculi fermentum in mediana ventriculi tunica glandulis innumeris conflata contentum.

Si itaque præternaturaliter se habeat, universa ad stomachum appellentia depravat, & naturæ odiosa reddit. Neque cessat affectio nisi ad mediocritatis limites, arte, vel natura duce deducatur.

A fermento itaque ventriculi isto depravato, ingesta non ritè gubernata facile corrumpuntur, atque naturæ odiosa vomitu deiciuntur, dum scilicet ab obiecti incongruitate læsus stomachus reluctatur, ejusque fibrillæ in spasmus concitantur.

Gravidæ verò ab initio vomitionibus tentantur. Non quia sordes ab utero retrocedentes hac via expurgari postulent. Sed quia serum nervorum nutritium albugineum, quod fuit feminis materia, est etiam foetus alimentum, quod ad tunicam ventriculi medianam delatum, à viru feminis masculini contaminatum, est in causa inappetentiæ, vel depravatarum ap-

petentiarum, vomitionum, aliorumque ventriculi affectionum.

*Auxilia vomitus.*

**V**omitum vomitu solvere Neoteri-  
corum inventum non est; sed principis medicorum Hippocratis quilibet. 2. de morb. pop. ait: *Vomitum solves aqua tepida oblata, ut vomat.* Verum quia non semper aqua tepida oblata in magna copia vomitus succedit.

Ideò si res vrgeat ad aureum pulvisculum meum in parte quinta propositum accedo. Vel ad Gillam Teofrasti, ad sal vitreoli ad gr. v. aut ad tartarum hemeticum ad gr. iii. & universæ stomachi corruptelæ exterminabuntur. Fateor tamen in sanis blandum vomitum frequenter procurasse jure insulso, oleo, aceto, & oximelite tepidis epotis, ac feliciter & cum fructu successisse.

Pro languido stomacho, sed valde sensitivo, & ad minimas molestias vomitu insurgenti. Corallia rubra præparata, cum sale absynthii dissolvantur in succo limonum, aqua cynamomi, sufficienti quantitate confectiois hyacinthinæ, & syrupo ex floribus papaveris. Atque cocleatim ter vel amplius in singulas horas exhibeatur.

Si autem vomitus cum conditionibus calidis, & multa irritatione fiat, spasmodicum affectum esse suspicaberis ob ingentem oris ventriculi irritationem, & delicatum sensum, à quo dolorosæ fibrarum nervearum contractiones fiant, & vehemens animalium spirituum exagitatio.

In hoc casu absque hæsitazione ad omne opiatorum, & papaveraceorum genus confugere poteris.



Atque in aqua, vel decocto plantaginis miscere corallorum pulverem, cinamomi, & croci, cum laudani opiatum, & canphuræ granis, quæ cum syrupo de papavere edulcorentur, atque cocleatim post vomitionem factam propinentur.

Vespero verò eundo cubitum granum unum, vel alterum laudani opiatum summant cum confectioe hyacintina vel alchermes, atque corallorum pulvere ad scrup. ʒ. Hac enim arte, humorum acrimonia attemperabitur, ventriculi sensus obtundetur, spirituum impetus refrænabitur, & sic ventriculi fibrillarum spasmodica contractio pacabitur.

Non pauca etiam externa auxilia sunt, quibus molestis vomitibus occurrere possumus. Spongia enim aqua rosacea, & aceto sub frigida fossulæ pectoris applicita, à fervida materia vomitus ortos compescit.

Sic crusta panis in aceto rosaceo intincta, vel succo onfacij, pulvereque masticeis, & rosarum aspersa. Imò placenta ex rosarum destillatione residua aceto irrorata interservire potest.

Manuum injectio in frigidam imminentes vomitus sepè propulsat. Si aqua rosacea foveantur testes non solum molestias vomitionum à crapula, sed & ab aliis causis excitatas tolles.

Cataplasma ex cydoniis in aceto coctis auxilium Gordonii est. Villanovamus verò plurimum commendat acre fermentum, aceto acerimo subactum, & succo menthæ vel salviæ admixtum, ventriculo applicitum.

Panis tostus contritus, ac imbutus vino odorato, insperso pulvere masticeis, cariophilorum, nucis moscatæ, cinamomi, à viscida, acida pi-

tuita irritante ortos vomitus præ ventriculi languore curat.

Officinale emplastrum de crusta panis pariter sufficere poterit, ex crusta panis assata paratum, in aceto macerata, & mastiches pulvere, menthæ, spodij, corallorum, santallorumque omnium an.drach. j. admixto.

Quibus oleosa illita magis placeant, accedere poterunt ad oleum mastiches destillatum, vel nucis moscatæ expressum, admixtum cum oleo cinamomi, cariophilorum, balsamo Peruviano & languenti stomacho, à frigidis causis affecto plurimum succurrere poterunt.

Gummi pariter tacamacha super alutam extensa, guttulis balsami Peruviani admixtus, fossulæ pectoris non inutiliter admoveatur.

Solum fermentum panis acre, cum aceto, & sale subactum, vomitus frequentè sanasse observavi recentior.

Universaliora auxilia pro opportunitate seligenda sunt, succus, vel gelum cydoniorum, Salvia, mentha, betonica. Tunica interna ventriculorum pullorum gallinaceorum. Rhibes. Poma acerba, pyra. Cariophilli. Piper succus, & vinum granatorum. Acetum. Absynthium. Cinamomum. Nux muscata. Macis. Vinum ex baccis juniperi. Pistacia. Citria condita. Nux viridis condita. Cortices aurantiorum conditæ, Cydonium conditum. Mispila. Sorbæ. Cornus & multa alia quæ alvi floribus interserviunt.

Profunt universaliter languidis stomachis aromatica, fragrantia, ut potè stomacho grata, & amica. Confectiones aromaticæ, alchermes cum ambra. Oleum cinamomi, Essentia cariophilorum & innumera rosolina, atque



que tincturæ ex præciosisioribus stomachicis, in spiritu vini paratis.

Sic crocus in ferculis, tum quocumque modo adhibitus vomitionum irrationes tranquillat. Oleum vel tinctura succini multis fuit auxilio. Mastiches grana aliquot à cibo commendantur.

Decoctum lentium, vel lens ipsa cum modico aceto cocta, & esitata venerabilis antiquitatis, & Divini senis auxilium familiare erat. Succus cydoniorum cum syrupo de corallis coeleatim propinatus, vomitus molestias arcere solet.

Sal Martis, & absynthii ad gr. iij. cum succo limonum neoteriorum quorundam sacra ancora est. Qui etiam consulunt, ut acrimonia lixivialis vomitum faciens, oleosis dulcibus attemperetur ex. gr. oleo amygd. dulcium. Infusis tepidis. Emulsionibus ex 4. sem; frig. ma. omni tempore.

Acrimoniam verò acidam, concentrantibus tolli ac lixivialibus omnis generis jubent. Videlicet absorbentibus pulvisculis oculorum cancri, concarum margaritifera, & omnis generis crustaceorum, osseis etiam non omissis, spodio, cornu cervi &c. Sed lixivium factum ex plantis cephalicis incineratis in hoc casu super cætera auxilia profuisse observavi.

Sal vitrioli, cum pulvere corallosum, & conserva rosarum, nidorosos stomachos juvat. Vel spiritus vitrioli in modico vino malvatico propinatus.

Verum si bilis nimis activa, volatilis, ad ventriculi supernum orificium asurgat, ibique facta irritatione, ac impetu vomitum excitet. Sal absynthii ad scrup. j cum gr. v. salis martis dissolutum in succo limonum propinetur, & conquiescet.

*Læsa ventriculi concoctionis causa, & auxilia.*

**Q**Uoniam stomachi fermentum, succus albugineus nervorum, ac spermaticarum partium nutritius est, qui ab eorundem nutritione residuus, ad medianam ventriculi tunicam, seu ad ejus innumeras glandulas ablegatur (fermenta panificii ad instar à veteri pasta residui) ut alimentis ad ventriculum venientibus, vitalem quandam influentiam sibi à sensitivis, ac spermaticis partibus communicatam impartiri possit. Qua mediante à vinculis suis aura quædam vitalis, sal vitæ volatilis adhuc in vegetabilibus, & animalibus superstes solvitur, & cum fermento congenito fluorem adeptam, chyli facie per chylicos ductos ad cor, & massam sanguineam devehitur.

Si itaque præternaturale atque impropportionatum tale fermentum fuerit, tunc alimentorum salia aptè elicere, ac dissolvere nequibit. Sed chylus resultabit crassus, viscidus, qui ad duodenum appellens, per alios liquores corrigi non poterit.

Namque alkalicum bilis, hujus chyli acidum præternaturale, impropportionatum, non absorbebit, neque convenientem fluiditatem idcirco illi impartietur. Ex pancreate verò succi, tum ex glandulis intestinorum tunicis insertis emanantes, hæc impropportionata alkalica adinvenientes, chyli sulphura sufficienter non dissolvunt.

Quamobrem talis chylus sanguini mixtus, sufficienter corrigi nequit, sed universi succi ab eo resultantes, de ejus indole participant.

Tale itaque fermentum non calo-



ris vi, non intensæ aciditatis vigore, hoc magnum naturæ munus absolvit; sed quadam innata temperie, atque symbolica cum esculentis convenientia.

Si etenim sola aciditas chylicationi sufficeret, felices hypocondriaci essent, in quibus fermenti acor adeo exaltatur.

Quandoque vini spiritus prodest, eodem fermento languido, ac nimis diluto existente. Veteres talem languorem admirati, ventriculi tunicas attenuatas, calamitatis causas esse culpabant. Nos attenuationis hujus causas, depravationem, ac defectum hujus liquoris nutritii albuginei nervosi, in interiori & media ventriculi tunica esse reputamus.

Dum igitur fermenti, seu hujus liquoris albuginei acidi operatio imperfecta est, alimenta in minimas partes segregari nequeunt.

Impeditur itaque ejus actio à copioso potu vel aquoso diluente, vel aliis contrariis qualitatibus imbuto.

Acidum pariter stomachicum iners redditur, dum justo pinguiora, viscidiora, frigida, narcotica, copiosiora, humanæ naturæ hostilia assumuntur.

Vel dum ob aeris æstum, ob exercitia, animi pathemata, studia magna, spirituum animalium dissipatio facta est, quare succus albugineus acidi stomachici reparator depauperatus accedit.

A triumvirato pariter salivæ, succi pancreatici, bilisque ad stomachum præternaturalibus qualitatibus imbutis veniente acidi stomachici vigor infringitur, sicuti ab ipsidem naturaliter affectis vigoratur.

Prout ab alimentis volatili aciditate præditis, & à condimentis similibus,

tum à vino generoso, spirituosissimo subacidopurimum in sua virtute exaltatur.

Saliva etenim à morbis, vel aliâ causa in debita mensura, & qualitate non affluente, alimenta sufficientem fluiditatem nancisci non possunt.

Quæ adhuc in crapula summuntur supra fermenti potestatem, corruptionem subeunt. Sic intempestivè sumpta, licet bona. Sic aliena qualitate imbuta, aut pravis condimentis depravata.

Salis etenim potissimum nimia copia in æsculeutis acidum stomachicum valdè infirmare solet, & digestionem difficilem reddere, illud veluti fixando.

Inspida autem copiosiora illud nimis diluendo. Stare itaque debet modus in rebus; ultra citràque nequit consistere rectum.

Regula tandem generalis sit quod universa quæ in ventriculo diutius, quàm assumptorum natura tollerat immorari faciunt, sunt in causa, ut præternaturaliter incallescant, ac ventriculi depravetur concoctio.

### Auxilia.

**D**uo præcipuæ corruptiones in ventriculo, ex præternaturali digestionem contingunt, ad nidorem, & ad acidum, quæ tamen promiscuè à causa calida, vel frigida venire possunt per accidentia varia.

Quare in horum saporum investigatione scrupulosius non immorabimur. Sed universas has corruptiones, cum Hippocrate in libro de salub. dieta inconcoctiones appellabimus. Ejusque monita executioni mandabimus sic: *Qui postridie cibos inconcoctos eruant, longiori tempore dormiant, aliis-*



*que laboribus exerceantur? Vinum meracius sit, copiosius, & cibi pauciores. Ventriculus enim præ imbecillitate, & frigidityte, ciborum multitudinem coquere non potest. Cibi probè mandantur, & actu calentia summantur. Ab externo frigore tueantur. Et vita sedentaria non sit. Amplissima est materia auxiliorum ventriculi indigestionibus succurrentium, pauca verò est curativa, quoniam ab intrinsicis principiis, & mala constitutione liquoris albuginei, seu acidi stomachici provenire solet.*

Ex betonica itaque salina, rosmarino, menta, corticibus citri, aurantiorum, cariophyllis, nuce moscata cinamomo, macis, pipere, olibano, mastiche, ambra, mosco, absynthio, ligno aloe, centena auxilia concinari possunt, pro varia exigentia.

Rotulæ magis familiares in conditionibus frigidis parantur ex pulvere macis, nucis moscatæ, cariophyllorum cum oleo anisorum, corticum citri, mosco ambra, & saccaro dissoluto in aqua rosarum, vel florum aurantiorum ad cocturam, manus Christi &c.

Pro stomachis naturalitèr languidis, frigidis fovendis hora somni theriacam ad amygdalæ magnitudinem semel in hebdomada plurimum prodesse observavi.

Pro senioribus verò, & hyeme cum conserva enulæ sit efficacior. Manè verò usum chocholatæ summoperè commendamus potissimum pro tussiculosis, & crassa, frigida excreantibus. Pro quibus decoctum herbæ theæ & amaricantia moderata conferre possunt. Ut est vinum absynthite; conserva absynthii. Vini spiritus cum absynthio. Rosolinaque varia, pro varia exigentia, suo loco indigitata. Gin-

giber conditum recens magnum his auxilium est. Tum diutino tempore adhibitum vinum lentisco medicatum.

Verùm in causa calida expedit potius temperatioribus acidis exaltationem acidi stomachici & alchali bilis depressionem procurare, ex. gr. rore vitrioli. Conserva acidi citri, succo limonum, vel aurantiorum in aqua florum aurantiorum diluto, succo malorum punicorum, amarenarum, & consimilium fructuum acidiusculorum &c. aceto &c.

Si vero à sicca intemperie, & totius macie affectus foveatur, & liquor nutritius nervus depravatus calamitatum omnium causa judicetur. Tunc ad eum corrigendum vix excellentius auxilium excogitabis quam lac asinum, vel humanum, longo tempore adhibitum (& in casu graviore) post tepens balneum in quo per dimidiam circiter horam immorentur, ad moderatam caliditatem usque. Post balneum oleo amygdalarum inungantur. Post inunctionem deindè lac exhibeatur.

Quibus lac naturale convenire non potest, lac artificiale manè, tum in cibis, parato ex 4. sem. frig. ma. Non omitta interim pasta regali ex amygdalis, pineis, pistaciis, sem. malonum, & sexta parte anguillæ elixa, cum quarta portione saccari in mortario contusis.

Tum factis morsellis ex carne testudinum ranarum, caudarum gamarorum, nucleis pineis, amygdalis, saccaro, & modico cinamomo admixtis.

Jus etiam pullæ vel columbæ in cuius ventre sit pasta confecta ex carne unius viperæ caudis gamarorum, cum pane trito, passulis, & modico cinamo-



momo . Magnum auxilium erit his lāguidis corruptioribus ventriculis, qui ad tabem vel maciem in progressu rapiuntur, si etiam china, saffra aliaque ligna juxta indigentiam aptentur, majorem jus acquirat energiam, ad serum nutritium nervorum corrigendum, ejusque excrementa per ambitum eliminanda.

Nam sic restituto acido fermento naturali, stomachi vigorem restitutum fuisse gaudebis, & nutritivæ facultatis instrumenta omnia restaurari, excrementitias humiditates ablumi, totum corpus renutrir, magisque vivificari observabis.

A prandio, & cœna gr. iij. mastiches devorata semper commendatur. Syrupus mentæ compositus ventriculi intemperiem frigidam tollet.

Universaliter cibi, & potus non sint magnarum virium seu valdè stomachi viribus reluctantes. Sed potius temperati, ac modicè humectantes. Non admodum calorifici, & exiccantes. Sed multi nutrimenti, & paucorum excrementorum.

Ideò fercula lacte artificiali, vel naturali parata, ova, & alia hujusmodi languidis istis sunt accommodata.

In ficciori ventriculo ab aromatibus, & à vino austero semper cavendum erit. Atque ante prandium, & cœnam propinetur jus optimè paratum ex testudinis carne, ranis, & caudis gamarorum.

Vel ex pasta regia amygdalarum, pistaceorum & seminum melonum emulsio in jure pullæ fiat. Ut exiccatio omnis arceatur, & ventriculus ad suscipienda alimenta cum majori vi disponatur.

Victus interim temperatus sit. Modicè exerceantur, modicè dormiant.

Animus pacatus fervetur. In aere temperato degant, vel frigidiusculo,

Carnibus assis potius gaudeant, quam elixis; pullis columbinis, aviculis montanis; Atque pane biscocto utantur.

Modicè vel parum bibant, vinumque in optimis terris natum, & sibi per experientiam notum, ac stomacho familiare, procul à sæce, alienum ab omni intensa qualitate dulcedinis, acidi, raspati &c. sumant.

Balneum ad diaphoresim procurandam, & appetentiam conciliandam plurimum inservire poterit. Vel saltem loco balnei inunctio Actii cum frictionibus validioribus, ac ressolventibus.

In fine mensæ conservæ, vel condita cydoniorum, rosarum, aut fructuum austeriusculorum. Si res vergeat, vino in mensa utantur, in quo pluribus vicibus masticeis globuli, & thuris conglomerati, & accensi extinguantur.

Externa quoque auxilia, pro opportunitate aptiora eligenda erunt. Ut sunt pro frigido, languido ventriculo acidis corruptellis subjecto, fomenta calentia, in vino albo odorato spica, absynthium, mentha, salvia, cinamomum, cariophyllus, nux moscata in sacculo posita, ebullita, & fossulæ pectoris applicita.

Simplicior fodus fit cum lana, oleo mastichino destillato imbuta, & stomachicis pulveribus conspersa.

Iaspidem supra pectoris fossulam assiduò gestare laudat venerabilis antiquitas. Ceratum de gummi tachamaca regum Hispanorum commendant Neoterici. Paratum ex gummi tachamacha vnc. ij. balsamo Peruano gut. x. & cera nova vnc. j. Hæc ad ignem soluta,



luta, & commixta, super alutam extendantur, & applicentur.

Meum stomachale ceratum, quo plurimi nobiles amici mei senes cum fructu utuntur paratur ex mastiche drach.j. Pulvere gariophilorum scrup.j. balsamo Peruano gut. x. oleo nucis moschatae drach.5. Terebentina & cera an. drach.15.m.ad ignem.extendantur super alutam.

Scuta etiam stomachalia in usu ponenda erunt, ex summitatibus rosmarini, corticibus citri, cariophyllis, nuce moscata, mastiche, olibano, ambra, mosco, absynthio, ligno aloes, cinamomo, crasso modo pulverizatis, gossipio exceptis. Inter duas sindones consutis, scutiformia supra ventriculi regionem applicanda.

Verum pro languido ventriculo, corruptionibus nidorosis obnoxio, cum fervidis conductionibus portulacæ usus præstantissimus fuit penes Zacutum Lusitanum lib. praxis historiarum decoquatur, & propinetur tum panatellis admixta, nec non emplastri modo regioni ventriculi admoveatur.

Mihi onfacium, ut magis humanæ naturæ amicabile arridet, potissimum in illis qui in victu calefaciente vinis generosis, alimentis plurimis aromatibus conditis deliquerunt. Maximam etenim adversus viscerum omnium fervidam intemperiem, & æstus, omphacii facultatem esse expertus sum.

*Cholerae causa, & auxilia.*

**E**Xcretio ætherogenæ, corruptæ materiæ per os, & alium colerica affectio est; ob convulsivos motus indiscriminatim in visceribus (sed potissimum in fibrillis ventriculi, ac in-

testinorum) ob vitiatam alimentorum digestionem, vel corruptos liquores aliundè venientes, & ad expulsionem per superiora, & inferiora loci archeum irritantes.

A rebus putrefactibilibus, seu cadaverabilibus ingestis. Et à stomacho legitimo fermento suo digestivo carente fieri consuevit affectus plerumque.

Hoc verò pessimi in se cholera habet, quod quidquid cholericæ materiæ attigerit, fermento suo virulento inquinat, & in virus morbosum transmutat, quod in furorem agit pylori, & intestinorum archeum, omnia contenta, cum impetu supra, & infra deicientem.

Ventriculi itaque acidum fermentum, (quod progeniem esse diximus succi albuginei nervosi ad glandulas medianæ tunicæ ventriculi delati) si præternaturalitèr se habeat vel in liquorem austerum, acidum, amarum, falsum degeneret, appellentia universa æsculenta, ac potulenta contaminat, ac naturæ odiosa reddit.

Non semel affectio fit, ab irritantibus liquoribus à toto venientibus, atque ex arteriis in ventriculum, & intestina suffusis.

In febribus magna facta liquorum fermentatione, turgens materia irrequieta, hinc indè vagans, dum est inepta perspirare vel impedita traspirare aut sudore deijci ad intranea convertitur, per arteriæ celiacæ ramos ventriculi, & intestinorum cavitatibus se se inserit.

Horum viscerum, fibrillæ vellicatæ, in spasmodicos motus erumpunt, spiritibus animalibus inordinatè ac confusè accurrentibus, & per superiora ac inferiora deiectiones molientibus.



Omniū tamen frequentissima causa bilis est, cum succo pancreatico vitiosè circa duodenum effervescent, ad stomachum assurgens, & ad intestina devoluta, effera, effrænis, sylvestris, absque comparis acidi moderamine, undique fibrillas in spasmos vomitivos, & laxativos concutiens.

Non semel tamen ab acido pancreatico effræni, absque comparis bilis moderamine eadem fermè symptomata oriuntur.

Prout ab acido extraneo fermentativo stomachi fermento adversante, cui admixta bilis, aliæque alkalinae, salinae ætherogenæ particulæ admixtæ sint, cholericae affectiones quandoque profiliunt.

Tale acidum extraneum fermentativum nos cum Hippocrate in fructibus horariis cognoscimus, quoniam succū incoctilem esse *de tuen. Val. in parte sexta ostendimus*. Atque fermentatione facta in locis fervidis, aciditatem naturalitèr inducere.

Particulæ itaque inter se contrariæ, digladiantes in prima corporis regione, viscera, & eorum fibrillas irritando, omnia in confusionem adigunt.

Nam bilis acrior facta, ac effrænis, spiculis suis salinis vellicat, non tantum propriam cystim, & tubulos felleos, sed pancreatem ipsum, ejusque ductus ventriculi, intestinorum fibrillas nerveas (imò viscerum omnium) spiritusque animales incolas laceffit. Qui impetuosius accurrentes, motibus spasmodicis factis, vomitiones, ac frequentes dejectiones moluntur. Criticè quandoque, sed ut plurimum symptomatice agentes.

Tantaque est aliquando fellis corrodetis Alkali malignum, quod adversus intestina laviens, ac eadem corrodens, ad cancrenas deducat aliquando.

### Auxilia.

**S**I de materia in ventriculi cavitate corrupta copiosa, irritante indicia adsint, vomitu procurato per antimoniaia blandiora, (ut est tartarus hemeticus) vel per Gillam Teofrasti, aut sal vitrioli ad scrup. 5. circiter in jure pulli.

Deinde ad imbibentia ex crustaceis, aut ex ossibus parata. Postmodum nocturno tempore hora somni ad opiatam, & papaverina descendemus ad laud. nep. gr. ij. vel iij. vel ad tincturam opii. aut decoctum florum papaveris vnc. iij. cum vnc. j. syrupi ex fl. papau.

Nam impetrata quiete, ac somno, liquorum orgasmus, & spirituum impetus moderabitur, vitiosa confluentium acrium humorum effervescencia mitigabitur, & irritatio omnis conquiescet. Neque ventriculus, aut intestina ad convulsivos motus, propriæque naturæ contrarios sollicitabuntur, quibus peristalticus motus deturbatur, ac invertitur, tum vomitiones excitantur.

Diurno etiam tempore, si de magna materia tenuitate, mobilitate, ac effervescencia indicia constent decoctum florum papaveris cum confectio-  
ne hyacintina, margaritis, & conchis margaritifera, cum granis quinque vel amplius laudani nep. & canphuræ dissolutis cocleatim pluries in singulas horas propinabis.

Hac enim arte humorum peccantium impetus cohiberi poterit, & naturæ induciæ procurabuntur, ut eosdem concoquere, atque domare possit, vitiosa effervescencia sedata, atque sensu fibrillarum stomachi, ac intestinorum aliqua ex parte sopito.



Idcirco etiam emulsionēs seminum  
4. frig.ma. in aqua plantaginis, portulacæ vel papaveris, cum syrupo ex floribus papaveris ad vnc. vj. semel vel bis in die, imò cocleatim eadem ratione propinari poterunt, additis pulveribus corallorum, margaritarum, oculorum cancri, & consimilium &c.

Qui valida vomitoria reformidat, accedere poterit ad levissimum illud quod procurari solet oleo amygdalarum, vel olivarum ad vnc. iij. in jure ebullito copioso.

Si verò de materia acri tenui biliosa suspicio sit, loco juris aqua, vel decoctum florum papaveris sumatur, cum vnciis duabus oximellitis, vel syrupi acetosi, aut acetirofacei.

Saccarata, & dulcia, potissimum sincera, peste, & angue in hoc affectu pejora fugiantur, ventriculi namque fermentum depravatum non corrigunt; imò ejus corruptelam, ac depravationem augent, præternaturale acidum irritatium induentia; & cum vitiosis succis in ventriculo repertis vitiosè effervescentia.

Horum cibus paucus sit, & concoctus facilis. Iuscula acidis blandioribus temperata. Offa panis cum succo granatorum, vel alterius acidi parum adstringentis.

Potus sit vinum cydoniatum, vel extinctionis mastiches. Vel alia acidula potio subadstringens. Vel tinctura rosarum aut florum papaveris in aqua florum papaveris aut Nocerianæ per guttulas spiritus nitri aut vitrioli acidula facta.

Santallorum aliorumque lignorum decoctio non reprobatur, & ligni brasiliensis. Vel secunda aqua cordialis Saxonie acidula facta spiritu nitri, in qua sæpius auri frustula ignita ex-

tincta sint propinetur.

Ad frigiditatem aer inclinet, ideoque si natura talis non sit, arte procuratur, *alibi de tuend. Val. in parte prima præmonstrata*. Calidus enim aer bilem acriorem, magisque volatilem reddit, acidum ventriculi dissolvit, dissipat, ac de suo tono dejicit alcalico bilis exaltato. Hinc passim sani ipsi æstivo tempore, stomachi languore afficiuntur, ac minus appetente fiunt.

Sic Hippoc. 6. *Epid. tex. 10. notat* *Æstate potissimum cholicas affectiones fieri*. Æstas etenim exaltando alcali bilis, acidum fermentum stomachi deprimere solet. Hinc alimenta facilius corrumpuntur, & ad alvi fluores, cholicas affectiones excitandas prona fiunt.

Acrida universa, tum ea quæ facilem concipiunt corruptionem, ut aromata acrida, piper &c. lac, & lactaria universa, fructus horarii, anguilla, caro suilla copiosa (quæ frequens est causa coleræ diu continuata, ut *Biantipugilipenès Hippocratem in Epid. contigit*) omninò arceatur. Archigenes præsentibus conditionibus fervidis, ventriculo aquam frigidam, linteo, vel spongia imbibita applicandam esse iubet, per horam circiter postquam in-tepuerint lintea renoventur.

Emplastrum pariter de crusta panis, sæpius repetitum, validum auxilium erit. Videlicet crusta panis liquoribus variis imbuta, variis etiam speciebus, ac pulveribus inspergi poterit, pro varia ægrorum opportunitate.

Imbibere etenim poterit in vino austero generoso, vel succo granatorum, menthæ, salviæ, absynthii. Pulveribus masticeis, cinamomi, diarrhodonis, triacandalorum, corallorum conspersis.



Exteriùs etià non displicet placenta rosarum à destillatione residua, aceto, omphacio, vel succo granatorum respersa.

Vel fots ex succis plantaginis, portulacæ, cum aceto rosaceo, & speciebus diarhodonis. Varia etià confortantia, sacculo inclusa, in vino granatorum ebullita cum succo portulacæ aut ejus decocto, ventriculo applicita plurimum prodesse possunt.

Materiæ autem aptiores magisque usuales ex quibus varia auxilia concinari possunt, sunt portulaca, plantago, & eorum succi cum modico aceto eliciti. Conserva rosarum (potissimum vetustior) violarum, florum papaveris, samachiorum, corniolatæ malvarum. Menta. Onphacium. Grespina. Rhibes. Cidoniorum succus. Corallia. Terra alba mutinensis virgo dicta. Bolus Crustaceorum, & osseorum pulveres &c. Corallorum tamen, margaritarum, tum conchæ margariferæ pulveres cæteris preferri debent in hoc affectu pro concentrandis acidis irritantibus.

Vitella duo ovorum, succo onfacii conspersa à cena sumpta multos ad extrema fata raptos liberavere in aceto indurata, & pulvisculo tenui mastiches, & corallorum cooperta potissimum.

Non minori numero sanati recensentur. Qui longo tædio sævissimi affectus conflictati. Ad copiosum lac Asini (rebus fermè omnibus desperatis) accesserunt, videlicet ad libras tres, & ultra, more Hippocratico, ad alvi quandam ab utionem, ac universorum acrium liquorum attemperationem, potissimum præmisso balneo unius horæ tepido atque diaphoresi procurata. Tertia namque aut quar-

ta vice ad sanitatis portum feliciter continuatione facta devenere. Qui adhuc ampliora eligenda desiderat, pro vomitibus, pro alvi fluoribus auxilia consulat.

*Diarrhea, seu alvi fluores causa, & auxilia.*

**A**ffectus, qui Græ. diarrhea, Lat. alvi fluor dicitur, dejectio frequens, copiosa, liquida excrementitiæ materiæ est. Quæ ut plurimum fieri consuevit dum stomachi fibrillæ, ac intestinorum, à præternaturalibus liquoribus irritantur, & loci archeum ad expulsionem stimulant.

Dum itaque fit talis irritatio, mox necesse est, ut intestina corrugentur, & cum eis glandulosæ texturæ emunctoria in intestinis hiantia constringantur, comprimantur, liquoresque in eis contenti, veluti ex spongia expressi inde per alium deiciantur.

Hunc ergo affectum concomitari putamus convulsivum motum intestinorum, & stomachi fibrillarum mordicatarum.

Mordicans verò liquor est quicumque vitiosus, acris, acidus, in prima corporis regione congestus, ex arteriis, ex vasis lymphaticis, vel ex aliis quibuscumque tubulis criticè, vel symptomaticè effusus, fibrillas intestinorum lixiviali, vel salina quacumque acrimonia vellicat. Fibrillæ à spiritibus animalibus turmatim accurrentibus contrahuntur, viscera coarctantur, & liquores peristaltico motu hinc inde concussi, ad exitum accelerantur.

Variorum itaque, sed liquidorum excrementorum dejectio est, quæ nunquam sine irritatione intestinalium fibril-



fibrillarum contingit, ideoque cum motu quodam convulsivo, ac coarctatione nuper inventarum glandularum intestinalium. Ex quarum plexibus, veluti ex fonticulis varii liquores scaturire possunt.

Nam facta in magnis vasis sanguinis sanguinis effervescencia, salia acria, biliosa in sanguine, & sero præexistencia manifestantur, ac fluorem adeptam, naturæ spargiria, ut inutilia ad excretionum loca præcipitantur & ad tubulos qui in intestinis hiant mittuntur. Vbi intestinorum fibrillas vellicantes, spiritus animales majori impetu in subsidium accurrentes, & peristalticum motum augentes, expressiones in intestinalibus glandulis moliantur, & undique coarctando expulsiões promovent.

Frequens tamen, & diarrhœa est, quæ à vitiosa succorum in intestinis effervescencia tantummodò provenit. Sive ratione bilis acrioris alkalinae supra acidum pancreaticum exaltatae. Sive vice versa ratione acidi exaltati supra alkali bilis, dum utroque modo intestina præternaturaliter vellicantur.

Ab acido enim vitioso, & corrosivo intestinorum tubulos sollicitante, varii fluores alvi progignuntur. Et ab eo nigra excrementa quandoque colorantur. Validaque facta fibrarum corrugatione sua styptica conditione, magna tormina inducit.

Non semel diarrhœa orta à sero per moram acidiori facto. Quod ex sanguinis massa sub forma halitus dissipari, ac evacuari solitum; densatis poris cutis stagnare cogitur; irritante idcirco qualitate indutus ad viam internæ excretionis deducitur, & ad intestina propellitur. Hinc est quod sanatio indicet morbum, atque in

praxi videmus sudores, huiusmodi alvi fluores in horas tollere.

Ab obstructionibus quinimodò non tantum in poris cutis introductis. Sed ab obstructis tubulis primarum viarum diarrhœa producitur, dum potissimum lymphæ, & triumvirati liquores liberum additum invenire nequeunt.

Sed potissimum à glandulis cerebri infirmis, dum succus nutritius nervosus lymphæ plurimæ commixtus per palatum, & gulam ad ventriculum demittitur, suoque perenni impluvio humectat, laxat, debilitat, ejusque fermentum diluit. Diluta enim & corrupta alimenta ad intestina celeritèr præterlapsa deiciunt.

Dilutum itaque stomachi fermentum quocumque modo, vel alienorum succorum mixtura alteratum, aut alia ratione depravatum, cruditatum parens, inde irritationes in intestinis, & diarrhœæ causa potissima est.

Ideoque à succo salivali seu lymphæ, tum à succo pancreatico aquosioribus potissimum factis, ob copiam potus aquei, frequens diarrhœa contingit. Quæ in volucris palustribus naturalis est, ob victum plurimam aqua dilutum.

Equè igitur à nimia serosa aquea laxante humiditate, ac ab


acrimonia salina irritante alvi fluo-

res contin-

gere

solent.

\* \*





*Auxilia.*

**I**N alvi fluoribus biliosis, aer potius sit refrigerans, ac tenebrosior, quietem & somnum concilians. Secus temperatus eligatur, qui potius ad calorem vergat, & qui diaphoresim prolektare possit. Frigidior etenim, & humidior ad diarrheas corpora disponere solet, ut benè notat *Hipp. 3. aph. 16.*

Cavendum etiam erit ab infessu lapidis, vel alterius loci frigidi, tum à calcando humum nudis pedibus. Noctuque benè contexti dormire debent. Nam hyeme & autumnò ob imminutam diaphoram promptè in alvi fluores incidimus.

Non sic æstate, quando cutis meatus sudoribus, ac perspirationi patent; tunc enim alvus adstrictior fit, & urina minus profluit. Ideòque talis observatio docuit, quod sudorifera quocumque modo administrata in alvi fluoribus profunt.

Sic exercitia cautè administrata utilia sunt. Somnus verò in diarrhea à cruditate non inutilis erit. Verùm in diarrhea à mordaci, falsa, serosa materia procurata, quæ cum aliqua exco-riatione, ac torminibus ad dysenteriam progredi velle minatur; statim ad opiatam, & papaverinam confugiendum erit vesperè eundo cubitum, ad theriacam potissimum recentem ad drach. 5. vel Philonium Rom.

Imò præsentè bilioso, ac frequentè fluore, ad lixivium illud acre, irritantium attemperandum, ac frangendum opiatam conficiatur ex syrupo de papavere & aqua florum papaveris an. vnc. ij. Laudani nepentes gr. ij. matris perlarum præparatarum vnc. 5. Confectionis hyacinthinæ drach. ij. miscean-

tur in opiatam cōcleatim bis vel ter in singulas horas propinandam.

Vel si blandiorem papaverinam portionem ames, decoctum florum papaveris, cum eorundem syrupo exhibe. Aut emulsionem ex 4. sem. frig. ma. vespertino tempore ante initium somni.

In diarrhea ab acido vitriolico facta (de qua fortè intellexit *Hippocr. 7. aph. 68.*) in qua alkalica flava excrementa in intestinis reperta atrum induere colorem compelluntur; dentur oleosi spiritus. Vel vini spiritus, in quo variæ tincturæ ex rebus stomachicis elici poterunt.

Aplicetur itaque oleum mastice destillatum, vel succini, vel nucistæ expressum. Absynthiaca paritèr quocumque modo adhibita summoperè proderunt. Dicit itaque eo loci *Hipp. Quæ cruda deorsum deiciuntur ab atra bile sunt.* Prosper verò Martianus in comm. Hipp. de ratione vict. in acutis super hunc textum monet, *quod præsentè humore melancholico, & alvo fluente, ab adstringentium usu abstinere debemus.* Exiccantia etenim præsentè humore melancholico, (qui siccus est) inutilia, imò noxia sunt. Noxium etenim humorem augent, & fluori materiam præbent.

Tutior igitur erit his incrassans victus, ac attemperans, ut sunt incrassantes sorbitiones, gelatinæ alibi descriptæ. Sic jus gallinæ ventrem fluentem sistere observat Gal. de diarrhea.

Parum, & sæpè nutriantur, contusis, expressis carniū assatarum, cum succo granatorum, vel onfacii, & mastiches modico pulvere. Gelatinæ ex extremitatibus animalium cum onfacio.

Cibi condiantur aqua rosarum, suc-



cydoniorum granatorum, aurantiorum dulcium. Potus sit aqua acetosæ, plantaginis, portulacæ vel noceræ in qua mastichis pulvis ebullierit. Vel jus propinetur taleolis cydoniorum alteratum. In prima mensa ossa panis vino granatorum imbuta offeratur.

Somnus papaveraceis procuretur, à quibus fluxiones sedentur, & facto somno diaphoresis viæ aperiantur. A fructibus horariis omninò caveant, rationibus in sexta parte exaratis. Potiùs lignea cortice contacti fructus aptiores erunt.

Caveant ab æsculentis duræ digestionis, à cibis salitis, fumo, vel sole induratis. A pinguibus, dulcibus, ut potè quæ latentem acidum in se continentia, in stomacho acescunt, & hostilia, ac irritantia facta, ad expulsionem invitant.

Potus modicus semper sit. Vinum verò cydoniorum infusione, vel succi granatorum mixtione comendatur. Sed securius erit decoctum cornu cervini, mastichis, & cydoniorum.

Riverio arridet, ut uncia dimidia mastiches cum vel sine lignis bulliant in libris sex aquæ fontis pro potu ordinario. Potulenta etenim quæ calibea pro alvi fluoribus parantur metallica, suspecta habet, ne naturæ ac nutritioni odiosa magnas turbas in corpore (& potissimum in primis viis) excitare possint. Cum etenim fortuna tulerit, quod aditum liberum non inveniant, propriis viribus sibi fores aperire nequeunt adstringendi vi prædita.

Multo verò magis præsentibus humoribus & conductionibus fervidis, à calibeatibus abstinere debemus. Tutior itaque erit tinctura rosarum. Vel saccharum rosaceum vnc.j. cum succi limonium vnc.j. in libris tribus aquæ plan-

taginis, atque post factam collaturam (si in metallicis confortantibus fides sit) auri frustula sepiùs ignita extinguantur. Si vero aqua acidula facta fuerit per guttulas spiritus Vitrioli magis ab ignito sole irradiari, ac vigorari poterit.

Jo: Elmontius diarrheam vitio laxi pylori factam binis vitellis ovorum duris, aceto rosaceo temperatis, in cœna sumptis, eam curare edocuit.

Si de acida pasta parietibus ventriculi hærente indicia habeantur, absque cunctatione ad vomitum procurandum accedes, & peristaltici motus contrarietate, intra pauca momenta omnem diarrheam averuncabis.

Auxilia Hippocratis in libro de affect. sunt. *Lenticule decoctum. Horumque cibum vult esse panem assatum in vino nigro intinctum. Potum verò paucissimum, & meracissimum. Deambulationibus à cibo non utantur. Si acria dejiciantur venter lacte cocto eluatur.*

Materiæ ex quibus varia auxilia concinari poterunt, sunt Cydonia, malapunica, mespilla. Atque in causa biliosa ad corrigendam bilis acrimoniam, blandè acida adstringentia, ut onofacium fructus berberis, plantago, portulaca.

Si verò nimiam in sanguine serositatem superabundare suspicemur, decocta sudorifera, vel quæ per urinam evacuant propinentur.

Si à ventriculi laxitate oleum cinnamomi quocumque modo, vel balsamum Pervanum, oleum nucis moscatæ, succini velejustinctura. Conserva rosarum antiqua cum pulvere mastichis, corallorum, boli, margaritarum. Diacorniolata cæteris conservis præferri solet. Plantago in  
jure



jure decocta multos juvit, vel portulaca diarrhoea fervida laborantes.

Si lymphæ, & pancreatici succi aquositas corrigenda sit, hoc potissimum tentandum erit alimentis solidioribus, & imbibentibus humiditatem aqueam, pane biscocto, vino meraco, & pauco.

Si intestina fræquentibus ac diuturnis dejectionibus debilitata recreare animus sit, theriaca, mitridatum, aliquæ confortantia antidota exhibeantur cum pulvere mastiches.

Si diarrhoea fiat à præcedenti gravedine cum indicibus affectarum glandularum cerebri, Omni studio cerebrum roboretur, & in pristinum statum sanitatis restituatur.

Quod fiet glandulis malè affectis confortantibus, & in eis liquores acidulos contentos corrigendo. Quod citò, tutò, & jucundè tentari poterit, per suffitus vespertinos ante lecti ingressum, ex succino, & olibano ore patulo, & naribus exceptos. Mira est etenim vis ejus ad gravedines tollendas, lymphæ, & seri superfluitatem, & acidam maliciam corrigendam. Valet paritèr in tali casu cerebrum leporis assatum, fortè super cætera auxilia.

Quercetanus indiscriminatim ad omnem alvi fluorem proponit pomum excavatum, gummate arabico, & alba cera repletum, carta Madida involutum, & coctum. Epoto desuper liquore adstringente scilicet emulsione ex seminibus plantaginis, & florum lambrusæ.

Quandoque in diarrhoea à fervidis irritantibus liquoribus facta suffecit gummi arabicum in jure pullæ solutum.

In quo etiam casu incrassantia pro-

ficient, oriza, alicia, extremitates animalium, lac coctum in quo lapides extincti vel lac coctum cum radicibus consolidæ plantaginis quatuor horis ante cibum propinetur ad unc. vj. circitèr. Aut in quo lapis hematites ignitus sepiùs extinguatur.

Lentes decoctæ cum vino probantur ab Hippocrate libro de Morb. mulierum.

Externa auxilia magnam habere possunt efficaciam in hoc affectu. Placenta ex pane tosto, theriaca, & vino generoso subacta, in condictionibus frigidis à Villisio valde comendatur, fossulæ pectoris applicita.

Emplastrum Riverii ad alvum fluentem paratur ex mica panis assata in aceto infusa, pulpa cydoniorum sub cineribus coctorum an. vnc. iiij. cum mastice pulvere ad libitum.

Gordonius ovi luteum subactum, pulveremque mastice un.v. cum modico cariophyllorum pulvere, & croci extendit super lini stupam, vinoque nigro austero madentem universo abdomini applicat.

His verò multo simpliciores sunt ceratum ex gummi tacamacha cum guttulis balsami Pervani. Vel sacculus ex farina lentium sale, & aceto copioso admixto in vino ebullitus, & applicitus.

In cibis verò quotidianis bestiarum hepate utantur, hic etiam à laxitate alvi fluores omnes persanat. Sale etiam martis vel corallorum ad grana tria manè in mensa utantur singulo die.

Quia verò ex Hippocrate libro de affect. similis est lienteria, & diarrhoea, & in omnium horum cura oportet defluxum à capite intercipere, vel avertere. Morbi enim principium hinc est.



Ideo qui longis diarheis conflictatos sanare aggreditur super omnia, glandularum cerebri providentiam sibi ante oculos proponat, & catarrhi curam nostram consulere non dedignetur, prout monita alia quæ infra de alvi fluoribus jam jam subnectemus.

*Dysenteria ac tenesmi causa,  
& auxilia.*

**V**Eteres pro causa immediata vulcus intestinorum agnoscunt, pro remota verò humores acres.

Chymici putant à sale fieri reffolutò, intestina instar ignis occulti, seu aquæ fortis corrodeute.

Plausibiliorque opinio est, quòd ab acido ventriculi depravato, corrosivi spiritus, seu aquæ fortis naturam induente vulcus fiat.

Dum itaque succus omnium præstantior (nervorum serum nutritium) qui spermaticis partibus apponi debuisset, juxta naturæ institutum, à crasi sua dulci, ac temperata deycitur, atque vitatur, veluti fluorem passus à nutritione rejicitur, ac in massam sanguineam effunditur, qui naturæ odiosus ad expulsionum loca ablegatur, atque per vasa celiaca ad ventriculum, & intestina transfertur, perque eorum oscula in internam capacitatem transfudat; ubi scindentibus spiculis armatus undique vulnuscula infligere, & fibrillas intestinorum discindere aggreditur.

A bile etiam acriori, & succo pancreatico acidiori exulcerantur intestina. Exulcerationis tamen actio potius ab acido humore fit, quàm à bile præternaturali corrupta, & maligna facta.

Sal enim lixivium bilis acerrimum

ad gangrenam excitandam prævalere potest potiusquam vulcus. Est etenim vulcus acidi, & non lixivii affectus.

Acidus tamen acris humor, nisi jungatur bili, dysenteria non fiet. Silicet acriores sanguinis particule salinæ acidæ, & alcalicæ in primis viis herentes archeum lacefcunt, de natura aquæ fortis scindentes intestinorum fibrillis vulnera inferunt.

Huic affectui sepè præcedit in sanguine orgasmus, in quo separantur ab invicem liquores. Acidum corrosivum est illud quod vulcus infligit, Bilis corrupta, est quæ sordidum illud efficit, ac innatum calorem mortificat. Ideoque frequentèr sfacellantur, ac moriuntur in parte vulcerata intestina postquam ipsorum glandulæ separatoriæ dilaceratæ fuerint, cum tubulis suis sanguinem, & liquores omnes profundentes.

Epydemica dysenteria ab aere infecto à pravis miasmatibus fit. Qui fermenti vitiosi vicem supplentes, suæ maliciæ contagia in succum potissimum albugineum nerveum insinuat.

*Auxilia.*

**A**er temperatus eligatur, vel potius ad calidum vergens, à quo cutis meatus aperti servari possint, & universum ad sudorem aliquo modo disponatur.

Quies, atque ab omni motu cessatio omninò imperanda. Imò somnus omni arte procurandus. A motu enim, & vigiliis omnium liquorum fluores concitantur, sanguinis massa acrior fit, & vulcera exasperantur.

Per quietem verò, & somnum fluores omnes compescuntur, atque evacuationes omnes (excepto sudore)



frænantur, dolores mitigantur, atque vires reficiuntur.

Hinc est quod absque opiatīs, ac papaverinis, vix commodè dysenteriam curare poteris.

Nostris verò assertionibus Zacutum Lusitanum habemus patrocinantem qui libro secundo prax. hist. ait: *Ex arte faciunt qui in ventris fluoribus opiata exhibent. Rasis enim notat lib. 8. continent. Capite primo, quod nulla medicina proponitur in capite ulcerum intestinorum, quæ opium, hyosciamum, & narcotica non contineat. Hæc enim exiccant, consolidant, sensum stupefaciunt, & ventrem constipant.*

Non desunt tamen viri in arte celebres, quibus opiata suspecta sunt, dicentes quod licet somno dolorem levare videantur, & ventrem firmare. Attamen humores in unum collecti deindè impetum facientes, sine intermissione deiciunt. Capiteque gravato, & viribus labefactatis, ventrem deterioris conditionis reddunt.

Quibus respondemus, quod indiscriminatim opiata, ac narcotica in magna dosi non exhibeantur; sed solummodò in conditionibus fervidis, atque constantibus viribus. Et pulsu celeri, angusto, humili non existente. Atque doloribus, vigiliis, & frequentibus dejectionibus urgentibus. Prout expressis verbis Trallianus paritèr monet. Tunc etenim absque hæsitazione non solum tutum est propinare opiata, ac papaverina imò necessarium, atque sine eis vix commodè consimiles dysentericos curare poteris.

Qui validiora reformidant, saltem vespertiante somnum decoctionis florum papaveris cum unc. j. conser-

væ rosarum antiquæ collatæ assument. Vel emulsionem unc. v. feminum papaveris in aqua eorundem florum cum unc. j. syrupi paritèr papaverini.

Expertissimus Tomas Villis singulis vespertinis horis ante initium somni satis magnam laudani opiati copiam (ad gr. v. & ultra) exhibet, absque noxa. Observat etenim, quod vis medicamenti narcotica à fermento acidiori ventriculi retunditur. Neque ad caput ledendum promptè defertur; quoniam deorsum opiatorum particulæ involutæ rapiuntur cum cæteris liquoribus ad intestina confluentibus, ut per sedem ejiciantur.

Non minor etiam controversia est circa enematum usum, adeò in his affectibus frequentem, tum necessarium, verum cuncta circumcidentes diximus, rem totam circa dysentericæ tempora, vel conditiones versari; ob quas enematum variatio facienda, nam quæ aliàs proficua, paucis mutatis damnosa esse observantur.

Si itaque dolores valdè vrgeant, & frequentes dejectiones cum conditionibus ferventibus; illicò ab initio anodyna refrigerantia, narcotica, si stentia absque cunctatione adhibenda sunt; certa potissimum spe quod si exulceratio, vel abrasio in intestinis sit, clysteribus magis quam aliis auxiliis sanetur teste Galeno passim ubi dysentericæ sanationem tradit. Tunc opiata magno cum fructu exhibentur, decoctum florum papaveris cum granis opij, canphuræ.

Nostra verò observatione (centenis aliorum medicorum periculis facta) olea in clysteribus pro inflammatis ac dolentibus vulceribus intestinorum summopere detestatur, cum præceptore Hippocrate, qui expressis ver-



bis in lib. de af. monet: *Pingua ad ulcera inflammata non conducunt, neque ad ea quæ sunt impurgata, neque ad putrescentia. Sed ad inflammata conferunt frigida, & ad impurgata, & putrescentia acria, & quæ mordicationem aliquam inducendo purgant.*

Potius igitur ad decoctum plantaginis, portulacæ cum summitate quercus, gallarum. In quo drach. 5. salis Saturni & scrup. 5. canphuræ dissolvatur accedes.

In progressu ad acidum materierum affluxum corrigendum, & ad robur laxis partibus indendum decoctum in lacte paretur summitatibus, & floribus cum feminibus hyperici, radicibus consolidæ.

Siautem curanda dysenteria suscipiatur quæ in progressu sit, & cum ulcere sordido, tunc terebenthinæ vnciæ tres circiter cum tribus luteis ovorum ad ignem misceatur superfusa libra una succi expressi cancerorum fluviatium cum drach. j. balsami sulphuris succinati & scrup. j. canphuræ.

In fine tandem perfectam agglutinationem decoctum summitatum hypericonis, cum copioso sale saturni, & pulvere stibii impetrare posse observabis,

Hæc tamen potissimum de crassorum intestinorum ulcerum curatione protuli, de quibus Gal. in 5. de loc. aff. hæc habet: *Si cum abrasionibus aliquid pingue dejiciatur tunc in crassis intestinis ulcus esse credes. At si abrasionis materia, vel sanguis omnino permixtus fuerit in intestinis tenuibus stabulatur. Conducit verò locum affectum cognoscere, quoniam superior ulcus medicamento epoto facilius sanatur, inferior clysteribus.*

Secundiora itaq; erunt enemata pin-

guedinosa, quando affectis tenuibus intestinis ad ulcus ascendere nequeunt ut sordidum reddant, sed acrimas irritantes materias, jam à superioribus intestinis delapsas sui blanda ac leni mixtura attemperare atque naturæ tollerabiles reddere possunt.

Hujus itaque farinæ sunt enemata ex decoctione capitis, & pedum, sed potissimum intestinorum vervecis, quæ cum vitellis ovorum, oleis masticis, cydoniorum, hypericonis, balsamo Peruano & consimilibus unctuosus in capite quorum venerabilis antiquitas sebum hyrcinum esse jubet.

In vulcere itaque supernorum intestinorum potius medicamentis per os exhibitis pugnare aggrediemur, impetumque fluentium acrimorum liquorum frænare aggrediemur ut superius innuimus opiatis, papaverinis.

Quia tamen in vehementi dysenteria ut plurimum subest venenata causa. Ideò alexipharmacis pugnare semper tutum reputamus, nempe lapide bezordico, perlis, stybio diaphoretico, terra sigillata, terra virgine alba Mutinensi, vel dulcificante Alegri Veronensis, oxalide, pentaphillo, pimpilla. Non omisis etiam testaceis.

Grassante etiam endemica dysenteria, cujus miasmate liquores tenuiores à massa sanguinea abscedentes corrupti ad excretionum vias ablegantur ad viscera præmunienda conducet sepius etiam in hora summere coclearim oleum amygdalarum dulcium succo citri admixtum, & per aliquot dies continuatum.

Nobis opiatam ex decocto florum papaveris, syrupo ejusdem & confectio-  
ne hyacinthi, pulvere corallorum,



& graniscanphuræ magis arrideret. Sic emulsiones ex sem. frig. ma. seu lac artificiale consimile cocleatim sumptum efficacissimum est.

Major interim spes in optima servata vivendi ratione, quam in aliis auxiliis reponenda est. Quoniam de morbo primarum viarum agitur.

Itaque à valdè intemperatis omnibus summoperè cavendum erit. A saccharatis, melitis, & dulcibus omnibus, potissimum sinceris, ut canis à nilo fugiant. Occultum enim acidum in sinu gerentia, promptè in ventriculo nidoroso, & suo legitimo fermento destituito corrumpuntur.

Atque eorum succi ad fermentationes proni, ad massam sanguineam pervenientes illam præternaturali fermentatione turbant, & alvi egestiones incæptas augent, ac deteriores reddunt. Pulvis dysentericus Lancii celebris est in hoc affectu.

Cibi itaque conducent potius temperati, vel insipida aquositate prædominantes, & qui blanda viscositate præditi difficultè acorem contrahunt, vel alias irritantes conditiones suscipiunt. Sed obvios acres succos diluere, ac sui mixtura attemperare possunt, inter quæ oriza, amyllum, hordeum, & hordeata in fervidis conditionibus aliis eminere certum est, admixto semper modico succo citri, vel aceti pro stomachis laxioribus.

Ciborum paucitas ideò commendabilis est quia per inopiam membra avida facta suos liquores nutritios firmitus detinent. Tum quia dum pauca excrementa stercorea conficiuntur, intestina minus molestantur.

Qualitas etiam subadstringens, neque acida, neque acris, sed epice-  
raustica emplastica, coctu facilis in cibis commendabilis est. Ideò Aetius

laudat orizam cum lacte. Nos saltè lacte artificiali dilutam, & potissimum feminibus papaveris paratam commendamus.

Galenus xi symplicium, ova in sartagine aceto conspersa exhibet. Nos potius in aceto indurata, deinde separato albumine, ovi lutea aceto modico conspersa cum pulvere mastichis offerimus. Oribasius succum granatorum quocumque modo. Hippocrates, & Aetius lentem, ejusque decoctum. Avicenas portulacam, cydonia, forbas, pyra laudibus suis in hoc affectu decorant.

Notat insuper Hippocrates lib. de affect. 27. quod tenesmus egrè in ediam tollerare potest, nam per ciborum præsentiam minor intestino mordicatio infertur. Cavendum tamen erit ne per nimium cibum cruditates, & viscositates augeantur.

Potus sit aqua Noceriana, vel in qua boli copiosa pulvis agitata in fundo subsideat. Vel ex vasculo Constanti-nopolitano ex terra sigillata conflato, aqua pentaphilli, acetosæ plantaginis, pimpinellæ, hauriatur. Vel decoctum hordei, cum cornu cervino raspatum.

Vel decoctum pulveris mastiches, & talleolarum cydoniorum. Calibeata verò, non sine aliqua ratione suspecta sunt, ut potè mineralia, ideò nutritioni, ac visceribus infensa, quæ stomachum infirmum, & alium turbatam magis infirmare, ac turbare possunt.

Ideò pro firmioribus stomachis dura medicina commodior erit, & si liquores aliquo metallico extincto indigere videantur, ex gr. aquæ cordiales Saxonæ acidulæ factæ spiritu Vitreoli, ignitis auri frustulis res peragantur.



Emulfiones amygdalarum, ac seminum frigidorum non incommode erunt cum pulvere corallorum, concarum margaritiferarum, & consimilium.

A vinis omnibus, & potissimum à generosis omninò cavendum puto. Tum ab omnibus quæ fermentationes, & turbas in sanguine commovere possunt. Vnde facto impetu, vasorum extremitates dilatare, & oscula aperire valent, exinde sanguis cum tenuiori sero vbertim per intestinorum glandulas debilitatas, ac dilaceratas effluat.

Vel si vinum propinandum sit, in declinatione, mastiche, & lentisco medicatum exhibeatur. Ad bilis acris correctionem emulsio ex seminibus papaveris albi, plantaginis, & portulacæ in aquis eorundem plurimum commoda erit, si etiam succi cydoniorum vnc. ij. vel granatorum addantur.

Materiae auxiliorum, ex quibus variæ formulæ pro indigentia concinari poterunt præcipuæ hæ sunt. Sanguis leporis adeò ab Elmontio decantatus quocumque modo adhibitus. Imò sanguis cujuscumque animalis recentèr occisi, & per clysterem injecti plurimis sanatio fuit. Vitella ovorum. Caseus antiquus. Vinum cydoniorum, granatorum, amarenarum. Corallia. Sal saturni plurimos desperatos ad gr. vij. cum ovi luteo exhibitus mirabiliter restituit.

Si humorum valdè acrium, irritantium obliniendorum intentio valdè vrageat, exhibeantur gummi arabicum, tragacanthum, amyllum cum lacte amygdalarum, vel cum decocto florum papaveris noctu post cœnam.

Interdiù verò ventriculi roboratio- ni, omni arte insistendum erit, per

corallia, plantaginem, mastichem & per hepata bestiarum, quæ in omni alvi fluore sunt magnificienda.

Tum per interiorem tunicam ventriculorum pullorum gallinaceorum, quæ exiccata, & pulverizata laxos stomachos mirabiliter firmant, & omnibus alvi fluoribus auxilio sunt.

Fæces sanguini mixtæ pulvere copioso sympatico inspergantur, vel etiam sola vitrioli Romani pulvere cooperiantur. Multorum etenim experientia mihi constat, quod dysenterici aluum exonerantes supra pulverem vitrioli, ex insperato sanati sunt.

Magna semper cautio servanda, atque præ cæteris omnibus vitium sanguinis eritemendum. Acer enim, tenuis, biliosus, serosus, vel aliter malè affectus corrigendus, atque attemperandus.

Ex portulaca obsonia æstivis temporibus commendantur cum vitellis ovorum, & casco ovilli seniori contrito. Conserva rosarum antiqua in fine prandii cum pulvere mastiches.

Oleum amygdalarum cum æqua portione olei ex seminibus papaveris, & jure pullæ pro doloribus demulcendis epotum, vel infusum nunquam fesset.

Verum quoniam vias excrementis sordidas relinquit pro eradicativo remedio, nos vomitu utemur potissimum quotiescumque circa ventriculum, & primas vias mineram foventem esse suspicamur.

Nos in longa dysenteria magno cum fructu usi fuimus lacte in quo igniti lapides extincti sint. Nisi enim febris valdè urgeat præstantissimum auxilium est lac coctum, ad acres liquores in primis viis sua mixtione at-



temperandos, ac innoxios reddendos. Ablique verò periculo oriza in lacte partim naturali, partim artificiali administrabitur.

Externa tandem auxilia tentanda restant, inter quæ panis tostus contritus subigatur cum aceto, pulvere rosarum rubrarum, masticeis, boli, & canphuræ. Vel cataplasma ex mica panis in vino, & aceto cocta ad pultis consistentiam multo bolo admixta universo abdomini applicetur.

Ad tormina verò pacanda plurimum confert omentum arietinum, aut vitulinum adhuc calens, ex animali recentè mactato extractus, & applicitus. Si verò tenesmus etiam urgeat, extremitas podicis assidue foveatur decocto verbasci in vino facti. Nec non ejus portio per sifonem ad unc. iiij. post mundificatum vlcus iniiciatur.

Verum si rectum intestinum dolor infestet, lacte benè tepente cum granulis opii sedabitur. Per suffitus verò ex succino, mastice, olibano, floribus verbasci exiccatis vulceris agglutinatio, ac sanatio promovebitur.

Tunc verò (declinante affectu) theriaca cum sale martis propinata omninò sanat. Ab initio verò fots administratur ex plantagine, portulaca, pulvere rosarum corticum granatorum in vino nigro austero, & aceto. Sola etiam portulaca contusa, & admota plurimos sanitati restituit.

In endemicis, multoque magis in epydemicis alvi fluoribus magna cautio esse debet, ut alvi excrementa singula vice exportentur, ac abiciantur, ne suo miasmate morbus foveatur in ægro. Vel etiam sani ipsi (in eodem potissimum vase dejecti) inficiantur, eodemque affectu

corripiantur.

Si plurimæ materiæ aquosæ dejectiones appareant, cogitandum erit, ut copiosum serum sanguinem diluens, sudoriferis ac diureticis eliminetur. Postmodum per austera tubulorum osculis laxatis opem ferre contendemus.

A nimio interim aqueorum potulentorum usu cavendo. Vinum ipsum (absente febre) in pauca quantitate offeratur, atque cydoniis, vel masticeis ac santallorum pulvere medicatum, myrtique baccis alteratum.

Inter eximia auxilia ab Elmonc. proposita sanguis leporis est, canum venatione defatigati, & exiccati, in vino propinatus.

Gelatina parata ex cartilaginibus animalium ac potissimum quadrupedum sylvestrium, in aqua plantaginis, vino, & aceto, tum hora prandii, tum cocleatim deglutita valent.

Pingua enim, & oleosa actu sive per os propinata, sive per clysteria injecta rarò profecisse observavimus. *Et Zecchini notat cons. 37. quod olea, & pingua imò vitelli ovorum injecti vlceris in intestinis curam impediunt, dum vlcerata loca sordidiora reddunt.* Idcirco cautè & non nisi magno vrgente dolore adhibeantur.

Vomitoria, & vomitus summoperè convenire poterit in egro nauseabundo, vomitibus assueto, & humoribus ad ventriculum aliquem impetum facientibus, sic enim contrarius motus peristalticus cum fructu excitabitur. Idcirco decantata Hippocr. doctrina est in 6. aph. 15. a diuturno alvi profluvio correpti, spontaneo vomitu excitato liberantur. Et Gal. de arte cur. ad Glauc. in omni alvi profluvio vomitum excitari jubet.



*Lienteria. Fluxus hepatici, & consimilium alvi fluorum causa, & auxilia.*

**S**icuti diarrhea, a lui dejectio frequens est copiosa, liquida, materiæ excrementitiæ. Ita dysenteria vlcus intestinorum est ex acri materia cum dolore, & alvi fluore.

Tenesmus autem vlcus intestini recti, ex acri materia, cum frequenti alvi dejectiendi cupiditate.

Fluxus autem à veteribus hepaticus dictus (putantes e par sanguificare) alvi dejectio variæ materiæ est (sed potissimum cruentæ) ex varijs naturalibus visceribus malè affectis.

Lienteria celer dejectio est alimenti nondum mutati, vitio potissimum pylori ventriculi, atque superiorum intestinorum.

Cœliaca tandem passio dejectio in tempeſtiva alimenti est, aliquo temporis spatio retenti, ideoque aliqua ex parte in chylum mutati.

In fluxu hepatico, cruor lymphæ copiosa, ac sero albugineo nervorum nutritio, tum aliis icorosis liquoribus admixtus, ab alvo prodit veluti aqua, modico sanguine imbuta, seu ut aqua loturæ carniū.

Estque affectus qui fieri consuevit à sero, lymphæque copiosa modico sanguini admixta, naturæ odiosa vasorumque orificia laxante, ac aperiēte.

Depravatur itaque atque his præternaturalibus liquoribus contaminatur sanguis, per vitia tam potissimum potulentorum assumptionem, in quantitate, vel qualitate. Æquè enim à nimio vini meracioris potu, vel spiritus, ac ab aqueis, frigidis, putridis potulentis invalescit affectus. Inde san-

guifluorum vasorum omnium infirmitas, & viscerum naturalium tonus ferme dissolvitur.

Atque non venæ sunt, sed arteriæ quæ inter circulandum per diapedesim, anastomosim, vel rexim aperiuntur, & cum particulis quibusdam sanguinis, sero copioso admixtis contentos liquores profundunt, & per spongiformes carunculas, ac glandulas intestinales exonerantur. Ita ut à dysenteria non sit affectus alienus; sed solum differentia intercedit secundum magis, & minus.

In cœliaca autem affectione, chyli motus præternaturam vitatur. Cujus causa obstructio venarum lactearum est, & crustæ panosæ dictæ intestinorum, à neotericis glandularum textura mirabilis. Fermentum verò ventriculi vitiosum (seri soboles) in causa est, ut cibi non satis dissolvi possint.

Non negamus tamen, quod quandoque à languido calore vitali, tum ab imminuto, vel denegato animalium spirituum influxu circa orificia potissimum ventriculi, laxatio, & imperfecti alimenti expulsio, non subsequatur.

Contractis etiam spasmodicè fibrillis in glandulis intestinorum, vasa lymphatica, tum chyliſera, & quicumque ad alium meatus, & emunctoria constringuntur plus, minus. Inde remorato contentorum transitu, stagnatio fit, atque tumefactio, quæ tandem apertis denuò viis affatim evacuat.

Non infrequentè etiam à sale resolutio fit, sua acrimonia ventriculi pylorum, & intestina laceſcente, dum eorum fibrillis, vel glandulis hæret.

Saporistæ non sine ratione opinantur,



tur, quòd dum improporcionatus acidi pancreatici, & fermenti, bilisque congressus in intestinis fit, ob dissenfum, & horum exorbitantiam, chylus corruptus, mucosus, vel alienis conductionibus imbutus, naturæ exosus per aluum demittatur.

Et hac ratione quicumque humores acres, serosi, biliosi, corrupti in sanguinis massa fluorem passi, ad vasa caliacia translati, versus stomachum, & intestina propulsi, atque vitiosæ cum chylo effervescentes, cæliacam affectionem progignere valēbunt.

### *Auxilia fluxus hepatici.*

**Q**Uoniam in hoc affectu corpus valdè absumitur ob corruptos nutritios spermaticarum partium liquores, & imminutam nutritionem, Ideò restaurantia varia alibi descripta in appendice prima valdè vtilia erunt. Sed potissimum carne viperarum, testudinum caudarum gamarorum parata. Et alia &c. quæ pro tabe.

Super cætera fortè cogitandum erit de copioso sero sanguinem diluente eliminando. Ideòque sudorifera, tum diuretica in usu ponenda erunt.

Postmodum securiùs per austeriuscula, & confortantia, etiam terrea & fixa, tubulis laxatis, ac visceribus infirmis opem fere contendemus.

A nimio interim aqueorum potulentorum usu cavere debet æger. Sed vinum in pauca quantitate offeratur. Illudque cydoniis medicatum myrthi baccis, santalis, mastiche &c.

Vel si febris vrgere videatur, potus sit aqua noceriana. Terram enim Samiam, ejus alveus continet, alvi

fluoribus omnibus sistendis accommodatam.

Obsonia semper cum ligno cydonii, vel cum cydoniorum taleolis concisis, & mastiche, vel ligno lentisci condiantur. Ex fructibus rhibes, mala punica, lambrusca, onfacium, sumacchia, mirtilli berberis, gallæ, tamarindi, pruna, cydonia, poma austera, vel acida, cornus, mespilla, olive, sorbæ habentur, quæ pro varia exigentia, variis auxiliis materiam suppeditare possunt, alvi floribus sistendis accommodatam. Aequè in usus internos, ac externos.

Nam succo cicorei, malorum punicorum, vel prædictorum facto, venter universus foveri poterit.

Quia tamen quandoque subsunt obstructiones atque adstringentia terrea fixa, tuta non sunt. Ideò cum lenibus aperientibus adstringentia spiritiosa admiscenda sunt, ac tenuia, ut est tinctura vitrioli martis, essentia martis vini spiritu elicita, & circulata.

Inter esculenta bestiarum hepata in ferculis commendamus. Nec non galinaceorum ventriculos concisos coctos, & expressos. Tale enim expressum jus latentem acidum in se continet acido nostro stomachico valdè familiare.

Si vigilæ infestent (quod frequenter contingit, nam hi fluores noctu magis ingravescere solent) ad opiata confugiemus. Potissimum pulsu vivido, & viribus constantibus. Nec non si de materia tenui, calida indicia adsint.

Inter externa auxilia ceratum de gummi tacamacha cum balsamo Peruano. Vel inunctiones oleo mastichino destillato, & carabes, cæteris fortassè præferri poterunt.



*Auxilia pro lienteria & aliis &c.*

**S**I de capitis, tum ventriculi humida intemperie indicia constant, jus columbæ cum lignis sassafras, guajaco, visco quercino, & simplicibus cephalicis exhibeatur.

Si in ventriculi cavitate, & primis viis humores contineantur, vomitu purgentur ante cæterorum auxiliorum administrationem.

Revulsis etenim humoribus ad superiora per convulsivos motus in vomitu factos & peristalticas undulationes contrarias, pylorus adstringi edocetur, ac vigoratur.

Cibi universi, aromaticis condiantur, & potissimum nuce moscata, & cinamomo. In pauca vero quantitate sit cibus, & euchimus. Vinum pariter paucum, sed meracum.

Masticis grana tria vel quatuor ante cibum devorentur. A cibo vero cydoniatum, conserva rosarum antiqua. Mespila. Sorbæ & alia, alibi recensita offerantur.

Diacorniolata antiquorum celebre auxilium est. Conserva vero florum malorum punicorum (summachiorum viridium) neotericorum utile inventum est, in his alvi fluoribus.

Vinum in quo myrthi baccæ infusæ. Vel flores lambruscæ, nullis auxiliis ventriculum adstringentibus cedunt.

Exteriora interim auxilia spernenda non sunt. Mentam viridem, cum salvia contusam, fermento veteri salito, & pulvere mastichis, aceto, & malvatico vino subige, atque ventriculum fove. Si autem simpliciorum emplastrum efficax requiras, crustam panis assatam in succo granatorum imbibe, & cinamomi, mastiches ac

nucis moscatæ pulvere consperge.

Si alvi fluor adeo immodicus sit, ut vires deiciat, opiata exhibeantur, à quibus somno conciliato, & animalibus spiritibus consopitis expultrix torpet, cibus retinetur, & concoquitur. Modo itaque vires constant, & valida sit vitalis facultas, in universis alvi fluoribus ab opiatis noctu ante somnum exhibitis summum semper auxilium consequeris.

*Hemorrhoidum cause, & auxilia.*

**D**UM sanguis neque copia, neque sua prava qualitate molestus nature est, intra vasa sua sanguiflua pacificè continetur. Verum si aliquo excessu præternaturali imbuatur; tunc intra claustra sua detineri recusans, in hemorrhagias hinc inde erumpit, & veluti damnatus ad scalas gnomonias, ac sterquilini deductus in hemorrhoidum fluxu ablegatur.

Dum itaque sanguis nimie fermentationis vigore dissolvitur, icorosior, acrior fit. Resolutisque blandis, dulcibus, temperatis, tenuibus, spirituosius particulis, crassior, terrestrior, intemperatus factus, tum deturpatus veluti exuvias suas in cœnosum locum depositurus, ad anum per circularem motum perveniens inspissatus ex arteriis hemorrhoidalibus in venas ejusdem nominis transire impotens fit. Ideo partes ani tumefacit, distendit, tubulos dilatat, atque veluti aneurismata producit.

Videlicet dum à sanguinis motu arietante, ac exitum querente, solvitur hemorrhoidalium tubulorum continuum. Tenuiores etenim arteriæ capillares sunt, simplici tunica constantes (ut benè notat Silvius) quare sibi



sibi portam aperiunt, & sanguis tum in copia congestus, tum ob moram acius redditus viam invenit, vel per rexi, vel per dierhesim, aut per anastomosim.

Cujus tamen remotas causas multiplices esse posse fateamur, videlicet pletoram, sanguinis tenuitatem, serum nutritium nervorum depravatum, vel cruoris crassitiem, viscositatem, vel acrimoniam salsam sulphuream. Vel orgasmum in sanguine. Vel à fecibus induratis comprimentibus intestini recti vasa.

Vel ob validum conatum in dejectendis excrementis alvinis, vel in partu difficili facto, quorum causa ut diximus veluti aneurismata in tubulis hemorrhoidalibus producuntur. Non desunt etiam alimenta, tum venena quædam cathartica potissimum, & aloeticam naturam sapientia, quæ sedi inimica, in hos affectus sanos ipsos præcipitant.

### *Auxilia.*

**Q**Uoniam in hoc affectu alvus pigra fieri consuevit, magno cum agrorum incommodo. Nec non fæces indurantur atque in conatu duriora excrementa pellendi, dolor exasperatur, tumores, & aneurismata majora fiunt. Quare bonum consilium erit cogitare de alvo emollienda variis artificiis alibi de tuend. val. propositis. Vel saltem lactis injectionibus.

Humorum insuper acrimoniam demulcire cogitabimus in conditionibus fervidis, emulsionibus sero asinino potissimum factis, cum seminibus papaveris, vel aliis frigidis, & humidis. Præ cæteris itaque vitium sanguinis emendare aggrediemur, nisi enim acer, biliosus, tenuis, serosus, at-

temperetur. Vel crassus corrigatur, alia multa incassum tentabuntur.

Et quia ut plurimum lues Cæltica subest, nisi alexipharmacis suis pugnaveris victoriam vix reportabis. Ideoque decocta lignorum horum affectuum cura, & prophylaxi sunt præcipua reputanda auxilia.

Dolorum symptomati variis artificiis occurrere poterimus. Oleum etenim expressum ex seminibus jusquiæ, vel papaveris cum copiosa canphura, brevi dolorem mitigat Oleum pariter nucum (aut persicorum, seu armeniæ) in quo mille pedes ebullierint, his afflictis magnum solamen est.

Quibus oleosa inflammatis his locis suspecta sunt pulverem simplicem scarabeorum applicitam proponimus.

Cremor lactis in mortario plumbi agitatus, cum plurimo sale saturni, & canphura summum his doloribus fortè auxilium erit.

Vel saltem linimento meo omni utilitate suspecta experte utantur. Videlicet ex succo plantaginis, verbasci, seu tapsi barbati, & cerusa copiosa cum granis canphuræ.

Lac tamen tepidum cum oleo seminum papaveris dolores intra breve tempus mitigat potissimum si in eodè lacte verbasci flores incocti fuerint.

Quibus verò dolores adeò infestis non sunt, fons validior in vino austero erit, si eidem verbasci flores incoquantur.

Adeò vero sanandis hemorrhoidibus verbascum cæteris simplicibus eminet, ut quocumque modo adhibeatur, efficax auxilium præbere observetur. Fortè ob plantæ signaturam, quæ antequam flores in folia erumpant, hemorrhoidales tumores gestare videtur.



Valet ergo succus, foliorum, florum pulvis, decoctio, & si quid aliud. Eiusdem farinae herba hemorrhoidibus sacra scrofularia est, quæ pariter radices suas racematim dispositas, in morem hemorrhoidum gestare observatur. Hæc de collo monitu meo appensa multos adhuc viventes amicos meos ab hac molestia præservat.

Portulaca verò contusa admota, sæpè præsentem dolorem sedat, tumorem imminuit, vulcera consolidat, & excrescentias absumit.

Memento quod statim unguento Comitissæ illiniendi erunt isti, per universam spinam & renes, ad humeros ipsos ascendendo.

Si verò unguento sandalino, & rosaceo plurimo sale saturni, & canphura admixta usus fueris, voti composies.

Si autem in copiosiori sanguinis profusione exorbitet, adhibito pulvere sympathico moderari solet. Vel reperiata vena fluens, caustico balsamo meo attingatur.

Certaque res est quod aliquos animi fortis viros præ manibus habui, qui diù ab his tortoribus hemorrhoidum cruciatibus molestati cum periculo ne calosæ fierent ac perennes, vel malignæ, passi sunt semel hoc caustico per horam circiter se submittere cum dolore tollerabili, & post quadraginta horas decedente per assiduum butyrum escara, futuris temporibus rarò & sine molestia ingenti ab hemorrhoidibus tentati sunt.

Potissimum si in fine unguento de tutia per aliquot dies usi fuerint. Quod etiam antequam hemorrhoides superveniant adhibitum semel, vel bis in mense, adeò locum munit, ut ab hemorrhoidum invasione tutus persistat, vel pacificè profluant.

Si autem circa podicem ab his exulceratio contingat, balsamo sulphuris terebenthinato adhibito solo, vel cum oleo hypericonis, citissima sanatio continget, postmodum unguento de tutia adhibito.

Toto tempore quo dolores, ac inflammationes hemorrhoidum vrgent, victus in doloribus ac inflammationibus præmonstratus adhibeatur. Multa etiam quæ dysentericis & alvi fluoribus utilia proponimus, his affectibus inutilia benè eligentibus non erunt.

Hoc denique monens quod si quis ab hoc affectu se præservatum cupit, præter victus sui reformationem (solent enim isti in aliqua re non naturali graviter delinquere) debent bis, vel ter in anno per sanguinis missiones, naturæ deponentis excretionem anticipare.

Si autem verè, & autumnò per vomitoria purgati fuerint (potissimum per antimonialia) nisi graviter in ratione victus peccaverint, ab his foedis emissariis securi erunt.

#### *Ictericæ causæ, & auxilia.*

**A**ffectiones ictericæ universaliter originem suam ducere consuevere à bile in hepatis colidocis vasculis secernenda. Dum ob vias obstructas, vel aliter malè affectas partes, per quas transire, ac percolari deberet, vel omninò, vel in parte impeditur, ne ad vescicam felleam deducatur. Quare resorberi, seu in massam sanguineam regurgitare compellitur.

Varia igitur impedimenta, ac obstructions, in incerniculo hepatis, & ductuum biliariorum in causa sunt, ut bilis tum separatio à cæteris liquoribus massæ sanguineæ non contingat, tum recipi in suo folliculo deinde in



intestino duodeno exonerari non possit. Sed regurgitans cum cæteris massa sanguineæ liquoribus miscetur, per venas circulari motu ad cor delatus, ex corde per arterias in universum corpus dispensatur, nutritionique inepta, ut rejectamentum tenue, irritans, mobile, ad extremam cutem transmittitur dejectendum, verum ob crassitatem & lentorem in eadem infigitur, sui que colorem imprimit.

Illæ enim visciditas quæ in hoc flavo humore obstructionum causa in hepatis tubulis fuit, hæc eadem in tenuissimis vasculis glandularum miliarium cutis, imò universi corporis habitus est in causa stagnationum, obstructionum, & fædi auriginosi coloris.

Hinc est quod propriè loquendo hepar non semper intemperie calida. Sed solum obstructionibus biliarium ductuum laborat. Corpus verò in ambitu, & potissimum ob tubulos cutis inviscatos, minusque perspirabiles afficitur.

Experientia etenim docuit, quòd ut plurimum affectus iste ab intemperie frigida fieri consuevit, & quòd causæ procathartice sunt frigidorum usus, videlicet aquæ potus, & viscidorum alimentorum abusus.

Quandoque icterus fit à particulis aeribus sulphureis, aut venenatis (ut in morfu viperæ contingit) quando copiosiores fuerint, atque massæ sanguineæ comixtæ, turbationem ne præternaturalem fermentationem eidem inferentes, ex valida conquassatione, butyrosior, & dulcior pars sanguinis resolvitur, pars in bilem transit, quæ caudam excrementitiorum, viscidorum humorum secum trahens, in vasis colidosis (in quibus naturalitèr à probo sanguine sequestrari de-

beret) inviscata hæret, neque ad receptaculum suum deferri, neque pervas breve ad intestinum duodenum exonerari ipsi conceditur.

Fieri etiam potest, quod quandoque ob aliquam violentam procatharticam causam (vehementes ac repentinos animi motus potissimum) ob impetus factos spirituum animalium in orbiculares fibrillas folliculi fellis, spasmodicè constringendo folliculum, sit in causa ut bilis universa versus venam portæ pellatur, & sic ad sanguinis massam regurgitando, eandem fellea qualitate imbuat, & cutem inficiat.

Venenum anodynum, progressuum liquorum motum in visceribus naturalibus impediens tum forinsecus advenire potest, tum à pessimo liquorum omnium (atrabile scilicet) per mœores produci consuevit. Atque fermentantis veneni in morem, sanguinis massam in flauum virus commutans, est in causa tetri, ac horridi icterici.

Fieri etiam potest affectio, quandoque in tanta copia bilis in massa sanguinea progignatur, ut pro eadem secernenda vasa cholidoca sufficere non possint, sed regurgitans à repleta cysti fellea, & annexis tubulis, in venas remeare cogatur, inde partibus solidis nutriendis infixæ, ipsæ suam tincturam imprimat.

Frequentius tamen fit ob impeditum transitum bilis ad intestinum duodenum, vitio ductus cholidoci obstructi. Vel ob succum pancreaticum nimis viscidum, bilem in suis ductibus ligantem, obstructionum parentem.

Non infrequentèr bilis in cysti sua diutiùs immorata, notabilem mutationem subit. Ob quam testudineo motu



motu incrassata postmodum versus intestina movetur, ut secernatur. Vel impetuosius profiliens, ad massam sanguinis contaminandam erumpit, cum qua circulans, nutritioni inepta, naturæ odiosa, dum per tubulos cutis evacuari tentat, eosdem cum solidis corporis partibus suo colore inficit.

Quandoque à sale volatili, nimisque spirituosos, aut à bilis pinguedine sulphurea nimis accenditur sanguis ac fermentatur vitiosè, inde præternaturalis bilis secreta, vitiosè, pariter cum succo pancreatico congregiens, est in causa, ut chylus à scorriis alvinis non benè secerni, neque debito modo ad proximam sanguificationem disponi possit. Inde nutritionis vitiata succorum vitio, flava stygmata visibilia exponuntur.

Omnium infrequentiores causæ esse consuevere austerum melancolicum vel esculentum circa orificia vesiculae fellis, vel vasis brevis in intestina se se exonerantis à quo constrictiones, & oppillationes fiant.

Rarò pariter à calculis, à vermibus contigit.

Nigri icteri causa liquor albugineus nervorum nutritius est, quandoque cumque acidiori vitriolica natura indutus, cum alcali bilis congregiens, intra sanguifluos tubulos attrahentum conficit, quo universa membra nutrienda horridè inficiuntur.

*Auxilia.*

**A**B aere frigido præcaveantur ægri. Hic enim poros cutis obstruendo, ac bilem incrassando, pertinaces obstructions firmare, ac parere potest. Procul absint universi cibi crassi, frigidi, pituitosi, visceri, corruptibiles, ut sunt carnes fumo, sale induratae, muria, aceto condita, pisces cartilaginei, crustacei, & mala notæ legumina, fructus horarii.

Tum quæ in corruptionem acidam, vel biliolam prona sunt alimenta, ut mellita cuncta vel saccharata, atque aromatica, nimisque spirituosas ac inflammabilia, ut vini spiritus vina generosa fragrantia.

Hæc enim sanguinem ad vehementiorem fermentationem cogunt, & bilem exaltant, quæ postmodum fluorem passa promptè à massa sanguinis in tubulis cholidocis hepatis divortium facere atque separationem moliri affectat, nisi impediatur.

Utantur in victu capparibus, endivia, radicibus petroselini, apii, fœniculi, aliis aperientibus incidentibus, de quibus ampliora verba in prima appendice fecimus.

Præcipuæque auxiliorum materiæ haurientur à cicoreo, seminibus peporum, sero lactis, cremore tartari, agrimonio, lupulo, capilvenere, asparagis, eringio, anonide lingua cervina, gummi amoniaco, tamarisco, millepedibus.

Si tamen primæ viæ sint cruditatibus infarctæ, absque vomitorio antimoniali, parum vel nihil cæteris auxiliis pugnando, proficere poteris, deinde diuretica, & diaphoretica feliciter succedere poterunt.

Hac etiam arte, bilis à viscida pituita



tuita se se extricare poterit, atque à sanguine facilius secedere, facilemque transitum, ac percolationem per ductos cholidocos inveniet. Simulque dilutior, ac tenuior facta, per urinas, ac sudores eliminari promptè poterit.

Paucis vero, universa necessaria auxilia perstringit Hippocratis in 7. epid. 35. sic: *Regio morbo correpto prodest laborare, sudare, parum edere, & bibere, caput multa calida, tepida lavare, vinum album bibere. Somno non multo uti, neque multum bibere. Vinum verò absynthite his accommodatissimum est. Vt or decocto absynthii, aut herbæ theæ, aut aperitivorum superius enumeratorum. Aut vino in quo limatura martis ignita aliquoties extinguatur.*

Si de tophaceis, ac lapidosis obstructionibus per longum, & pertinacem affectum suspicio sit, lac asini cum Aetio validum auxilium adhibeatur.

Vrina pueri impolluti, vel etiam propria summo manè diù epota, innumeros à pertinace icteritia liberos fecit.

Avis calandrina dicta venerabilis antiquitatis celebre auxilium, ad hæc usque tempora decantatur, quocumque modo adhibita; sed potissimum incinerata.

Oleum succini, à Crolli experimentis celebratur.

Ab aliis tartarus potissimum vitriolatus. Galenici multum in absynthiacis confidunt. Recentiores in lumbricorum, vel millepedum pulvere, vel liquore. Tum in stercore viridi Majani anserum juniorum. Nam omnibus desperatis, facto pulvere magna auxilia reportarunt. Cinis tamen alaudæ combustæ, pro civilioribus

personis magis commendabilis est. Et loco urinæ simplicis, spiritu urinæ utantur cum suo sale, & succo marubii, vel radicum ononidis, aut ex aperitivis simplicibus expresso, aut ex cicoreo, admodum in hoc affectu commendato.

Sic emulsionem ex seminibus peporum, in decocto cicerum rubrorum, vel alio aperitivo proderunt. De morbo regio Hippocr. in lib. de affect. hæc habet. *Purgantia pituitam, & bilem in hoc affectu periculosa sunt, & culpa medentibus imputantur. Et ideo hæc quam maximè vitabis.*

Paracelsus pariter, licet in validissima purgantia satis pronus, de icteritia in eandem venit sententiam, atque per experientiam suam satis apertè insinuat quod in his affectibus, per purgantia parum proficitur.

Ideoque per araneam avellanæ inclusam febrem, & icterum curare edocuit sic: Aranea sit viva in testa nucis avellanæ suspensa de collo ad foveam pectoris deligata per quinque vel sex dies usque ad mortem araneæ, & morbus abibit.

Quoniam icterici liquores absque longa præparatione vix obtemperantes inveniuntur, ideo apozemata ex cicoreo, sonco, endivia, vitriolo albo, cinere cardui benedicti parentur. In quibus infunde rhabbarum, guajacum, chinam, salsam, liquiritiam absynthium, & sic viscosam pituitam à bile solves.

Vitriolum martis cum sale absynthii, & dicto decocto plurimis profuit. Aliis vrina pueri cum pulvere lumbricorum. Experientiæ meæ satis feliciter successit sal ex capite mortuo vitrioli extractum, diù adhibitum, interpositis etiam vicibus cum sale  
vrinæ,



vrinæ, & aliis salibus volatilibus (in causa pituitosa) ut succini, cornu cervi, viperarum &c.

Pauperibus cum vrina, vel spiritu vrinæ grana aliquot salis ammoniaci admixta, ex insperato salutem tribuere potuere.

Quia verò quando ex molesto transitu per cor fellei liquoris à secretionē impediti, lypothimia contingit. Ideò his exhibeantur spirituosæ, tenuia. Ut est tinctura croci, cinnamomi, rasura eboris, cornu cervi, sed potissimum sal cornu cervini volatile, quæ misceantur, atque cocleatim exhibeantur.

In nigro ictero decoctio absynthii cum summitatibus hyperici valdè commendatur.

Ad acidum in primis viis absorbendum martis limatura integra, ad drach. j. exhibeatur cum oculorum cancri æquali portione. Amara incidentia, atque splenetica alibi commodè haurire poteris, ac seligere aptiora.

Inter externa auxilia præter Paracelsi araneam, sunt qui ad sydera tollunt tincam (naturali aurigine tinctam) vivam apertam atque supra jecoris regionem applicitam.

*Cachexia, ac hydropis causæ, & auxilia.*

**S**erum nutritium nervorum, quod cum cruore in vasis sanguifluis circulatur, & ad glandulas depurandum deportatur. Postquam impuritatis suæ ratione à nutriendis partibus spermaticis albis, ut impropportionatum rejicitur & postquam semel à consortio vitæ rejectus, communi vitæ spiritu frui impeditus, excrementi naturam subit neque amplius parens le-

gibus circulationis sanguinis, sursum, ac deorsum pergens; ductus à proprio pondere adinstar aquæ deorsum properat. Ideòque primò cachexia in tibiis conspicua fieri solet.

Dum igitur partes albæ spermaticæ malè afficiuntur, vel glandulæ, seu viscera separationi, ac depurationi feri albuginei nervorum nutritii (ut est lien potissimum, pancreas, & glandularum major pars) intemperie, mala conformatione, vel alio vitio laborant statim serum negligunt, ideoque à venis ut impropportionatum non resorbetur, neque ad sanguinis penetralia circulando admittitur. Sed ut inutile excrementum extravasatur, atque ab incipiente cachexia, caput hydropis initium summit.

Serum etenim falsum, amarum, impurum facili negotio à natura spernitur, ac extravasatur. Ideòque facies nonnullis manè turgida ob tale serum nervorum nutritium sudoris crassioris forma ad cutem propulsum, in locis potissimum laxioribus, & à corde caloris fonte remotioribus apparet. Vel vesperi in tibiis observatur qui noctu à positione situs in lectulo parum elevati vel æqualis, iterum à venis sensim resorberi potest, & sic crura detumescunt in lecto.

Nostri itaque coniectura est non à lympa, non à sero urina dicto, sed à sero albugineo nervorum nutritio cachexiam equè, ac hydropem fieri. Nam pluribus vicibus per ignem examini subjecimus aquam ab hydropicis per paracentesim elicitam, vel à cadaveribus extractum, & eandem rationem habere comperimus, ac serum albugineum supernatans in sanguine per venam sectam extractam, namque concretiones, & alia phenomena consimilia donat.



Nisi verò esset liquor albugineus (succus rectificatissimus, & impurissimus) tibiaryum tumores & alibi ad putredines, & malas corruptiones citò pervenirent.

Causa vero continens proxima, ac immediata extravasationis seri nervorum nutritii, multiplex esse consuevit. Quandoque etenim ob apertionem vasorum (per rexim, dieresim, vel anastomosim) potissimum circa viscera naturalia, & in mesenterio contingit.

Hæc etiam aperiuntur quandoque ac dilacerantur à frigida potione affatim hausta ob densatos ac impeditos tubulos regurgitante.

Idem contingere potest à vitiosa exoticis salibus prægnante lymphæ. Idem à chylo impuriori. Copiosioribus crassioribus, vel impetuosius motis, vel acrimonia erodenti præditis.

Idem quandoque contingit obstructis potissimum tubulis glandularum mesenterii, quare arietanti sero albugineo nervorum nutritio, per vim tandem portæ disfractæ aperiuntur, neque ab appellentibus pravis liquoribus consolidatio, & restauratio permittitur.

Lymphæ igitur quantitate, vel qualitate peccans, nimio potu, vel pravo, cœnoso adaucta. Tum eadem ratione vitiatus chylus. Tum serum albugineum nervorum nutritium, ad naturalium viscerum tubulos tenuissimos, simplici tunica donatos perveniendo, ac stagnando, vel ob acrimoniam anexa vasa repleta, ac distenta disrumpendo. Sunt in causa, ut in abdominis capacitatem, & viscerum interstitiis, & alibi liquores isti soli, vel aliis comixti cadaverizentur. Inde stagnando in dies majorem

corruptionem subeant, facultatem ipsam invadant, ac tandem interimant.

Serum tamen albugineum liquorum omnium præcipuus consuevit esse, quod ex massa sanguinis corrupta, & soluta separatur, & scissuris tubulorum suorum inventis, extravasari cum lymphæ, chylo, & aliis liquoribus gaudet.

Hinc est quod tanta in hydropicis emaciatio, & in spermaticis partibus jactura conspicitur. Nec non quod in sanguine extracto ab hydropicis paucum admodum serum albugineum observetur, sed cruor nigerimus appareat. Idè etiam ob defectum hujus seri albuginei (verè irrigatoris spermaticarum partium) fit inextinguibilis sitis, & urina intense ruffa eodem torrefacto, & in salem verso.

In hac itaque aqua, seu in hoc corrupto sero albugineo viscera immersa, tabe quadam afficiuntur, seu nutritione sua sensim privantur, & contabescunt.

Dum interim universæ glandulæ, seri depurationi destinatæ albuginei, nervorum nutritii, ab opere suo impeditæ tumidæ apparent, stagnante sero repletæ, vel confractis vasculis suis tenuissimis flacidæ ac laxæ conspiciuntur.

Hac eadem ratione factis stagnationibus ob scyrrhum lienis, vel hepatis, vel ruptis, aut exesis aliquorum viscerum tubulis, serum albugineum continentibus hydrops consequitur.

Vexiculæ illæ (hydatides dictæ) quæ frequenter in cadaveribus hydropicorum reperiuntur sunt stagnantes ichores inter unam, & alteram valuulam contenti in tenuissimis tubulis potissimum mesenterii, dum à solito suo ac necessario circulationis motu impediantur.



diuntur. In quibus meram lympham contineri facta evaporatione ad ignem observavi. Non igitur à solis tubulis serum albugineum continentibus, sed à vasis lymphaticis, vel etiam chyloferis diffractis, & ab effusione variorum liquorum hydrops fit.

Solum in anasarca serum ferme sincerum ex arteriarum osculis, in cutaneas, & externas corporis partes effunditur, & est albugineus spermaticarum partium liquor, aliqua de causa depravatus ex cujus etiam innundatione, membranarum omnium & spermaticarum partium extensiones, ac tumefactiones observantur, vera autem nutritione labente.

Obstructiones ab humore crasso, viscido frequentiores sunt hydropis causæ, dum in vasis obstructis lymphæ, chyli, feri stagnatio contingit, hinc vasorum distentio, mox ruptio, atque effusio, & in unum locum amplum congregatio.

Crudus, viscidus, acidus, nec ritè volatilizatus chylus sanguini infusus, est in causa ut sanguinis massa crudior aquosior fiat. Nam ob acidum prævalens principia potissimum volatilia deprimuntur & sanguis improbus fit, ex improba deinde cordis sanguificatione, pessima fit serificatio in glandulis cerebri, scilicet depuratio feri albuginei, qui spermaticarum partium nutritioni inservire debet. Quod impurum existens, à natura facili negotio extravasatur.

Frequentè contingit à suffocato vel imminuto viscerum calore, & à spiritibus animalibus mortificatis vel elumbatis.

Sic experientia multorum sæculorum edocuit celebres meracioris vini potatores in hac aqua, tandem vitæ naufragium pati. Sic potatores aquæ

vitæ, obruto innato viscerum calore, Lethis aquam hydropici bibere coguntur.

Cessante verò animalium spirituum influxu in viscera naturalia, & hac ratione languentibus earum fermentis, atque expultrice, sanguinis massa etherogeneis ac impuris liquoribus contaminatur. Spirituosarum particularum fræno orbata, serum nutritium nervorum, acidius factum manumittere cogitur. Hoc libertate sua donatum, depuratorias glandulas, earumque tenuissima vascula baccanti indignatione difringit.

Nostriſque coniecturis adſtipulantur hydropes quæ post icterum succrescere solent, tum post febres. Post copioſas qualescumque evacuationes, vel suppressiones. Post scyrrhos &c.

*Auxilia hydropis atque cachexiæ.*

**Q**Uoniam præcipua hydropis cura peragi consuevit adstringentibus, roborantibus, confortantibus, vulnerariis, atque laxas, diffractas glandulas consolidantibus, ac restaurantibus. Ideo hos affectus à debilitate, laxitate potissimum fieri, magna indicia præbentur.

In conditionibus potissimum frigidis ad calidum inclinet aer. Frigidus verò, & nebulosus semper vitetur.

Victus ratio ob nutritivam facultatem languentem & maciem, optimè nutriens esse debet. Ratione frigidorum humidorum excrementorum redundantium ad calidum, & siccum inclinare debet. Idcirco Hippocr in 5. epidem. docet. *Hydropicum laboribus fatigare oportet, sudare, panem*



*panem edere calidum caput tepidè lavare. Vinum album tenue, & somnus auxiliatur.*

*Alibi verò de ratione vict. in acut. insinuat. In hydropis curatione multa bona Fortuna est opus. Potissimum verò arumnis, & fomentis, & temperantia (arumnis scilicet remotis per bonam Fortunam) atque edat sicca, & acria. Sic enim potissimum urinam ejiciet, & plurimum viribus valebit. Quam minimum bibens, & quam plurimum laborans, & carnes suillas carnosas edens cum aceto coctas, ut adversus acclives deambulationes remitti possit.*

His monitis Hippocraticis confusus memini quod jam tribus annis circiter, duo fratres fabri lignarii ad Arbores Montagnanæ eodem tempore desperato ascite, & anasarca laborantes, à me sola victus ratione, integrè curati fuere, nam summo manè sumpta bucella panis in vino generosissimo intincta, tota die in onerum gestatione, & violentis exercitiis ad emissionem animæ (ut ita dicam) constantèr perseverantes, parum carnis suillæ assæ edentes, & minimo ac meraco potu contenti. Cum intra tres, vel quatuor dies se profecisse observassent, animus ad majora tolleranda increvit, nec frustra, nam intra mensem sani, & hilares ad me venientes, gratias monitorum tulere.

Solo modico usu vini malvatici, & indefessè laborando plurimos cacheticos sanatos vidi in vallibus Castri Laureti, ab aqua læsos.

Secus edulia & potionès diureticiæ, ac aperientes in his affectibus probantur. Videlicet cum radicibus, & feminibus diureticis paratæ.

Cavendo ab acidis, vel à nimis salitis, à pinguibus, viscidis, oleaginis, à lacticiniis. Et uno verbo ab

omnibus quæ cruditates, corruptiones in primis viis facere, & obstructions, viarumque impedimenta augere possunt.

Nocent ergo legumina, pisces crustacei, vel malæ notæ, aves pallustres, carnes duræ, annosæ & universa quæ melancolica, flatulenta duræque digestionis esse reputantur.

Valent è contra quæcumque facili negotio à ventriculo superantur euchima, & laudabilis nutrimenti, tenuia, & potius amaricantia. Ideò absynthiaca in his affectibus commendantur, & alia multa, quæ in nostra appendice prima protulimus.

In potulentis instiliatæ quatuor, vel quinque guttulæ spiritus vitrioli, nutante natura ad vrinas, cum suspicione calidarum materierum proficiuæ semper fuere. In quibus etiam à vini spiritu, & valdè spirituosus cavendum erit, observatione facta, quod qui his profusiùs delectantur, frequenter immedicabili hydrope correpti moriuntur.

Notissimæ historiæ sunt, quæ passim leguntur penes Marcellum Donatum, & alios de integra abstinencia ab omni potu, solis ferculis humectioribus contenti, qua se ab ingenti hac aquæ mole liberarunt, præter omnium spem.

Innumeri sunt illi (ex quibus multos, & ipse numerare possem) qui diù, ac pertinaciter manè propria vrina, vel pueri epota, ab omni cachexia, immò ab hydrope ipsa se se extricarunt, & obstructions, ac impedimenta universa tollere potuerunt, largiùs vrina profusa.

In conductionibus autem fervidis, per oblatum succum, & aquam plantaginis, saxifraggiæ, & ebuli, cum lapide prunellæ eximie sublevantur.

Aqua



Aqua verò ad alvum quandoque inclinans, tertio quoque die innocentipulvere cornachini, vel etiam granis septem magisterii mecoacæ sollicitari poterit.

Panis biscoctus, cum victu aliquo calore exiccante, & attenuante exhiberi poterit, absque suis formidine. Pro qua mitiganda tum sal prunellæ cum aliquo potulento, tum spiritus salis, super cætera auxilia commendantur.

Pro potu verò jubet Hippocr. in lib. de af. Si hydrops à liene fiat vinum austerum Coum, nigerimum potent, & à dulcibus omnibus absterneant. Si verò exurgere possit ager, luctetur. Libro enim 4. de morbis docuerat: Cibos, potus labores, ambulationes constituito, à quibus gracilis, & siccus fiat.

Galenus de arte cur. ad Glauc. moventia urinas summopere commendat. Vina idcirco radicibus, ac feminibus aperientibus medicata, tum lignis fraxini, sassafra, tamarisci optima erunt.

Lixivium etiam epotum, ex prædictorum lignorum combustorum cineribus, vel ex salvia, Cardo benedicto, absynthio. Sed potissimum ex stercore bovino usto ac incinerato inter hydropis celeberrima auxilia numerandum venit.

Quercetanus verò lixivium cinerum juniperi magis effert, si potissimum cum cancris combustio fiat. Qui etiam vinum claretum ex rebus aromaticis agris istis commendat.

Auxiliorum etiam materiæ esse possunt absintium ponticum, Carcerinacei terrestris, betonica, anonis, tartarus, agrimonia, radices apii, fasciculi, asparagorum, eringii, caparorum.

Joannes Elmontius, qui renes clavem gerere hydroticam pro evacuatione aquæ hydropis promulgavit. In potu propriæ urinæ multum confidit, vel pueri impolluti, nam ob sal annexum volatile, citissime per angustissimas vias additum sibi facit.

Forestus hydropicum vidit desperatum, in mari navigantem quidam maris metu merces, & in ventre contenta vomitu projecisset, vitam à domestico naufragio liberavit.

Zacutus Lusit. lib. 2. praxis hist. memorat quod per cauteria, vel vexicantia toto ventri, imò tumenti scroto affixa universa aqua hydropica evacuari potest. In quo casu balsamum causticum meum nullis cedere debet.

Verum totum negotium versatur in hoc quod ut plurimum per longam moram, & stagnationem liquoris cadaveracei, viscera tandem corruptionem subeunt. Ideoque nulla paracentesis liberare potest istos.

Quamobrem consultius erit, vel citò hæc auxilia administrare, vel omittere serò. Securius verò auxilium est, atque secretum Jo: Baptistæ Dolobellæ Veronensis, quo multos deploratos hydropicos Venetiis perfanavit aqua nucum Majalium propinata per 30. dies ad uncias quatuor cum uncia semis tartari albi Bononiensis.

Elycitur verò aqua ex nucibus exiguis, mense maio collectis, & viridibus contusis, & in Balneo Mariæ destillatis cum cortice (& non solo succo expresso.)

Sit fides Empirico Neapolitano qui retullit, se multos perfanasse incocta radice brionia eodem penitus



modo , ac diacitonitum Videlicet cum melle , ac aromatibus . Hydro- pem etenim potissimum ab induratis , ac oppillatis visceribus ortam feliciter tollere posse suspicor . Hanc itaque singulis tribus diebus ad uncias tres circiter exhibebat . Interim brioniae radicem in vino coctam emplastri forma , supra universum abdomem extendebat .

Saxoniae lumbricos terrae , vel erinacei carnem combustam proponit . Per quae dum liberalius urina profunditur , aqua hydrotica feliciter ad renes trahitur ac educitur .

Narrat *Avicenas in capite de cura Ascitis* . *Mulierem copiosissimo malorum punicorum esu , à se ipsa san- tam* . Varignana refert vetulam cocto in olla succo plantaginis , depuratoque hydropem curasse . Quae fortassis Silvii intentionibus quadrant . Nam lactearum ruptionem , lymphaticorum vasculorum ac feri , hydropis causam esse declamat . Ideoque vulneraria decocta propinanda esse insinuavit .

Et hac ratione lumbrici terrae , erinacei combusti pulvis à Saxonia propositus . Tum aqua à nucibus destillata , cum eximia vulneraria sint , & unitates solutas restaurantia , huic operi in hydropicis feliciter inservire poterunt .

Pro illis verò qui per urinam evacuari posse creduntur Elmontius spiritum vitreoli , cum liquore tartari , per triginta dies proponit .

Mihi tamen arriderent potius millepedum , vel lumbricorum cineres cum aqua anonidis , vel in vino anonide medicato . Vel in lixivio ex cineribus absinthii , juniperi , cardui benedicti , scordii , fassafrae , seminum dauci , erismi infundantur

pulveres mille pedum , & lumbricorum in vino albo parato . Quod singulis diebus manè ad unc. iiij. per plures dies exhiberi poterit .

Si vero post factum lixivium , etiam antedicti simplices decoquantur in eodem , multò efficacius erit .

Decoctum ex lignis cum sudore in balneo sicco , vel spiritu vini accenso procurato , cum anexa dieta exiccante , non displicet in illis qui absque multa viscerum labe , sola redundantia frigidorum humorum , laborant , & in quibus Cæticam subesse luem suspicamur .

Sacculus ex aromaticis lignis , seminibus , ac radicibus , cum sale tosto copioso ac cineribus simplicium cephalicorum in vino albo Cretico modico ebullitus , & calidè applicitus , iteratis vicibus , magni emolumenti erit . Prout cocleae cum testis confusis , & sale applicitæ .

Pro evacuanda vero hydropicorum aqua vix aliud auxilium in arte inveniri poterit præstantius Mercurio cum auro præcipitato ; quod legitimum inventum Paracelsi veri hydropicorum fanatoris , ( ut constat ab epygraphie sepulcrali sua Salisburgii ) à nostro Veronensi Bovio Herculis nomine jure merito insignitum , malorum Lerneam Hydram in aquis stabulantem , occulto igne suo exterminare valet novem diebus ad gr. iij. exhibitum .

Si viscerum durities , altaeque obstructions subsint , Artes infra de scyrrho ostendendæ non inutiles erunt . Tunc enim vina calibeata , tum radicibus gentianae medicata , comis absinthii , radicibus brioniae , enulae inservient .

Sed ciathum vini albi potentis , in  
qua



quo cineres cārdui benedicti , juniperi , absynthii , lumbricorum singulis auroris , tum quatuor horis ante coenam efficacissimum reperies .

Hydropici adhuc incipienti martialia auxilia validissima sunt . Ita ut sola limatura martis ad drach. j. cum conserva absynthii pluribus diebus adhibita multos restituerit . Hæc eadem limatura cum corticibus fraxini , tamarisci , juniperi , sassafras sacculo inclusa in vino infundatur , ejusque ciathum æger in prandio hauriat .

Si urina intensè rubra sit , succus plantaginis exhibeatur cum spiritu salis , vel sale prunellæ per aliquot dies ad uncias tres circiter .

*Scyrrhi lienis, ac obstructionum causa, & auxilia .*

**Q**Uoniam lienis usus est inservire pro depuratorio viscere seri nutritii nervorum , acido sapore nimis imbuti . ( Eadem fermè ratione quo hepar pro collatorio viscere inservit cruoris amaro sapore nimis imbuto ) hinc est , quod si tale serum albugineum spermaticarum partium nutritium , crassius , atque viscidius sit , facili negotio stagnans per viscerum calorem magis increassatur , prout in experimentorum examine facilè à calore increassari observamus . Eoque magis si particulis terrestribus , vel salibus crassis , ac rigidis prægnans sit . A quibus tubuli , ac glandularum lienis poruli infarciuntur , ac obstruuntur .

Particulæ enim terrestres , salinæ , increassatæ , hoc facere queunt , & sensim aggeruntur in obstructiones , dum præternaturales atque crassiores , se se


illis tubulis accommodare nequeunt , ac remorantur . Et sic glandulæ à materia viscosa tenaci , terrestribus particulis mixta occupatæ , in tumores assurgunt . Si autem prædominarentur salia , in abscessus cancerosos degenerarent . Verum quia particulæ terrestres prædominântur , ideò in scyrrhos abeunt .

Pororum igitur obstructio , atque lienis notabilis induratio , à sero acido heterogeneo , crasso stagnante producitur . Glandulæque lienis tubulorum suorum obstructione impeditæ , liquorum inibi appellentium motum impediunt , & sic non solum circulationi incommodæ fiunt , sed seri albuginei nervosi depurationi spermaticarum albarum partium necessariæ .

Tantaque est quandoque hujus acidi coagulatrix , ac fixi qualitas , ut liquores in parte contenti in gypseam fermè naturam abeant .

Ob pravam itaque qualitatem ab externis causis introductam , serum præternaturale factum , & à cruore secedens ut in liene depuretur , tubulos sua crassitie permeare impotens , est obstructionum , ac scyrrhorum causa . Atque post tubulos , dum etiam lienis poruli obcæcantur , atque tenuissima capillaria vascula impervia fiunt , inde magna in tota animali œconomia conturbatio subsequitur , ob magnam portionem circulationis humorum ablatam , vel impeditam , & seri albuginei nervosi depurationem magna ex parte sublatam .

Cujus causa postmodum pedum tumores ædematosi , cachexia , hydrops , aliaque seri albuginei depravati symptomata , tabes , & mors ipsa subsequitur .





*Auxilia scyrrhi, ac obstructionum.*

**I**Nimica sunt his affectibus universa dulcia, tum lacticia, & uno verbo quæ nos sub titulo incrassantium alibi recensuimus.

Potius verò conveniunt amara, acria, salsa, ac tenuium partium. Nec non potus parcissimus.

Panis sit benè fermentatus, ac salitus, seminibus fœniculi, anisorum, subactus. Cappares cum aceto mulso, sint vespertinum in cœna acetarium.

Manè in prima mensa jusculum varijs simplicibus alteratum, pro varia exigentia offeratur, nam pro alvi stypticitate malva, mercuriali alteretur. Pro induratis obstructionibus borragine.

Omni studio à cruditatibus caveant, & ab iis quæ crassos succos accumulare possunt.

Quies hoc vitium fovet, & auget. Ideòque cursibus atque exercitiis matutinis potissimum vexatos, plures se sanatos vidisse narrat Aetius.

Sicuti verò ante cibos exercitium pro istis comendabile est. Ita à cibo sumpto summooperè cavere ab eo debent. A crudiori enim chylotransfunte per vibrationes fibrillarum motricium in exercitio factas, obstructiones augentur. Cujus magnum indicium sunt dolores circa hypocondria, quando exercentur à cibo.

Pro istis Hippocr. in lib. de aff. jubet, ut victus ratio exiccans instituat, atrenuans, cibis potionibus, vomitionibus, exercitiis plurimis, atque deambulationibus. In 7. Epidem. narrat quod Eudemus spleneticus, qui cibos, & potus parcè sumpsit, atque deambulationibus usus est, sensim augmento fa-

cto. Cum vinum nigrum tenuè bibisset, sanatus est.

Recentiores multum in vinis medicinalibus tribuunt si potissimū infundantur radices cnulæ, eringii, simul cum calibe, rhabarbaro, & tamarisco.

Cæsus verò de re medica jubet ut valide moventia urinas (ex. gr. semina erismi, dauci &c.) cum universis cibis & potibus semper admisceantur. Hippocratem imitatus 7. Epid. 20. qui hoc Bionis exemplo declarat.

Vascula ex tamarisco fabrefacta, in quibus vinum per aliquod tempus manserit, lienosis satis validum auxilium donant. Cavendum tamen ut parcissimè bibatur, ne illud accidat quod cuidam sycophantæ evenit, qui vinum, ex hoc tamarisci vasculo haurire edoctus à medico, & plurimum haurire, ut citius convalesceret festinans, citissimè extinctus est, factum Epytaphium Lauredani calami cmeritus.

Cum exercitiis matutinis, frictiones in fine supra regionem lienis ante cibum, & linimenta ex unguento artanitæ copioso mercurio admixto, præcipua esse auxilia reputamus.

Interim omni industria alvus lubrica servetur, & potissimum aloeticis ante cœnam sumptis.

Vinum aqua fabrorum percolata, (vel calibeata spiritu salis prius acidiuscula facta) diluatur. Observat etenim Cæsus animalia apud fabros educata, exiguos lienes haberet.

Ex simplicibus commendantur cappares, apium, selinum, fœniculus, malva, borrago, amoniacum, tamariscus, fraxinus, lien hinnuli equini, vel etiam bovis splen, lumbrici, millepedes & innumera quæ aperientium vel diurecorum nomine veniunt.

Cavendo tamen à valdè calidis, & ficcis



ficcis, ut potè quæ tenuiores partes fundere, solvere. evacuare, crassiores, ac terrestriores fixas, & induratas relinquare solent.

Quamobrem semper tuta erunt, quæ blanda humiditate, acidum diluere, ac attemperare, crassum, viscidum occulta acutie incidere, atque à vinculis suis dissolvere valent. Cujus farinae esse creditur decoctum lignorum, cum radicibus caparorum, falsæ, fraxini, & tamarisci. Lixivium quinimò extamarisco, cortice fraxini, lumbricis, & absynthio, nullis auxiliis, pro acidis coaguis solvendis lienis, locum cedere debet ad uncias tres circitèr propinatum.

Sale viperarum pro sale communi in mensa utantur vel sale tartari volatile, aut cornu cervini.

Vitriolum vero Martis, vel sal de capite mortuo vitrioli extractum ad gr. v. bis in hebdomada cum diuretico potulento propinetur.

Jus galli cum calibe, & aliis ab auctoribus propositis, dum præceptor Raimundus Janfortis sua experientia parum proficere observasset in syrthosis tumoribus, potius suadet decoctum falsæ atque sudoriferam dietam qua certum est tumores universos induratos dissolvi, imò gummata Gallica ipsa periossiis agglutinata tolli.

Sic Thomas Villis in hac eadem intentione concordat, & observat quod hi affectus tantummodo curantur per ea, quæ sanguinem valdè exagitant (ut decocta sudorifera, valida exercitia) tum per ea quæ veluti coagulo infuso liberalius urinam provocant.

Hæc tamen cautè admodum in emaciatis, picrocolis, melancolicis, & pravi habitus administranda sunt. Atque potius consilio Actii. & Avicennæ

acquiescendum erit. Videlicet lac asinini pro exiccatis, obstructionibus ac rebellibus, diù propinetur in copia. Nam caseosa, ac butyrofa substantia carens, valdè permeabilis, eadem humectare, atque humectatas, & mobiles factas, ad excretionum vias deducere potest.

Per observationes Jo: Zechii destillatio hujus mali origo, & fons à cerebri glandulis venit. Ideò nisi in sua radice exiccetur, omnia frustra tentantur. Circularitèr etenim invicem procedunt serum nutritium nervorum alienis salibus inquinatum, & lien præternaturalitèr affectus. Sibi invicem manus præbentes cerebrum lien, lien cerebro.

Pro depurgando itaque sero inquinato, & cerebri glandulis restituentis, decocta, sudoriferaque dieta cæteris anteferri debet. Post usum deinde decoctorum, & sudoris, lactis usum cum Avicena rationibus præmonstratis laudamus.

Adminiculantia postmodum auxilia esse possunt sal absynthii, cardui benedicti tamarisci inter salia fixa vel salia Conu cervi urinæ, viperarum volatilia. Tincturæ aperientium in spiritu vini factæ Tinctura tartari, stybii. Conservæ capitales betonicæ, stecados, sed potissimum absynthii. Lien vituli repleti petroselino, fœniculo, asparagis, semine dauci, erismi, petroselini, cum pane craticula contrito, quæ ovi albumine subigantur, inde coquantur, & commendantur, jure etiam epoto. Sed tinctura stybii cæteris præferatur.

Urina propria epota, vel pueri impolluti absque aliis auxiliis multos ab his compedibus liberavit. Vel si urina abominabilis videatur, lixivium pariturex cephalicis aromaticis, ac aperien-



rientibus amaris carduo benedicto, absinthio, fraxino &c. atque manè cum granis salis volatilis ingurgitetur per plures dies.

Acetaria vero ex acutis radicibus, foliis erucæ aceto parentur in quo fraxini cortices infusæ fuerint. Sed capares aceto conditi, tum fœniculus, asparagi monialium cæteris anteferendi.

Mercurialia quascumque aciditates coagulatrices absorbendo attenuant. Atque per summam sui tenuitatem, ac penetrationem per quosvis poros, & meatus sibi vias inveniunt. Dum verò acidum coagulatore deſtruunt, concreta, & indurata, consistentiam suam amittunt, atque in liquamina solvuntur, ut postmodum per glandularum tubulos, & convenientia cribra transcolari; inde ad loca excretionum duci possint.

Hinc est quod in syrrhosis, & induratis affectibus mercurialia, tam inuncta, quam intrinsecus sumpta, efficacissima esse experimur. Nam incidunt, ac educunt viscositatem sale acido coagulata, per glandularum tubulos (viscosis enim eliminandis forsan nullæ in corpore equè sunt aptæ viæ) dilatatos, atque rotundis mercurii particulis spicula acida, acutiora extra solitam superficiem eminentia educuntur. Ad crassos igitur pertinaces humores educendos vix par auxilium mercurialibus invenies.

Atque salivatio per mercurialia, validissimè omnem ferè succorum putredinem equè acidam, ac falsam, visciditate coniunctam, per ductus salivales evacuat. Et dum multum acidi intra suos porulos mercurius assumptus, & glandularum porulos ampliores reddidit, efficit, ut major humiditas per eos transiens, particulas acu-

tas, acres eluat, & viscidas solvat.

Intèr præcipuâ igitur mercurialia auxilia præcipitatum cum auro, Herculem Bovii, Corallinum Paracelsi numeramus. Verum sine molestia pro delicatioribus mercurius sublimatus dulcis, ab omnibus vitriolatis salibus liberatus opus suum feliciter peragit cum gr. novem circiter magisterii mecoacæ. Fit enim inani alkali, quod trahit id cum quo concordat, videlicet acida coagulantia in sero nutritio nervorum reperta eaque in sinu suo recepta, foras secum arripit, & hac ratione induratorum, ac obstructionum fit validissima medicina. Sic flores salis armoniaci martiales.

Et quod mercurius caduceo, atque alis impetrare in hoc affectu nequit. Mars invicto furore frequentèr assequitur. Calybs ergo quocumque modo per os exhibitum obstructionum vincula diffringere valet, per accidens aperiendo. Videlicet absorbendo acido errante coagulatore. Sanguinem præterea exagitans, ac commovens, cordis micationem majorem in cor suscitatur, frequentiores cordis pulsationem promovet. Exinde copiosiores spiritus ex sanguine suscitantur. Per vitriolicum verò spiritum suum, pravas in sanguine tincturas præcipitare valet. Atque massæ sanguineæ jam effætæ ac languenti, volatile igneum quoddam fermentum ceu calcar addit, à quo animales spiritus antea sopiti restaurantur, & excrementis compressi, ac ligati, à compedibus solvuntur.

Hinc est quod in oppillatis, fœtè coloratis, & clorosi laborantibus puelis, ab assumptis calibeatis paulò post pulsus celerior fit, & facies rubicundior.



Commodè itaque in substantia propinari poterit calibis ad scrup. j. & ultra manè jejuno ventre, imperato exercitio ad sudorem usq; horis quattuor ante cibum syrupus scolopendrii compos. Fernellii valdè efficax est.

Vinum etiam extinctionis calibis, vel aqua calibeata pro obsoniorum usu, magni usus erit in istis. Omissis pro delicatioribus, tincturis innumeris quæ passim nunc temporis venundantur. Circulata tinctura calibis D. Hieronymi Rizzeti à præceptore Raimundo Janforte nunquam satis depredata, à me paritèr sanationum conteste non ommittetur.

Monendo quod dum martialibus istis pugnamus, aliquod purgans per intervalla quinque, vel ultra dierum interponendum erit.

Nec non consideratio sit, quod calidis conditionibus præsentibus, magis tutum erit ad diuretica accedere, & à calybeatis abstinere. Quæ frigidis conditionibus præsentibus tutò, & magno cum fructu exhibeatur. Est enim certum ac evidens acidorum absorbens. Ideò limatura martis in aceto, vel alio acido liquore imposita, post paucas horas talem liquorem omni acore spoliatur.

Hac eadem ratione acidulæ martialis vitriolatæ in cronicis affectibus melancolicis excrementa biliosa alkali referentia, atramenti forma secum abrepta prodire cogunt.

Experientia infallibilis etiam edocet, velocissimam esse martis ignitionem, atque in scintillas conflagrationem limaturæ calibis super candellæ flammam projecti. Imò spontè per ignitionem in fornace fabrilis in scintillas erumpit. Satis rationabili conjectura ostendens quod mars copiosis sulphureis particulis inflammabilibus

constet, quorum mobiliiores, ac tenuiores, ad intima penetralia nostra subeuntes, in corde vitalis sanguinis accensionem augeant, flammam de se veluti concipientes. Inde sanguinis rarefactio major, cordis pulsatio, calor, spirituum denique cohortes duce Marte augentur.

Memini quendam medicum febrem acutam cum ingentibus obstructionibus in visceribus naturalibus curare aggressum. Dum calibem frigidum reputaret. Singuloque mane cum syrupo propinasset. Mecum conquestum fuisse quod post secundam circitèr horam sæva cordis palpitatione corripere-retur. Frustrà desistere hortatus, continuata intempestiva martis exhibitione, vidit tandem à viventium libro deleri strenuissimum virum, in martialibus campis olim invictum.

*Colici doloris causa, & auxilia.*

**F**Ermentum fellis, quod juxta naturæ leges chyli aciditatem subigere debet, atque in tertiam naturam, videlicet in falsum volatilem liquorem convertere, si quandoque præternaturalitèr se habeat, tunc vi-tiatur chylus, qui in pravam mucilaginem degenerat, in qua acor se manifestat.

Nisi igitur intestina valido insurgente motu peristaltico ab initio à se eam repullerint, per eorum inertiam sensim adhæret. Tandem vel mole nimis onerosa, vel qualitate mordicanti molesta, ad sui expulsionem intestinum colum potissimum invitat, quod excussionem talis mucaginis à se non facile obtinens corrugatur, convellitur, & hoc violento, ac præternatu-



rali motu sævissimos cruciatus excitat.

Salia ergo triumviratus acida, nisi ab alkali fellis regantur, ac subigantur, doloris colici causæ fiunt. Videlicet causæ occasionales, à quibus intestinorum archeus in convulsivos furores agatur.

Non negamus quod eorum alterutro exaltato colici dolores insurgere possint, sed ut plurimum à mucis acidis pertinacius intestinorum plicis hærentibus fieri consuevere.

Quandoque indurata stercora huic affectui ansam dedere. Aliquando dum acidum, cum tenaci liquore effervescent, in flatuolum gas vertitur, in tunicis intestinorum, sæpius verò in plexu nerveo mesenterico sævit, & horrendos cruciatus excitat.

Bilis per hoc præternaturale acidum, sæpè ita mutatur, ac corrumpitur, ut aquosior effata, expulsiōni sæcūm improporcionata fiat. Ideòquæ in hoc affectu, ut plurimum alvum adstrictam habent.

Quæ verò dolorosæ crispaturæ intestinorum fiunt, ab acido, acri, vitioso proveniunt, crasso, flatulento intestinis hærente. Rarò ex inflammationibus dolor colicus contingit.

Fit quandoque à facie melancolica flatuosa. A grumo sanguinis collo intestino herente. A vermibus. A lapidibus. A stercore indurato. A venenis. A purgantibus validis, de sceptica natura participantibus. Ab acore præternaturali cibi, vel potus. A sale acido in liquoribus exaltato. Quo vero humor peccans acidior fuerit, dolores etiam intensiores erunt.

Vides ergo, quam variæ ac multiplices esse possint causæ proximæ doloris colici, nam intestina, tubuli

sunt amplissimi, ac emissaria communia univerforum liquorum, ac excrementorum.

Pro causa verò immediata, irritatum Archeum facultatem sensitivam, cum ceteris doloribus, colicus quoque dolor agnoscit. Ideòque non ineptè inter affectus nervosi generis reponatur; imò inter affectus cerebri, quando liquor albugineus nervorum nutritius, in excrementum acetosum degeneravit, & cum lymphâ per œsophagum ( titulo pituitæ ) ad ventriculum descendit, vel à visceribus ( lien, pancreas, glandulæ, &c. ) ad intestina festinavit. Ubi mordicans, atque fibras sensibiles distendendo, ac ab inuicem divellendo in corrugationes dolorificas, & convulsivas animales spiritus erumpere facit.

Talis succus vitiosus à cerebri glandulis per nervorum tubulos ad infimum ventrem descendens, juxta mesenterium potissimum, & partes dolentes deponitur ac congeritur, facta verò plenitudine, per longam moram magis acescens, acrior factus, sponte turgescere, & in campum certaminis descendere potest spiritus etenim animales ab eo irritati, impetuosius influentes, crispationum, ac dolorum veræ sunt causæ.

Motu potissimum ordinario intermisso, mesenterium, aliaque partes sensibiles membra naccas tumultuosè inflantes, contrahunt fibrillas, explosionibus suis interpolatos dolores concitantes.

Particulæ tamen non simplices, & homogeneæ, sed etherogeneæ, salinæ, terrestres, sulphureæ, &c. circa mesenterium, & intestina hærentes, irritantes, ac veluti inflammationem minantes, sunt sping Helmon.



montianę, Archei, qui univerſorum ſymptomatum protomotor poſtmodum eſt; nam vomitus, ac aliorum viſcerum ſubverſiones, à motibus ſpaſmodicis ab animalibus ſpiritibus irritatis veniunt. Ideòque alvi dejectiones etiam frequentes apparent quandoque, & tamen colici dolores perſeverare obſervantur.

Veteribus non repugnamus qui bilem dolorum huiusmodi cauſam eſſe reputarunt. Nos enim fatemur cauſarum multipliciſſimam in hoc affectu, atque inter cęteras numerari bilem poſſimum pinguiorem, quę cum ſucco pancreatico acidior potenter, ac vitioſe efferveſcens, fit horum dolorum ſecunda mater, dum incrassa, inteſtinis heret, iſſidem reluctantibus.

Idem tenuis humor bilioſus, ſalinus, mordicans, tenuitate ſua inter coli inteſtini membranas inferitur, & pertinacem affectum, exitum tarde inveniens producit quandoque.

*Auxilia adverſus colicos dolores.*

**A**Nte omnia, cum quo liquore pugna committenda ſit advertere debemus. Si etenim adverſus bilem acrem, tenuem pugnandum ſit, occurremus acidis, aulteriusculisque onſacio, ſucco granatorum, &c. tum oleoſis emulſionibus ex amygdalis, ſeminibus papaveris, melonum. Tum alimentis glutinoſis, bilem incrassantibus, ut ſunt gelatinę ex animalium extremitatibus, vel ex ebore, & radicibus consolidę cum oſſibus contritis.

Pręſervativum, atq; validum confortativum adverſus colicam, vinum

ex junipero eſt, acoro, & cimino. Non minus verò à tota Germania vinum aromaticum abſythio inſuſo alteratum commendatur.

Alii ſaſſafras in vino commendat, & pro condendis ferculis aſſiduò zinzibere utuntur.

Acida univerſa peſte, & angue in hoc affectu pejora fugiantur, quando de acida incrassa mucagine indicia appareant.

Fructus idcirco horarii, & quę ſunt facilis corruptionis omnino arceantur. Æquè à vino acido, ac à dulci avertē faciem. Qui ſine febre ſenex eſt, vino Hyſpanico ſed modico uti poterit, in conditionibus frigidis.

Archei inteſtinalis furorem mitigare ſolet, holocauſtum omenti arietini, vel vitulini, aut vervecini, alteriusque animalis recenter occiſi, ventri appliciti cum vel etiam ſine oleis camomelli, violarum, anethini, & pulvere florum camomelli.

Rebus omnibus deſperatis, ad balneum ex ſolo oleo olivarum deveniemus, vel ex equa portione decoctionis inteſtinorum vervecis, & herbarum antedictarum anodynarum, & oleo olivarum.

Aliis cataplaſma placet ex farina hordei, lacte ſubacta, & vitellis ovorum cum pulvere camomelli. Caleſcientia etenim, atque ſpirituosa ſemper ſuſpecta eſſe debeat, ne ſpiritus in *αταξίας* promoveant, & in inorditiones majores erumpant.

Fila canabina in lixivio cocta, ventri calētia applicita, per alcalicam energiam coagulata acida ſolvendo magnum afferunt levamen. Sacculi verò ex furfuribus ſale, aceto, & floribus camomelli vino albo incocti, & appliciti incrassatam bilem diſſolvunt.



Si verò de conductionibus fervidis absolute constet, validissimum auxilium centies à ineexpertum, cum infallibili fructu est focus ex aqua frigida sola repetitis alternatim petiis frigefactis per horam circiter.

Si verò etiam copiosum nitrum in eadem frigida solvas, efficaciorum reddes, & omnem flatum ac effervescentiam sedabis, prout nitri spiritus epotus facere solet.

Clysmata ex lacte, decoctione malvarum, oleo amygdalarum dulcium, decocto capitis castrati, & consimilia in conductionibus fervidis usurpantur, prout ex oleo seminum papaveris, amygdalarum, olivarum, aut lini.

Verum in frigidis conductionibus ex decoctione carminativa, floribus camomelli. Sed efficaciora sunt ex propria urina, vel lixivio cephalicorum; aut ex vino albo cum drach. 5. croci metallorum. Vel ex radicibus elenii, carduo benedicto, absynthio in lacte coctis, addito vitello ovi, & oleo camomellino in quo castorei modicum dissolutum sit, & extractum baccarum juniperi.

Sacculus ex furfuribus cum cimini copioso, sale communi, floribus camomelli, baccis juniperi in vino incoctis, calens applicitus, à materia flatulenta ortos dolores valde compescit.

Zacutus Lusitanus testatur quod lupi sterco de collo gestatum non solum dolores colicos sanat, sed ad eos arcendos magnum prophylacticum est. Nos lupi venatione capti intestinum ad drach. j. exhibitum citissime dolores colicos sopire potuisse observavimus non semel. Antiquata etiam meorum observatione, qui semper in hunc usum pro pauperibus

bus asservatum dispensabant.

Vecherus de secretis asserit. Et Cardanus de subtilitate confirmat, quod umbilici infantis portio præcisa post partum, in annulo argenteo gestata, ut carnem tangat, summum curativum, ac præservativum dolorum colicorum est.

Sicuti in causa frigida externam umbilici illitionem zibeto commendamus, interius verò aquam vitæ juniperinam, & absynthii. Sic in causa calida gelidam ventri affatim per petias repetitis vicibus affusam, semper profecisse vidimus insufficienti etenim torpore inducitur, dolorem sedare observat Hipp. 5. aph. 25. fermentatione sopita, ac spiritibus retardatis.

Pro qua indicatione obtinenda, opiata nullis cedere debent, quia non tantum symptomata sanare, sed causam tollere valent. Nam calidum succum refrigerando, tenuem, mobilem incrassant. Ideoque naturæ obediunt reddunt.

Imò si intimius res examinetur etiam in causa frigida, urgentibus doloribus omninò adhibenda sunt opiata, atque papaveracea. Ex magnis etenim doloribus arguere debemus materiam peccantem magnæ activitatis esse, tenuitatis, & acredinis, quæ per sola opiata mirè infrænari, ac coerceri potest. Ad infrænandum insuper spirituum animalium impetum in partes sensitivas, ac membranaceas intestinorum, vix excogitari possunt auxilia opiatis paria.

Valet igitur potissimum tinctura opii, vini spiritus extracta, vel laudanum nepentes, aut saltem decoctio florum papaveris, vel emulsio seminum papaveris vespere tempore somni.

Si verò affectus ab acido pancreatico



tico fiat, seu à causa melancolica, atque à sero nervorum nutritio acidiori facto, tunc opiata alcalicis, & absorbentibus maritentur, margaritis, cornu cervino, lapide bezoardico, pulveribus testaceorum &c. in progressu deinde ad usum lactis descendendo.

Verùm in calidis conditionibus, cum ardore, calore circa viscera naturalia, siti, vomitu biliosorum, alvi dejectionibus, dentur absque hæsitantia in aqua vel decocto florum papaveris, vel camomelli laudanum opiatum ad gr. iij. circiter cum guttulis spiritus nitri. Atque emulsiones opiatae, ex seminibus papaveris vesperi non intermittantur. Ut sic inducias habeat æger, & acres irritantes particulae corrigantur humorumque ac spirituum impetus moderetur.

Quoniam ob alimenta improporcionatis salibus prædita, vel ob medicamenta irritantia, purgantia, sæpè recurrit dolor. Ideò anodyna semper tuta judicantur, & à quibus irritationes, ac nervorum contractiones mitigantur, inter quæ oleum amygdalarum eminere consuevit, solum, vel cum decocto florum camomelli, aut papaveris, vel etiam oleo ex seminibus papaveris expresso admixto.

Nam quantum fieri potest, adversus dolorem pugnandum est. (Dolor enim contractiones facit. Contractiones vicissim dolores pariunt. Sicque dolor est causa doloris) secus materiam peccantem inobedientem auxiliis cæteris invenies.

Paracelsus sagaci satis indagine notavit, quod à cibis stypticis, ponticis diù, vel in copia usurpatis hujusmodi dolores insurgere solent. Ideòque adversus naturam stypticam, vel ponticam unctuosa pugnando victo-

riam reportare possunt; per oleum potissimum amygdalarum, vel commune ad uncias circiter quinque in decocto florum camomelli, vel etiam aqua simplici ebullitum.

Sed super cætera olea, illud commendat, quod ex seminibus papaveris expressum est. Olea etenim universa ferrè attrahunt, ac absorbent in se acida morbifica vellicantia, dolorum causæ.

Umbilicum zibeto inungere docet, spinam verò dorsi vino albo generoso cum oleo camomellino. Ad flatus verò sedandos à materia ferventi elevatos, papaveraceis utitur. Item aqua simplex bulliat, eique ferventi adde quartam partem olei communis, & grana aliquot piperis crasiusculè triti. Capiat æger semiciathum calidè quantum ferre poterit, atque dolor in momento sedabitur.

Oleum itaque amygdalarum ad unc. vj. sumi poterit cum vino albo aromatico, & syrupo de papavere.

Pro attemperando verò sero acido, frigido, melancolico à liene, pancreate, glandulis veniente, tum oleosis, tum aqueis insipidis pugnabis, tum papaveraceis, quæ etiam simul mixti efficacia sunt.

Purgantia autem tuta non sunt, nisi prius humor acidus attemperetur.

Vrgente admodum siti, & calore, ne timeas aquam frigidam propinare, animatus Galeni monitis lib. 12. meth. cap. 7. *Ejusque usu testatur Amatus Lusitanus se talem dolorem subito incantamenti ad instar sustulisse. Eadem felicitate se usum fuisse tum assumpta, tum exterius frigida ventri admota testatur Septalius, duabus historiis lib. 7. animad. practicarum.*



Universalitèr curatur dolor colicus bilem pinguiorem attemperando per suboleosa, & potissimum per opiata, & papaverina, quæ oleo expresso ex seminibus papaveris, vel decoctis floribus, vel forma emulsionum & syrupi, cocleatim semper adhiberi poterunt absque noxa, donec imminuto dolore, somnus subsequatur.

Galenus enim 12. meth. monet nos cautos esse debere in caloricis exhibendis, etiam levibus. Humores enim liquare possunt fermentationem inducere flatus inde elevare, atque sævissima tormina concitare, nisi ignis, & flammæ adinstar morbificas materias resolvere possint, ac discutere. Ut faciebat Galenus, qui in rusticis alium loco theriacæ exhibere solebat.

Tutiora idcirco papaverina blanda, aut oleosa. Observat enim Galenus 5. de loc. aff. quod tum colicum nephritici doloris curatio communis utrique est ab initio. Videlicet per dolorem mitigantia. Verum in progressu diversa esse debet &c. Ideoque præta omni alia intentione, de torpore inducendo sollicitus in lib. 12. meth. æstivo tempore siticuloso colico per solum frigida potum oblatum illico sanitatem donavit.

Dolorem colicum à causa frigida exortum sanavit Gordonius oleo amygdalum dulcium oblato cum vino malvatico, modica theriaca, & castoreo. Ad attemperandam enim acidæ incrassatæ pituitæ acrimoniam, nullis auxiliis cædit castoreum potissimum si tinctura, extractum in spiritu vini, vel succini tinctura, aut salis armoniaci exhibeatur.

Ad effervescentem flatuum mineram citissime cohibendam, spiritus nitri cæteris anteponi potest in ju-

sculo, vel decocto florum camomelli propinatus.

Vel in colica flatulenta exhibentur vini malvatici unc. j. s. aquæ vitæ Matt. unc. 5. ol. amygdal. dulc. unc. j. laud. opiatum gr. ij. canphuræ gr. iij. croci gr. vij. spiritus salis scrup. 5. syrupi de papavere unc. v. Misceantur pro uno haustu, vel etiam cocleatim assummantur.

Lac paritèr coctum cum allio con- similes dolores potentèr tollit. Vel lac cum multis floribus sambuci coctum, matutino tempore haustum. Si vero etiam oleum amygdalarum dulcium, cum gr. iij. canphuræ addideris, efficacius reddes.

Adminiculantia auxilia ex quibus variæ formulæ postmodum concinari poterunt sunt semina anisorum, vel oleum anisi destillatione elycitum. Semina fœniculi carvi, coriandri saccharo cooperta, quæ adversus pastam acidam incrassatæ pituitæ pugnare valent.

Prout amygdalarum amararum oleum. Alaudæ cinis, vel etiam carnes comestæ. Oleum amygdalarum persicorum, vel nucum, vel etiam olivarum cum vino malvatico. Sed efficacius est oleum ex seminibus papaveris, & jusquiæ cum croci, & canphuræ gr. iij. Cera oleum, vel cera dissoluta ptisanæ forma cum farina seminum lini quam calidissime epota. Jus copiosum, plurium limacium elixorum, alvum solvendo dolorem, & doloris causam extirpat si potissimum cum drac. j. salis prunellæ propinetur. Galerita avis combusta in potu data.

Validior tamen à me experta est talpa in clybano exiccata, & pulverizata ad drac. j. in vino propinata, Gulmerinæ domus Veronensis



secretum , quo afflicti pauperes sublevare gaudet . Spiritus salis cum potulentis diureticis . Cortices aurantiorum conditæ pro frigidioribus stomachis . Dulcia , pingua oleosa cum papaverinis . Decoctum florum camomelli solum , vel aqua florum camomelli cum syrupo de papavere , & spiritu nitri . Vel cum ana emulsionis seminum papaveris . In spiritu rosmarini , lumbricorum pulvis , vel viperarum exhibeatur , & corpus ad sudorem disponatur cum oleo succini ad gut. vij.

Si de viscerum imbecillitate magna suspicio sit , magnæ antidoti non omittantur theriaca , mitridatum , aqua cinamomi , elixir vitæ Matt. perlarum pulvis cum aqua florum aurantiorum . Confectio alkermes cum oleo succini . Balsamus Orientalis , vel Pervanus cum salearmoniaco . Oleum amygdalarum dulcium cum copioso spermacæti ( ad acida attemperanda ) in vino malvatico , vel jusculo .

Quibus nil proficientibus ad usum lactis devenies papaverinis ebulliti . Tum ad balneum aquæ dulcis , vel lactis vel intestinorum animalium mactatorum , oleo olivarum , & decoctione radicum althææ liliorum alborum , foliorum malvæ , florum camomelli , sambuci .

Fotus ex oleo copioso ranarum , vel infusus Montagnanensibus facile parabilis est cum magna utilitate , eo enim in lucernarum usum abutuntur . Quo etiam bis cataplasmate ex capis incoctis in dicto oleo deploratos colicos restitutos vidi .

In defectu vero olei ranarum semel in oleo scorpionum capas incoxi , & mihi cum Galeno hæsitanti de dolore colico vel nephritico , fæ-

liciter res successit acida pituitosa pasta soluta , & per copiosam urinam profusa .

*Illiaci doloris , ac volvuli causa , & auxilia .*

**I**Nflammatiæ intestini ilei , archeo partis , & animalibus spiritibus negocium facessens est in causa alvi stypticæ , vomitus esculentorum , dolorum , &c. Ob hunc itaque orgasmum , ac furorem animalium spirituum in tenellas coli fibras orbiculares , transitus liber coarctatur , peristalticus motus invertitur , & in membranosis ilei sentientibus partibus immanis dolor excitatur .

Talis itaque angustia originem habere solet ab humoribus intra tunicas ilei hærentibus . Quibus angustiatæ impurus chylus crassioribus suis fæcibus commixtus , libere transire nequit , vel ejus tenuioribus partibus præterlabentibus , crassiores ad ventriculum regurgitant .

Quandoque non ileum , sed proxima intestina ab humoribus pravis intra membranas suas impactis , & per moram , & caloris actionem acrioribus factis vellicantur , & convelluntur , dum ab archeo irritato animales spiritus in subsidium vocantur , atque turmatim advolantes , contractionum , crispationum , ac Convulsionum sunt causæ .

A qua sola convulsione quandoque intestina angustari , & immanes dolores excitari consuevere . A motu verò peristaltico intestinorum inverso alvinarum fæcum vomitus subsequi solet .

Contractiones verò excitantur , dum spiritus animales è tendinosa



mesenterii fimbria, in annulares fibras carneas, tum in longitudinales pariter fibras carneas profiliunt, quas tumefaciendo, breviores, ac contractiores faciunt.

Spiritus ergo animales sunt, qui spasmos, & corrugationes dolorificas promovent. Inde intestini affecti motus peristalticus (a quo alvi faeces, versus sedem provehuntur) inhibetur, imò prorsus, invertitur.

Immediata ergo dolorum causa animales spiritus irritati sunt (seu efficiens proxima) Plures vero causæ materiales esse possunt. Nam quandoque vermes. Frequentèr puita conglobata. Non semel carunculæ in tenuibus intestinis adnatæ. Ordinariè à fecibus alvinis induratis, sine irritatione, aut acredine fit. Ab inflammatione, ab obstructione intestinorum qualibet. A stercore acido. Ab humore incrassato acido. A flatu. Ab alimentorum corruptione, & cruditate. Ab esu fungorum, vel conchiliorum, vel forbarum, vel venenatorum, & corruptorum ciborum. A tumore insigni, vel inflammatione progressa ad sphacellum alicujus sive tenuis, sive crassi intestini. A fecibus in duodeno, vel ileo induratis. Ab ingressu intestini in partem proximam, videlicet dum pars inferior in superiorem, vel superior in inferiorem protruditur. Hoc enim mediantibus flatibus, intestina violentèr pellentibus quandoque acidisse à viri fide dignis relatum est.

Volvulum etiam factum ex inflammatione non solum ilei, sed etiam coli multi viderunt. Dum enim fibræ carnosæ violentèr, ac convulsoriè contrahuntur, feces ab inverso peristaltico motu versus ileum re-

pulsæ iliacam passionem seu volvulum horrendum faciunt. Potissimum si inflammatio ad sphacellum progrediatur.

*Auxilia ad Iliacam passionem,  
ac volvulum.*

**A**NTE cetera, tenuissimus vitus instituendus est, & qui nil habeat acrimoniæ nec irritamenti (à cibo verò somnus procuretur) Precipuumque curationis negotium in ciborum abstinence reponatur, non secus ac in vulneribus intestinorum. Sic enim vomitus præcavebitur, qui morbum auget, morbi causam exasperat, inflammationem, & tormina majora facit.

Adde quòd alimentum exhibitum, nullum affert egro solatium, quoniam neque probè concoquitur, neque cedere potest in nutrimentum, sed planè corrumpitur. Atque chylus cum excrementis commixtus, atque detentus præternaturalis fit, nidorosus, vel acidus, & horrendos vomitus excitat.

In potu major potest esse libertas, nam morbo contrarius eligi potest, neque adeò promptè corruptibilis, ut aqua hordei cum sale prunellæ, serum cum emulsionibus. Oxieratum cum rob fructuum. Vina artefacta, aliaque multaquæ alimenti ac medicamenti vicem gerant. Jus, vel expressum ranarum vel cammarorum. Serum in copia alteratum, plantagine portulaca, circa initia inflammationis. Cydonia in jure incocta. Plantago in aceto, & jure.

Multaque hoc loco referri possunt quæ pro acutis morbis obsonia destinata recensuimus. Saccarum rosatum,

vel



vel ejus tincturam, sed potissimum aquea, insipida edulia commendamus, cremorem ptisanæ, panatellas cum portulaca contrita, in emulsionibus factas. Et pro potu aquam hordei, vel emulsionem ex 4. sem. frig. ma.

Interim vitare debent frigida, cruda, flatulenta, & salsa, pingua, aliqua insigni qualitate prædita, vel molesta condictione irritantia, quæ dolores, ac inflammationem augere possunt.

Si ergo ab inflammatione affectus fiat, aer potius eligatur frigidus. Si à fœcum induratione, potius humidus, qui observatione *Hippocratis in 3. aph. 16. aluum laxare solet*. Idem dicatur de cibis, & potibus. In inflammatione etenim cibi refrigerantes sint. In fœcum induratione emollientes.

Et sicuti in inflammatione, & volvulo ab hernia facto quies, & somnus conducere possunt magis. Ita in volvulo ab impedito libero transitu intestinorum motus, & modicæ vigiliæ commendabiliore sunt.

Externa auxilia sedulo in usu ponenda sunt namque si à fœcibus induratis, vel à copiosa mucagine (vitrea puita olim dicta) acore incrassata intestinorum vias obstruente fiat affectus. Exterius omentis recentè ab animalibus extractis applicitis, vel in oleo rolarum, violarum, liliorum, nenufaris teporem adeptis pugnabis adversus tormina, ac inflammationem.

Sensim ad majora ascendendo, videlicet ad fœtus cum sacculis malva, altheæ radicibus seminibus lini in lacte incoctis, & applicitis, cum pinguedine vulpis, cati, mirmenti. Tandem ad balneum ex solo oleo, vel mixto cum decoctione emollientium de cynis.

Familiare fomentum meum ex floribus camomelli, sambuci, radicibus altheæ foliis malvarum, cum oleis expressis ex seminibus papaveris, & hyosciami, ac liquore lumbricorum fit quæ etiam cataplasmatibus formula, cum farina hordei, & lentium applicantur.

Animalium quorumcumque catuli vivi disecti, & loco dolenti appliciti, loci archeum laceffitum ac indignatum suo sacrificio placant. Validius quam animalium omenta in oleis camomellino, papaverino, & consimilibus fervefacta, & applicita. In quibus (ut verum fatear) ipse, & alii parum frugis semper collegisse fatebimur.

Sed potius certa victoria, in conditionibus fervidis Galeni posca frigida ventri applicita pugnativimus, atque inflammationes incipientes, dolores, universa symptomata, imò causam ipsam, frequentè eradicatam vidimus. Nam facta alvinarum fœcum depositione per introductum refrigerium, motus peristalticus ad suum naturalem motum restitutus est, & ad sanitatis armoniam omnia composita.

Hoc anno evenit medicinæ doctori Coniliano quod cum absque subligaculo ad visitationes processisset, tantus fuit intestini prolapsus, dolor, & inflammatio ut de volvulo periclitaretur. Cum ergo de repositione varia cogitarentur. Sola frigida cum petiis iteratis applicita dolor, inflammatio cessavit, intestinum intra pauca minuta retrocessit, & die sequenti ad suas visitationes abiit.

Quirigitur frigidæ usum externum, imò & internum noverit (ut superius innuimus) in his affectibus curandis portento similia facere reputabitur.



Si vero efficaciorē aquam reddere optes, nitri bonam quantitatem ei admiscebis, ubi flatuum minera cohibenda sit, & ingens æstus de repente extinguendus torpore introducto.

Enemata etiam cum opiatīs eximia auxilia in hoc affectu sunt, & potissimum inferioribus intestinis laborantibus. Tunc enim sal Saturni, vel oleum saturni. Cum lacte naturali, vel artificiali ex seminibus potissimum papaveris, & oleo ex iisdem expresso intra breve tempus dolores, & universa symptomata tollere possunt.

Ab oleo etiam amygdalarum dulcium, vitellis ovorum, oleo ceræ non abhorrebis, & ab unctuosīs, modo quæ per vomitum, & aluum deiciuntur valdè biliosa non sint, tunc enim ab oleis universis, atque ab unctuosīs tutius est abstinere. Hæc enim Hippocratis observatione, ad inflammata minimè conducunt.

Decantatum auxilium in volvulo penès neotericos invenio, & potissimum penès Jo: Helmontium, globulos plumbeos devorandos. Quos tamen venerabilis antiquitatis inventum esse fateamur. De quibus expressè Trallianus meminit.

Pareus verò Mercurium currentem ad libras tres, & ultra cum aqua proponit. Quo solo auxilio, multos jam morti proximoscē sanasse fatetur, dum intra pauca minuta his alvus solvitur, & mercurius cum molestiantibus exit.

Jo: verò Elmontius claro satis sermone testatur se neminem volvulo perire permisisse. Sed exhibitis mosquetorum globulis (duodecim circiter) solo pondere urgentibus, molestiantia in intestinis contenta per alvum citissimè depulsa fuisse. Quo verò plures hauriuntur, & majores,

co tutior, atque velocior sanatio subsequetur. Modò post eorum summptionem stet, ambulet, vel saltem rheda, lectica, vel aliter erecto abdomine vehatur.

Franciscus Silvius hæc eadem propriis experimentis confirmat. Jubet verò ut plumbeas pillulas cum oleo amygdalarum degluriant.


Verum multo promptior, ac expeditior est mercurii currentis sorbitio, quæ etiam ad libram circiter fieri potest, cum jusculo pingui, ne usquam intestinis hæreat.

Ex Riverio, affectus si à fecum retentione procedat, balneis emollientibus, etiam ex oleo solo, tum portione copiosi olei amygdalarum dulcium solius, vel cum vino albo, aut si dolor vrgeat, cum syrupo de papavere ipsum sanare docet.

Si itaque res siccæ adstringentes assumptæ fuerint (cum sorbæ melspila, cidonia imatura &c.) quæ feces in intestinis inertes, incrassatæ reddiderint, per hæc oleosa, ac pingua oblata certa sanatio subsequetur.

Quoniam ab intenso dolore, & à motu peristaltico intestinatorum inverso hujus affectus cardo consistere solet, idcirco ut hæc sedentur ad opiata confugiendum, ut spasmodicæ contractiones desinant, spiritus ad naturales motus, ac ordines suos redigantur eaque subsequantur, quæ fusiùs de dolore colico exaravimus.

Sic emulsionēs opiatæ, syrupus ex floribus papaveris. Laudanum opiatum Oleum amygdalarum cum decocto, & syrupo ex floribus papaveris, accommodata auxilia sunt.





*Lumbricorum causa, & auxilia.*

**G**eneratio lumbricorum, neque in stomacho, neque in duodeno peragitur. Imò si diutius in stomacho persistunt, per modum cibi conficiuntur, ac dissoluuntur. Vbi ergo fermentum bilis non assurgit, ibi lumbricorum patria est. Fiunt enim ex alimento semidigesto. Atque opponitur fellis fermentum lumbricorum generationi, putret enim citissime chylus, nisi fellis balsamo, ac sale conditur.

Stercorea itaque putrefactio, vermium causa reputanda est (& potissimum cadaverosa carniū ac assumptorum corruptio) activis particulis spirituosus igneis avolatis, vel suppressis, humidis verò, ac passivis exaltatis, ac prævalentibus cum tepido calore.

Cælum etiam, atque exterius advenientia verminationis seminaria ad hanc vitalem putrefactionem, vermium matrem concurrere possunt, non secus ac in caeco, qui potissimum mense Iulii, & Augusti vermiculosus fit, non sic aliis temporibus, & potissimum hyeme. Qui adeò insectis adversatur, ut in Moscovia, Tartaria, & aliis algentibus regionibus nusquam reperiantur, cum neque æstate vigente compareant,

Absentibus igitur balsamicis salibus, vividis spiritibus, atque activis igneis particulis compressis. A loci tepore, alimentorum dispositione corruptibili, extrinsecis adminiculantibus, sal ab aliis principiis separatur, atque supprimitur, putredo exinde manifestatur. Sal enim vinculum principiorum est, mumia, & rerum

balsamus, à quo universa in vita servantur.

In verminatione itaque idem evenire rationabile est, quod evenit eis qui panem, & mel in certa proportionem componunt anni temporibus non admodum frigidis, & post aliquot dies inde vermes progeneratos fuisse observant. Sic in homine tales compositiones fieri possunt, quæ externis adminiculantibus (tepore ventris absentia bilis, & hyemis) in verminationem erumpant manifestam.

Cum igitur insectorum generatio æquivoca sit, neque universa ab ovo, neque universa à putredine oriri certum est. Imò quædam sunt quæ neque ab alio animali, neque à putredine oriuntur, sed ordinaria naturæ lege, ut sunt insecta illa quæ in variis plantarum fructibus semper reperiri observavit solertissimus D. Franciscus Redi.

Ideò credibile est equivocam pariter in homine vermium generationem esse. Atque putredinosus, ac præternaturalis quidam calor, respectu nostri, respectu lumbricorum vitalis, & naturalis, eos ad vitam vocatos, lactare valeat.

Causa materialis antiquorum pituita dulcis, putredinem concipiens credebatur. Verum quia ut plurimum post abusum dulcium, vel post prauum victum, & corruptibilem, vermes in campum erumpunt; ideò immediate (absque eo quod in varias formas liquores mutantur) per solam alimentorum corruptelam vermes generari possunt, ut plurimum,





*Auxilia adversus lumbricos.*

**C** Ardanus in libello suo de malo medendi usu errorem putat cum saccharo quidquam exhibere in aff. & omnibus verminosis. A saccharo etenim vermes augentur, ac foventur. Error est etiam copiose cibare. Cruditates etenim in primis viis lumbricorum sunt causæ.

Quare omni studio optimæ concoctiones procurandæ erunt. Cibique omnes medicamentosi, atque cordiales, putredini resistentes esse debent, qui idcirco croco, malis citriis, aromatibus condiri debent.

Si adsit alvi fluor, neque clysteria, neque medicamenta purgantia locum habere debent. Sed vermes necantia adhibeantur, austera acida, amara, acuta. Ut absynthium, scordium, semina fantonici, succus citri. Vinum absyntite.

Verum præsentē febre acria, amara, acuta lædere possunt, & calorem febrilem augere. Imò vermes jam enecatos putrefacere, & sic majorem putredinem, ac fermentationem augere; idcirco omittenda sunt. Et eorum loco potius acida, frigida, austera eligantur, succus limonum vel portulacæ, acetosæ &c.

Pro ordinario potu, aqua cordialis aliqua offeratur in qua mercurius currens agitato sit, vel saltem in eadem ebullierit. Ego verò in ignito crucibulo impono mercurium, & ebullientem ac fumantem in aquam portulacæ, vel faxifraggiæ, rutæ, rosarum scorzuneræ, galegæ, citri, vel cordialem Saxonæ sufficienti spiritu vitrioli acidiusculam factam mercurium currentem projicio. Ratus quod nisi ignis calore rarefiat densissimum mer-

curii corpus, & aqua acidiuscula sit, modicum de sua virtute, eidem communicare possit.

Absente febre, potens est vinum in quo scordium per horas 24. infusum fuerit.

Vitent ægri fructus horarios, & res facile corruptibiles, tum carniū æsum nimium. Atque cruditates omnes peste, & angue deteriores reputent.

Corpus ad sudorem usque exercitiis fatigent, ante cibos. Amarum potissimum delectentur, atque attenuanti victu utantur.

Si sumptis cineres scordii, absynthii, & lumbricorum simul crematorum vnc. j. & in aqua portulacæ vel alia cordiali decoxeris, ut fiat lixivium, cui addas deinde oleum amygdalarum amararum, vel persicorum ad vnc. ij. circiter, in vnc. iij. lixivii. Statim lactis formam induere videbis, ut statim hauriri possit. Et validum auxilium habebis, quod vermes, & mineram verminosam si quod aliud extirpare valet. Solis enim cineribus ordinariis, & aqua puteali facto lixivio, & addito oleo communi, in ruricolis deploratis, mira effecisse sepius expertus sum.

Si exhibueris aquam cordialem in auratoribus, ut amalgama suum factum ex auro, & argento, saltem tribus vicibus extinguant, habebis adversus febrium malignarum putredinem, tum adversus verminationem validissimum auxilium.

Si adsit alvi fluor, plurimum valere reperies acida imbibentia, cornu cervinum, ebur præparatum, corallia, margaritæ, os de corde cervi & crustacea cum decocto, & succo plantaginis & portulacæ, nec non ab earum seminibus expresso. Et hæc etiam



etiam præſente febre. Nam febre abſente calidiora, ac amara uſurpari poterunt quæ infra dicentur.

Oleum commune, ſuo lentore animalium illorum, quæ ſola tranſpiratione vivunt ſpiracula occludere poteſt, & ſic lumbricos interficere valet. Verum præſente febre, non ſic tuta eſt inflammabilium oleoſorum, in ſtomacho corruptelis prono exhibitio. Vel ſi propinetur, amygdalarum ſit, cum copioſo ſucco limonum, vel granatorum.

Hæc autem animalia, quoniam à ventriculi imbecillitate, atque ab ejus depravata cōcoctione fieri conſuevere. Ideò univerſa, quæ pro ventriculi imbecillitate propoſuimus hoc loco recenſeri poſſent.

Raimundus Janfortis commendare ſolitus aquam roſaceam, cum acido citri, vel limonum. Quæ ſi organis plumbeis deſtillata fuerit, aptior erit. Cibos vero aceto, & ſucco citri conditos apponere jubet, ſantonici ſemine aſperſos.

Inter vermes necantia, maximam prærogativam, aquam cordialem Saxonix habere, ab omnibus una voce conclamatum eſt. Ejus tamen energiam potiffimum in ſpiritu vitrioli fundari ſuſpicamur, per quam mucoſitatibus, & corruptionibus adverſatur. Ita ut quælibet aqua, cordialibus potiffimum, vel ex ſimplicibus cephalicis elicitæ eadem præſtare poſſit.

Inter elmintica auxilia (ex quibus auxilia varia parari poſſunt) eminerè videntur portulaca, ejusque ſemem. Graminis radices decoctæ. Cinis eorundem lumbricorum combuſtorum. Succus limonum, auran-  
tiorum, citri, ſpiritus vitreoli acetum, oleum, cappares in aceto.

Oleum amygdalarum amararum, vel perſicorum. Caro pariter, ac pulvis viperarum. Succus majoranæ, rutæ, aut horum ſemina ſed potiffimum hyperici. Baſſamum orientale. Petreolum. Oleum Abacuchi. Monacorum Sanctæ Juſtinæ. Dictamnium. Scordium. Allium. Scorzonera. Contrahierva Tormentilla. Terra ſigillata. Stibium diaphoreticum.

Amatus Luſitanus proprio experimento ſuper cætera Santonici ſemen ſaccaro coopertum deprædicat. Quod re vera magni eſt uſus apud Italos, tum Zedoariæ conſectio, vulgò Zenoina dicta, indiſcriminatim uſurpata.

*Nephritidis ac lithiaſis cauſæ,  
& auxilia.*

**A** Renulæ equè ac lapides in homine concreſcere ſolent, non vi caloris externi liquantis, deinde exiccantis (ut multi arbitrati ſunt) ſed potius ad inſtar lapidum in terræ gremio, dum glutinoſa materia mercurialis, volatilis, congregiens cum acida ſulphurea, A terreſtri ſalina proportionè in matrimonium copulatur (quibus pro vinculo inſervire non recuſat) Et ſic tertia natura concretorum reſultat, arenularum, vel lapidum.

Hinc eſt quòd omnes humani calculi, equè ac lapides tum metalla ab optimo ſpiritu nitri ſolvuntur, tum ab aquis fortibus, à ſalibus elicitis) dum vincula cognatorum ſalium diſfringuntur.

Fit ergo calculus ab acido, ſalino coagulatore. Qui inveniens pinguem tartaream, fixabilem, volatilem ſubſtantiam (chylum indigeſtum; nec probè fermentatum, ethereogeneis particulis prægnantem) ſa-



Et nuptiali vinculo lapidem pessimum in homine monstrum in partibus generationi destinatis procreat.

Ex minutarum tamen arenarum sensim facta appositione, calculus primò exiguus in prægrandem molem excrefcit, dum glutine quodam conjunguntur, atque à spiritu acido coangulantur. Videlicet serosa materia viscosa sensim in duritiem lapideam acido mediante concrefcit.

Tale verò acidum ab insito renum fermento depravato venire rationabile est. Nec non rationi consonum valdè est, serum nervorum nutritium, in coagulationes pronum, hoc depravato renum fermento acido adinventum, tum loci calore præternaturali quandoque in durissimam lapideam materiam concrefcere. Cum certum sit synoviam articulorum (quæ est ejus soboles) in durissimos tophos in podagra coagmentari.

Spiritus tamen acidus, volatilis necessarius est ad lapidis generationem, & concretionem, quem Neoterici lapidificum spiritum appellant, & causam efficientem. Sicuti causam materiale præcipuam serum nutritium nervorum reputamus. Minus verò principalem causam, atque remotiorem chylum non optimè præparatum, in nostra sententia judicamus.

Nostræ vero opinioni consentient universi, qui hypostasim, nubeculas, atque in urinis contenta (per quæ signa decantata cruditatum vel coctionum habentur) non à chylo venire perfecto vel imperfecto, sed à nutritio succo spermaticarum partium fatentur, prout, & nos suo loco monstrabimus.

Sic mucus, qui præfente magno calculo in vexica assiduò deiecitur cum

urina, succus nutritius membranosa ac nervosa vesica est, qui dum læditur à molesto hospite, partem sui alimenti assiduè plorare compellitur, & novum alimentum semper exposcere. A spermatica etenim parte rejectus succus nutritius, in mucosam indolem degenerare observatur, quæ postmodum in concretiones prona est, ut superius innuimus.

Nephriticus igitur dolor, fit à tentata solutione continui, ab inhærente materia aspera (sabulo, vel calculo) & inde facta dolorosa crispatione fibrillarum renum, & ureterum.

Per ductus itaque nerveos ad renes albugineus succus deductus, ac in eorum cavitatem effusus acido præternaturali fermento adinventum, post factam effervescentiam concrefcit.

Hunc albugineum nervorum succum sale prægnantem Paracelsistæ mucilaginem tartaream dicerent, in lapidis generationem pronam, videntes quod urina ad matulae parietes (instar tartari vini ad latera doliorum) concrefcit.

Sal ergo solutum quod in succo albugineo ferè semper continetur. eundem ad concrefcendum in duritiem lapideam disponit.

Et hac ratione considerata, si materiam calculi tartaream esse dixeris non aberrabis. Dum scilicet à potulentis vel esculentis, aut aliis procatharticeis causis adducitur id quod turbare potest probam quartam concoctionem in membris, & potissimum in partibus spermaticis. Hac turbata atque ablegato sero nutritio, impuro, atherogeneo, acido, ad loca excretionum, & ad renes malè affectos, acido præternaturali instructos,



salibus cum particulis etherogeneis, vinculo acido mediante, in lapides concrefcere cogitur.

A copiosis verò salibus concretionem fieri magnum indicium est quod in urina satis clara atque perspicua materia arenularum, vel lapidum ad tempus invisibilis est, quæ per evaporationem calore mediante, vel per refrigerationem tandem in fundo, vel in lateribus vasis manifestatur, ut in salibus solutis evenire observamus, non sic in terrestribus particulis.

*Auxilia adversus arenulas.*

**I**N universis morbis recta dieta instituta semper proficua est. Verum pro calculis, tum avertendis, tum eliminandis adeò necessaria est, ut ea contempta, frustra universis auxiliis pugnabis.

In primis itaque ab acribus abstineant effervescentibus, fætorem urinæ imprimantibus, nec non à vinis generosis.

Aetii præceptum est pro calculosis, ut à cœna vomant, atque à diureticis abstineant. Vomitus autem pro præservatione bis in mense sufficere poterit. Semel verò in hebdomada parcissima cœna unius saltem diei comendabilis est.

Decipiuntur itaque illi, qui ad valdè attenuantia intentiones suas dirigunt, quæ ut plurimum irrita fiunt, nam inflammant, atque saburræ partem subtiliorem ressolvunt, parte crassiori restitante, magisque concrefciente.

Crassæ substantiæ tamen alimenta, & ea quæ difficultè concoquuntur vitanda sunt, ut caseus vetustate exiccatus acris (ex acido coagulo

prædominante factus) verminosus, carnes salitæ, fumo induratæ, & uno verbo quæ cacochema esse reputantur.

Si quandoque cruditatibus aggraventur, somno longiori indulgeant. Neque tamen super plumas dormiant, à quibus, renum fervor foveri, atque augeri possit.

Quibus acida pasta frequentè ex cruditatibus hæret in primis viis, absynthiaca familiaria sint.

Verum cruditates omnes, veluti pestis fugiendæ in his affectibus, qui crudam mucilaginem calculorum, & arenularum mineram, & matrem agnoscunt. Idcirco si semel tantum in die cibum sumpserint isti, saluberimum esset. Sin minus novem, vel decem horarum intervallum sit inter prandium, & cœnam. Nil etenim his deterius, quam commestio supra indigestum ex Avicenæ monitu.

His nocere solent universa lacticiuia (potissimum sine arte adhibita) hæc etenim ad calculi generationem plurimum conferre notat Hippocr. lib. 3. de morbis sec. 5.

Acida stypticantia, sua adstrictione his affectibus parum convenientia esse consuevere.

Parca semper sit cœna. Vinum album potius quam nigrum austerum bibere expedit. Atque à diureticis non abstineant, præsentè calculo in vexica.

Vinum infusionis radicum ononidis summum præservativum à Nephritide est. Secretum olim Illustrissimi, ac Excellentissimi D. Francisci Donati quo amicos suos renum calculis pronos suo munifico dono præservare gaudebat. Hæc solum præscribens, ut in mensa ciatho sui vini semper uterentur, Cœna parca, &



& optimis cibis. Quibus bona fide testor plurimos præservatos semper vidisse.

Formula verò vini conficiendi erat, mense Augusti, luna plena radices ononidis colligere colligendas esse curabat. Vindemiæ verò tempore pro singulis centum libris (circitèr) uvæ expressæ uncias tres radicum anonidis fermentandas in vase imponebat. Si vero extra vindemiæ tempus vinum parandum fuisset duplam quantitatem radicum adhibebat.

Atque ut verum fatear non minorem numerum recensere possem eorum, qui vino infusionis baccarum juniperi uti fuere cum fructu (meo monitu pro frigidioribus temperamentis) Vel vino passularum, & liquiritiæ pro emaciatis, & plurimis acribus liquoribus reffertis.

Eligant prout ad hos affectus super cætera vina optima. Et sunt, tenuia, nullis insignibus qualitatibus prædita, in apricis locis natis, vel sabulosis, & non petrosis.

Verum me paradoxa dicere quis verebitur, & tamen certa experientia testari possum quod vinum raspatum (graspiæ Italicè dicta) scilicet vinum secundum, post transfusionem musti, seu primi vini (quod linguam mordicat, super cætera diuretica infallibile diureticum est, quod intra horam urinam dejicere cogit) si in mensa assiduè bibatur, ab omnibus arenulis, & calculis tutissimos reddit. Modo proba vivendi ratio in cæteris consentiat.

Imò (quod mirum esse videbitur) dum calculi, & podagra sint cognati affectus, & ab eadem causa scilicet sero nutritio nervorum depravato proveniant, amboque Gorgonem lapidificam secum gestent, Hoc te-

nui Bromio vini raspati suffulti se se à diris podagricis compedibus liberare possunt. Atque à se jactis lapidibus, morbos, dolores, & mortem ipsam arcere solent.

Verum abstinere debent à lactariis. Seque continere à satietate, ab esu pinguium, à piscibus dura testa connectis. A carnibus suillis, annosis salitis. Ab extremis, & à visceribus animalium. A piscibus malæ notæ, vel sine squamis. A palustribus avibus. A condimentis acris aromaticis, pipere excepto, & cinamomo.

Diuretica valida, & ducentia ad urinas procul absint, in illis qui præservari cupiunt. Imò in prima mensa jus pullæ alteratum malva adhibere debent. Vel more Polonum unciam unam vel alteram recentis butyri, cum bucella panis recentis assummant.

A cibo verò cydonium, vel grana duo, aut tria mastiches devorent. In plumis non dormiant. Atque omni arte procurent, ut venter laxus sit, atque cruditates omnes ad alvum ducantur.

Cavendo à carne suilla quavis arte condita. A caseo quovis. A fructibus acidis stypticis. Ab cleribus, faniculo, selino, asparagis, raphano, tuberibus, fungis. Edulis ex pasta. Vino albo generoso. Non dormiant supini. Jejuno ventriculo exerceantur. A cibo quiescant. Intemperies calida, & prava renum dispositio refrigerantibus, confortantibus, & specificis quantum fieri potest avertenda. Passulæ his familiares sint, potissimum in prima mensa ad alvi, & urinæ simul, & ad viarum lubricitatem procurandam.

Ne renes incalescant, tegumentis, pon-



ponderosis neque exercitio vacandum erit. Vel exercitium leve, corpore à cruditatibus vacuo faciendum erit.

Amicus meus se à calculis, & arenulis immunem fecit, facta infusione ligni nephritici in decoctione, vel aqua ononidis, qua cerulea facta, ad diluendum vini ciatum unum, aut alterum in singula mensa utebatur. Quo auxilio etiam multos se sanasse gloriabatur.

Multo fortè rationabilius quam *Galenus 3. de alim. fac. 15. qui corturnicis carnem lapidem frangere insinnavit*. Cum tamen viri principes, & qui in quotidianis deliciis corturnicibus abutuntur, sunt rusticis capis victitantibus, his lapidibus à forte percussi frequentius, & vehementius.

Ruricula quædam vetula magnum consecuta nomem in his affectibus tum curandis tum præservandis. Sola facta infusione globulorum cynosbati crasse contritorum, & seminum dauci in vino. Quo in prima mensa ad unc. vj. singulo die uterentur, mane & vesperi. Non solum etenim arenularum copiam deiectiones, sed crassos lapides vexicæ confractos cum urina profusos fuisse, per hoc auxilium gloriabatur.

Pro calculi præservatione somnus potius sit prolixior, quam brevior, nam primarum viarum cruditates maximè concoquit. Exercitium (potissimum pilæ ludus) ante cibos commendatur, post cibos vituperatur. Calculum enim (in vexica potissimum) ex voracitate generari, & motu post cibum violento *Tra-lian. & Paul. asserunt*.

Alvus lubrica seruetur. Alvo etenim benè procedente, puriora lotia proflunt. Quare utile consilium est

in prima mensa semper jus pullæ passulis alteratum summere, quandoque mixtum tartaro.

Solo vomitu Ægyptii præservabantur. Videlicet semel circiter in hebdomada vomentes à cœna, inde vacuo stomacho obdormientes. Manè verò absynthii conservam, vel decoctionem bibentes, fræquentèr etiam amaricantibus gaudentes. Nihil enim equè cruditates à renibus divertere potest, quam vomitus.

Si quandoque diuretica ob renum inundationem, vel ad deturbandum lapidem adhibenda sint, corporis motibus potius, quam quieti indulgendum erit.

Memini in nobili viro quod diuretico propinato, dum rheda veheretur saxi agitata, lapillum à renibus deturbatum feliciter in eadem mingendo deiecit. Rheda verò pro hac intentione par auxilium non habet in deieciendis calculis.

At pro præservatione ambulationes, & exercitia modica commendantur. Otium etenim cruditatum, atque sæculentarum subsidientiarum pater est; quæ in progressu immotæ acefcunt atque incrassantur. Ab exercitio verò spiritus, & fibrillæ sentientes exagitantur, illi ad viscera, & ad membra universa uberius confluentes, excretiones molliuntur excrementorum.

Intempestiva Venus, fortè super omnia nocet; nam renum nutritios liquores exagitando, corrumpit, vel deteriores facit. Renesque præternaturaliter incalescere faciendo, insito spiritu, & calore privat, vel immittit.

Externa auxilia omittenda non erunt. Nam ad dolores lithiasis demulciendos, post factam externam inun-



inunctionem cum oleo scorpionum, & à feminibus papaveris expresso, injiciatur lac recens cum granis canphuræ.

Semipodium verò ex decoctione florum camomelli, parietariæ, asparagorum, equè pro doloribus nephriticis, ac pro lithiasi intervire potest. Vel etiam ex solo oleo olivarum parato.

Enemata pariter in dolore potissimum nephritico medicamentis purgantibus præferri debent. Dolorem enim leniunt, & fecalia excrementa, renibus contigua, quæ ipsos opprimere, ac gravare possunt evacuant. Loca circumfusa emolliunt, ac dolores leniunt, peristalticumque intestinorum motum ad deiciendum undique stimulant, ac accelerant nihilò secus ac medicamenta purgantia.

Lapis Istatis qui Venetiis apud Armenos mercatores frequens est, supra renes alligatus valdè efficax esse creditur.

Cataplasma ex capis parietaria, & oleo scorpionum pubi applicitum, in lithiasi quandoque mira protullit. At in nephritide laxationi, ac emolliitioni ductuum urinariorum super catara incumbendum est. Ideò exterius oleo liliorum alborum, amygdalarum pugnandum erit.

Frequentibus clysteribus alvus sollicitetur, ne intestina fecibus induratis distenta, renes magis præmant. Sint verò enemata emollientia ex lacte saccharo, & butyro. Vel ex decocto malvarum, florum camomelli, radicum althææ cum additione olei liliorum alborum. Terebenthina verò soluta cum vitellis ovorum, deinde lacte admixto non ebutyrato, efficax auxilium his donat emolliens.

Oleum expressum ex feminibus papaveris, & hyosciami, & amygdalarum dulcium ana ad uncias duas injectum, intra breve tempus dolores omnes consopire consuevit, omnem flogosim tollendo. Syrupus althææ compositus Fernelii valdè commendabilis est. Opiatorum insuper mira est efficacia in cura potissimum nephriticorum dolorum, quando lapillus ad renis infundibulum, vel ureterum principium pervenit, tunc enim irritando dolorificus factis contractionibus convulsoriis, ac crispationibus in fibrillis sentientibus ureterum, eisdem angustiendo, lapillis transitum negat. At per opiata, dum quies spiritibus impetratur, & dolores sopiuntur, omni tensione cessante, liber transitus lapillis, arenulis, aliisque renum excrementis conceditur.

In paroxismo ergo nephritio, vrgente dolore, vigiliis, detur emulsio ex sem. frig. ma. cum pulvere oculorum cancri, & grano uno, aut altero laudani opii. Vel decoctio alkakengi cum tinctura opii rasura Cornu cervini, liquiritia, & fructibus cynosbati.

In lithiasi si dolores & conatus vrgeant, in lacte dissolvatur drach. j. philonii Romani cum gr. x. canphuræ. Quia semper diuretica calorifica, in his suspecta sunt (& potissimum in naturis calidis) ideò refrigerantes emulsiones, & quæ de diureticorum refrigerantium numero sunt (ut lapides cancrorum, alkakengi &c.) semper tutiora reputanda, cum papaverinis potissimum usurpata. In dolorumque vehementia nunquam oleum amygdalarum dulcium omnittatur ad unc. v. cum unc. j. olei ex sem. papaveris expressi.

Emulsio itaque in decoctione hordei,



dei, ex amygdalis, sem. papau. & portulacæ, ter in die propinari poterit. Atque ab aliis narcoticis abhorrendum non erit, à quibus sanguinis & liquorum omnium effervescencia retundatur.

Atque ut verum fatear, dolores à calculo in renibus excitatos, à solis opiatis, & papaverinis commodè leniri potuisse tantummodò observavi. A quibus non impeditur, imò cæterorum litontripticorum vis promoveri solet, spiritibus, & sanguine modificatis.

Jo: Elmontius salis marini usum calculosis proficuum esse insinuat his verbis. Virum sexagenarium à calculo renum immunem servavi annis 16. (calculis enim obnoxius erat) longo salis marini usu. Sal etenim marinus urinæ injectus impedit ne arenulæ lateribus vasis coagulentur. Resolvit etenim materiam, paratam coaguli. Insalubris est etiam victus absque sale. Nam sal resolvit excrementa stomachum suo mucore gravantia. Putrefactiones impedit, mucilagines dissolvit, arenulas pellit. Ita ut utile sit sal calculosis, tum in suo corpore, quam in suo spiritu.

Uteri itaque saxipari infundibuli renum, & Gorgonici fermenti petrifaci vera curatio, & lapidum resolutio desideratur adhuc. Prosunt tamen humectantia althea, malva, oleum amygdalarum, non ut putant scholæ amplificando vretes, sed spasmum demulciendo eorundem.

At Paracelsus in lib. de morb. tartareis Pro prophylaxi calculosarum affectionum docebat: *Curandum ut nutrimenta tartaro careant quantum fieri potest. Nec non cum stomachi officium sit concoquere, & separare. Dum hæc munia rectè facere nequit adjuvandus*

est. Videlicet ut tartara concoquere, & resolvere possit. Quod fieri poterit per confortativa, & rectificativa acetosa, esurina. Quæ duplicia sunt. Naturalia sunt fontium, ut acidula. Artificialia sunt acetosa vitriolata. In sola etenim aciditate potentia digestiva consistit. Aqua verò Valteline Sancti Mauricii cæteris omnibus efficacior est. Per hanc enim stomachus adeò roboratur ut tartarum digerat nihilo ignavius, ac struthio ferrum.

Arenosa materia si quandoque à renibus removenda sit, ac abstergenda. Hoc frigidiusculis, vel temperatis saltem facere tentabimus, succo limonium, cum decoctione malvæ, & liquiritiæ per plures dies. Vel in aqua aut decocto portulacæ, plantaginis emulsionem fiant potissimum seminum melonum, ac papaveris cum sale prunellæ.

Exteriùs verò albumina ovorum duo quassata cum aqua rosarum, & succo citrifale, & alumine, nec non modico sale saturni, panò lineo excepta, regioni renum applicentur.

Omnium efficacissimum litontripticum à Raimundo Janforte censetur cæparum albarum succus cum vino moscatello albo ad vnc. iiij. quod semel exhibeatur, & duabus horis ab hoc haustu levitèr ambulet, vel saltem pedibus stet.

Pro delicatioribus ipse jubere soleo tres, vel plures magnas cæpas, pulvere seminum dauci ad vnciam semis conspersas, & saccaro pulverizato ad vnc. iiij. circitèr coopertas. Super craticulam ligneam, suposita patina, paucis post horis liquor præciosus descendit. Qui solus ad vnc. iiij. vel cum uncis duobus vini albi propinari utilitèr poterit etiam repetitis vicibus. Et



post horam vectio rheda inter saxa fiat.

Renum intemperies tantoperè à veteribus decantata saxifica causa, à nobis aptiori fortè vocabulo imbecillitas renum appellabitur, qua mediante dum succi nutritii portionem suam allabentem probè assimilare non possunt, eandem plorare coguntur, ac variorum excrementorum forma in matulis deicere conspiciuntur. Hæc ergo intra renis infundibulum alimentum delatum aliquo acore imbutum, per moram incrassare, ac tandem ad tephaceam imò lapideam naturam deducere valet, ut in podagra.

In nostrarum assercionum testimonium experientias universales adducimus, eorum omnium, qui in aliqua corporis parte, manifesta imbecillitate laborant; ibi enim facili negotio de doloribus, de laboribus conquerruntur, & quod valdè considerabile est, de magno calore, & æstu queruntur in eadem parte imbecilliori, falsò se valdè biliosos esse reputantes, quare aquam bibentes, & ad refrigerantia valida conversi, magis læduntur.

In hanc choream faciliè ducuntur senes illi, qui ob hanc imbecillitatem frequentèr in tibiis erisipelatosis affectibus tentantur, qui oleosis, & frigefactoriis sepe ad cancrenas deducuntur, sale verò, aut vino generoso, ac roborantibus sanantur.

Talis igitur calor morbosus ab imbecillitate, seu à calore nativo partis marcescente potius fit, (& non ab adaucto) propter quam portionem sui succi nutritii alabentis in propriam sui substantiam vertere nequit, sed per moram depravat, & corrumpit. Qui postmodum hostilis factus partes sensitivas laceffendo spiritus, sanguinem

## Abdominis

cum calore ad se vocat.

Eadem penitus ratione me de renibus verba facere possem magna parasylogia. Verum intelligenti pauca. Atque sufficiat veram, & legitimam causam lassitudinis circa lumbos, dolorum obtusorum premonstrasse, & molesti caloris in regione renum, ut putent decepti patientes se Etneam fornacem in visceribus continere; ideoque Mediteranei aquas eidem circumponere amarent; cum tamen de sola confortatione, & apto nutrimento eorundem solliciti esse deberent. Juvenes etenim, & robustiores partes rarò ab erisipilate tentari observantur.

Non negamus tamen quod præter hanc confortationem calculis obnoxii procurare omni arte debent, ne crassæ, viscidæ materiæ copia in corpore accumuletur. (Nos fortè aptius dicemus ne succi albuginei nervosi impuri copia in corpore succrescat) hæc etenim ad renes debiles nutriendos delata, facili negotio depravatur.

Vomitibus per antimonialia procuratus, verè & autumno valdè his commendabilis est, crassos enim peccantes liquores à tubulis universis primarum viarum cum magno fructu remove; ut postmodum glandulæ omnes, & universa viscerum collatoria, liquorum depurationibus vehementius, & liberius incumbant. Nec solummodo biliosas tenues inviscatas; sed crassas, & longa mora coagulatas saburras remove possint.

Si quandoque blandis attenuantibus diureticis opus sit. Decoctum petroselini, saxifragiæ raparum, asparagorum, cicerum, radicum anonidis seminum dauci, crismi, non infimum locum obtinebunt.

Si autem ad vesicam ducentium ac lapidem frabilem frangentium vires exoptes.



exoptes. Cinis scorpionum, vel cicad-  
darum, vel vermium terræ cum emul-  
sione 4. sem. frig. Vel cum aqua in qua  
per noctem lignum nephriticum infu-  
sum sit propinetur.

In emaciatis lactis asinini usum præ-  
cæteris commendatum reperies penès  
Hippocratem. Et re vera ad renum  
mundificationem, & ad intemperiem,  
& calorem eorundem tollendum (suc-  
co nutritio nervorum albugineo dolci  
ac nutritioni apto præparato) vix in  
arte par auxilium reperietur.

Avellanarum assiduo usu quidam  
calculosus omninò liberatus fuit, pe-  
nès Amatum Lusitanum. Verum par-  
ce singula vice his vtendum erit, sunt  
enim crassi nutrimenti, & difficilis co-  
ctionis. Ut suo loco in lib. de cons.  
val. exaravimus.

Quoniam in transitu calculi potissi-  
mum angulosi ureter contrahitur, at-  
que præ dolore crispatur. Ideò diure-  
tica exhibenda sunt, quæ simul ano-  
dyna dolori, & antispasmodica con-  
tractioni renitantur, atque convulsi-  
vos illos motus placare possint. Ut  
oleum corilli, seu avellanarum, &  
nucleorum persicorum. Vel gummi  
cerasiorum.

Oleum etiam succini (balsamum  
Europeum dictum) cum spiritu salis  
inunctum exterius in regione renum,  
tum per os exhibitum, nervosarum  
partium dolores mitigat, atque à re-  
nibus calculos deturbat.

Spiritus vero salis diureticus lito-  
tripticus est, mucilaginem potentèr  
dissolvens, dolores mitigat cum spiri-  
tu, vel oleo terebenthinæ, vel quo-  
cumque modo adhibitus.

Cancrorum etiam oculi facultatem  
habent per vrinam pellendi, arenulas,  
calculum deturbant. Nullumque in  
homine tartarum adherere sinunt.

Spiritus tartari pro eccellente lito-  
triptico à Paracelfo deprædicatur. Imò  
à legitimis tartari præparationibus tar-  
tareorum morborum sanationes spera-  
ri posse declamat.

Adversus verò vexicæ calculum va-  
rias nugas, ludique Paracelsi garitus,  
inter medicos audias mirifica promit-  
tentes. Fides sit apud expertos lapi-  
dum alborum fluuialium præparatio-  
nem. Vel lapidis ab humana vexicæ  
extracti. Nos enim potius in optima  
lapidum cancrorum præparatione spem,  
& operam impenderemus. Prout ve-  
lamentis suis Paracelsus, in tractatu  
de serpentibus innuere nobis vide-  
tur.

Ex ligno paritèr nephritico, cri-  
stallo, sale marino, succino, bora-  
ce, sabina, myrrha, danci, & crismi  
feminibus, cantaridibus cicadis, scor-  
pionibus varia præparatione validis-  
sima à viro prudenti auxilia haberi  
poterunt. Sed potissimum incinera-  
tione, & salificatione, vel tinctu-  
ra.

Aqua destillata ex globulis cynos-  
bati, sole in signo canceri degente,  
arenulas à renibus & lapides non tan-  
tum deturbare, sed calculos ipsos in  
vexicæ diffringere potuit.

Ut verò validior fiat, post destilla-  
tam aquam, cum sale sui capitis mor-  
tui conjungatur.

Fructus halicacabi, radices onon-  
dis, cæpæ, radices eringii, saxifra-  
giæ valida suppeditare possunt auxi-  
lia aquis, extractis, infusionibusque  
suis.

Sal vrinæ volatile in spiritu vini, vel  
vino albo aromatico. Vel spiritus  
salis dulcificatus in ononidis decocto.  
Vel nitrum ab antimoniali præpara-  
tione residuum. In calculis frangen-  
dis, imminuendis, vel à suo loco de-



turbandis nullis auxiliis palmam cedere jactant.

Pulvis leporis combusti magni nominis venatoris secretum fuit, quo amicos præservare gaudebat, patruoque meo dono dedit. Ipse verò fido experimento observavi quod asellorum combustorum cinis, validissimè acidam mucaginem calculi nutricem, & quandoque genitricem diffringere, dissolvere & evacuare solet; lapidem ipsum tophaceum in vexica vel dimovet, vel frangit, si potissimum etiam per externa auxilia ejus vis convalescat ex, gr. si pubes & perineum oleo scorpionum illiniatur, lumbricorum, cum sapone, sale nitri & cantaridum pulvere in modica quantitate.

Diuretica in acesione, atque præsens doloribus, contractionibus, atque inflammatione periculo plena sunt, ne copiosior materia ad locum affectum ducatur, majorque in loco angustiato, & contracto infarctus subsequatur. Cujus causa ægros hujusmodi fræquentèr obijisse observavi.

Quamobrem tutius est uretes humectando ampliores reddere ut superius ostendimus &c. Valet itaque succus citri, gummi cerasiorum modicè sed fræquentèr adhibitum.

Lapis humanus pulverizatus cum ana nitri rafinati, & tartari albi detonatus, super porphiritem in cæla ad liqueendum positus, pro legitimo ducech Paracelsi ab aliquibus deprædicatum audiui. Qui ad lapides omnes internos conterendos Herculeam clavam gestare creditur si singulo die in juscule anonide alterato propinetur ad guttas aliquot.

Pulvis millepedum (seu ascellorum illorum qui cællarum vinariarum parietis semper inhærent) lotorum, exic-

catorum ad drach. 5. in vino albo dulci, cum urina copiosa suburram omnem, & lapidem omnem quandoque pellere potuit.

Pro viis laxandis sine intermissione gummi cerasiorum uti permissum erit, nam absque irritationis, ac inflammationis periculo blandè operatur semper.

Si quandoque magno impellente opus sit ad mercurium dulcem diureticis, vel dejectoriis admixtum (pro ut opus esse videatur) accedes. Tenuitatis etenim suæ ratione, undique sibi vias parat, & eximium seri nutritii incrassati depurgatorium est, glandularum vias referans.

De stomachi validitate (ut innuimus) semper sollicitus eris. Ideò in frigidis conductionibus potissimum Chiocolata utantur.

Tincturam calcis vivæ penès multos magni fieri reperio, & revera in acidis coagulatis efficax est ultra quam credi possit. Sed non minus efficacem esse reperio longo tempore adhibitam antimonii tincturam. Vel oleum terebenthinæ ad scrup. j. adhibitum. Imò ipsa terebentina cum luteo ovi dissoluta, leniendo, ac vias dilatando simul calculos, & arenulas pellit.

Si autem majori pulsione opus sit, ad vnc. iij. olei amygdalarum dulcium, addatur guttulæ spi-

ritus terebenthinæ,

& drach. j. pulveris exiccatorum

millepedum.



*Dysuria Stranguria Iscuria causa, & auxilia.*

**G**Radu tantum differre secundum magis, & minus Ischuriam (integram urinæ suppressionem) ad dysuria (videlicet ab urinæ difficultate) penès medicinæ proceres statutum est.

Aliqua tantum variatio intercedit in causarum assignatione. Supprimitur enim quando vrina quoniam ad vexicam descendere posse prohibetur.

Supprimitur adhuc ab impetuoso spirituum animalium influxu, sphincterem vexicæ spasmodicè afficientium, à quo comprimitur, musculusque contrahitur cum fibris suis, dum materia acris, irritans illum ad contractionem cogit, & urinæ egressum prohibet.

Quandoque talis affectus ob nimiam vexicæ repletionem contingit, ut in phreneticis atque vehementer delirantibus quandoque observavimus.

Supprimitur tandem urina præobstructione, vel compressione meatus urinarii, ob tumores circumiacentes, vel à calculo, mucilagine, vermibus, caruncula adnata; & similibus.

Stranguria, (quæ etiam urinæ ardor dicitur) in qua urina gustatim affluit, senibus familiaris est. Ideoque magnum indicium est, ab imbecillitate, ac laxitate renum fieri & vexicæ propter quam alabentia nutrimenta rectè conficere nequeant, sed corrumpant, & per stagnationem acriora, mordacia, irritantia fiant urinæ vasis.

Probabile est etiam, non renum solummodo vitio; sed etiam totius fie-

ri posse, dum scilicet in vasis sanguifluis acidum vitiosum reddundans ad locum renum depurgatorium delatum, suorum salium copiosiorum angulositate, sensitivis uretræ ac vexicæ fibrillis molestum, irritans, dolorosum fiat.

Quandoque etiam à peculiari causa provenire posse fatemur. Cum enim fellis officium sit chyli acidum in tertiam naturam (videlicet falsam) mutare. Si tantillum immutatum relinquatur, stranguria citissimè excitare valet. Hoc claro exemplo per vina raspatha, penès languidos stomachos Italorum fieri observamus. Tum in cervisæ novellæ potatoribus Germanis quandoque præ festinatione brachas humectantibus.

Fit universalitèr ab urinæ acrimonia excoiante, & ab irritato sphinctere. Fit à semine acri corrupto in gonorrhea. Fit à sale acido corrosivo, membranas ductus urinarii vellicante, à cibis, vel à medicamentis proveniente, ut à cantaridibus &c.

*Diabetis, & mictus involuntarii causa, & auxilia.*

**P**raternaturalis urinæ deiection, vel ratione substantiæ alienæ ab urina, vel ratione quantitatis nimix, assumptis potulentis non correspondentis diabetis nomine insignitur.

Hæc affectio à mala renum diathesi quandoque ortum ducit, dum à causis internis, vel externis innatus eorum vigor debilitatus est, quam obrem alabentia nutrimenta in propriam substantiam commutare nequeunt, eorumque fermentum corrumpitur.

Quandoque fieri consuevit à sanguinis compage nimis laxa, atque dissolvi pronâ, & à sale acri solvente, san-



sanguinem à sero lymphæ, & aliis contentis liquoribus separante, ac præcipitante.

Ideò experientia ostendit quod si vinum acidulum assumatur, copiosa urina profunditur sic per succum limonium, spiritum salis, vel vitrioli.

Fermentum pariter renum nimis acidum, viarumque laxitas, & patuli pori, multum ad hunc affectum contribuere possunt; & potissimum in diabete legitima, in qua potulenta excernuntur prorsus immutata in odore, colore, sapore.

Spuria autem diabetes, in qua iusto copiosior urina profunditur, fieri consuevit ab erroribus in cibo, vel potu. Ut evenit aquæ diureticiæ portione, vel alimentis serosioribus, vel habitu corporis constipato, vel humoribus in toto corpore imò carnibus, & aliis colliquatis. In quo affectu pedum ædematosus tumor apparere solet. Atque dum corpus contabescit, sitis clamosa vexat.

Urinæ autem incontinentia, seu urinæ involuntaria deiectio, à sero nimis acro, falso fibrillas sphincteris, & musculi vexicæ stimulant, atque ad excretionem impellente fieri consuevit, sed potissimum ab acore concepto provenit.

Quandoque tamen à narcosi quadam inducta in eodem sphinctere, & vexicæ musculo oritur, cujus causa obstupescens sensitiva facultas ad deiciendum non insurgit. Sed eadem ferme ratione dum vexicæ musculus paralyti afficitur, urinam sponte prodire permittit.

Frequentior tamen est quadam vexicæ & musculi ejus stupiditas, quæ ingredientem urinam non sentit, ut ipsam retinere possit, moveatur suo tempore, vel in motu tonico persistere sciat.

### *Auxilia ischuria stranguria &c.*

**P**RO Stranguria, dysuria lapides cancrorum, corallia, pulveres testaceorum, vel testarum ovorum ad drach. j. in vino albo, vel aqua ononidis auxilia efficacia esse consuevere. Salia enim acida in massa sanguinis, & undique in sero aliisque liquoribus vagantes, à crustaceorum pulveribus excipiuntur, & invaginantur.

Clyster ex solo lacte, vel ex solo oleo amygdalarum, vel ex emollientibus paratum, accommodatum erit.

Decoctum sabinae potentèr urinam pellere potest. In urinæ verò suppressione, potus quantum fieri potest vitentur, ne urinæ copia molestare possit. Atque cum modico potulento tinctura ex millepedibus, cicadis, apibus, cantaridibus in spiritu vini acuatō spiritu salis propinetur ad scrup. j. Vel lapides cancrorum, cum sale prunellæ ad drach. 5. excipiantur in terebentina Veneta, ac in bolis exhibeantur.

Spiritus etiam terebenthinæ & salis, qui steterint supra pulveres millepedum infusorum validissimi in eodem affectu sunt.

Emulsio nucleorum persicorum in aqua, vel decocto anonydis facta magnificienda est.

Exteriora interim auxilia subnectenda erunt de quorum numero præcipua sunt cataplasmata, ex capis cum parietaria decoctis, & oleo ac pulvere scorpionum, & millepedum.

Aliquibus fœtus caparum in vino albo coctarum magis arridet. Caparum vero succum cum vino albo dulci



propinatum, & guttulis spiritus salis urinae suppressiones, ac viarum omnium impedimenta tollere potest.

Os aqua fontis frigida colluatur, nam experientia docemur, quod quotiescumque aquam frigidam in ore detinemus, si urina in vexica adsit; ad mingendum irritamur. Eadem ratione si pavementum aqua inspersum nudis pedibus calcetur, citissime urina excernetur.

Pro stranguria vero ac urinae ardore ob massam sanguineam acidis salibus pregnantem facto, lac asini copiosum, & diu adhibitum valere potest. Juscula vervecis, ac intestinorum vituli his inservire optime possunt. Ova sorbilia cum gummi cerafiorum. Emulsiones ex amygdalis, pineis, cum seminibus papaveris.

Neque his inferior decoctio florum papaveris cum conserva florum malvarum adjudicanda est. Oris fercula, cum gelatinis suo loco descriptis committenda non erunt. Unoque verbo ea omnia quae salis acrimoniam obtundere possunt in usu ponenda erunt.

A proprietate quadam succum cancerorum valere creditum est. Vel oculos cancerorum in vino albo, qui acida infestantia (potissimum splenis) imbibere solent.

Notat enim Elmontius quod vitia splenis stranguriam in senibus causant, potissimum si languente stomachi vigore, naturae rerum aciditates in assumptis pertinaces perseverent. Temperata idcirco, & absorbentia his opponuntur.

Valent praeterea adminiculantia multa, ut passule cum cibis, vel caricae. Succus liquiritiae densatus deglutitus. Tragacanthum cum vino

dulci, vel gummi arabicum, aut amyllum, quae attemperantium nomine in proprio capite in appendice prima descripsimus.

Praeterea varia praeparatione accommodari poterunt pro dysuria, portulaca incibis Emulsionem ex 4 sem. frig. in decocto diuretico, vel in aqua plantaginis, additione albuminis ovi. Valet serum lactis in copia haustum Nimpheae flores. Aqua rosarum cum albumine ovi quassata, admixta conserva rosarum antiqua, vel violarum.

Amatus Lusitanus vnc. j. conservae malvarum, cum decocto malvarum, mane, & vespere sumpto, mulierem sanavit. Succus limonum in ferculis.

Oleum feminum melonum cucumeris, cucurbitae, & papaveris albi ardores urinae a causa calida tollit.

Semen vero dauci in vino albo infusum pro dysuria fortius est omni medicina. Prout vinum anonydis, vel alkekengi infusione paratum pro stranguria.

Pro qua etiam valent crocus cum opio & opiatis, & cum cantharide granis, & nucleis pineis pasta Succus malorum punicorum. Asparagi leviter cocti. Ceph. in obsoniis, vel earum succus. Radices apii, petroselinum, feniculi, raphani.

Absente febre in stranguria lac (potissimum asinae) consulimus, nam detergit, dolorem omnem demulcet, humorum omnium acrimoniam attemperat.

Sed quod magis est feri albuginei nervosi generis nutritii, Vitia universa feliciter emendat. Ut exinde imbecillae partes feliciter nutriri possint.



Simplici malvæ decocto, cum syrupo violarum seipsum *Forestus observat. 4. lib. 25. à gravissima dysuria liberatum narrat, & alios pariter liberasse.* Senem verò lacte bubulo, in quo flores camomelli decoxerat sanavit. Pro potu ordinario optimum consilium erit uti malvarum decocto, cum syrupo violarum, vel liquiritiæ, vel violis, & liquiritia decoctis. Jus ciccerum, decoctum camomelli. Oleum amygdalarum amararum epotum cum pulvere cicadarum, vel millepedum. Sal urinæ in decocto aperitivo, vel aqua ononidis valida auxilia sunt.

Pro certo reputatur à neotericis non esse par auxilium pro mitigandis urinæ ardoribus senum ( etiam præsentē calculo in vexica ) quam spiritus salis marini, qui etiam mucilagines dissolvendo, urinam feliciter pellit.

In tenebinthina lota alii confidunt. Non pauci in ejus spiritu. Multi in fructibus alkakengi aut in opiatis. Nos potius in lacte cum oculis cancri, vel sale saturni, aut syrupo de corallis, aut horum tinctura.

#### *Auxilia diabetis ac urinae involuntaria.*

**P**ER sola anodyna curari posse diabetem neotericorum multi judicant, ut est oleum papaveris, vel semen jusquiami epotum, nec non regioni renum inunctum.

Narcotica etenim renum fervorem attemperare, profluvium coercere somno procurato commodè valent.

Ideoque *Zacutus Lusitanus libr. 2. praxis hist. observ. 80.* duos diabeticos curavit exhibito lacte asini cali-

beato unius mensis spacio, & philonio persico ex intervallis. Hæc enim medicamenta viscerum, & renum ardorem compescunt, humoris salii, tenuis, biliosi acrimoniam retundunt. Somnum conciliant, & urinam retinent.

Omnia pariter leniter adstringentia martialia, ut tinctura calibis in leni menstruo præparata. Opiata, papaverina, decoctiones florum papaveris erratici cum sale martis, & consimilia.

Sic corallorum præparationes, boli, pulveres testaceorum terræ variæ cum conserva rosarum antiqua.

Laminæ ex plumbo super renes non displicent, potissimum ex oleo plumbi, vel sale plumbi, & oleo ranarum, vel ex semnibus papaveris expresso. Et hæc in causa calida.

Nam in causa frigida, torpore ac paralyfi, cujus gratia urina involuntariè profluit, tunc contraria ratione agendum, tum externis applicitis castorinis, tum aliis pro paralyfi accommodatis interioribus adhibitis.

Aqua etiam calcis vivæ bis in die ad vnc. v. epota, aliquos sanatos fuisse narrat inter neotericos *Canalis.*

In diabete vero fervidis condictionibus præsentibus increpstantia erunt usurpanda Oriza, amyllum, gelatinæ extremitatum animalium. Tum quæ mucilaginosa esse judicantur, gummata, & resinosa Accipias itaque gummi arabici, tragacanthi, saccari penidiorum ana, & fac pulverem, de quo capiat drach. bis in die.

Utantur etiam solo lacte, modo crudo, modo aqua hordei commixto. Modo coquatur cum mica panis, vel hordeo, vel orixa. Ut his median-



diantibus lentor quidam succis concilietur.

Ideò si in lacte bubulo igniti filices extincti fuerint, auxilium certiùs expectabis, serosiori ejus portione hac arte absumpta.

Pro siti verò intensa placanda spiritus nitri, vel salis cum potulentis, aut sal ipsum prunellæ sufficiet. Nam, præterquam quod sitim moderatur, validè, & vexicam refrigerando repurgat.

*Venenorum in genere causa,  
& auxilia.*

**P**roprietas veneni est extinctionem insitivitalis luminis seu caloris nativi in parte, vel in toto, inde individui destructionem moliri. Atque exigua molle existens, (sed magnarum virium) fermentativa sua virtute, in sui obsequium, & naturamvertere laborat universa quæ sibi offeruntur. (Universa etenim venenavim fermentativam sortiuntur) Ita ut venenorum instrumentum præcipuum, fermentum sit.

Hæc tamen de venenis intelligi debent, quæ sua energia formæ, ac accidentium transmutationem moliuntur. Et non de meris corrosivis, quæ calorem innatum, ac spiritum partium incolam (nomine Archi appellatum) in furorem concitant, & in anomalias adigunt; propter quas subiecta sibi instrumenta concutiunt operationes confundunt, & hospitium proprium devastant.

Difficile tamen est innumerabilium venenorum naturam, & operandi modum, ad genericam agendi orationem deducere. Sunt etenim venena, quæ nil operantur, nisi additum per dilaceratas fenestras (furium adin-

star) in apertâ cutè adinveniant.

Cujus generis bestiarum venena plurima sunt, ut oculatissimus D. Franc. Redi in examine viperarum optimè notat, introducens viperarum venatorem Serenissimi Ducis Etruriæ, qui non semel, sed pluribus vicibus viperarum capita cum dentibus, tum fel cum hepate innoxie coram omnibus devorabat.

Sunt venena, quæ semel assumpta, toto vitæ cursu dementant. Dum enim glandulas cerebri, vel feri nutritii nervosi depuratorias officinas male afficiunt, atque illarum innatum calorem ac spiritum, languendo veneno contaminant, in impressi venenati, fermenti sortem liquores advenientes degenerare coguntur.

In singulis brutis specificum virus numeratur, quod ineffabili quadam energia viva perseverante bestia manifestatur, eadem verò mortua occultatur. Quare penès Italos in adagium venit (mortalis bestia, morto il veleno) Hoc in scorpionibus manifestissimum est.

Annoque proximè elapso à scorpione ictus, eundem conquisitum ac occisum, cum vulnere dolenti imposuisssem intra horæ quadrantem omnia conquievissse persensi. Et quod mirum est, idem in spinis & plantis veneficis vivis perseverantibus evenire relatum est. Iisdem vero eradicatis, & applicitis sanationes contingere.

De quibus procul dubio sensatas reddere rationes non ita in promptu est. Sicuti, neque ostendere rem adeò certam ac frequentem, quod scilicet coram occisore occisus à vulneribus sanguinem profundat. Atque submersus (etiam plurium dierum) coram suis cognatos, & proximos



con sanguineos sanguinem ab ore venaribus fundere observatur, ut nobis ipsis evenisse fatemur.

Assumpta verò, quæ humano generi veneni rationem subeunt, ut verè venena dici possint, impermutata, invictaque nullam coctionem admittere debent, parumque ab innato calore, & viscerum fermentis alterantur. Sed sui actione indomitum militum adinstar legem universis membris, ac fermentis ponere volunt.

Prius tamen majori vel minori commissa pugna, atque agone inter fibrillas sensitivas, & veneni virus, quæ per miras symptomatum varietates in singulis venenis tragicè explicantur.

Rationabile itaque est, credere quod energiam atque potestates veneficæ luminales sint, & operativæ radiis suæ lucis formalis mediantibus. Eadem penitus ratione, quæ luminales sunt etiam illæ medicamentorum quæ salubres sunt. Itaut spiritali lumine à formis suis immediatè profluant. Sunt enim dona speciei, à die prima creationis à gratiarum dispensatore patreque luminum largita; magna providentia, in summam sui gloriam directæ.

Irradiant ergo suis luminibus, sed vitali nostro lumini, tum radiis animalium spirituum nostrorum adversantur, adeò ut eosdem concutere, ac debellere valeant, propterea in tali agone, in quo vitale, & animale lumen alienatur, dirimitur, ac destruitur varia insurgere symptomata observantur.

Interim veneni contagio integro, ac invicto permanente, transmutatur innatum partium formale lumen vitale, atque anomalias vn-

dique in actionibus contingere necesse est.

*Auxilia adversus venena, quæ genericè ternario numero completi posse reputamus.*

**A**Vxilia enim sub corrosivorum classe militant. Alia sub narcoticorum, seu potius sanguinem, & liquorem albugineum nervorum nutrimentum coagulantium vexillo veniunt. Alia tandem quæ alicujus partis temperamentum, organa, & liquores dissolvendo, illius facultates alienare, ac immutare possunt. Primi generis sunt arsenicalia universa. Secundi sunt pestillenta contagia aliaque horrenda in minima mole coagula. Tertia sunt quæ dementantia dicuntur, ut tarantulæ morsus, canis rabidi, cerebri fellis, & innumeri Hippomanes pessimarum foeminarum. Vel quæ ventriculi facultatem & fermentum pessundant, aut aliorum viscerum, quæ oblivioni potius mandare pium est, quam indigitare, atque impiorum pessimam voluntatem proritare histitulis imprudenter.

Universalitèr pro venenatis omnibus electissimus victus esse debet atque euchimus, & potissimum gallinaceorum pullorum caro usurpetur, tum eorum animalium quæ innoxie bufonibus, araneis, ac serpentibus vescuntur, cujus generis præter pullos gallinaceos sunt ciconiæ, cervi &c.

Ideòque apud aliquos ciconiæ solo sanguine venenatarum bestiarum venena tolli posse narratum est. Apud alios osse de corde cervi, vel cornu cervino, aut sanguine ejusdem parata auxilia efficacissima reperies.

Vinum interdicendum non est, imò



Baccum ab India redeuntem vitis palmitē viperam mordentem interfecisse mystici narrant. Vim miram adversus venena vini indigitantes.

Somnus verò, quantum fieri potest, prorogetur, atque admittatur solummodo post præmissa valida auxilia, cum res in melius incipere videatur.

Alimenta semper exhibeantur, quæ præter nutrimentum, etiam peculiarem potestatem habeant adversus venena illa (si fieri possit) adversus bufonum virus, ranæ comestæ &c.

Si vero agatur de calidis, escaroticis venenis, ut cantharides, & arsenicalia, Lac, butyrum, jura pingua, oleum amygdalarum, decoctum intestinorum, capitis, ac extremorum animalium quadrupedum.

Uno verbo ea in usu ponantur, quæ vinctuositate sua vias oppillando, transitum venenis intercludere valent, suoque vnguine scindentes gladiolos veneficos invaginare. Suoque molli sinu amplectentes eorum mordacitatem obtundere possunt. Ideòque ferula ex animalium cerebro accommodata, tum ex eorum medulis, vel extremitatibus parata pro inutilia non erunt, & potissimum ex his concinnatæ gelatinæ.

Cum cibis etiam admixta acetosa, pimpinella, salvia, rosmarinum, portulaca, pulegium, menta, laurus, serpillum, majorana, atque aromaticæ capitales stomachicæ plantæ proficuae erunt. Imò aromata omnia, ac aromatica, quæ in censu cordialium veniunt.

Jaceant in cubili aere perflato, ac luminoso, tum suffumigiis blandis flagrante, ad spirituum omnium refocillationem. Quare ex ligno aloe potissimum, cinnamomo, citro, vel

aurantio perforato in aqua florum aurantiorum ebullientem vaporosam suffumigationem institues. Vel saltem ex folis baccis juniperinis, aut ex pulvere gagates, myrrhæ, stiracis.

Omni studio, & arte citissima venenorum assumptorum evacuatio procuranda est. Ideoque super omnia utilissimus est vomitus illicò procuratus, saltem penna, vel digito.

Si autem ab ictu ferarum venenatarum veniat, podex deplumatus duorum, vel trium pullorum gallinaceorum applicetur, atque post singulorum mortem, miraberis exitum, ac præsentaneum remedium. Quod virus ipsum pestilentielle carbunculorum in peste absumere mirabiliter valet, si podex pulli recentis applicetur donec ultimus pullus applicitus non moriatur. Quandoque enim ad decem & ultra unus post alium moriuntur.

Dum verò hæc aguntur somnus arceus, qui venenum retinere, concentrare, atque ad cor ducere valet. At vigilia è contra excretiones omnes undique molitur.

Universaliter pro venenis per diaphoresim pellendis validissimum auxilium est apertus, atque exenteratus mulus, vel etiam equus, ita ut in ejus ventre patiens recipi possit, atque optimè contactus sudet, & nisi unicum animal sufficere videatur, duo, tria, vel plura in eodem ministerio adhibeantur. Hoc præclaro artificio persanatus fuit Dux Valentinus Borgia filius Alexandri sexti, qui dum curaret in coena venenum quibusdam Cardinalibus propinare, imprudenter se ipsum, & patrem veneno infecit.

Pro venenis vegetabilibus inter antidota simplicia magnarum virium est



vinum vetustum aromaticum, copiosè epotum. Cinamomum, & aromata omnia. Baccæ juniperi. Citria. Limonia. Aurantia. Nuces. Nociolæ. Mespila. Pistachia. Hipericon. Succinum. Cornu cervi. Spiritus vini in quo potissimum infusa sit theriaca, vel radices aromaticæ contrahervæ, angelicæ, zedoariæ, carlinæ, vincetoxici, baccæ juniperi, cum canphuræ granulis.

Valet paritèr vinum dulce, lac acetosum. Succus malorum punicorum, & eorum vinum. Tum succus pomorum, vel cydoniorum. Saccharum rosaceum antiquum, cum tenuis sigillatis, crustaceis, & absorbentibus pulveribus corallorum, cornu cervini. Valent pruna, & fructus omnes ferè acidiusculi, onfacium, rhibes &c.

Opiatorum vis pro universis venenis debell. lan dis par non habet auxilium, si discretum medicum nanciscatur, qui opiatum auxilium veneni naturæ, & ægri, accommodare sciat. Sic theriaca genericum auxilium est, quod aliquando recens assumi debet, & illicò à principio, aliquando mediæ ætatis in mediis temporibus, aliquando vetustissimum, in frigidis, narcosis inducentibus venenis.

Lac humanum genericum auxilium est ad omnia venena. Non est etenim in natura magis amicabile pabulum periclitantibus facultatibus, ac imbecillimis, quod possit nutritio fortu superpetias adducere.

Lac verò bubulum pro corrosivis domandis validius est, prout & butyrum. Valent & emulsiones potissimum amygdalarum, pineorum, & consimilium. Tum oleum ex amygdalis, vel ex variis seminibus pro opportunitate expressum. Pinei. Pistachia; semina peponum in morsellis, pasta

regia concinata. Vitella ovorum cum jure pingui, lactis humani viribus proxima sunt.

Ranæ commestæ, vellearum expressum jus, in multis casibus lactis humani vires excellunt, ut in venenorum buffionum.

Malvarum mucilaginosum jus, & fercula parata in septicis venenis spernenda non sunt. Cortex aurantiorum condita insidiantibus stomacho venenis obviam ire potest.

Theriaca cum succo citri æstâtè, vel dissoluta in vino malvatico hyeme, jejuno stomacho per tres dies genericum adversus venena omnia auxilium esse consuevit.

Cancrorum usus adversus causticæ pharmaca, & sceptica vegetabilia venena nullis auxiliis palmam cedere observatur.

Pro ictibus venenatarum ferarum benè curandis ante cætera curandum erit, ut illa fera occidatur, atque ejus aliquod membrum læse parti admoveatur (sed potissimum corium) sic enim vi quadam sympathica ad se virus emissum advocare, ac retrahere credidit antiquitas. Verùm rationabilius est humani Archei, seu sensitivorum spirituum impetu facto, ad odiosum illud corium, noxia simul venena ad eundem locum propelli.

Pulsionem enim, ac fibrillarum sensitivarum undulationem in corporibus animatis invenimus. Tractationis verò vncos adhuc nobis videndos desideramus.

Cordi epithemata ex theriaca spernenda non sunt, tum stomacho cum electuariis præciosioribus succo citri, vino malvatico dissolutis, cum pulveribus stomachicis, aromaticis, copioso croco, & modica



dica canphura admixta.

Frigidis cibis alantur, & acetosis (demoisi potissimum à cane rabido) tum acetariis, & Coctis lactucis, cum oleo copioso, & aceto. Istis balneationes in frigida calidis temporibus proderunt. Integris etiam diebus 40. suspectis in mensa semper modicum de lucio pisce assumant. Magnam enim vim habere adversus canum morsum à neotericis expertum est, non minus ac pulvis cancrorum fluvialium cum radice gentianæ penès Galenum, cujus drach. j. manè jejuno ventre summat.

Circulatores adversus venena per os sumpta se muniunt caricis, ruta, & nucibus antea esitatis. Vel copioso citro condito. Vel theriaca. Alii lactucis copiosis cum oleo esitatis. Aut hyeme animalium visceribus cum multa pinguedine sumptis, aut lasaneis cum multo butyro. Postmodum assumunt venenum. Deindè paulò post clam domi vomitum procurant. Post vomitum lac copiosum sumunt, factaque morula illud evomunt. Et hoc repetunt pluribus vibis donec reliquias omnes excretas fuisse sperant.

*Zacut. Lusitan. hist. 36. lib. 1. tanti fecit lapidis bezordtci vires, ut unicum esse dixerit melancolici humoris dominatorem, ac venenorum omnium generale antidotum, simplicibus omnibus potentior. Imò theriaca ipsa. Et re vera sudorifica auxilia hujusmodi pro venenis secundi & tertii generis unica fortassis sunt. Sicuti pro primo genere, seu pro corrosivis assumptis illicò copiosum oleum olivarum vel amygdalarum, præmisso bolo ex theriaca recenti, omnia paccare solet.*

Universale adhuc ad omnia vene-

na extemporaneum ubique locorum auxilium validissimum est, vrina propria, etiam pluribus vicibus epota, quæ excretionum vias omnes undique patefacere solet.

Pro venenis secundi generis, seu narcoticis (liquores coagulantibus sanguinisque circulationem sistentibus) salia volatilia potissimum viperarum, cornu cervi, succini, & consimilia, cæteris omnibus præstare penès omnes neotericos in confesso est.

Per sudoriferorum etiam ministerium medicus procurare debet, ut poris omnibus in cute patefactis virus omne eliminetur.

Peculiariora auxilia adversus venena vegetabilium, mineralium, atque venenatarum ferarum, alibi. Deo dante ampliori spacio exarabimus. Nimis enim angusta nostra mensa est, in qua tantumodò domesticorum auxiliorum apparatus, & facile parabilem grandia nauseantibus apponitur.

*Luis Venerea causa, & auxilia.*

Post venena, ad luis Veneræ examen descendimus. Quam *Fernelius lib. 6. pathol. C. 20. miserabile scortatorum flagellum jure merito nuncupatus est*, Deleterius, pestilentialis affectus, Hercules insuperabilis. Portentosa renascentium capitum hydra. Ignotum virus, quod medicorum omnium anteaكتورum ignorantiam manifestavit, qui singulos affectus à singulari causa produci debere putarunt.

Nam vnicum virus existens, vnamque habens sanationis viam, omnis generis morbos fecundissimus pater pro-



procreat (nullis exceptis) & febrium, & intemperierum, & solutæ unitatis & malæ conformationis.

Ad coercenda hujus incontinentissimi sæculi delicta mortalibus à Deo optimo maximo immissum flagellum, ut *Manardus in sua epist. 3.* insinuat. In belvinam cupidatem flagrantibus. monstrum horrendum ingens mortalibus immissum, quod solum, tot de libro viventium in terra delevit intra duo sæcula quot universæ antea actis temporibus pestes ab orbe condito.

Quia verò immediate generationis partibus insidiatur, easque infœcunda nisi summa æterni conditoris misericordia auxiliis incertis quandoque interfuisset, humana generatio jam nulla superstes fuisset.

Luis itaque Venereæ venenum in aciditate volatili potissimum consistit. Ejusque fermentum in viscido cum acrimonia volatili coniuncto fundatur.

Talis verò acrimonia volatilis communicatur sanguini, & sero nutritio nervorum, dum per partes genitales lege circulationis transeunt, hac enim via hoc peregrino fermento, ac veneno totus sanguis inquinari potest.

Prout à tenuissimo viperæ iectu, seu à liquore dentali vexiculæ in minima portione, totus sanguis infici solet. Penès verò majorem hanc, vel minorem infectionem, gradus majores, vel minores luis observantur.

Primi enim & minores luis gradus sunt, quando liquores tantum generationis partibus proximi contaminantur, unde ex capsulis seminalibus vexiculis, & proximis tubulis malè affectis gonorrhœa excitatur, vel proximarum glandularum fermentis, &

vasculis contaminatis, fiunt bubones.

Aut viscidum fermentum in glande hærens, gallica vlcera suscitare potens est. Verùm si spiritali magis ratione, aut per negligentem moram diutius hæreat, & vires eundo circulari motu acquirat massam sanguinis, & præcipuum ejus florem contaminans (videlicet succum albugineum nervorum nutritium) est in causa gummatum, dolorum articularium, depravatæ nutritionis, & ærumnarum ferè omnium, quæ in scena hujus tragici affectus prodire in dies observantur.

Inter quas potissimum sterilitas solet esse, hinc est quod scortatores, & scorta rarò fœcunda esse observentur, & præsentē contagio Cæltico, ac Gonorrhœa neminem fœcundum fuisse memini, nisi fortè post longam inveteratam & mitigatam luem, magna Dei miseratione familiarum, ut jam attigimus.

Fœcunditas etenim à sero, seu à liquore albugineo nervorum nutritio oritur, qui in cerebri glandulis elaboratus, à vasis seminalibus pampini formibus secernetur, ac spiritu seminali à testibus imbuitur. Illis verò malè affectis, vix fieri potest ut fœcunditatem nanciscatur.

Quare luis Cælticæ contagium, si à genitalibus partibus, ad sanguineam massam processerit, cerebrum ipsum adurit, atque ejus glandulis conminatis, ac nervorum tubulis, ibi sedem suam præcipuam locare magno animalis incommodo solet.

Hinc est quod in his capillorum defflavia intempestiva fieri observantur, Pusculæ sædæ in facie. Gummata cranio pertinaciùs herentia. Nocturna cephalgia, vel hemicrania pe-



rennis. Surditates nullis auxiliis cedentes. Oculorum inflammationes quæ ordinariis auxiliis exasperantur. Ulcera in capite sordida, circa veronares, & tracheam difficilia, & maligna. Quare metropolim hujus affectus, & sedem præcipuam in capite jam locatam esse declaratur.

Cum itaque unicum virus, unica causa sit hujus horrendi affectus, symptomatum ingens varietas observari contingit. Quam in copiam, vel paucitatem materiei, in partis vigorem, aut debilitatem, & in alias accidentales causas refundimus. In quibus enim artus debiles sunt, fluxiones faciles fiunt ad artus. In quibus languida cutis, & laxa, pustulæ, ulcera aliaque fiunt exteriora mala, sese interioribus ac robustioribus partibus exonerantibus.

Vox verò populi vox Dei est, quæ gummatibus ortis morbum in suo vigore esse atque ad ossa pervenisse declamat. Signum est enim serum nervorum nutritium, ac spermaticarum, ossæarumque partium nutrimentum, jam in cerebri glandulis præparantibus depravatum esse. Per acidam enim igneam spirituosam hujus veneni acrimoniam in varia coagula tartarea concrelescere observatur, & potissimum in capite gummatibus excitatis, in articulis immanibus doloribus, & tophis ipsis, equè ac in renibus, & ubicumque contigerit.

Gummata ergo ab alimento ossæ partis alterato, corrupto, coagulato provenire solent. Atque indurantur ex tali fero albugineo viscoso, putrido, ex tubulis nerveis potissimum evasato, & coagulationem per moram, & calorem patiente.

Acidum enim in alimentali hoc succo depravato hospitari solet, quod

indurationis est causa. Dum verò vasa ac fibrillæ nerveæ à viscido hoc liquore obruuntur, spiritibus ad hanc partem denegatur aditus, inde lymphæ, & sanguis minus fluxilis crassior magis, minusque temperatus fit. Serum incrassatur, suoque naturali motu privatur, & concrescit.

Sic ubi ad glandularum poros pervenerit depravatum serum, illos oppillat, ac distendit factaque stagnatione diuturniore, ac circulari motu denegato ad indurationes, tumores bubones transitum facere observatur.

*Auxilia adversus Celticam luem.*

**A**ER pro his eligibilior, temperatus est, vel ad caliditatem vergens, ut poris patulis existentibus, maligni, acres vapores promptius exhalare possint.

Si autem nec purus, nec serenus sit, alexipharmacis aromaticorum lignorum pulveribus, tum gummatibus alteretur, ut alibi parandi rationem docuimus.

Somnus moderatus sit, imò ad vigiliis potius æger propendere debet, expedit enim ut macilentior quam crassior fiat. Ideò omnem molliciem lectulorum plumeorum, ac stratorum vitare debet, observans quod nautæ, atque durè tractantes corpora sua, agricolæ, & flosiores, à se felicius per labores, & vigilias hujus mala semina morbi eradicant quæ in saginato deliciis corpore, altas radices agunt.

Vitetur itaque supinus decubitus, potissimum gonorrhea, vel partium genitalium morbis præsentibus, ne circa lumborum regionem vasa præ-



parantia incalescant, cum succis.

Expedit in universum dieta potius tenuis quam victus plenus, ob rationem allatam, quod extenuari, quam incrassari conducat. Tum perpetuò corpus ad sudorem disponendum, ita ut ægri macilenti fiant. In hac etenim dira contagione, materia acida serosa albuginea est universorum symptomatum causa; ideoque sudoribus evacuanda.

Adeoque sudorem magnificimus, ut hoc solo universæ lues eliminari posse certum sit. *Et Zacutus Lusitan. lib. 2. praxis hist.* quærit an lues Cæltica cum pestilens sit, citra antidota perfanari possit. Et affirmativè respondet. Experientia etenim docuit quod aliquando solis vehementibus, ac laboriosis exercitiis, nautæ, & bajuli sese à lue ista feliciter extricarunt. Horum enim auxilio humorum reliquæ discutiuntur, internæ partes roborantur, membra felicius nutriuntur, exinde malas omnes qualitates deponere aggrediuntur.

Dum verò labores, & sudorum provocationem commendamus, nemo in Venereis luctis allaborans, & sudans speret morbi victoriam. Nihil enim magis mancipium hujus Herculei ac insuperabilis morbi reddit, quam Venereus ludus, quem semper lafores suos illusisse vidimus.

In victus servata optima ratione magna fiducia reponenda est.

Porcina caro peculiari quadam ratione huic affectui insensibilissima est. Ita ut sopitam luem continuatus ejus usus quandoque excitasse non semel observaverimus. Sicuti æsus carnis hædinæ per 30. dies latentes energumenos detegit.

Quam minimum bibere expedit. Atque si fieri possit à vino abstineant,

& secundo decocto ejus loco utantur. Vel vinum sit lentisco, visco quercino medicatum. A cibo verò grana tria mastichis assumant.

Medicatum verò vinum tunc potissimum commendamus quando morbus diuturnus est cum ventriculi imbecillitate. Innumera vero vina pro re nata parari possunt, quæ capite de potulentis ægrorum alibi indigitatum.

Sed de validioribus auxiliis qui benè sapit cogitare debet. Quibus viscerum, & humorum impuritates tollantur. Sanguinis, & liquoris albuginei nervosi discrasia acido-salinæ in melius reducantur.

Quamobrem post institutas purgationes, ad sanguinem rectificandum, & à peregrinis salibus liberandum decoctum singulo manè quatuor horis ante cibum ad libr. 5. circiter propinandum erit per dies saltem viginti.

Venenum etenim Venereum acidum, seri nutritii, sanguinis, ac spermaticarum partium corruptium, per alexiteriorum alcalicorum decocta, corrigi, attemperari, deinde eliminari postulat.

Nostrum itaque usuale decoctum, innumeris vicibus feliciter usurpatum, conflatur ex ligno sancto, salsa, visco quercino, & scordio cretico ana vnc. j. cum ex cineribus dictorum lignorum, scordei, & cardui benedicti combustorum vnc. j. s. lapidis pumicis, stybii crasso modo contriti, & in petia ligati ana vnc. iij. Aquæ putealis lib. vij. bulliant ad consumptionem tertiæ partis. Tale decoctum manè propinetur ad vnc. vj. aromatizatum cum guttulis essentia citri vel cinamomi, & modico saccharo.



Tale igitur decoctum particulis suis alkalinis acidum corruptium corrigere valebit, eoque validius, si bis in die manè, & vesperi quatuor horis ante cibum ad vnc. vj. propinetur.

Ex iisdem postmodum simplicibus prima vice decoctis, dilutior potio in mensa vsualis, seu bochetto parari poterit, ut melius horum simplicium virtute tota sanguinis massa imprægnari sensim queat.

Hoc verò certa experientia mihi innotuit, quod nisi à vino penitus abstineant (& ejus loco prædicto bochetto utantur per quindecim saltem, aut viginti dies) & nisi ab esu carnis porcinae, & à victu incrassanti se contineant, ita ut aliquantulum macilenti fiant, difficulter admodum per sanari poterunt. Sed per aliquot hebdomadas, & menses fortassis mitigata lue, minima data occasione favior exurget. Si autem emaciari aliquantulum non renuant, postquam ab usu medicamentorum cessarunt, citissime pinguescent.

Dietam ergo extenuantem servare non recusent isti. Si autem stomachi vires reclamant, vnicus vini Hispanici haustulus in prandio, & cœna concedatur, quo non invenias par roborando stomacho auxilium pro istis.

Certa etiam clarissimorum experientia (& potissimum Rob. Boyle) innotuit quod per repetitas mercurii dulcis exhibitiones lues Veneris felicissime curatur. Dum enim suis corrosivis solventibus spoliatus est, inani alkali factus, peccantium liquorum acrimoniam in suo sinu assumere solet. Et dum à corpore exit, eosdem secum trahere gaudet.

Præterquam quod insigne pharma-

cum est, quod genericè cuicumque putredini resistit. Hoc etiam mercurialia auxilia peculiare habent, quod per nervorum tubulos glandulas depuratorias feri, & vascula lymphatica facilem penetrationem habent. Ideoque obstructions in eis latentes aperiunt, & depurandis liquoribus aptiores glandulas, & vascula reddunt. Hinc est quod mercurii præparationes ferè omnes validè, salivationem promovent.

Soleo itaque post tertium diem decocti antecedentis, bolos præscribere quatuor horis ante prandium sumendos ex mercurio dulci, stybio diaphoretico ana scrup. j. diagrid. sulph. gr. xv. cum canph. hyacinthina fiant boli. Quarto quoque die sumendi. Et hac via bona fide testari possum cujuscumque generis ægros me persanasse absque hypocaufti miserabili carcere, & absque duris in victu legibus imperatis, suis negotiis incumbentes.

Hæc igitur auxilia ut certa, & validiora intrudimus. Qui debilioribus, sed decantatis auxiliis magis gaudet. Usus margaritarum, & concharum margariferarum, imò crustaceorum, & omnium imbibentium non omittat.

Viperarum decoctum, vel carnes in morsellis adhibitæ, vel saltem pulvis viperarum, aut sal earum volatile. Imò viperæ pinguedo butyri ad instar in obsoniis adhibita. Sunt auxilia pro mitiganda lue infallibilia.

Paucisque omnia perstringere possemus, scilicet universa auxilia, quæ catarrhis tollendis nos accommodata esse diximus, hæc eadem adversus luem, & luis symptomata efficacissima sunt. Satis enim superque insinuavimus quod luis contagium præcipuum in sero albugineo nervorum nutritio, ac spermaticarum partium fundatur. Et per consequens qui cerebri glandulas



dulas emundare, serum albugineum rectificare noverit, ( eadem fermè arte ac in catarrhis ) hic verè Cætica luis sanator medicus esse dicetur .

*Pro gonorrhea Gallica* innumera sunt quæ ab auctoribus proponuntur, & à practicis decantantur . Scipio mercurius tres uncias acidi citri cum vnciis duabus suæ aquæ, & vncia una sacchari, tribus horis ante prandium, per sex dies. Verùm pro gonorrhea quocumque ardore tollendo certa medicina est decoctum malvarum, & liquiritiæ ad vnc. vj. manè, & vesperi quatuor horis ante cibum, simul cum victu attemperante, & euchymo. Si vero simul oculis cancri, vel scrup. j. salis prunellæ usi fuerint certius res succedet.

Valent & universa imbibentia fixa, pulveres crustaceorum aliaque innumera; Sed his omnibus palmam præripere solet balsamum causticum meû dissolutum cum aqua plantaginis, & per syringam eburneam tenuissimam immissum per uretram, nec non exterius inuncto perineo, imò universo pene.

In ejus defectu aqua aluminosa Fallopii ex mercurio dulci copioso parata, ultra quam credi potest efficacissima est, si potissimum per internum mercurii usum vires ejus augeantur.

Præsentē dolorosa gonorrhea, corporis motus laboriosus omninò vitetur, & prolixius potius quiescant. Lumbi neque strictè ligentur neque integumentis multis contegantur.

Vino utantur potius tenui rubro, subadstringenti decocto balaustiorum temperatum, vel seminibus nymphaeæ, & plantaginis alteratum.

Pedes animalium, cerebella, pisces optimæ notæ, pulles ex faro, milio, cum amylo, portulaca, lactuca, ova sorbillia, rhibes, cydonia, & ex his

fercula conducunt.

In principio refrigerantibus, & demulcentibus utendum erit. Post quadragesimum diem, ne nimium laxatis vasibus seminalibus difficilior fiat sanatio, dentur emulsiones ex seminibus lactucæ in aqua plantaginis, præmilliæ conserva rosarum cum terra sigillata, vel pulvere corallorum, per decem dies.

Qui validiora exoptat ad albumina duo ovorum deglutita ascendat, in vnc. v. aquæ rosarum quassata, cum sale martis aperitivo in vini spiritu circulato scrup. ij. Quæ singulis diebus quinque tribus horis ante cibum præbeantur.

Pulvis turturis cum mastiche, olivano, succino in clybano exiccata cum conserva rosarum, & superbibitione emulsionis ex seminibus plantaginis urticæ, portulacæ validissimum auxilium est.

Adminiculantia remedia interim omitti non debent. Ut sunt carnes viperarum vel serpentum in obsoniis variæ arte ( ut ostendimus alibi ) concinata. A quibus acidum summopere attemperari, & serum albugineum nervorum corrigi posse sperabimus. Nam apertis in cute porositatibus viam exeuntibus venenatis excrementis sternunt.

Ideò quæcumque diaphoretica sunt ( ut stybium diaphoreticum, mercurius diaphoreticus, & alia innumera ) pro his affectibus summopere commendamus, etiam absque tentato sudore, dum lues in re mobili, seu in humoribus, & vasis reposita, & cutis sit, corpusque transpirabile. Quando autem solidæ partes sunt affectæ, cutis durior, & habitus densus; ab his expurgari nequit, absque longo continuato, ac valido sudore.



Inter valida suis alexipharmaca, præter guaiacum china est, quæ summam auctoritatem accepit à Carolo V. qui ab antiquatis hujus lues doloribus liberatus fuit per eam. Fortius attamen proculdubio medicamentum falsam agnoscimus. Quæ cum insipida sit in quocumque ferculorum genere facili negotio cum magno fructu apponipotero, præter ex ea parata decocta electuarius.

Si postremò omnia incassum tentata fuisse videantur, ad mercurii inunctionem notissimam deveniendum erit, ut salivatione facta, glandularum potissimum capitis, & cerebri infarctus omnes removeantur, & serum albugineum nervorum ab inquinamentis exoticorum salium liberetur.

Pro illis verò qui inungi recusant

variæ administrari poterunt mercuriales præparationes per quas ab omni lue corpora absq; nauseabundis pharmacis liberari poterunt. Inter quæ præcipitatum nostrum papaverini coloris est, muriani ignibus solis confectum, absque ullius rei mixtione, nostris monitis. Vel Hercules Bouii Veronensis præcipitatum cum auro.

Sed mercurius dulcis optimè præparatus, universis omnibus, ante ferri debet, magisque laudari. Nam sepiùs repetitus cum decoctis stybiatis, & salsæ (ut superiùs monuimus) absque ingenti corporum turbatione, intra quindecim, vel viginti dies ad summum, servata abstinentia à vino, citò, tutò, & iucundè omnem Cælticam luem, ab humanis corporibus propulsare valet.







# PARTICULA

## QVINTA.

*Februm causa in universali, ac symptomatum.*



IERI febres consue-  
vere per turbatam  
sanguinis mixtionem,  
& *αταξίαν* spirituum  
animalium, seu fa-  
cultatum nostrarum  
excandescantiam. Pro

particularum verò incongruarum san-  
guinem, & liquores cum eo circulan-  
tes turbantium varietate, variæ pari-  
tèr indolis, & naturæ febres consur-  
gere observantur.

Turbata etenim sanguinis mixtione  
serum albugineum nervorum nutri-  
tium præternaturalitèr attenuatur,  
atque ad facilem separationem, & di-  
vortium à consortibus liquoribus fa-  
ciendum disponitur hac via. In qua  
difficilimum est postmodum cognosce-  
re an id quod corruptum nostris oc-  
culis apparet sit febris causa, an pro-  
ductum, seu effectus.

Et *Hippocrates lib. 4. de morbis* ad-  
miratus horum liquorum ab invicem  
secessum morbosarum calamitatum  
causam observat, quod paulatim fa-  
cta separatione ista plurimæ febres in  
progressu malignæ fiunt, quæ in prin-  
cipio benignæ penitus erant.

Semen igitur febrile, atque origo  
in genere solet esse humor fermentati-  
va prædictus qualitate, motui, & mix-  
tioni naturali sanguinis planè contra-  
rius. Qui dum è suo foco, seu mine-  
ra protrusus à liquorum circulantium  
motu cordi suggeritur, ac in vasis san-  
guifluis tumultuariè effervescit, fe-  
brem concitat.

Quæ si ex his vasis expulsionem fa-  
cere poterit, talis febris intermitten-  
tis nomine decorabitur. Verùm si ta-  
lis effervescencia adhuc in vasis san-  
guifluis perseveret, continuâ esse dice-  
tur.

Magis verò particulares causæ fe-  
brium atque remotiores esse consue-  
vere, quandoque acuta salia de vi-  
triolica, & effervescenti natura par-  
ticipantia ex stomachi indigestionibus  
orta cum alcalicis in sanguine liquori-  
bus congregientia.

Non semel fiunt à succis crudis in  
sanguine paulatinè congestis per erro-  
res externos, donec onerata natura  
per febrem sarcinam de se abijcere ten-  
tet.

Sal potissimum volatile oleosum bi-  
lis, ubi exaltatū fuerit, cum acidis suc-  
cis



ciscridis à prima stomachi digestionem venientibus concreditur, magnamque luctaminire observatur.

Chylus etenim degener citius, vel tardius ad turgescentiæ plenitudinem assurgens. Salia sylvestria, fermentales quatuor digestionum reliquæ. Sed potissimum quæ circa vasa lactea, & glandulas mesenterii hærentes, sanguinis massæ communicantur. variarum febrium postmodum causæ (ut in progressu ostendemus) esse consuevere. Quæ etiam mala semina febrilia in sero, Lympha, chylo, succo pancreatico, saliva, & universis sanguinis liquoribus reperiri possunt.

Symptomatum vero causas, & rationes reddere, per hanc sanguinis massæ mixtionem turbatam, & liquorum ipsam componentium secessum, facultatumque errorem, ac excandescentiam facilimum cuique erit, qui invicem facultates relationem habere, atque una affecta cæteras magis, vel minus in operibus suis claudicare noverit.

Ita ut naturalis facultatis symptomata provenire fatebitur; quoniam in visceribus naturalibus fermentationes male procedant, spiritus in minori copia tum impuri, vel crassiores, vel perperam moti demittuntur, vel generantur, veræ causæ, ut vitæ actiones postmodum perperam fiant. Idem de vitali facultate, imò de animali affari poterimus.

*Continuarum, vel intermittentium febrium cause.*

**S**I absque rectæ mentis præjudiciis, rationes Elmontii examini subijcere voluerimus, ipsum non procul à veritate aberasse reperiemus, quando in tractatu de Febribus protulit, quod archeus in humano corpore est om-

nis alterationis opifex (estque impetum faciens Hippocraticum) solus nos calefaciens, vel refrigerans. Iuxta axioma illud, quod quidquid in sanis edit actiones sanas, id ipsum in ægris edit actiones vitiosas.

Quamobrem spiritus ille qui hominem calefacit in sanitate, est ille ipse, qui in febribus æstuat. Exemplo spinæ digito infixæ, quæ actu, & potentia frigida est; attamen in digito calorem præter naturam excitat.

Non alia equidem ratione, nisi quia spiritum vitæ auctorem excitat, qui postmodum inflammationem, tumorem, pulsum, dolorem, calorem promovet.

Spina verò horum omnium occasionalis causa tantumodò esse dicetur. Rationabile paritèr est, quod archeus seipsum accendat, ac veluti excandescat in nisu, quo cupit febris materiam occasionalem, veluti spinam impactam repellere.

Febrium itaque sive continuarum, sive intermittentium unicam causam agnoscemus, accensum, vel indignatum archeum. Febres autem ab invicem distingui poterunt solummodo per occasionales causas, seu per materiarum diversitatem, & hospitia.

Stomachus tamen communis est veluti palestra certaminis febrilis. Nam in qualibet febre statim cibos averfantur ægri, animadvertentes ex vomitibus flavis, amaricantibus, depravatas in stomacho fieri concoctiones, quoniam debito fermento privatur, & præternaturali calore, ac liquoribus imbuitur.

Hoc autem discriminis inter febres intermittentes, & continuas esse reperimus, quod intermittentes idèò periculo vacare observantur, quia partes sanguinis constitutiæ, licet cras-



sim suam paululum immutaverint, attamen mixtionis vinculum omnino non difregerunt. Sed per aliqua tempora, & momenta æquabiliter in vasis suis circulariter moventur, ac intrinsecè naturaliter agitantur.

Ideoque talem dispositionem non habent, ut chylum advenientem, in materiam naturæ odiosam, ac hostilem omnino pervertant.

At in febribus continuis sanguinis compages dissolvitur, & proinde in progressu ejus corruptio facile introducit, & pessima latalia symptomata exurgunt dum chylus in subsidium sanguinis, & liquorum reparationem necessariam veniens, in materiam omnino naturæ molestantem depravatur.

Pituita etiam in tenui intestino plurima colligitur, atque sensim cummulatur. Hæc à causis procatharticeis quandoque liquatur, ac solvitur, atque ad corporis penetralia admissa, sanguini admixta, ad omnes corporis partes aditum habet.

At superveniente repentina causa externa pituitam coagulare apta, (ut frigidus aer, pluvia, balneum frigidum, potus gelidus, animi mæror, vel terror) hæc potissimum in locis angustis concrefcit, illosque obstruit. Exinde varias febrium scenas prodire observabimus.

Liquor enim albugineus nervorum nutritius eidem congener, qui naturaliter subacidam naturam induit, per hanc prohibitam transpirationem stagnare cogitur, per moram verò vitiatur, & acidior fit cum aliis secum admixtis liquoribus.

Experientia etenim constat, quod quævis acida, per moram, & stagnationem acidiora fiunt. Sic acetum in progressu semper magis acescit, evanescunt

seunt etenim spiritus volatiles, & terrestriores, ac fixiores partes magis exaltantur, dulciores spirituosæ particulæ illam aciditatem attemperantes concentrantur. Idem in sero quandoque contingere posse fatemur.

Hanc verò nostram coniecturam probare videntur medicamenta pleraque in febribus intermittentibus adhiberi consuecta, quæ felici successu usurpantur, & sunt incidentia, aperientia, diuretica, vomitoria, purgantia, quæ mira operari observantur per impedimentorum, ac oppilationum solutionem factam.

Manet ergo inconcussum quod irritatus Archeus fervoris, ac febrilis agonis primarius genitor est, at secundaria causæ, sunt irritantes succi varii, ac fermenta ubicumque sanguini communicata ipsum ad effervesendum compellentia. Potissimum verò in primis viis, videlicet ventriculo, mesenterio, pancreate, hæc stabulari reperiemus.

Factis etenim obstructionibus, in vasis potissimum chyliiferis, in quibus cum liquorum triumviratu, omnigeni liquores convenire solent, ibidem stagnantes, vel saltem torpidè moti præternaturales fiunt, ac depravantur, inde irritationem nacti partes vicinas premunt, ac distendunt, viamque violentè sibi aperiunt ad cordis penetralia, & ad sanguinem, cujus mixtionem amicabilem turbando, & omnia seditiosè evertendo, febrim excitare observantur.

Ob moram itaque præ obstructione factam, & stagnationem, liquores isti acidiores, ac viscidiores fiunt non toti simul sed sensim ac temporis progressu, quod est periodi postmodum causa, dum ad sanguinis consortium cum magno impetu, ac turbatione



tionem deferantur, & cum eodem circulantur.

Dum verò vitalis spiritus à crebra sanguinis deflagratione valdè imminutus fuerit; Sanguinea massa debilior facta chylum advenientem minus concoquere valet, ac maturare; sed totum ferè in materiam præternaturalem, ac fermentativam vertit.

Ob hanc etiam massæ sanguineæ labem magna subsequitur viscerum, ac fermentorum infirmitas. Sua etenim recrementa passim visceribus affigit, dum eorum tenues anfractus circulationis motu pertransit.

Hinc est quod observantur variæ ventriculi affectiones, hypocondriorum tensiones, lienis, iecoris obstructions, tumores, quæ quidem frequentè non sunt febrium causæ, sed febrilia producta, & effectus.

Durat autem lucta febrilis, atque effervescencia, donec tandem vitæ spiritu hostibus fugatis prævalente, vitales liquores ad amicabilem unionem componere, præternaturalia vero, ac ætherogenea foris propulsare, vel in loco ignobili relegare possit.

A materia autem valdè hostilli, sævis factis paroxysmis, vitales spiritus plurimi evolare coguntur. Si vero etiam ab incongruis alimentis, & aliis procatharticis causis, parum quod deperditum est restituatur, igneæ sulphuris, ac salis particulæ exaltantur, sanguis acrior, falsior, naturæ muneribus, ac circulationi ineptus fit. Atque febris quæ intermittens, blanda periculo carens erat, fit sensim continua, prava, lætalibusque stipata symptomatibus. Si potissimum cerebrum primarius spermaticarum partium nutritius coafficiatur.

A capite etenim nutritionem venire observamus, dum in rachitide ad ma-

gnam molem caput excreescens cæteræ inferiores partes contabescunt. Multum etiam prodesse comperimus, in hecticæ, & atrophie, si circa nucam, & spinalem medulam inunctiones nervinæ fiant.

Verum supra cæteras causas febriles prohibita transpiratio, primum fortassis occupare locum comperiemus. Ob effluvia etenim cohibita sanguinis massa turgescere, ac fermentari cogitur. Poris autem effluviis infarctis, soluta massæ sanguineæ compages, ac mixtio partium, à cordis fermento præternaturali, ac excandescente, veluti ignibus admotis inflammatur, atque turgescit.

Peculiares autem causæ, peculiarem etiam febrem constituere rationabile est. Ideoque magis judiciosi medici judicant, quartanam febrem tunc fieri, quando sanguinis massa, à dulci sua, spirituosâ, balsamica indole recedens, discrasiam acidam non-nihil austeram contrahit (veluti vinum, quod tonitru turbatur, & fœce commota insuavi aciditate palatum afficit) tunc enim compressis, ac ligatis spiritibus, tum suavioribus particulis resolutis, vel inversis, accessere incipit, & à nativâ sua puritate degener, fœculentiis acidis undique congregatis, & agitatissimis, spiritus comprimendo ac onerando, torpidosque reddendo, evenit ut de novo affluentem chylum sanguinis reparationi necessarium, neque ritè, ac rectè concoquere, neque perfectè assimilare valeat. Sed pravo fermento imbutum, in liquorem extraneum corrumpit.

Mox ubi ad plenitudinem, & ad turgescencia in vasis, massa sanguinis saturata fuerit, in apertum



campum pugnae febrilis erumpit . ac inde consequitur hujus materiae fluor, tum effervescencia variis stipata symptomatibus modo frigoris, modo caloris, quae insultus seu accessionis tempore potissimum manifestantur, & quae à chylo, & à liquoribus in depuratoriis instrumentis facultatis naturalis acidis, impuris, nec defaecatis imputari solent.

In visceribus etenim depuratoriis facultatis naturalis ( & sunt potissimum glandulae percolatoriae intestinorum, pancreatis, mesenterii, lienis & ventris infimi ) fermenta in febre quartana praeternaturalia ac viscidiora fiunt.

Tubulorum verò obstructiones obsignatae, & contumaces, liquoribus liberum motum, ac perspirationem impediunt. Qui tardigradi, aut stagnantes, acriores, acidiores facti, ac praeternaturales, ubi ad cordis penetralia pervenerint, sanguinis mixtionem turbare, & facultates nostras vividis spiritibus liquoribusque dolcibus, & proportionatis privare valent,

Et hac via liquores nutritii, ac potissimum chylus ipse ad acidiorum, crassiorem conditionem reddiguntur. Quod enim tardius insurgat paroxysmus, fermento adscribendum est, atque chylo, viscidioribusque succis in tubulis lienis, pancreatis, & aliorum viscerum stagnantibus.

Certum est enim quod quarcanae, ferè omnes, vel alicujus visceris contumacem obstructionem habent. Vel magnam in visceribus naturalibus, atque depuratoriis instrumentis *απορίαν*, ob acidas cruditates, & visciditates liquorum.

Quamobrem si quis dixerit quartanam febrem à limositatibus tartareis,

& liquorum amurca, sive liquaminibus crudis acidis viscosis fieri non procul à veritate aberrabit.

Ideoque febris est, quae diutius durat, quoniam febrilis materia, non adeò citò à tubulis extricari potest angustissimis lienis, ac glandularum seri albuginei depurationi destinatarum, ob causas illud idem serum albugineum incrassantes.

Rigores, horrores, aliaque consimilia symptomata ab eodem acido acriore viscido, membranosas, nerveas sensitivasque fibrillas vellicante fit.

Sed potissimum circa mesenterii, & naturalium viscerum nervosas fibrillas, haec lancinatio infestat. Solus verò archeus, hujus depravatae sensationis iudex iniquus est.

Magna etenim nobis suspicio est, eadem ratione sensum frigoris in febris fieri, sicuti in lingua frigoris sensus imprimitur gustantibus materias valde nitrosas, tum lapidem prunellae ipsum. Vel etiam materias insigni calore praeditas ut pyrethrum quod linguae frigiditatem insinuat.

Plurimae quinimò essentiae, ac spiritus ardentes, ut quinta essentia rosae smarini, frigoris sensum donant si labia, vel balanus inungatur.

Sic materia acris, velociter mota, dum à suo foco dilapsa undique, etiam ad corporis ambitum diffunditur, nervosas partes vellicat, calorem, & vitales spiritus obtundit, & comprimit, inde frigoris sensus, & horripelationes insurgunt.

Novis autem spirituum agminibus convocatis, factoque impetu, ac prevalentibus hisdem cum majori cordis micatione, pulsu, ac calore, praeternaturales liquores atque molesti advenae propulsantur, subiguntur



facta per universum corpus excandescentia.

Super ceteros verò liquores succus albugineus nervosus est ille qui insignem acorem in se concipere potest, atque nervosas partes quas succo nutritio, ac vitali tempore sanitatis irrorat, morbi tempore præternaturali aciditate imbutus, ipsis molestus, & hostilis factus, à sentientibus fibrillis propulsari promeretur, magno vel parvo frigoris sensu incusso, pro majori, vel minori ejus acore præternaturali.

Nostrium vero serum albugineum nervosum illud idem est quod à veteribus nomine melancholiæ decorabatur, qui passim melancholiam aquam appellabant. Quæ per varias & admirabiles coagulationes & solutiones, Vertuni, & Prothei naturam æmulari semper observatur.

In cerebri glandulis elaboratur, in liene & glandulis depuratur, ad magnum nutritionis spermaticarum albarum usum, ut alibi Deo dante fusiùs ostendemus.

Sufficiat pro nunc acutas nares habentibus attigisse, ac adumbrasse rationes ob quas quartanæ potissimum fieri solent cum aliqua cerebri læsione, & potissimum destillatione catarrhali, tumore, vel obstructionibus lienis, & viscerum naturalium.

Cur etiam copiosæ vrinæ, quandoque sudores observentur. Ideòque etiam sit frequens iter, & transitus ad hydropem, quæ certo certius à sero albugineo fieri constat, nam eductam aquam per paracentesim, centies ad ignem positam concrevisse observavi, quod à solo sero albugineo nutritio nervorum fieri consuevit, & non à sero vrinoso, aut alio non crescente.

Exindè facilè rationem reddere possumus cur si longius hæreat quartana, in affectus scorbuticos, hypochondriacos, & alios multos impingere faciat.

Sanguis enim in quartana per hanc depravati feri albuginei nervosi mixturem, à materia dulci spirituosâ, balsamica, transit in acidam, ac naturæ infestam, vini dulcis acescentis ad instar.

Tertiana vero febris fieri consuevit potissimum à bile in primis viis, certo quodam corruptionis gradu, per externos errores, tum per moram, & stagnationes ad acredinem perducta.

Est etenim liquor qui nisi debite moveatur, atque aliorum consortio attemperetur, stagnans, igneæ, ac impatientis naturæ fermentatur, & viam sibi violentè aperit, atque in chylum præternaturalitè agit, velocitèque per ductus lacteos secum ad cordis penetralia advehit, atque mixturem sanguinis placidam, molestus advena turbat.

Ab initio itaque tubulorum impedimèta, ac obstructiones bilem perspirare posse negantes naturalitè moveri aliis misceri, ac debite excerni, præcipuè tertianæ febris causæ numerantur.

Irritationes etenim Archei vario modo contingentes, tertianariam conditionem habere posse fatemur. Quæ quidem si intra modicum tempus talis febrilis conturbatio terminetur. medicina est.

Hæc enim varias, & omnigenas sanguinis impuritates deflagratione sua repurgat, viscerum obstructiones tollit, totum perspiratione aperta eventillat, & uno verbo innumera morborum seminaria, hac



unica falce detruncare solet.

Verum si diutius protrahatur, sanguinis massa spiritibus vitalibus plurimum spoliatur, ac vini ad instar, per nimiam fermentationem vapescit, ac debilior fit. Indè fœdi in cute colores, icterus, cachexia aliaque pessima mala.

Namque ut plurimum, bilis depuratorium viscus tunc afficitur (videlicet hepar) ex cuius tubulis, tum ex pancreate, & ductibus chyloferis, imò ex universis vasis sanguifluis veniens, præternaturalibus conditionibus affecta, mixtionem sanguinis, & facultates omnes interturbare valet.

Si autem plurima pituita, seu viscidis liquoribus inviscata, circa ventriculum, & primas vias hæreat, tunc chylo fit præternaturale offendiculum quod viscidum, torpidè motum, depravatum reddit, difficilem ingressum habens. (ob obstructos plurimos lacteos tubulos) ad cor, inde gravitatis sensum elargitur, ac torminum circa præcordia, quæ in febris quotidiana nomine appellata passim observantur, ob ventriculum, intestina, & primas vias mucositatibus, & viscida pasta oblinitas, & bilis succum præpeditum à naturalibus & debitis muneribus suis.

Hæc tamen omnia quandoque assidue infestant, quandoque interpositis temporibus, vel horis saltem aliquibus, sicuti neque catarrhi defluxiones perennes sunt. Sed solum tunc infestant, quando excrementi tantum jam collectum est, quantum natura patiens, amplius tollerare non potest.



### *Ephemerinarum febrium causa, & ardentium.*

**F**ebres ephemerinæ à mera spirituum irritatione fiunt, ob violentum impetum causæ procatharticæ iræ, laboris, solis, crapulæ, veneris, vigiliarum, & consimilium erga massam sanguineam factum, absque tamen liquorum componentium dissolutionem, & crasis immutationem, præternaturalem æstum ac fermentationem accidentalem inducentem.

Et hac ratione, quocumque modo phlogosis aliqua, in qualibet sensitiva parte introducatur, illicò spiritus turmatim confluentes, ac impetum facientes, simul sanguinem impetuosius moveri, ac ebullire faciunt.

Ideoque si exiguam fieri aliquam sanguinis mixturæ turbationem, etiam in ephamera quis contendat, eidem non repugnabimus. Sicut absque insensibili transpiratione impedita difficilem esse ephemerinæ febris insultum ultrò concedimus.

Ardentium vero febrium causas suspicamur esse bilem (vel succos bili analogos) dum sincera absque succi pancreatici, vel lymphæ fræno, libera, ac furibunda per sanguifluos tubulos cum cæteris liquoribus fervidis, & fermentescentibus ad cor circulationis motu redditur.

Quamobrem in transitu tubulorum ventriculi, & pulmonum, suæ acrimonix salinæ stygmata imprimens, inexplebilem sitim inducit. Sua autem inflammabili oleositate tum viscera, tum continentes undique partes suffundens, exurentem igneum calorem adducit.

Qui



Qui quidem ideò geminatur, quia præter id quod bilis fervida sit, valde etiam irritans ac mordicans est, quare spiritus in furorem agens, cor ad frequentiore pulsum, liquores ad concitatio-rem motum, tum progressum, tum internum fermentationis cogit, & sic undique incendia & flammæ disseminare valet.

*Hæcticarum febrium causa  
frequentes.*

**C**ertum est in febribus hæcticis plurima indicia haberi, quibus sanguinis status acrior esse colligitur, adeò ut salibus causticis prægnans esse ut plurimum dicatur absque hæsitatio- ne in ulceribus pulmonum minus verò palam in ventriculi, & viscerum naturalium labe, & adhuc minus in atrophia annexa.

Miseraque in primis conditione, quod humores circulant per affectas partes (ex. gr. per pulmones ulceratos, vel ventriculum, aut viscera præternaturalibus succis imbuta) assiduò peregrinam labem nanciscantur, & cum sanguine ad cor reduces, sanguineæ compagis mixturam turbent, atque acrem eidem intemperiem imprimant.

Magna relicta dubitatione, an hæcticæ causæ, vel producta sint. Et an hæctica essentialis sit, vel symptomatica, quæ ampliori loco reservabimus.

Hoc pro nunc tenentes, quod hæcticæ febres semper cum mala sanguinis diatesi fiant, per quam ad intemperiem falsam, vel acrem vergere observatur. Ideòque nutritioni, & æquabilis suæ circulationis motui, minus proportionatus sit. Viscera ex transitu hujus coinquinatæ massæ sangui-

neæ, ac suorum liquorum falsuginosorum, læduntur, ac corrumpuntur, inque fermentis suis depravantur. Altera enim alteri vitia sua communicat, & affectus invicem recipiuntur.

Ut plurimum tamen cerebri glandulis malè affectis hoc lacrymabile malum insurgit, His etenim à recto munere suo impeditis serum albugineum nervorum nutritium impurum nutriendis albis spermaticis partibus improporcionatum generant. Languescere postmodum ceteræ facultates coguntur, vigor etenim exinde motoricis facultatis marcescit in dies. Spiritus exhauriuntur. Fermenta sua energia imminuuntur. Liquores omnes acriores, intemperati, ac præternaturales fiunt.

Frequenter evenit per longos menses, quod pancreaticus succus austerior fiat. Hic humores reliquos glutinosiores reddit, ensimulque stagnatione acriores, fixoque in visceribus naturalibus foco, æternum veluti vestalem ignem febrilem in corde illi accendunt. Frustra accurrente ad extinctionem lymphæ, uis ejusdem arefactis, vel viscida pasta occlusis.

In hæctica namque (progressu potissimum) alimentum utrumque acre sit, & viscidum, spirituum generationi, ac nutritioni ineptum. Ejusque prave conditionis, quod demulcentium liquorum adventum sua crassitie impediat vias obturando, tubulos comprimendo, vel admissos cum magno fragore, strepitu ac effervescencia pugnando prosternat, & ad suam pravam naturam deducat.

Hæc potissimum evenire observantur post longas, & contumaces febres, incuneatis obstructionibus, depravatis viscerum fermentis inde li-



quoribus, actionibus vitæ necessariis, corruptis, & inspissatis à salibus exoticis.

Ex sanguinis acredine, deficientiam laticis aquosi blandi languere possumus. Chylus præternaturali acore imbutus ob febrilem calorem ventriculi actiones labefactantem ab assumpto cibo statim in fervidum sanguinem labitur, ac in minimas sui particulas discinditur, ideoque in eodem inclusus igni flammam concipere solet.

Sal interim copiosum, quo hecticorum urinæ saturari conspiciuntur fit à sero veluti torrefacto, & in salem verso, seu ejus aquosioribus particulis resolutis, & admixtis salibus incrassantibus relictis.

Contabescentiæ pariter causa in hectica, acrium salium in nutritiis liquoribus plurima admixtio est, à qua succi universi incrassantur qui tubulorum lacteorum in mesenterio obstructions moluntur, chylus acrior, improporcionatus ad cor demittitur.

A quibus postmodum comprimitur, & corrumpitur robur partium innatum, quod agglutinationi ac nutritioni sufficere postmodum nequit.

Liquor tamen præcipuus, & in hecticis febribus consideratione dignus, super cæteros, serum albugineum est; sine quo spermaticarum partium nutritio fieri nequit. Quo

vite muneribus ac spi-

ritibus illustran-


dis instru-

men-

tum par in corpo-

re non repe-

ries.



*Malignarum, tum pestilentium febrium causa, Variolarum, bubonum, & cutis affectionum &c.*

**M**assa sanguinea dum miasmate venenato tangitur varias subire coagulationes, & corruptiones cogitur. Ejus etenim mixtio statim dissolvitur, liquores ab amicabili consortio turbati invicem secedunt.

Exinde varia, & horrenda symptota exurgere observantur. Particulæ namque venenatæ tali sunt ferocia præditæ, ac tanta, ut cum liquore albugineo nervorum nutritio impetuosè effervescentes, ejus tenuiorem, dulciorem, ac spirituosiore partem resolventes, reliquum incrassatum suavi styptica figunt.

Animales interim spiritus in inordinatos motus stimulantur, inde in convulsiones, tremores, rigores, stupores, resolutiones nervorum prorumpunt.

Subiectum itaque primariò, & principalitè affectum, serum albugineum nervorum nutritium est. In quo veneficum contagium vehementiorem impressionem suam facit, & coagulationem, inde dissolutionem molitur, non secus ac lac acescens, vel succo acido perfusum, quod partim concrecit, partem in serosas partes diffundit.

Velocitè ergo per malignum, ac veneficum contagium sanguinis massa grumescit, instar sanguinis extravasati, qui cum nigredine corruptionem patitur. Coagulationi verò magis quam cæteri liquores serum albugineum subiicitur, ut etiam in extracto sanguine per venam sectam omnibus palam sit ad ignem.



Nisi itaque validæ naturæ vires, quam citissimè in vasis majoribus facto impetu ac concussionibus cordis validis, sanguinis concretionem impedian, circulatio præpeditur, & præceps mors obrepit.

Exteriùs verò ad ambitum corporis à valida facultate coagulum protrusum in angustis tubulis motus fititur, & liquor sanguineus spiritu, ac motu consueto destitutus, grumescit, inde vibices, stygmata, peticulæ, aut in glandulis bubones, vbiq; verò locorum antraces parere valet, atque tumores.

Sed potissimum ob liquoris nervei coagulationes, syncopes fiunt, virium deiectiones, delirium, phrenitis, sopores, convulsiones, aliaque horrenda cerebri, ac facultatis animalis symptomata.

Ubi enim nervosa pars aliqua mortifero hoc veneno tacta fuerit, serum albugineum, quo ipsa irroratur statim inficitur, quod per tenuissimos lymphaticos tubulos ad venas confluentem, legem circulationis expleturum, sanguinis massam coinquinans sui impura mixtione, fit causa erumnarum omnium, & mortis.

Concedimus tamen quod quandoque alii liquores, imò ipse sanguis virulento contagio prius inficiatur, illicò tamen labem suam sero albugineo communicare observatur.

Inde animales, ac vitales spiritus tenuissima hac, & butyrofa sanguinis parte contaminata, veluti profligati, suoque duce, ac nutritio privati dissipantur, sanguinis æquabilis mixtio dissolvitur. Particulæ crassiores se mutuò implicant, & congregant (lactis ad instar post infusum coagulum) & hac ratione cruor in vasis grumescit, tardigradus in cir-

culando, vel impeditus omninò à suo motu. Inde maculæ nigrae, vel purpureæ aliaque in cute &c. emergunt.

Consueta via per quam fræquentèr pestilens contagium ad humana corpora ingressum habet, aeris per os, & nares attractio est, in qua aer salivam oris attingens, eamque inficiens, hæc naturali, & consueta via per æsophagum ad ventriculum delapsa, veneni illicò symptomata profert, quæ affectioris ventriculi primò manifestantur per vomitus, tormina, lypotimias, dolores capitis, sopores deliria.

Aeris etenim malignæ particulæ acres, faciliè cum saliva, & chylo coniunguntur. Atque per talem conjunctionem acriores fortassis fiunt sicuti ex nitro, & vitriolo aqua fortis fit quæ multo asperior est, quam spiritus ex eorum altero elicitus.

Malignarum verò febrium causæ fundantur in motu irregulari præternaturalis fermentationis sanguinis, ob quam componentes particulæ massæ sanguinæ ab invicem secedere coguntur, quæ priùs amicabili consortio coniunctæ, incolumitatis ac roboris felices causæ erant.

Sanguis itaque per hunc ab invicem particularum divortium, naturam suam exuere, & debitam fluiditatem, ac motum naturalem tum progressivum, tum intrinsecum amittere cogitur. Ideòque obeundis vitæ muneribus ineptus fit, & machinæ nostræ hydraulicæ sustentationi impar esse variis symptomatibus se manifestat.

Secedunt igitur particulæ ab invicem, dum homogeneæ congregantur, ex. gr. salia coagulantur, & aquosiores majorem fluorem acquirunt.



runt. Quamobrem massa sanguinea internam suæ fermentationis motionem amittit, & circularem per vasa sanguiflua motum ad cor invenire decentèr nescit.

Salia acria culpantur, volatilia effrænia, quæ sanguinis crasim solvere apta nata sunt.

Differunt verò pestillentes & malignæ causæ, tantummodò secundum magis, & minus. Minor videlicet est gradus malignarum, major pestilentium, miasma, atque venefica causa.

Quandoque etenim sanguinis partes coagulatae, ad motum adeò ineptæ factæ ut ad instar deflagratarum cinerum heterogeneæ ac sine fluore in humano corpore repertæ sint.

Sal itaque volatile arsenicale, nostris facultatibus insensissimum, massam sanguineam dissolvere, spiritus perfundare, liquorum coagulationem moliri, & partium ab invicem separationem facere potest.

Quia verò natura sanguinæ massæ est, ut tota in auras evolare, & in gas abire possit, mediante aere, & fermento (ut alibi in parte prima insinuavimus.)

Si quandoque contingat, ut per accidentalia & externa coagula hoc assequi non possit, neque volatilis fieri, neque tota transvolare possit, tunc naturæ gravis, & incommoda, sua irritatione febres, sua incrassatione oppillationes, tumores, variolas aliaque in cute, & in visceribus mala symptota adducit.

Duo itaque effectus ad pessimum venenatum fermentum sive malignæ sive pestilentis febris consequuntur, salinorum, ac terrestrium magis, ac symbolizantium inter se incrassatio. Tum tenuiorum, vel aqueorum ac

fluidorum dissolutio atque ab aliis divortium.

Hæc autem fieri consuevere diximus ob acidum acre, seu sal volatile arsenicale, quod glandularum liquorem, seu serum albugineum nervorum nutritium subacidum enervat, inquinat, increasiat, & motibus suis peragendis invalidum facit.

Ideoque tum naturalis sanguinis consistentia tollitur, tum vitalium inde animalium spirituum secretio impeditur.

Tale pessimum sal volatile inspiratione allici consuevit, vel cum alimentis ingurgitatur, frequentius cum saliva deglutitur. Non infrequenter per poros cutis sese insinuat.

Bubones autem, antraces, escaræ, &c. non sunt materia pestis, sed effectus, & producta pestis. Materia namque pestis indomitus quidam spiritus est, veneno tinctus, peculiare servans ab astro mittente inimicitias cum una regione, & non cum alia, cum uno temperamento, & non cum alio, imò cum una specie animalium, & non cum alia.

Prout quibusdam etiam venenis naturale est. Nux etenim vomica canibus exitiale venenum, intra duo momenta, vel tria interficiens est. Homini vero innocentèr & absque læsione propinari potest.

Agens itaque remotum pestis. Seu pestilens constitutio, à syderum maleficis influentiis dependere fatemur. Et nisi alia coniectura prestò esset, illa maxima est, quod natura pestilentium constitutionum ab orbe condito semper variare observatur, neque in symptomatibus, neque in curationibus iisdem constans. Non alia equidem ratione, nisi quia astrorum, & coelorum motus, ac influentiæ perenni



ni tempore variant, & inconstantes sunt, ut singula examinanti patebit.

Hinc est quod *divinus senex in lib. progn. Pestem divinum quid esse protulit*. Et prudentiores fatentur, quod cum febrium pestilentium causæ sint veneficæ qualitates, solisque alexipharmacis curari possibiles. Ideo plurimos interire, quia raris legitimum alexipharmacum assequi datum est.

Præterea velocissimi motus affectus est, neque dat auxiliis inducias, nec locum prudentiæ medicæ, sed hostis detegitur cordis arce jam devicta & occupata, sanguineque in compedibus coagulationum detento, ac cæteris hinc inde profligatis.

Ex languido itaque sanguinis motu, & coagulatione, maculæ, tumores, peticulæ, vibices in cute fiunt, quæ potissimum post mortem magis manifestantur.

Pulsus humilis, celer, fræquens fit, dum in cordis fibras nervosas, spiritus animales debiles, ac invalidi ingrediuntur, hujus depravati motus auctores, simul cum spiritu insito, ac vitali.

Vires etiam prosteruntur, quoniam ad cerebri corticem glandulosam in pauca quantitate, & malè affectus sanguis defertur. Nam vitalibus spiritibus veluti orbatus, ac resolutis jam tenuioribus, magisque volatilibus particulis, ineptus fit ut in animales spiritus facessere possit in cerebri vasculis, ut exinde vitæ vigor, & vires animales, ac functiones omnes sustineri, ac peragi possint.

Felicis memoriæ collega D. Hieronymus Barbatus in peste Romana anni 1656. veluti fabulo, vel cœno cordis ventriculos opletos, vel viscera, vel pulmones peste infectorum,

se reperiisse palam fatebatur.]

*Malpighius vero lib. de polypo cordis fatetur se fræquentèr in peste defunctis polypos cordis adinvenisse. Nec non in illis quibus venena propinata fuissent.*

Exc. Signorinus, qui adfuit in peste Vienenfi anno 1679. & 1680. retulit quod solis validissimis sudoriferis, & sanguinem fundentibus citò exhibitis ægri servari poterant. Atque se cognovisse jam infectos jactabat, licet se omninò sanos esse crederent, solo tactu pulsus; Nam post aliquot pulsationes intermittebat. Inde sanguinis coagulationem initium capere jure merito suspicatus, & salibus volatilibus propinatis, ac sudoriferis, eorum vitam in tuto ponere aggrediebatur.

Ipse verò intrepidus, spirituosus semper in potu assumptis. Tum granis aliquot salis volatilis viperini, se se ad omnes morbos pestilentes curandos, & tractandos accessisse gloriabatur.

Venenatæ ac pestilentis affectionis eadem symptomata vidit Io: Elmontius sic aiens: *qualem vidi stomachum ancilla quæ ultrò arsenicum sumpserat. Talem vidi in peste affectis, qui intra paucas horas obierunt*. Ipse in tribus diversis annis, tres pestilentes constitutiones Bizantiæ diversas observavi, Altera quæ variolarum malignarum facie interficiebat, altera quæ vibicum forma, tertia vero quæ indiscriminatim & variolarum, & peticularum & cutaneorum affectuum extramissionibus ad internecionem ducebat.

Magno vero facto respectu, ad Italas, Gallicas, & uno verbo ad occidentales nationes, quas certè intactas relinquebat. Atque sepiùs mihi data



data fuit occasio, tum in angusta via proximus mortuis incedere, tum vocatus ad peste infectos eos contrectare, pulsumque tangere, Dei tamen gratia semper sospes, & integer perstiti, in cornu cervino, ejusque sale volatili magis confidens, quam in cæteris auxiliorum generibus.

Variolarum febris de utraque natura participare videtur, malignitatem etenim induit ratione symptomatum; contagiosa est atque peculiaribus tantum naturis communicabilis.

In cujus quidem causæ indagatione non parum laborant medici, qui hoc contagium antiquis ignotum esse contendunt, ut & cætera neotericorum contagia, lue ipsa Cæltica non excepta. Quare à prava syderum influenza, pessimam hanc in massa sanguinea fermentationem excitari contendunt.

Qui malum antiquitatis motum esse tuentur, à menstrui sanguinis inquinamento concepto tempore fermentationis in utero materno originem ducere putant.

In hoc itaq; fermentum quoddam generari dicunt, quod massæ sanguineæ communicatum, post statutorum temporum periodum sanguinem fermentando, ac eidem turgescientiam donando, naturali quadam inclinatione ad cutaneos tubulos contaminandos erumpit, non absque motu critico naturæ liquores depurantis.

Verum quia per historias Indiarum innotuit, quod sicuti lues Cæltica contagio neoterica est ab Indiis delata, Ita variolæ Europæorum, novum contagium Indicis regionibus nunc temporis est, quod nihilò minorem cædem illis adducit, quam lues Cæltica elapso sæculo Europeis.

Parum tamen refert originem inve-

stigare ab ovo. Sufficiat prænovisse acidum esse malignum fermentativam naturam induens, quod cum sale volatili massæ sanguineæ acerimam pugnam aggreditur, donec à victrice natura subigatur, præcipitetur, & ad cutem devictum cum incrassatis liquoribus demittatur.

Magna tamen nobis suspicio est, quod sero albugineo nervoso potissimum insidietur tale acidum, ideoque pueris familiare malum advenit, qui super cæteras ætates plurimo sero albugineo abundant. Nec non videmus circa loca glandularum (quæ sunt officinæ & depuratoria instrumenta seri albuginei nervei) in majori copia erumpere. Et potissimum circa caput (in quo mediantibus cerebri glandulis elaboratur, ut sit albis spermaticis partibus alimentum) & circa miliares glandulas cutis, hæc enim inter spermaticas partes fortassis præcipua est, & tota nervis contexta. Seri autem natura prona est in pustulas, & pus abire.

Serum itaque albugineum præternaturalitèr acidum fieri probatur ab vlceribus, & à foveis satis profundis relictis. Nec non quia nervos irritando, eosdem quandoque ad crispationem cogit, & epylepticos insultus excitat sopores aliaq; cerebri symptomata.

Absque eo quod ad tempus conquiescat variolarum fermentum, sufficit nobis quod à cœli constitutione, ab aere, & causis occasionalibus tale acidum malignum contagiosum promoveatur, quod plurimo sero albugineo nervoso abundantia corpora afficere tantummodo dirigatur, & non alia.

Natura etenim venenorum sive de super immisforum per pestes, sive à terra



terra erutorum, aut aliundè venientium est, inimicitiam particularem gerere, cum uno, & non cum alio, cum una corporis parte, & non cum alia quandoque.

Miasma itaque atque variolarum contagium à corpore infecto assiduò pereffluvia prodit, quæ ab aliis corporibus fuscepta dispositis. (Videlicet existente sero albugineo nerveo in tali aut tali dispositione) statim diriveneni adinstar, sanguineam massam ad fermentationem cogit, in qua homogeneæ ac symbolizantes particule quædam concresecunt ac vniuntur, atque in peculiaria cutanea coagula abeunt, variolas constituentes, aliæ vero secedunt, & liquantur.

Quare cruor sue mixtionis solutionem pati cogitur, & resolutis tenuioribus particulis, & butyrofa sanguinis parte contaminata (sero albugineo nerveo) puriores spiritus profligantur, & vita in magno discrimine ponitur.

*Auxilia Februm in genere.*

**E**Ligatur aer purus, serenus, temperatus. Qui si natura talis haberi nequeat, arte paretur. Frigidus autem, nebulosus, pravis exhalationibus imbutus vitetur; nam poros occludendo, fræquens februm causa esse solet.

Æstate tamen, & in conditionibus valdè fervidis à Galeno in meth. cap 8. conclave terre proximum summoperè commendatur, atque aquilonari vento perflatum, arte etiam refrigeratum (copiosa nive, gelidæ perfusione &c.) modo æger medicis præceptis obtemperans sit, & benè contectus sine agitationibus permanere contentus sit.

Non decumbant super plumea strata, sed super lanea tantum. Quæ etiam vrgentibus fervidis conditionibus corio insterni debent.

Stratum spaciosum permittatur, ut cum ratio exigat, locum commodè mutare possint. Linteaminum paritèr mutatio permittenda est, rationabili causa facta, (contra vulgi opinionem irrationalem) modò benè exiccata sint, & manibus prius optimè contrectata.

Hominum fræquentia vitanda, ad maiorem corporis, & animi quietem. Pavimentum saltem perfundatur aqua, & aceto, vel aqua rosarum, aut floribus, & foliis vitis, vel aliis frigidis alibi recensitis.

Pro potu ordinario, non displicet decoctum hordei, cum tamarindis, prunis, addendo pro libra una decocti, vnciam unam saccari, & guttulas spiritus vitrioli.

Aqua etiam ex santalo, & modico cinamomo parata, ingratum potulentum non est, pro nauseantibus febrientibus, quibus magis quandoque arridet aqua putealis in qua plurimi ardentes carbones extincti sint, veterum potio rationabilis, & proficua; nam lixiviali sua quadam conditione, acidas corruptiones circa primas vias repertas, aliqua ratione emendare valet.

Delicatiores verò julep. Alexandrinus sufficere deberet, qui cum utilitate gratiam conjunctam habet. Paratur verò pro singula aquæ fontis libra, admiscendo duo, vel tres vncias aquæ rosarum, tum succi limonum, & saccari ana vncias duas, lentoque igne coquantur.

Selectiora adhuc exquirentibus nostræ appendicis primæ tractatum secundum de potulentis ægrorum pro-



ponimus, ubi amplum electionis campum habere poterunt.

Prout in tractatu primò varia obsonia febrientibus egris non ingrata reperient. Divinus etenim senex licet quibusdam superciliosus esse videatur in cibis offerendis in morbis acutis, at tamen benè considerantibus indulgens esse reperietur, *Nam in 5. Epid. dicitur Herodicum qui febrientes interficiebat cursibus, luctis, multisque fomentis, & ait. Febris vero est inimica fami, luctis, cursibus, frictionibus, laboribus.*

Lactuca, endivia, & holeracea omnia in ardentibus, ac siticulosis febribus exhibeantur. Sunt tamen pauci alimenti, & copiosi excrementi. Idem dicatur de fructibus, de cucumere, pepone, cucurbita, anguria, pomis, &c. Nisi enim citè à stomacho elaborantur, corrumpuntur, & pessimos liquores fermentativos generant, ut aliibi ostendimus.

Vinum ut validum stomachi confortativum indicatur à virtute jam concidente. Vel declinante morbo, in quo per vrinas evacuandum esse intentio sit.

Imò in omnibus febribus post apparentia signa coctionis, ad vigorandas omnes facultates instauranda fermenta, & expulsionès molindas oligophorum Galeni concedi potest.

Secus eruda materia existente, atque fermentis viscerum præternaturaliter omninò se habentibus, innata aciditate sua, deteriora facit, agit, fundit, liquores, fermentat, & multarum calamitatum fit parens.

Amplexamur itaque Io. Elmontii opinionem, qui in cap. de dieta, in febribus, & acutis morbis sorbitiones securiores esse protulit. Quoties enim putrefactibilis caro, vel cadaverizabi-

le alimentum in stomachum ingeritur, carens suo fermento digestivo, putrescit, nec digeritur. *Impura etenim corpora, quanto magis nutries, tanto magis ledes, ut observat Hipp. 2. aph. 10.*

Si ergo carnes febrientibus, atque cadaverizabilia obtuleris, acida peregrina, ac symptomatum augmenta expectabis. Si autem per potiones seu refrigerantes sorbitiones humectare tentaverimus, siti ægrorum magnum afferemus solatium, calori occuremus, atque ariditati obviam ibimus, nec non indigentia ac imbecillitati opem ferè poterimus.

Aversio enim carniùm, quam febri-citantes habent, & nidorosi ructus, præternaturalem calorem adesse significant, & naturale acidum fermentum deesse.

Experimur autem quam facilè sit, ut recens caro, pedi, vel pectori alligata fæteat, ac citissimam corruptionem subeat. Hinc est quod in febri-citante, ac præternaturali calore æstuante stomacho, provida natura verita, ne ingesta caro in primis viis corrumpatur, & cadaverizetur, illicò carnes averfatur.

Animi, & corporis quies omninò procuranda. Hæc enim juxta Celsi doctrinam multos periculosos morbos sanare valet, nam fermentationes multas præcavet.

A frigidis acti, & potentia (nisi fervida conditiones urgeant) omninò abstinendum erit, altas enim obstructions, ac difficultè solubiles parere possunt.

Frigida tamen quolibet tempore concedi poterunt in febribus, quæ tenuium sint partium, ut uittrioli spiritus, lapis prunellæ, canphura, & consimilia.



Sorbtiones magis ; quam solidos cibos laudamus , quia per has afflicta natura citius reficitur , neque à pugna cum morbo distrahitur . *Facilius est enim r' ci potu , quam cibo , ut monet Hipp. 2. aph. 11.*

Licet tritum , ac vulgatum sit , quod in accessionibus abstinere oportet ex Hipp. 1. aph. 11. Attamen nonnulla corpora , biliosa admodum inveniuntur , & exquisiti sensus , quæ magnum bilis cumulum circa naturalia viscera , & potissimum circa os ventriculi supernum in accessione congregant , quibus nisi aliqua lenis sorbiciuncula exhibeatur cujus mixtura præternaturalium liquorum asperitas demulciatur , in lypotymias incidunt , & horrendos vomitus , à quibus adeò concutiuntur , ut postmodum inappetentes contabescant .

Motum nimium feberi inimicum esse cum Hippocrate superius reputavimus . Ad febres namque disponit , florem sanguinis absumendo , nec non quiescentia excrementa hinc inde sequestrata per caloris , ac spirituum agitationem erumpunt , inde sanguineæ massæ communicata , ipsam ad febrilem fermentationem cogunt .

Nimia tamen quies potissimum in febribus cronicis , & à materia crassa oriundis vituperatur . Per hanc enim crassæ particulae quiescentes , magis incrassantur . Inde angustos tubulos magis obstruunt . Impediti , vel retardati liquores , ob moram acriores fiunt , sanguinisque massam magis turbare valent .

Somnus , & quies , in biliosis potissimum corporibus omni studio procuranda erit . Ideò ab opiatīs , & anodinis medicus abstinere non debet . Per hæc etenim somno procurato sanguinis deflagratio , & incendium præca-

vetur , imò quandoque extinguitur , vel saltem mitius , & cum minori noxa deflagrationem suam peragere observatur .

Aqua vero refrigerantia , cruorem attemperantia , spiritus refocillantia , ut liquores acetosi vegetabilium , vel mineralium , vitrioli spiritus , nitri , salis , sanguinis æstum cohibendo , sitim extinguunt .

Per opiata adhuc , acuta succi pancreatici acrimonia , atque aciditas , nec non bilis lixivialis acuties attemperatur , vitiosique motus horum liquorum infrenantur .

Emulsiones ex quatuor seminibus frigidis majoribus , sunt visceribus æstuantibus magnum levamen . Sic tinctura rosarum in laxis visceribus , vel decoctum florum papaveris , in aqua plantaginis cum guttulis spiritus vitreoli , ad gratam aciditatem .

Potus multus in febribus , per se non nocet , imò prodesse solet , modo obstructions non producat . Quod fieri potissimum solet , quando confertim , si actu potulentum frigidum assumitur , neque ingens sit æstus , qui ipsum refringat . Quare multi à febribus per frigidas potiones curati in cachexiam , vel hydropem delapsi sunt .

Securius igitur assumitur potus copiosior , qui tantillum aeri , vel soli exponatur , non tamen , ut tepescat , sed sufficiet , & actu frigidus non sit , eique guttulæ spiritus vitrioli , vel nitri addantur , ad celerem per angustos tubulos transitum .

Præsentibus verò vigiliis , vel urgentibus doloribus , grana canphuræ exhibeantur , etiam pluries in dies . Effervescentias enim placide sedat , & absque incrassatione obstruente , post



impetratam quietem tota volatilis perspirat.

Quoniam à nausea, & vomitibus venimus in cognitionem circa primas vias plura excrementa stabulari, atque expiatione indigere. Idcirco ab initio tuto exhiberi poterit vomitorium ex stybio, vt syrupus noster vomitiuus, vel infusio croci Rulandi, aut gr. iij. tartari emetici, Vel drach. 5. gillæ Theofrasti.

Ventriculus interim ob spirituum animalium torporem, languidam expultricem viscerum naturalium constituentem, tum ob caloris vitalis à corde influentis, & stomachi acidum foventis penuriam, in febricitantibus admodum imbecillis est.

Potissimum si per succorum præternaturalium mixturam depravetur, atque à statu naturali alienetur fermentum ejus acidum. Quare alimenta rectè conficere nequit, sed ea potius corrumpit, & sic flammæ febrili novam escam suppeditare videtur, ut sensit *Hipp. 7. aph. 65.*

Ideoque media quadam via incedere debemus, abstinendo quidem à carnibus, & à corruptibilibus alimentis. Sed ob stomachi languorem alterata juscula hordeata cum contusis in quibus acetosi spiritus semper instillantur, vel acetosa, succus citri admisceantur.

Interim cocleatim pluries in dies mixtura stomachica, & cordialis exhiberi poterit, ex conserva acidæ citri, cum speciebus diamargaritonis, vel de hyacinto, ebure sine igne præparato, & granis duobus vel tribus canphuræ.

Digestiva etiam summo manè post somnum, vel circa auroram propinentur, quæ solent parari ex acetosis attemperantibus amarorem alcalicæ,

bilis, vel cordis deflagrationem aqueis particulis extinguentibus, nec non coagulatos succos, obstructions, vel stagnationes efficientes, fundentibus, ac liquantibus.

Cujus farinæ sunt aquæ destillatæ, vel succi depurati borraginis, acetosæ, cicorei, endiviæ, lupulorum, & consimilium, cum guttulis spiritus salis, vel vitreoli, succi limonium.

Si verò de igneis acidis particulis circa primas vias indicia adsint, absorbentes magis pulveres testaceorum arridebunt, stybium diaphoreticum, terra virgo Mutinensis, bezoar tum mineralis, tum nativus, aliaque invaginantia acutos ignis gladiolos, & suo pondere ipsos aggravantia, ut sic minus mobiles, ac naturæ magis tolerabiles fiant.

In quo censu nitrosa etiam, & fixantia sulphura volatilia venire possunt, quæ validè præcipitant eadem à sanguinis massa, ideoque summopere refrigerare observantur, quæ etiam cum sudoriferis, & canphura admisceri poterunt.

Inter verò tuta, & eximia sudorifera per vices exhibenda, est stybium diaphoreticum ex regulo antimonii paratum, vel bezoardicum minerale ad scrup. j. cum gutt. xij. spiritus salis armoniaci, in aqua cardui benedicti.

Verum si cum magno virium languore debilis appareat pulsus, depressus, frequens diaphoretica (potissimum validiora) suspecta esse debent, ne majorem particularum massæ sanguinæ dissolutionem faciant.

Quare si diaphoretica exhibenda sint, hæc fixiora, magisque temperata eligantur, ut sal prunellæ, oculi cancri nitrati, margaritæ.



Graviter etiam peccare observantur illi medici, qui ut agris gratificentur de virium imbecillitate querimonias importunas comminiscuntibus, statim ab initio cordiales pulveres, & alia cordis conflagrationem majorem procurantia propinant, agrosque in magnum vitæ discrimen adducunt.

In conditionibus valdè fervidis, externa auxilia refrigerantia, non inutiliter usurpabuntur, ut sunt hepatis, lumbis, unguentum refrigerans Galeni, rosaceum cum sale saturni, posca testibus repetitis vicibus applicata.

Si de obstructionibus clara testimonia perhibeantur china febrifuga ob amarorem, tum absynthium, gentianæ radix, tartarum vitriolatum, spiritus salis dulcis convenient.

Clysteria quandoque necessario usurpanda erunt in febribus, ad ligatam siccitate febrili alvum solvendam. Quæ tamen in febre potissimum æstiosa, ac intensa, sine oleo parata esse consulerem, sed lacte, modico butyro, & saccharo, vel decoctis emollientibus, ac laxantibus quæ etiam ad lactis teporem adducta imponantur. Olea etenim facile flammam concipiunt.

Ea intentione, ut massa sanguinea, & in ea serum albugineum ad naturalem crassim deducatur, viscerumque fermenta emendentur, ea exhibeantur, quæ blandam sanguinis in corde fermentationem promovendo, atque incrassatas particulas attenuando, ejusdem sæculentias segregant. Atque veluti precipitando ad emunctoria deturbant.

Propterea conducent acidiuscula tenui qualitate prædita, ut spiritus vitreoli, succus citri, sal prunellæ, tartarum vitriolatum, salia herba-

rum fixa. Cornu cervinum, oculi cancri.

Hæc etenim partim materiæ febrilis secretionem promovent, partim acida errantia absorbendo, sanguinis fermentationem, ac viscerum fermenta depravata, ac languentia restitunt.

Verum ne hoc sæculo decantatorum pericarpiorum nos obliti videamur, inter neoteriæcorum omnia tentantium febrifuga, pericarpia fiunt ex solis telis araneorum cum unguento populeone, vel terebenthinæ modico.

Ipsæ vtor potius araneis ipsis, & oleo scorpionum. In æstu vero insigni regioni hepatis, & pedum plantis, tincas vivas apertas applicandas curo. Vel cocleas contusas cum testis more aliorum pericarpiorum manuum pulvis, sub genu, plantis pedum, & hepatis etiam regioni quandoque admovendas esse jubeo, & quidem semper tutò, & cum magno emolumento.

Quibus etiam auxilia tuta, & facilia placent, proponimus in febribus, chinam, perlas, & flores papaveris ana drachmam semis, sive in forma solida, sive in forma liquida, aut alio quocumque modo assumantur, intra unius diei spatium, per quinque dies. Raròque hunc terminum febrem transilire posse observabunt.

De china enim dicere possum cum Tenche, quod sælici hujus sæculi experimento febrifugum inventum est, ex vegetabilium familia, idque simplex, innocens, innoxium, omni constitutioni, ætati convenientissimum. Et potissimum quando timor est, ne accessionum violentia, vel occulta, atque maligna humorum indole, aut alicujus pravi symptomatis



tis vi, corrumpere vires possint.

Tunc enim nulla expectata humorum concoctione, neque ulla facta præparatione, aut purgatione adhibeatur. Experientia enim detexit, quod qui crudis omnibus existentibus, præ symptomatum violentia, certis indicis, ad mortis fores accellerabant, sumpto aliquibus vicibus hoc pulvere, sese à febrilibus invasionibus, & ab omni deleteria indole felici omine liberarunt, statim ab initio nullo solvente præmissis, aut alio.

Valet equè in morbis, in quibus insignis tenuium humorum fermentatio conspicua est. Ac in quibus ab acido incrassante, obstruentes, melancolici, terrestres humores dominantur.

Est enim amarum auxilium, alcalicum, siccum, subadstringens, tenuium partium. Quod aperit, attenuat, resolvit materias crassas. Atque per alcalicarum particularum amplexum, acidas tenues sanguinis fermentativas particulas coagulare valet, & ab orgasmo deturbare.

Motuque idoneo sanguinem exagitando (naturalis fermentatione procurata) prava fermenta ab eo secedere, ac præcipitare facit, utilia, ab inutilibus separando.

Quatenus stypticum remedium est, humorum tenuium, mobilium motum reffranare valet, ac viscera robore. Hunc verò esse hujus medicamenti agendi modum, ab effectu colligitur. Cessante enim febre, si post aliquot dies purgans exhibeatur, febrilis insultus renouatur. Dum scilicet materia febrilis, quæ ab utilibus succis separata quiescebat, impetu medicamenti ad motum invitatur.

Hinc est quod post sumptam chi-

nam, & post febris cessationem, per mensem saltem ab omni purgatione cessandum est.

Experientia etiam nostra, & amicorum constat, quod securius servantur, & magis à recidiva tuti sunt, quibus in die, videlicet ante prandium, & cenam in pauca quantitate ad scrup. s. vel paulò amplius chinam sumperint. Hac enim paulatina exhibitione. Naturæ vis non interitur, sed ei tempus conceditur, morbificam materiam præparandi, & per aliquam sive sensibilem, sive insensibilem excretionem eliminandi absque recidiva.

Hac etiam arte in febris continuis, & periculosis incedere possumus. Neque timeas quod tertia dies à prima chinæ exhibitione sit valdè molesta, ob motum naturæ expellentis, nam dies subsequens minus molesta observabitur, quinta verò adhuc minus, aliis verò diebus in febricitare reperies sensim.

Opiata etiam in febris caute exhibita magnam frugem præstare, semper observavimus. Ab opiatibus enim succi pancreatici, tum bilis vitiosa effervescentia cohibetur. Opium enim oleositate sua aciditatem, & acrimoniam utriusque mirabiliter lenit, ac attemperat. Somno verò, & quiete procurata, fermentationem præternaturalem coercet, & liquorum progressivum motum circulationis, tum internum fermentationis moderatur.

Quantum verò quies impetrata febris, & acutis morbis prodest, non ita facile explicari potest, & *Celsus de re med.* ait: *Multi, & periculosi morbi quiete curantur, & abstinentia.*

Inter verò blandiora, & securiora opiata est decoctum florum papaveris ad vnc. iij. cum vnc. 5. syrupi ex flori-



floribus ejusdem, in postrema coena. Vel emulsio ex seminibus papaveris, in aqua corundem. Aut tinctura florum, & seminum eadem ratione concinata.

Papaveracea enim per somnum quantum sudoribus, & insensibili transpirationi conferant, satis superque Etmulerus omnibus patefecit.

Sudorifera verò in febribus magnam energiam habent obstructions tollendi, febrile fermentum præcipitandi, acidos liquores præternaturales ad vias excretionum dirigendi, & sic febriles mineras evacuare, ac dissipare valent.

Palam enim fit sudorem gustantibus quod salinæ subacidæ particulæ per cutis tubulos, & glandulas miliares eliminantur.

Inter sudorifera debiliora, in febribus accommodata, salia sunt cardui benedicti, absynthii, scordii, tum eorum aquæ, vel decoctiones. His verò validiora sunt cornu cervi, viperarum pulvis, & horum sal volatile, tum theriaca, china pariter febrifuga in sudoriferorum catalogo recensendo spiritus vero salis armoniaci, pro arcano sudorifero venditatur.

Chinam itaque tum cum purgantibus, tum cum aliis sudoriferis, in febribus utiliter usurpatam fuisse animadvertimus.

Validiora sudorifera qui expetit ad panaceam duplicatam ascendere debet cum oculis cancri, ad stybium diaphoreticum, bazoardicum minerale, quæ cum aqua cardui benedicti, vel cordiali Saxonie propinanda. Spina viperarum præparata. Cornu cervi philosophicum, margaritæ, oculi cancri, sal prunellæ canphura, tartarum vitriolatum, lapis bezoar. Sunt de genere fixorum, & minus

massam sanguineam exagitantium.

Felici etiam cum successu sæpius in febribus intermittentibus usus sum pulvere florum camomelli ad drach. j. cum vnc. v. aquæ florum camomelli, vel cardui benedicti, post prægressum rigorem, nam facto blando sudore, vel remittebat febris, vel repetitis dosibus fugabatur post tertiam, vel quartam diem.

In febribus æstuosis à materia tenui, mobili ortis, terra Virgo Mutinensis, quæ ex lapidibus calcinatis, per modum tincturæ elicitur, ac præcipitatur in eximium dulcificans. Tum quæ ab Exc. Hyeron. Alegro Veronensi paratur. Tum lapides cancrorum, aut margaritarum conchæ levigatæ magnas vires habent, ad acidas particulas errantes, seditionum internarum causas imbibendas.

Et sicuti isthæc turbidos liquores (ex gr. vinum in doliis, vel spiritum vini in vitris) depurare certè posse observamus. Sic undique turbatam, ac tumultuantem massæ sanguineæ fermentationem, præcipitatione activarum particularum facta coercent. Inde amplexibus suis, ad expulsionum loca recrementa (ob tenuitatem, & mobilitatem naturæ refractaria) ponderosiora, & tardigrada facta deducunt. Et hæc potissimum in principio febrim exhiberi debent, in quibus ventris tormina, diarrhæa, vomitus infestant, aliaque dira symptomata circa primas vias manifestantur.

Ut ergo activæ istæ morbosæ particulæ coerceantur, margaritarum pulveres corallorum, terræ sigillatæ, rasuræ eboris, opiatæ maritentur, ut sic stimulatæ, ac innordinate moti spiritus animales demulciantur, atque ad munia sua pacatè obeunda deducantur.



Præfente magna fiti ac ficcitate emulſiones ex 4. ſem. frig. repetantur, cum prædictis pulveribus, & lapide prunellæ in aqua, vel decoctione potiſſimum capitum, vel florum papaveris.

Omniſque arte aquei inſipidi liquores copioſi, ad ſanguinis maſſam deducendi ſunt, qui culinas digeſtionum, à ſalibus acribus elvere poſſint, & ad ſudoris, vel urinæ vias ſecum rapiendo perducant, in quo ſemina melonum, & cucurbitæ excellere omnes fatentur, ſi cum ſale prunellæ acuantur.

Hoc etiam loco omittendum non eſt febrifugum Riverii, in febris periculofis, duplicibus tertianis, & conſimilibus. Et eſt facilis ac jucunda potio vnciarum ſex aquæ cicorei, cum drach. j. ſalis abſynthii, & ſc. j. ſpiritus vitreoli; quæ pluries, ad libitum reiterari poterit.

Amicus meus pulverem hepatum ranarum magna cum ſecuritate, & utilitate ſepius in die febricitantibus propinat, in cibis, in potionibus, & in aliis omnibus admiscendo. Per urinam enim fervidos febriles icores ducere poſſe obſervabat.

Diuretica verò refrigerantia ſemper cum fructu in febris exhibentur potiſſimum ſi natura eo vergat, neque admodum copioſus ſit materiæ apparatus, aut liquores nimis glutinoſi. Tunc enim lapis prunellæ, ſuccus limonum, ſpiritus vitreoli, ſalis, natri, aqua ſaxifraggiæ, cucurbitæ, ſemina melonum, lapides cancroſorum, omnem paginam explere poterunt.

Fræquentèr enim omnia cruda eſſe conſpiciuntur, vrina turbata, vires infractæ, neque per alvum, neque per ſudorem evacuationes moliri tu-

tum eſt. Secus ægrum in magno vitæ discrimine ponemus.

Tunc ergo rem tutiùs peragemus dulcificantibus, qui quiete, ac inducias fermentefcentibus liquoribus, ac tumultuantibus ſpiritibus impetrare poſſint, ut ſunt margaritæ, corallia, atque teſtaceorum pulveres fixiores, quæ tenuibus bilioſis ac volatilibus adverſantur.

Incipientibus acutis morbis, quoniam ratio methodica exigit, ut ſi quid movendum ſit, moveatur (*juxta Hippocratis doctrinam in 2. aph. 29.*) & potiſſimum ſi ad orgaſmum, & turgeſcentiam feſtinare obſervantur. Super cætera fortè purgantia tutiùs, juncundum magis non invenies pulvere Marci Cornachini. Qui ex ſtybio diaphoretico, & diagridio ſulphurato ana gr. xvj. & crem. tartari ſcrip. ſ. paratur.

Inſipidus equidem pulviſculus, qui in jure tepenti qualibet hora exhibitus (etiam ipſa acceſſione ingruente) felici ſucceſſu purgat non eſt enim de familia ſaccatinorum, vel fructuum corruptibilium.

Vel ad emetica in principio morbi, ac vigentibus crudis excrementis circa viſcera naturalia, tutum erit accedere, priuſquam per ignem febrilem liquata, & fuſa ad cordis penetralia, & ad vaſa magna admittantur.

Hac enim verè methodica arte purgandi ſtatim in principio dum orgaſmum pati incipit cruda in viſceribus naturalibus materia, graviffima ſymptomata poſt purgationem imminuta fuiſſe, ſemper obſervavimus, atque levata ſarcina quibus onerata natura premebatur recto poſtmodum tramite ad ſanitatem feſtinare paucis aliis adminiſtratis, & abſque ſanguinis.



guinis laniena, nos cum amicis nostris vidimus.

Pulvis itaque Cornacchini in principio, vel in declinatione particulari febris admodum convenire potest, methodicis sanè rationibus ab eodem auctore in libello de usu hujus pulveris conscripto.

Pro delicatis etiam, & pro iis qui nauseam, ventris tormina, & alia incommoda vitare procurant accommodatum auxilium est. De quo extat penès Kergerum lib. de fermentatione judicium tale: Cornacchini pulverem foeliciter præ cæteris aliis adhibui; nam præter purgationem, aliquam præcipationem, ac liquorum prævorum segregationem post se relinquit. Cumque in dejectoriis nulla fermè, vel exigua spes reponenda sit in febris ante humorum præparationem, & concoctionem, uno excepto pulvere Cornacchini uti licebit, quo ad primarum viarum expiationem, & viscerum naturalium legitimam emundationem, medicamentum tutius, citius, & jucundius fortè non habet ars, ut Hippocratis, & principum medicorum rationibus satis convincentibus probat idem auctor in proprio libello.

Febres etiam valido vomitorio exhibito (potissimum antimoniali) sæpè sæpius curantur, dum stomachus, & primæ viæ vomitu, & dejectionibus emundantur, & copiosa bilis ab universis vasis emulgetur.

Emetica etenim ideo hæc mira operari observantur, quia dum ventriculus ad spasmodicos vomitus motus contrahere procurant, duodenum motu peristaltico inverso, versus pylorum contrahitur; inde bilis è meatu cholidoco contractione, at-

que pressura continuatâ exprimitur, ac in ventriculum effunditur, & sic vomitu rejicitur.

Qui si expeditus, & copiosus succedat, vexica fellea ferè omninò exinanitur, tubuli verò meatus colidici ab impetu vomitionum concussi ab infarctibus sese liberant, & emundati liberiores liquori bilioso transitum admittunt. Et sic tenues salis, & sulphuris inflammabiles particulas bilis sanguineæ massæ confusas, febrilis fermentationis causas, hepar legitimum incerniculum bilis per vomitorii actionem depuratum, bilem feliciter secernit à sanguine, & sic remota causa, febris omnis removetur.

Pro delicatis verò, & qui longo tempore potius laborare eligunt, quam breves afflictiones unius (vel paulò amplius) horæ vomitus cum conditionibus biliosis, videlicet ætate, anni tempore fervido & aliis &c. more Turcarum, jucundissima potio parari poterit, sorbeti more ex mana vnc. iij. sale prunellæ drach. j. l. in aquæ communi lib. ij. Hæc enim aluum solvendo potentè refrigerare consuevit, neque adeo promptè humores ad fermentationem deducit, ut saccharina.

*Continuarum, vel intermittentium febrium auxilia, atque symptomatum.*

**I**N principio febrium intermittentium (quarum mineram circa viscera naturalia esse reputamus) statim antimoniale vomitorium exhibeatur, & potissimum gr. iij. tartari emetici in jure, vel infusio gr. vij. croci metallorum in vnc. ij. vini albi, si robustus sit æger.



Sic enim fermentum febrile à sanguinis massa & à primis viis feliciter removeri poterit, sicque à nausea, vomitibus, gravitate ptecordiorum, anxietate, & jectigationibus intra pauca momenta liberari poterit.

Mundatisque primis viis ab infarctu, & à viscida pasta obliniente, per concussiones ventriculi à vomitorio procuratas, commodius febrile fermentum liberè à conceptaculis suis effluere poterit, & ad vias excretionum nutabit.

Fixiora absorbentia postmodum, infausto exitu non inviscabuntur à pasta viscida in ventriculo reperta, sed operam suam strenuè navabunt, adversus tenuia, mobilia bilis utriusque excrementa, sive oculos cancri, sive stybium diaphoreticum adhibeas.

Biliofi pariter succi sine intermissione dilvantur, fero caprino, aquis destillatis, succis herbarum depuratis, & aliis notissimis, quarta vel quinta quaque hora adhibitis. Semper relicto spacio, ut ventriculus ad naturalem statum suum per aliquot saltem momenta pervenire possit. In quo statu, quiete sua perfruitur (videlicet quando excussa à se onerosa humiditate, membranofum, siccitate letatur) ut benè notat *Hippocr. in coac. prænot.*

Calida, tenuia, amara potissimum in principio suspecta esse debent, utpotè fermentativa, & acria. In progressu, & declinante febre non sic, potissimum de pertinacibus obstructionibus si testimonia constent.

Hæc enim languidum, ac effatum stomachi fermentum, veluti sopitum excitare valent, ejus præternaturalia acida assumendo, & frigidas, oblinientes mucositates incidendo, abstergendo per absynthiaca, per radi-

ces gentianæ, per chinam febrifugam, carduum benedictum, & similia.

In declinatione pariter sive universalis, sive particulari, in qua emundatis primis viis, spes sit futuri sudoris, stybium diaphoreticum, bezoardicum minerale spiritus salis armoniaci, theriaca, aqua theriacalis, sales cardui benedicti, absynthii, scordii, cornu cervi philosophicum, salia demum volatilia cornu cervi, viperarum, & similia adhiberi poterunt.

Si turbata sanguinis mixtionis, & seditionum particularum pacationem molliri intentio sit per præcipitantia, ad oculos cancri, corallia, margaritas, ebur sine igne præparatum, stybium diaphoreticum, ad testaceorum pulveres nitri spiritum, vel vitrioli. Ad chinam febrifugam accedere poteris.

Opiatorum vires in febris nunquam satis commendari possunt, probile utraque edomanda, ac moderanda insignes. A cœna tempore somni exhibendo in primis blandiora opiata ut est emulsio sem. pap. vel decoctio florum papaveris rheados. Nam somno impetrato, spes est omnia ad naturalem statum deduci posse.

China in pauca quantitate, & paulò ante cibum exhibenda, rationibus proximè allatis.

Quibus opiata etiam cocleatim, & sæpius in die offerre placent, canphuræ insimul granula aliquot intermiscere non displicebit cum hyacético confectione, alkermes, margaritarum, vel concarum margaritifera pulvere, & aliis consimilibus.

Mercurius dulcis cum aliis solventibus mixtus, pro contumacibus obstructionibus tollendis satis commendabile auxilium est, quod glandula-



rum infarctarum tubulos liberat, & sic serum nutritium nervosum ad statum naturalem deducere valet, suis depuratoriiis optimè dispositis, atque adaptatis, adeò ut quandoque hunc unicum sanatorem fuisse cognoverimus.

Vitentur interim alimenta dulcia, saccharina, melita, lactea, tum calida, aromatica, & quæ crassa difficilis coctionis sunt.

Somnus, & quies omni arte procuratur (etiam opiat). Nunquam enim adeò feliciter liquorum concoctio peragitur, ut in somno. Opiata præterea ad succi pancreatici aciditatem, & acrimoniam attemperandam, nullis auxiliis palmam cedere observantur.

Digestiva verò acetosa, amaram bilem attemperare, incrassatam massam sanguineam attenuare, ac fundere valent, factaque præcipitatione sulphurearum bilis particularum, febiles effervescentias imminuere solent. Et sunt acidi spiritus salis, vitrioli, nitri, Sales herbarum fixi, & testaceorum pulveres.

In die intermissionis calidiora auxilia administrari poterunt, aperientia, deobstruentia etiam acuta, ut extractum centaurei, gentianæ, agrimonia, salia, absynthiaca, sal martis, panacea Ambaldina, tartarum vitriolatum, aliaque tartarea.

Sunt qui plurimum confidunt, in emplastro febrifugo Strobelbergeri, quod paratur ex telis araneorum, fuligine, terebentina, & ranunculo.

In pituitosis, & melancolicis febribus, ab incrassata pituita in primis viis facta, præ mora acridinem & aciditatem nacta, arcanum auxilium esse reperies decoct. florum camomelli vel aqua ejusdem, cum drach. j. florum ca-

momelli pulverizatorum, manè per aliquot dies jejuno stomacho sumptum.

In declinatione quarumcumque febrium longarum theriaca per horæ quadrantem ante prandium exhibeatur, à quo viscera naturalia omnia ad benè & naturaliter munus suum fungendo disponuntur, & corruptionibus omnibus avertatur.

In febribus verò continuis, periculosis, duplicibus tertianis, febrifugum Riverii tutum, & jucundum sine intermissione adhibeatur. Quod omnes fermè intentiones possidere videtur, deobstruendi, resistendi corruptionibus, præcipitandi ac impuros liquores à massa sanguinis separandi.

Paratur verò ex aqua cicorei vnc. iij. cum drach. 5. salis absynthii, & scrup. j. spiritus vitrioli, quod bis etiam in die propinari potest, manè, & vespere.

In febribus acutis, continuis, vnguentum infrigidans Galeni, cum copioso sale saturni. Tum inunctio in regione renum cum oleo seminum papaveris. Postea vero Galeni testibus per lineas petias applicita iteratis vicibus, tuta, & non spernenda auxilia sunt.

Prout hepatum ranarum pulvis drach. j. cum aqua florum papaveris bis in die usurpari poterit.

In quibus vero sudor expectatur, papaveracea vesperi propè somnum propinantur. Vel in frigidioribus conditionibus guttæ olei succini in aqua cardui benedicti. Vel denique granula salium volatiliū viperæ, cornu cervi.

Loco balneorum antiquorum (de quibus frequens mentio est penes Avicenam, Aetium, & alios) in curatio-



nè februm à biliosis succis factarum, nunc utimur externis refrigerantibus, humectantibus, videlicet epythematibus, ex aquis rosarum, nymphaeae cum speciebus triasandalorum aceto, & camphura, tum antedictis linimentis in regione renum, & frigidis fontibus testibus applicitis.

Succus etiam portulacae supra stomachi regionem petiis lineis applicitus, tum ad vnc. ij. manè epotus cum tinctura florum papaveris in aqua portulacae facta, continuas ac vehementer aestuantes febres pacare consuevit.

Rob de ribes, amarenæ conditæ, earum gelu siticulosis febribus jucunda levamina sunt, cum aliis, quo capite de siti molesta exarauimus. *Hippocrates de loc. in homine. Febrientibus in potu dare acetum jubet aqua mixtum in talibus casibus.*

At in febribus longis oximel compositum exhibetur juxta varias intentiones variandum. *Lib. verò 3. de morbis* plurimas in febribus potiones recenset, inter quas vina sunt alba aquosa, ex passulis in aqua communi fermentatis (nos ex vva cretensi, vel Lipariæ insulæ tenuissimam, & urinam cientem potionem aliis diureticis admixtis alibi febrientibus utilissimam parare monstravimus.)

Tum malis odoratis dulcibus confusis in aqua fermentatis. Vel ex malis punicis, aut cydoniis confusis in aqua fermentatis, generosum, & jucundum auxilium paratur in febribus vehementibus in quibus alius soluta, vel vomitiones infestent.

Ad exemplum verò Hippocratis, ex omnibus ferme fructibus pro varia intentione in tractatu nostro secundo potiones utiles parari posse insinuavimus.

*Riverius in lib. 17. cap. 3. in febribus tertianis aquam benedictam Rulandi proponit. Tum vnc. iij. decocti florum camomellibora una ante accessione.*

### Pro quartana.

**O**lim medicorum obrobrium quæ post chinæ inventum, communem cum cæteris febribus causam habere monstravit, ab eodem enim auxilio fugatur) si quercetano fides sit hepatum ranarum pulvis, tum quartanæ, tum cæteris omnibus febribus à bile utraque oriundis magnum auxilium est.

Oleum scorpionum Matthioli regioni renum, tum cordis inunctum quartanæ rigores, ac symptomata mitigat.

Ab aceto quartanarii, & ab acidis quæ melancolicos succos fermentare possunt, omnino abstinere debent.

A cruditatibus etiam ventriculi cavere summopere debent, & ante quartanariam accessionem aliquot horis jejuni maneant.

Parcè verò semper bibant. Nihil enim equè hanc febrem magis contumacem reddere potest, quam nimia potus, & humidorum usurpatorum copia, à quibus stagnationes augeri, lien repleri potest.

Pulvere autem florum camomelli, cum ejus aqua exhibito, intolerabiles febrium rigores mitigari poterunt.

Medicina *Aristotelis in lib. 1. probl. 58. talis est. In quartanis febribus victus tenuis non fit. Exercitio utantur. In qua die accessio instat laventur. Somnus manè queratur. Victus ratio calefaciens sit. Aer itaque sit temperatè calidus.*



*calidus, & purus loci mutationem, & clymatis omnino procuret.*

Ipse hac frætus auctoritate pluries abactam quartanam nunquam integrè ablegare potui, nisi postquam in itinere Bizantino latissimo septem nobilium Venetorum Comitum Illust. Eccell. D. Io. Baptistæ Donati in Bebis Bosinensibusque montibus ipsam reliquerim.

Cibi semper attemperentur, ac condiantur borragine, capparibus, cinnamomo, croco, aliisque cordialibus attenuantibus.

Pro potu vinum medicatum tamarifeo, corticibus fraxini, radicibus enulæ, polypodii, lignis sassafras, visci quercini. Sed potissimum sola stybii integri infusione.

Animi affectus omnes procul esse jubeantur, potissimum mæror, timor, cupiditas. Lucubrationes omnes arceantur. Hæc enim sanguinis florem, & animales spiritus vividiores absumere solent, relicto postmodum inutili crassa mento.

Qui medicus brevi sese ab hoc cronico secus affectu expedire cupit. Præmisso vomitorio in fine paroxysmi bis, velter etiam, ex tartari emetici gr. iij. pro singula vice manè quatuor horis ante cibum. Pericarpium pullantibus locis admoveat. Et gr. xij. chinæ febrifugæ cum granis totidem matris perlarum manè, & vesperi ante ciborum oblationem per plures dies, donec integrè cessasse observetur.

Acidum etenim illud præternaturale, quod in stomacho, liene, pancreate, & primis viis stabulatur. Atque sanguini per vices communicatur excitans in eodem febrilem effervescentiam, ut corrigatur, attemperetur, atque attenuetur.

Humores vero crudi, ab eodem

coagulati, & viscidi facti, ut fluxiles reddantur, apti ut per vias convenientes eliminari possint. Visceribusque ac eorum fermentis labefactatis pristinus vigor ut restituatur, amara, calida, tenuium partium his omnibus intentionibus satisfacere possunt.

Inter quæ præcipuè china febrifuga amarore suo, aliisque admirandis conditionibus ceteris palmam præripere observamus. Per eam etenim, tum febrilia, tum viscerum exorbitantia fermenta citissimè restituantur, ideòque appetentia stomacho, cordi vigor, animali facultati vires, citissimè restituantur.

Valent præterea absynthiaca omnia, sal, conserva, spiritus, oleum. Tum myrrhata omnia. Tum succinata cum laudani opiat granulis.

Salis armoniaci guttulæ in contumacissimis induratorum viscerum obstructionibus. Theriaca verò prudentissima Galeni observatione declinante tantummodo quartana exhibeatur.

Extractum gentianæ præmissis aliis deopillantibus efficacissimum esse auxilium magnas quandoque parit alterationes. Prout alia multa auxilia in quartana efficacia, dum à muneribus suis aliquo obice retardantur, per moram acorem augent.

Ad frænandam aciditatem melancolicorum succorum in primis viis redundantium, & sanguini dulcedinem, ac majorem tenuitatem comparandam absorbentia usurpanda erunt, inter quæ martialia excellere cætera auxilia in quartanariis, certis experimentis compertum est. Sive tinctura legitima martis deopilantis sit, sive sal martis. Sive tinctura anti-



Sic pariter tartarea auxilia multa parari possunt. Præterea fixorum absorbentium numerum complent testaceorum pulveres, conearum margariferarum, oculorum cancri, cornu cervini. Si autem ad magis penetrantia, magisque volatilia anheles facilia volatilia cornu cervi, viperarum, succini, amplecteris.

Cessante tandem quartana, æger desistere non debet, ab assumptione pulverum diureticorum, à martialibus auxiliis, ab amaris aperientibus, salinis, spleneticis. Quibus integrè viscerum fermenta restituantur.

Ad viscera etiam integrè firmanda, acidulæ naturales suo tempore propinari poterunt.

In febribus continuis, molesta siti affligentibus ad bilis acrimoniam attemperandam, seu ad corrigendum acidum volatile igneum, ignitæque bilis particulas, papaveracea frequententur, tum ea quæ lympham, & insipidum liquorem serosum multiplicare possunt, ut aqua acetosæ, plantaginis, florum papaveris, portulacæ, scorzonæræ, tinctura rosarum, succus à cancris fluvialibus expressus, cum spiritu vitrioli ad gratam aciditatem, spiritu salis nitri dulci, sale prunellæ, conserva ex acido citri.

In febribus afflictiva cardialgia molestis, in quibus magna suspicio est, ne circa os ventriculi supernum sabura viscida, acris, biliosa subsit, exhibeantur statim ab initio vomitoria antimonialia; deinde ad diaphoretica accedes etiam spirituosæ, (ut facilia volatilia cornu cervi vel viperarum) opiatæ mixta.

Hæc enim ultra quam credi potest viscida liquant, acidum coagulans absorbendo. Sic spiritus theriacalis

canphuratus, cornu cervi philosophicum. Stybium diaphoreticum semper cum opiatæ. Sic mater perlarum præparata cum laudano.

### *Pro ephemeris auxilia.*

**Q**uoniam à causis externis, ut plurimum provenire solent, idcirco aliquæ induciæ naturæ concedendæ sunt, ut facta quiete, postmodum majora indicia habeantur de progressu, vel declinatione.

Victus itaque tenuis, refrigerans, humectans, restaurans exhibeatur. Juscula pullorum cum acetosæ, portulacæ, quibus addi potest aqua rosarum, succus granatorum pro condimentis. Sic vitella ovorum in jure dissoluta cum modico onfacio.

Nisi verò de inflammatoria affectione vereamur, vinum aquosum concedendum erit. Æstuantibus verò visceribus naturalibus, ventriculo, hepate, imponantur succus, vel decoctio portulacæ, rosarum cum onfacio, succo granatorum.

Quæ etiam actu frigida administrari repetitis vicibus poterunt. Ad sitim etiam molestatam, æstum præternaturalem cocleatim assumi possunt dissoluta in aqua rosarum florum aurantiorum, totius citri, & melissæ confectiones alkermes, cum acido citri, & laudano opiato. Vel tinctura florum papaveris, aut eorundem decoctum cum syrupo papaverino.

In ephemeris etenim opiatæ valdè commendari debent; nam earum transitum ad alias febres certo auxilio prohibent.

Sic epithemata jecori ex aquis plantaginis, rosarum, vel aliis refrigerantibus



tibus, cum speciebus transandalorum, canphura.

Tum posca Galeni testibus per modum tomenti frigidi actu adhibita. Vel aqua florum aurantiorum cum acctorosaceo, vel succo limonum, & canphura.

*Hæctica febris auxilia.*

**A** Er ad frigidum, & humidum inclinans eligibilior est. Cælum quod morbum peperit omnino mutandum est. Ita ut si in tenui aere ægrotaverit, in aerem crassum æger se conferat.

Si in aere crasso, ad tenuem proficiscatur. Vel etiam si fieri possit per aliquot menses ad varia capescenda itinera promoveantur ægri.

Variis etiam animi, & corporis motus quantum his conferre possit, non ita facile explicari potest.

Qui vero terrestris iter facere nequit, navem conscendat bene munitis necessariis.

Æstivo tempore in loco terræ proximo, & maximè à frigidis ventis perflato locentur. Pavimentoque aqua in qua copiosum halonitrum dissolutum sit perfuso, multi intra breve tempus sanitati restituti sunt. Insuper etiam floribus, herbisque refrigerantibus, & aqua gelida aer ad frigidum alterandus erit.

Ad aerem plurimo halonitro referunt se conferant hæctici, ut est aer Laureti, Adriæ, mari conterminus, ubi sint aquæ stagnantes. Non quidem æstate, sed hyemali tempore, (quando silent cynifies) pro istis cœli plaga salubrior non est; ubi omnes fermè hydropici moriuntur, nemo vero mortalium hæctica labe contaminatur. Imò plurimos in hæcticam

pronos intra paucos menses convaluisse bona fide testor.

Æstivo verò tempore, aer eligatur frigidus, aura septentrionali perflatus, vel saltem temperatus. Ideò Galenus 10. meth. cap. 8. æstivis temporibus agrum in loco subterraneo collocare non veretur.

Ipse in conclavi aqua gelida perfuso, vel in quo plurima nix, vel glacies in magno vase paleis cooperto servetur, frigidam de vase in vas transfundi juberem, cujus etiam sonitu somnus conciliari facile posset. Tum hominum frequentiam arcerem. Ne verò pori cutis constipari possent, aptis stragulis munirem.

Si autem hæctica febris ab ulcere pulmonis proveniat, aer frigidus neque crassus humidus convenire potest, sed in activis temperatus, in passivis siccus. Quos agros Galenus mittebat ad Tabias, videlicet propè montem Vesuvium, ubi aer plurimo sulphure refertus siccior erat.

Alimenta hæcticorum, sint sanguinem edulcorantia, seu attemperantia, boni ac laudabilis succi, facilisque coctionis, & ad humidum potius inclinantia.

Si autem stomachus validior sit, etiam alimenta solidiora exhibeantur, atque firmioris substantiæ, incrasantia dicta. In quorum censu, extremitates animalium sunt, testudinum terrestrium carnes, cancerorum, limacium, ranarum, ac piscium optimæ notæ. Quæ in languidioribus stomachis nisi in substantia, saltem horum decoctiones, & brodia propinari debent.

Pro delicatis etiam palatibus ex his pasta regalis confici poterit. Prout ex pulpis perdicis, vel saltem caponum cum amygdalis, pincis, & quar-



Quarta faccari partē circiter .

Gelatine etiam ex extremitatibus quadrupedum , vel ex piscibus optima notæ paratæ , his accommodata præbebant . Tum laticinia univēsa , butyrus , caseus ovillus recens .

Neque à viscosis , increstantibus alimentis abstinendum erit , & ab his quæ humido glutinoso abundantia , ubi partibus nutriendis agglutinata fuerint , non ita facilè à calore febrili absumuntur , sed solidarum partium exiccationem retardant .

Elixatæ testudines terrestres ad carnis consumptionem , vel ex his contusa , efficacissima sunt , his tamen viperarum carniū contusa efficaciora esse amicus meus expertus est , qui singulo quoque die viperæ unius carnem contusam , & in jure expressam per septuaginta dies tres deploratissimos hæcticos , & unam matronam ab imminente nece feliciter liberavit magna sui laude .

Carne pullorum columborum , viperarum , & amygdalis ana vnc. iij. pineis vnc. j . f. seminibus papaveris albi vnc. j . tragacanti vnc. f. cum faccari quarta circiter parte , & aqua rosacea , in mortario contusis , optima pasta regalis parari poterit auro obducenda ; ad uncias duas , vel tres cum cibis assumenda .

Pro illis , qui infirmiores habent ventriculum gelatinæ , tum jura instaurantia parentur . Cum poplite ergo vituli , femur vervecis , pedes vitulorum , vel vervecum coquantur , cum modico succo limonum donec carnes ab ossibus recesserint , & modica sit juris quantitas , quæ percolletur , & exprimatur caro . In collatura verò dissolvatur faccari , cinamomi , & croci bona quantitas .

Æstivo verò tempore magis refri-

gerans gelatina parabitur , si omisso cinamomo addatur limonum succus , vel citri vel onfacii .

Ptisana & hordei usus ( adeo pro his à vulgo commendatus ) in languidis stomachis rejiciendus est . Vi enim sua deteriora , cæteros etiam cibos , citius quam par sit à ventriculo deturbat .

Sed horum loco edulia ex ovis parata assumant , vel fercula ex pasta Apula , vel orizam dilutiorem , ac diu coctam . Jus pullæ cum ovi vitello quassatum . Grana mastiches hora ante cibum deglutita , ad ventriculi robur conferre possunt .

Manè ( si fieri possit ) duabus horis ante prandium surgant , in cubiculo ambulent . Mox à cibo hora transacta decumbant . Iterum ante cœnam surgant , & ambulent . Calor enim viscerum , & partium innatus seu spiritus à moderato labore vivificatur , & ad excrementa omnia dejicienda alacrior insurgit .

Nuclei pinei , pistacia , semina melonum , & papaveris emulsionum forma , seu lactis artificialis , tum pastæ regalis assiduò propinari poterunt .

Cautè vero testudinum carnes , limaciumque exhibeantur in languidis stomachis , nam crassi sunt succi , atque difficilis digestionis . Quare horum potius decoctiones , jura , & contusa securiora erunt .

Hoc loco etiam non prætereamus Galeni monitum in 12. meth. Quod hæcticis adversissimus est austeriorum usus , humiditates enim absumit .

[Pro potu ordinario præstat decoctum chinæ cum passulis . Vel emulsionem antedictam . Potulenta namque spirituosæ , quæ igneis , inflam-



mabilibus particulis abundant, minus tuta sunt.

Vinum tamen passularum fermentatarum Hippocratis commendabile est vel Avicenæ potulentum in tractatu secundo descriptum, aut aliud inibi refrigerando humectans eligibile erit.

Ad igneum calorem in volis manuum, & pedum plantis imminuendum, aquea exhibeatur, borraginis succus depuratus, vel endiviæ cum aquis, vel decoctis simplicium refrigerantium, hordei, cum succo granatorum dulcium, rubi ideï, & aliis blandè acidis, admixtis etiam oculis cancerorum, magisterio saturni, canphura, non inutilitèr ad grana aliquot propinabuntur. Prout lac artificiale ex quatuor seminibus frigidis majoribus.

Ut autem acrior sanguis dulcificetur, & nutritioni aptior fiat, tum sanguinis effervescencia tollatur, margaritæ super cætera commendantur, tum crustaceorum pulveres, vel lapidum cancerorum, cornu cervi, terra virgo Mutinensis, stybium diaphoreticum.

Valent & aqua spirituosæ vegetabilium, tum succus à canceris expressus. Magisterium, tum sal saturni. Inter leviora diaphoretica, rasura cranii humani, cum radice chinæ, & visci quercini. Magnificiendæ vero semper passulæ sunt, quocumque modo adhibitæ, quæ adversus siccitatem strenuè pugnant. Neque attemperant solummodò liquores, sed nutriunt. Si cum acri ad pectus destillatione febris coniungatur chinæ portio cum carnibus coquatur. Tum jura alterata passulis, & seminibus papaveris confusis, & floribus papaveris rheados.

Sudorem in hectica noxium inhibet tinctura ex capite mortuo vitrioli, sale martis, & saturni præparata, antiphtisica dicta. Tum cretæ leniter incraffantes confectæ, ut confectioes cum bolo, tum gelatinæ ex fructibus modicè acidiusculis, ut gelu cydoniorum, vel rhibes.

Ad liquorum etiam acredinem attemperandam, præsentè etiam phtisi, balsamus sulphuris terebenthinatus, tum guttulæ balsami Peruani inservire poterunt.

Pro delicatulis rotulæ conficiantur, ex floribus sulphuris, oculis cancerorum, coralliis, margaritis præparatis, lapide prunellæ, cum saccharo in aqua florum aurantiorum dissoluto.

Tum electuarius ex conserva rosarum antiqua vnc. ij. conserva florum papaveris eratici vnc. j. cum speciebus diamargaritonis frigidi drach. ij. Misce.

Fluvialium cancerorum succi, expressa, contusa, vel juscula summo perè laudantur, ob admirabile alkali ipsis innatum, quo febrilibus igneis particulis adversantur, & in acrimonia salina destruenda nullis cedunt auxiliis.

Si vires deficere videantur, lacte perlarum utantur, vel saltem margaritis levigatis. Et aqua destillata pulmonum vituli assiduò utantur, tum aqua testudinum. Verum testudinum decoctum & limacium multò efficacius operabitur. Morselli etiam pectorales Scroderi capite de morsellis validi erunt.

Si ob frequentem sudorem vires concidant, & habitus rarior appareat, cutis densanda est, ut nativi caloris, & spirituum transpiratio cum liquoribus alimentitiis nimia inhibeatur.



Corpus itaque unguento rosaceo Mesve, multo alumine admixto inungatur.

*Galenus etiam lib. de marcore* in hectica ventriculi utebatur exterius omphacio, succo portulacæ, & mica panis. Quibus nive refrigeratis, duplicato linteo impositis, supra ventriculi regionem utebatur, tum supra hypochondria, donec teporem acquirerent, tunc iis ablatis recentes substituebantur, quovsque æger se in profundo refrigerari, atque à siti liberari persentiret.

Nostro autem experimento portulacæ ori stomachi applicitam, omnem paginam adimplevisse observavimus; nam hecticorum absumentem calorem refranat valide.

Verum vulcere pulmonum præsentē, balsamo sulphuris terebenthinato, vel succinato utantur, tum vulnerariis potionibus, extractis, tincturis. Et succinatis preparationibus.

Chinæ etiam radix, in copia adhibita plurimum valere potest, ad excrementa siccanda, si potissimum à Cæltico tabo veniant, in quo casu decoctum meum capite de lue cæltica propositum cæteris fortè palmam præripere observabis.

Sed quod præcipuum in hectica febre esse debet auxilium (obstructionibus, ac cæteris impedimentis quantum fieri potest remotis) ad lactis usum, veluti ad sacram ancoram ægros deducere debemus. Lac enim faciliorem præ cæteris alimentis coctionem admittit, crassitie sua ventrem sistit, ac firmat. Copiosus est alimenti, & pauci excrementi.

Duo itaque sint nutrices, quæ etiam selectioribus refrigerantibus, & humectantibus alantur, tum vino dulci. Vel lac hauriatur ab asina hordeo be-

nè pasta, & calens hauriatur. Deinde horis pomeridianis, quatuor scilicet à cibo, balneum aquæ dulcis, vel lactis, vel decocti malvarum althææ, & consimilium instituatur, incipiendo à dimidia hora, & in dies progrediendo ad horam integram.

Quandoque tamen lactis usum suspendere cogimur, non quia ab acido præternaturali corrumpatur. Talis enim corruptionis signa non apparent. Sed quia impeditis viis. Vel laxitate, atque insensibilitate pylori, vel tunicarum siccitate intercipitur. Atque in ventriculo diutius hæere cogitur, inde necessario accessit, vel præternaturalem induit qualitatem. (Celerem etenim postulat à stomacho effluxum, ne acescat) ideòque in ventriculo fluctuans, graves inducit molestias, & ejus usum intermittere cogimur.

Propinatur lac ad vnc. v. circiter primis diebus cum cocleare laccari fini, sensim progressu facto ad vnc. x. Et hoc, manè quinque horis ante cibum, continuatis saltem 40. diebus. Deinde duabus circiter horis ante solis occasum in balneum descendat æger aquæ dulcis, malva, violis, althæa alteratum. Vel ex mero lacte, sitque tepens. In fine post ingressum lecti, universum corpus illiniatur oleo amygdalarum.

Si verò quandoque contingat, ut summo manè ventriculus cibo vacuus non sit, sed ructus infestent, illa die lactis usus, & balneum ommittatur.

Nullò verò modo fructibus horariis illud permittatur (ut cerasis, pomis, cucurbitis, melonibus) ut potè nullius alimenti, & pessimi excrementi, dum languido ventriculo præditi sunt. Sed potius pisces saxatiles, fercula ex lacte, testes animalium.



lium concedantur. Sic copiosa, potissimum dulcia, & mel inhibeatur. Hęc enim à languido ventriculo non promptè seccedentia, aciescunt, & depravantur (à veteribus in bilem versi dicebantur) & sic ubicumque constiterint irritant, ac inflammant.

Verum lac apto tempore adhibitum, acrimoniam, mordacitatem, falsedinem pravorum liquorum demulcire potest. Atque ventriculi siccam intemperiem corrigere. Obstructiones humectare. Totumque substantificè renutrire. Nihil enim est in terra quod equè promptè ac facilè serum albugineum nutritium spermaticarum partium lapsum, & depravatam restaurare possit, ut lac. Quo quadraginta diebus utantur. Balneo verò viginti tantumodò nobis inassuetis sufficere poterit.

Imò in valdè emaciatiss loco balnei duas sindones lacte benè tepente madidas, coriis instratis adhibemus non minori fortè utilitate. Vel linimentis ex pinguedine hædi odoratis pulveribus admixtis, & nervinis circa nucham, & universam spinam. A quibus satis felici omnine nutritio promovebitur.

Pro qua jus pullæ in quo caro viperæ contabuerit summo manè per 40. dies adhibitum cætera fortè auxilia antecellit. Pulli vero hæcticorum ranis nutrantur, buffonibus, testudinibus, viperis, cocleis, pane contritis, contusis, & subactis, per duos circiter menses.

Pulvis etiam viperarum, oculorum cancri, margaritarum ana scrup. f. singulo die ante cibos propinari poterit ad nutritionem accellerandam.

Succus marubii, ad vnc. ij. cum passularum succo, tum hæcticis, tum phtisicis utiliter exhibetur. Sic oleum

amygdalarum dulcium cum spermaceti. Vel oleum expressum ex seminibus papaveris.

Viscera æstuantia, ungento sandalino, & copioso sale saturni, atque canphura illiniuntur. Dorsum frequenter lacte muliebri, & oleo violaceo. (Sed consilio nostro nervinæ blandæ inunctiones omnibus in hoc negotio prævalent) vel papaverino inungatur.

Quantum verò ad impinguandum papaverina quæcumque conferant alibi declaravi. Impetrata enim quies per somnum succos universos attemperare, spirituum copias augere, & sic fermenta, ac fermentationes omnes rectificare, dirigere, ac lapsas erigere potest.

Capiti, & glandulis cerebri super cætera prospiciendum erit, urgente destillatione. Quare sine decoctis vix boni aliquid assequi poteris. Deinde ad papaverina securius accedes.

Si autem quandoque media incedere cogamur via, accipiemus cantharos decem. Quibus coctis, & mundatis affundere debemus lac caprillum vel bubulum, omnibusque in mortario contusis, ac agitatiss, per linteam succus exprimatur, admixta vnc. f. sacchari candi pulverizati. Somnus pane martio concilietur parato ex amygdalis, feminibus papaveris albi, & quarta parte sac-

cari, quo innoxie longo tempore uti poterit,

cum multo nutritive po-

ten-

tia emolument-

to.



*Adversus malignas, & Pestilentes  
febres auxilia.*

**S**ive maligna febris, sive pestilens ægrum infestet, commendabile est, ut aer ignibus accensis corrigatur. Potissimum si ex lignis juniperi, & aliis odoratis paretur. Secus suffumigia alibi in libro de tuenda valet. indigitata eligentibus parata erunt.

Æstate tamen frigidis potius odoramentis aer alterari debet, aqua rosarum, aceto rosaceo, rosas ipsis inspersis. In ædibus verò suffumigia ex sulphure, vel saltem ex copioso pulvere pyrio fræquentèr accenso, vel ex aceto copioso in quo radices odoratæ ebulliendo evaporationes emittant, inutilia non erunt.

Si quis aeri libero, atque per loca infecta sese exposuerit, appareantque aliqua susceptæ luis indicia, vigil per sex horas post saltem permaneat. Somnus etenim ad cor venenatas particulas faciliùs admittit quam vigilia, quæ magis ad circumfestinationem pellit, & diffiat.

Tempore pestis, obsidionis, ingentis annonæ caritatis, & fames, & quando huc illuc vagari ad coemenda necessaria non datur. Publica verò necessitas cogit anonam cum aliis partiri. Paratam habeas bonam quantitatem colæ Teutonicæ claræ, ex qua paratæ nutrientes valdè gelatinæ, aromaticis, variisque saporibus imbui poterunt.

Copiam etiam succi liquiritiæ densati, qui vilis pretii est, sed magnum habere usum, & copiosum præbere alimentum, in consimilibus necessitatibus tum pro alimentis, tum pro potulentis admodum inserviendo.

Ossibus etiam in quibus medulla contineatur instructus sis, ex quibus contritis non inutile alimentum elicitur. Qui scrupulosè tunc etiam jejunare volunt caricis, passulis, amygdalis, limacibus, testudinibus, anguillis salitis vel fumo induratis stocfio instructi sint.

Divites verò copiosis ovibus, candellis oleo butyro, & pullis domesticis omnino abundare procurent, ac præ manibus habeant biscoctum & vina, absque eo quod admittant servos, qui huc illuc ad necessaria conquirenda vagantes, domum, & hærum peste inficiant.

Ægris peste contaminatis nullæ carnes exhibeantur, neque ova, neque pisces. Unoque verbo ab universis facilis corruptionis arceantur. Sed tantum juscula acidis alterata propinentur. Aliaque potulenta acidiuscula in tractatu secundo indigitata.

Et quoniam in omni febre, sed potissimum in pestilenti, stomachi fermentum pessundatur, & digestio depravatur. Ideò cibi pauci offerantur, sed horum loco largior potio, & crassior concedatur, ut est cremor ptisanæ dilutus, & contusa. Semper tamen acidis admixtis. Hæc enim corruptioni, & malignæ qualitati oppugnandæ idonea maxime sunt, ut acidum citri, spiritus vitreoli, salis dulcis, nitri, & alia &c.

Sepè, & modicè cibentur ægri quorum vires infirmæ sunt, cum humorum corruptela; docet Galenus 1. aph. com. 19. Ideoque post quartam, vel quintam horam aliquid his exhibendum, ut saltem blanda assumptorum miscella, liquorum pravorum acuties retundatur, neque adeò exaltari permittatur. Per longa etenim jejunia acuuntur, atque magis exasperan-



ſperantur quæ æria ſunt :

Potus ſit decoctum ſcorzonerae cum cornu cervino, & modico citri paratum. *Crato lib. i. cap. xi.* ad ſydera tollit aſſiduam potionem aquæ acetofæ in qua cornu cervinum decoctum ſit. Vel gelatinas ex eodem cornu cervi paratas.

Uſus verò intenſè acidorum, ac fermentantium in his febris omninò tutus non eſt. Sed temperatiora decocta, ut ſupradicta, tutiora perhibentur. Tum emulſiones amygdalarum. Jo: Elmontius theriacam in vino diſſolutam; imò cum ipſo ſpiritu vini propinat. Tum potum meracioris vini commendat, ad hilaritatem uſque.

Verùm præſentibus conditionibus valdè fervidis, huiusmodi ſpirituofæ inflammabiles potiones minus tutò uſurpari poſſunt. Imò ſicuti expectatus ſudor, ab his ſupprimi ſolet, ita copioſo hauſtu ad libras aquæ meliſſæ, acetofæ cum ſpiritu vitrioli, felici ſucceſſu per ſudores copioſos ægri ſublevati fuere.

Et hac etiam ratione effectus ſubſequenti ſunt de frigida à Galeno decantati, abſque eo quod in frigida pericula incurrant ægrotantes. Promptè enim per ſpiritum vitrioli præterlabitur, & ſecum diluta ſalia inſeſtantia in primis viis reperta, ad loca evacuationum rapere valet. Modo contumaces obſtructiones non obſtent, quarum cauſa urinae pauca, & percolatae obſervantur.

Pro delicatis verò, & pro ijs quorum magna eſt virium exolutio, accipias aquæ roſarum, naphæ, acetofæ ana lib. j. ſ. & cum ſyrupo de ſucco limonum, tum granatorum ana vnc. j. ſ. confectionis alkermeſ drach. j. miſce. Nam de hac potione frequentèr

per hauſtilos aſſumi poterit.

Decoctum cinamomi, in aqua cordiali cum ſpiritu vitrioli jucunda, & apta potio erit. Sic quæ parantur potulenta ex portulaca, borragine, pimpinella, acetofa, citrio integro, vel ſeminibus citri decocto radicum ſcorzonerae, ſcordii, pentaphili, plantaginis. Verum inter levia, & tuta ſudorifera flores papaveris decocti eminent.

Acida verò ſubauſtera negligenda non ſunt, præſentibus ſignis magne efferveſcentiæ, ac ſanguinis ebullitionis, qua mediante conſtituentes maſſam ſanguineam particulæ, ab invicem ſecedere coguntur. Ideoque moleſtas diarrheas quandoque concitant.

Uſurpari idcirco poterunt cydoniorum præparationes, ac ſucci, tum malorum aurantiorum, malorum puniceorum, onſacii, ac conſimilium, à quibus ſanguinis conſiſtentia priſtina ſenſim reſtitui poſſit, facta decenti incrಾſſatione.

Vini odor vires admodum recreare valet, potiſſimum ſi panis fruſtula aſſata in vino odoro, & aqua roſacea macerata, naribus, & foſſulae pectoris applicentur.

Jucundius tamen auxilium Elmontii in peſte eſt, adverſus imaginationis terrorem ſeu Archei excogitatum. Videlicet vini meri potio ad hilaritatem, & non ulterius. Tunc enim nemo pauper eſt, nemo timens, juxta Ovid.

. . . . . Tunc pauper cornua  
ſummit.

Nos vini uſum moderatum ſuper cætera fortè commendamus. Ob vim inſignem cardiacam, venenis, tum malignæ qualiſati contrariam. Ideoque Baccum palmite vitis viperam  
occi-



occidisse fabulantur. Inter securiora itaque alterantia, jussula sunt acidis temperata, quæ fermentum stomachi fovere solent & facultatis naturalis robur vigorare, sua volatili aciditate ad penitiores vias perveniendo, & angustos tubulos permeando, sanguini meliorem consistentiam conciliando, sulphureas biliosas particulas præcipitando, tum ad urinæ ac sudoris vias molestantia excrementa ducendo.

Nouum autem non est in fructibus aciditatem volatilem reperiri. Omphacium etenim quandoque parietibus appensum servavi, tum immaturos fructus, quos intra paucas hebdomadas, omnino exuccos reperii. Sic poma acidiora igni apposita, citò evolare observavi. Non sic in vva & fructibus maturis evenisse vidi.

Digestivorum etiam nomine veniunt, quæ ex acetosis pulveribus, vel salibus parantur, inter quæ cremor tartari, sales herbarum fixi, sal prunellæ, spiritus salis, vitreoli, & hujusmodi. Quæ viscerum fermenta languentia, atque sopita restaurant, ac suscitant. Sanguinis, sæculentias præcipitando, ipsum depurant. Et morbificas particulas secum raptas ad exitum deducunt. Sal itaque prunellæ ad febrilem calorem, & siccitatem molestantem mitigandam, celebre auxilium est, quod diaphoresim etiam promoveri solet.

Acidula aqua cordialis Saxonie super cæteras prærogativam optimæ habere videtur. Sicuti validè pestillenti veneno adversari creditur lapis bezoardicus, cornu cervinum, trochisci viperini. Gelatina cornu cervi.

Refrigerantia, tum acidiuscula, in magno æstu, ac febris vehementi, si-

ticulosa adhibeantur. Calida vero, & diaphoretica febre jam remissa tutò adhiberi possunt. Vel quando sine magno symptomatum tumultu, maligna qualitas est, quæ præcipuum negotium facessit.

Mirrham in vino, vel elixirem proprietatis Paracelsi, ex myrrha croco aloë commendamus. Prout canphuram quolibet modo.

Sic aquam florum aurantiorum, succum, decoctum vel aquam pimpinellæ, succum citri, vinum granatorum quolibet tempore. Crolius flores sulphuris, oleum sulphuris, balsamum sulphuris cerebenthinatum ubique commendat.

Universali consensu, magna vis perlarum est in febre maligna. Perlarum verò preparatio eadem esse debet, ac corallorum, videlicet calcinatione non indigent, (ut putat Quercetanus) imò neque ad pollinem exquisita trituratione egent. Nam integre existentes, & absque longa digestionem facta in loco calido, acidis menstruis obedire observantur.

Idcirco *Riverius lib. 17. cap. de febre pestillenti* ait: *Perle in pulverem reddactæ, si in liquoribus acidis infundantur eorum liquorum acrimoniam tollunt.* Et certum est perlas intus assumptas humorum acrimoniam, & malignam qualitatem demulcere, atque ad temperiem deducere. *Paracelsus verò in cura contractura protulit: Nihil est quod magis sit auro potabili propinquius, quam perla.*

*Riverius lib. 17. cap. 2.* Spiritum vitreoli vel Veneris ad sydera tollit, ob insignem refrigerandi, ac aperiendi facultatem, putredinis vermium apparatus resistendi, humorum inflammationem prohibendi, ac sitim sedandi. Sed super cæterarum facultates



rates crassam pituitam vasa obstru-  
tem incidendo, atque à ventriculi pa-  
rietibus ipsam excutiendo, ac liquan-  
do, miram operam in universis feбри-  
bus navare solet.

Vitriolum ipsum crudum conser-  
vare exiccanti sua conditura corrupti-  
biles carnes humidas certum est. Et  
qui curant, ne fracidæ carnes fiant,  
stylis æris ipsas configunt.

In mulieribus ad vteri confortatio-  
tionem semper laudabile est oleum  
succini cum medicamentis, aut ali-  
mentis semper admiscere.

Rationabilis contagiosæ febris cu-  
ra erit, ante cætera omnia tentare (in-  
tegris ab initio existentibus viribus)  
ut per antimoniale emeticum, excre-  
mentorum sarcina deponatur circa  
ventriculum, & primas vias stabu-  
lans, quod etiam simul sudoriferum ef-  
fe solet.

Deinde singulis horis exhibeantur  
mixturæ cordiales sudoriferæ coclea-  
tim, donec sudor erumpere observe-  
tur, potissimum ex stybio diaphore-  
tico, bezoardico minerali cum aqua  
cinamomi, confectioe alkermes, &  
consimilibus.

Transactis verò primis diebus vo-  
mitoria inutilia ferè sunt, imò de-  
iectoria vniversa. Per febrilem enim  
calorem, ac ebullitionem attenuata  
excrementa, ad intimiores sedes viam  
sibi faciunt, neque in primis viis sta-  
bulantur, ut antea.

In albo sudoriferorum malignis, ac  
pestilentibus febribus accommodato-  
rum reponimus theriacam, discor-  
dium, cum vini spiritu, tum sty-  
bium diaphoreticum, radicem con-  
trahiervæ; angelicæ, tormentillæ,  
folia cardui benedicti, scordii. Li-  
gna guajaci, juniperi, ejusque bac-  
cas, lignum sassafras, lapidem be-

zaar, hystricisque & cornu cervi-  
num.

Verum ratione febrilis caloris in-  
tensi, sudorifera calidiora tuta non  
sunt. Sed tutiora sunt bezoardica fi-  
xiora, atque temperatiora, ut be-  
zoardicum minerale, stybium diapho-  
reticum, nitrum antimoniatum, &  
alia quæ cum vi sudorifera, alexi-  
pharmacam virtutem possident, cor-  
ruptionibus resistendo, inter quæ  
theriaca, magnæque anthidoti, mi-  
tridatum, dialscordium Fracastorii,  
tum medicamenta ex sulphure, tum  
viperina univèrsa.

Margaritarum & corallorum vis,  
tum oculorum canceri reputanda est,  
nec non cornu cervi, & lapides be-  
zoardici. Sed potissimum in succina-  
tis vim blandam sudoriferam inve-  
nies, tum in canphura, magisterio sa-  
turni & Iovis.

Omni igitur arte post vomitum  
procuratum, sudor tentandus cum  
decoctione foliorum cardui benedicti,  
scordii, hyssopi, absynthii in vexicis  
juxta cubantem ægrum positis. Vel  
regulis fervefactis in eadem decoctio-  
ne, aut ignitis atque vini spiritu irro-  
ratis.

Vel laudabili satis forma, unciiis  
tribus circiter spiritus vini optimi in  
scutella accensis, subelevatis stragu-  
lis repositis, felici eventu intra pau-  
ca momenta sudor provocabitur.

Experientia verò docuit, raros egros  
copiosè post vomitum procuratum su-  
dantes interire.

Consultum sit itaque ut sudor om-  
ni arte procuretur, antequam 12. ho-  
ræ à prima morbi invasione præterla-  
bantur, potissimum per stybium dia-  
phoreticum, nam per sulphur suum  
mite, sanguinem mundificare valet,  
& vi sua absorbente miro modo at-  
tem-



temperando quodlibet acre in sanguine, ipsum ad exitum deducit.

Qui verò calida diaphoretica intentionibus suis accommoda requirit, ut à centro ad circumferentiam veneficos torpentes liquores pellat, ad theriacam accedet, ad radicem dictami, angelicæ, zedoariæ, tum ad carduum benedictum. At qui ingens alexipharmacum sudoriferum exquirat, quod temperatum sit, viperæ carne exiccata utatur quocumque modo.

Monitu Crollii in peste gutta succini naribus affricetur manè, & vespere. Verum peste jam correpto propinetur ad scrup. j. vel scrup. ij. in aqua cardui benedicti.

Et quoniam in solis diaphoreticis magna spei pars reposita est. Ideo validè refrigerantia sicuti in febre maligna quandoque salutaria reputamus. Ita in febre pestilenti, ferè semper lethali periculo plena adiudicanda sunt.

Ex horum namque cadaverum dissectione. & symptomatum observatione innòtuit, quod ferè semper, ex sanguinis coagulatione intereunt.

Idcirco diaphoretica apta nunquam satis laudari possunt, utpotè quæ plenius à toto evacuare possunt. Tum sanguinem exagitando, cordisque fermentationem augendo, ipsum à coagulatione vindicant. Et dum fermentatos ac sequestratos liquores à centro ad circumferentiam deducunt, venenata fermenta, sanguinisque ac liquorum omnium corruptelas procul a corde arcent.

Qui itaque elixir pestilentielle operatur, quod in peste Neapolitana, & Romana celeberrimum fuit, accipiat vini spiritus optimè rectificati, libras tres, theriacæ optimæ lib. 5. myrrhæ

vnc. ij. contrahiervæ vnc. j. dictami, scordii ana vnc. s. canphuræ drach. 5. mixta omnia, in loco tepente, vel ad solem per octo dies reponat.

De hoc assumat æger vnc. j. circitèr, ac probè tegatur. Et hoc quatuor horis ante cibum. Est enim sudoriferum auxilium, nullis secundum, quoniam sua activitate, acida narcotica, stupefactiva debellare valet. Pestis verò, quæ coagulationes, torpores liquorum, ac spirituum inducit, per vini spiritus removentur. Stupefactiva etenim per aromata ad motum impelluntur, & incrassata discutiuntur,

Riverii decantatissima sudorifera si quis habere anhelat. Hoc loco descripta suscipiat. Nam parantur ex stybio diaphoretico drach. 5. bezoardico minerali scrup. j. bezaar orientali scrup. 5. lapide prunellæ gr. xv. canphura gr. v. misce. Cujus dosis erit scrup. j. Sudoriferum ejusdem alterum est, ex bezoardico minerali scrup. j. sale prunellæ drach. 5. canphuræ gr. vj. pro dosi una capiendam, cum aqua cardui benedicti. Quo etiam repetitis vicibus utitur manè scilicet, & vespere per duos vel tres dies, donec sudor appareat.

Cornu cervi potissimum philosophicum à multis celebratur. Universalitèr enim sudores provocantur copiosi, à rebus sale volatili constantibus, vel à præcipitantibus acidis.

Primi generis salia cornu cervi, viperarum, urina volatilia cæteris palam præripiunt. Secundi generis spirituosæ aquæ acidulæ sunt, inter quas cordialis Saxonie spiritus vitreoli vel salis dulcis acidula facta. Nec non quæ ab hallonitro acidiuscula auxilia petuntur.

Gilla Teophrasti in peste, ac venenis



nenis celebre auxilium est. Paratur verò vitriolo soluto in aqua filtrato, & coagulato. Vel aptiori fortè artificio accipiendo merum vitriolum es continens expositum solaribus radiis mense Iulii.

Aut necessitate urgente cum Zefferiele Bovio accipias vitriolum Romanum ad drach. j. illudque in jure dissolve, intra enim pauca momenta ab assumptione vomitu facto, universas pituitosas, vel pravas materias in ventriculo, & primis viis repletas evacuat, & omnibus corruptionibus adversatur, stypticaque sui natura fores venenis precludit, ne ad cordis penetralia progrediantur.

Sic etiam Riverius observavit Cent. 4. observ. 99. naravit quod: *Quidam cui demandata fuerat cura tertia partis urbis peste afflictæ omnes ferè curavit exhibitio vomitorio ex drach. ij. cujuslibet vitrioli, mellis unc. ij. & aquæ communis unc. vj. simul mixtis. Statim enim ac illud exhibuisset, apparebant signa morbi imminētis, vel presentis. Vixque decem vel duodecim obierunt in sui parte, cum in aliis partibus pauci evasissent.*

Si itaque quis peste corripiatur, quam primum ad vitriolum vomitorium sumendum festinet, vel saltem ad aliquod stybiatum emeticum (ut tartarus emeticus vel crocus metallorum) deinde post sex circiter horas per diaphoretica sudorem procuret, fræquentè in hora assumendo, quæ vim etiam alexipharmacam habeant, donec tandem exanthemata, vel antraces, aut copiosos sudores erumpere observet.

Si autem exanthemata, antraces, sudores, bubones, aut alia jam eruperint ab omni vomitorio abstinebis.

Atque in solis diaphoreticis totam spem reponere debebis.

Secus pro vomitorio antipestilentiali vitriolum in primo loco eligas juxta consilium Paracelsi qui gillam suam emeticam jure meritò extollens vitriolicam naturam & vim ejus describit sic: *Si vitreoli acidum, mucilaginem in stomacho obviam invenerit, eam liquat, purgatque gilla melius quam helleborus vel cataputia, ob acetositatem cum acrimoniam coniunctam, & detersione valida. Quam acetositatem salis non possidet helleborus, neque alia. Ideoque ad internos morbos duplo præstantior est ceteris purgantibus. Si autem cholericos liquores in primis viis adinveniat, muco fit ebullitio, ac lucta, non secus ac ab aqua forti, & tartaro, factoque invicem amplexu per alium deiciuntur.*

Præsentibus jam pestilentis infectionis indiciis. Atque antracibus vel bubonibus apparentibus, ut virus integrè hauriri possit, optimum consilium est, ut tres vel quatuor sanguisucæ in ventosa angustiori orificii impostæ supra doloris, & incipientis tumoris locum applicentur. Atque sanguis quantum potest exire permittatur.

Si vero adhuc tumor magis manifestetur, vel carbunculus, deplumato pullo sub cauda, ac desuper podicem tantillo salis optimè contriti conspersi (ut irritatione facta podex magis contrahatur, concutiat, atque ad se facilius venenum pestilentiale hauriat) super locum doloris, ac tumoris applicetur. Qui pullus etiam intra unum vel alterum minutum mori consuevit. Ideoque pullus alter eodem modo applicari debet. Et sic recentes pulli, donec postremus applicitus non moriatur. Evenit etenim, ut



quandoque quatuor, imò quinque, & sex pulli moriantur, antequam liberetur æger à virulento pestis miasmate.

Inter externa applicita, foci cordis, & viscerum commendantur, aqua florum aurantiorum, totius citri, melissæ, rosarum ana libr. j. aceti ros. unc. ij. vini malvatici vnc. j. specierum cordialium drach. j. misce. Oleosa enim, & poros oppilantia suspecta sunt.

Sic foci genitalium cum confectio alkermes dissoluta in aqua florum aurantiorum, & aceto validum confortativum, & rationabile auxilium est.

Cauterizare oleo caustico meo super emunctoria (etiam post aures) ad invitandam naturam ut eo loci malignas infestas particulas expellat, validum, securum, & certum auxilium est.

Oleo scorpionum Matthioli inungere cordis regionem, & loca universa pullantia, hoc sæculo per repetita experimenta innotuit efficax esse auxilium pro venenatis, malignisque affectionibus.

Sicuti hoc sæculo pariter constat limaces cum testis suis in mortario contulos, atque pedum soleis applicitos, nec non carpis manuum, ac sub genu, esse efficacissimum super cætera pericarpia, quæ à neotericis exco-gitata leguntur, pro malignis, & pestilentibus febribus debellandis.

Interim qui magna, & longa annorum patientia fistulas, ulcera, vel etiam fonticulos, aliaque abhominanda emissaria gerunt, pestilentiae tempore securius se degere jactare possunt, & re vera, si quandoque inficiantur ad illam partem celeris transmissio subsequetur,

Si qui autem præservandi rationem efflagitent, dicimus quod caustico nostro minerali (vel etiam alio) quatuor cauteria sibi inuri procurent, seu quatuor vexicantia aperta pestilentis temporis curriculo detineant.

Verum commendabiliora reputamus quæ ex antimonio, auro, mercurio, sulphure, vitriolo, arsenico &c. parantur. Quia dum tali arte præparantur, ut ab expultrice nostra irritata vinci ac depelli possint. In hac lucta, ac irritatione, virus etiam pestilentielle expellere natura edocetur, & læthalia fermenta debellare postmodum aggreditur.

Multi præservati sunt, sumptis manè in ovo sorbilli gr. vij. florum sulphuris. Aliis profuit coclear unum, vel alterum oximelitis squillitici, vel aceti infusionis carlinæ, vincetoxici, angelicæ, zedoariæ.

Aliis guttulæ spiritus vitrioli, salis, vel sulphuris, vel nitri in jure prophylactica auxilia fuere.

Prout aliis acidi fructus potissimum citria, onfacium, mala punica, cydonia, rhibes &c. cum alio liquore diluta ac attemperata valida adversus pestem propugnacula fuere.

Potius tamen manè jejuno stomacho, conserva rosarum, vel acidum citri conditi, aquæ cordiales ut Saxonix, citri, cum spiritu vitrioli acidulæ factæ commendabiles nobis videntur.

Vel ut verum fateamur, majorem confidentiam habere debemus in vino generoso modicè, atque ad hilaritatem sumpto, tempestivisque horis facto prandio, videlicet non expectata magna dilatione ad serotini meridiei tempus, sed tertia vel quarta hora ab orto sole, quando jam fames se manifestare incipit, neque ventri-



culus ad integrā ināitionem pervenire concedatur, sic enim ab externis advenientibus magis tutus erit, validiorque propugnator auversantium veneficorum corpusculorum erit.

Valdè etiam decantatum est acetum, cum angelicæ radice, carlinaque à Carolo Magno Imperatore dicta, cujus exercitus à peste angelica admonitione præservatus, ac liberatus est, hujus radice usu.

Sic imperatoria, galanga, cortices citri, cinamomum, myrrha, mastich, masticatoria constituere possunt, sola per se sumpta, vel simul commixta.

Interea saliva omnis expuatur. Secus contagiosum miasma in salivæ liquore facilè per respirationem insinuat, cum magno vitæ periculo deglutietur. Imò toto tempore pestis, magno studio oris saliva, & narium muci deijciendi sunt, & non deglutendi.

Hi etenim aere attracto omnium facilimè inficiuntur. Quare pestis invasio, ac initium, ut plurimum per vomitus manifestantur.

Pro eternis inunctionibus non solum, sed pro interno usu, odorifera, spirituosā, balsamica omnia commendantur. Quinta essentia rosmarini oleum succini, balsamum Peruanum, balsamum apoplecticum, spiritus urinae, tum fuliginis in vasculis gestari possunt, oleum canphurae. Sal volatile cornu cervi. Quæ omnia multo efficaciora censentur quam poma Veterum ambrata.

Crocus, oleum succini, myrrha, canphura, opium in aceto theriacali solutum, magnum à peste præservativum constituunt, per os sumendum.

Cordis verò, & pulsum loca oleo succini illiniantur, canphura, & oleo nucis moscatae ac balsamo Peruano admixto.

Multos juvit ad præservationem in ore gestare sulphur integrum, ad magnitudinem unius avellanae loco masticatorii. Nunquam salivam deglutendo, sed semper expuendo, ut jam insinuavimus.

Antiquorum prophylaxim omittere irreligiosum esset, atque mnemosini ingratum. Accipiebant igitur manè nucem, cum tribus granis salis, & tribus summitatibus rutæ, duasque caricas cum frustulo panis. Superbibendo uncias duas vini malvatici. Vel etiam optimi aceti sorbi-ciunculam.

Præservativum meum quod æquatione cæteris prætuli est, balsamo caustico meo facta inunctione super unam vel plures ex glandulis inguinum, ubi bubones emergunt, ulcusculum apertum servare per mensem, vel duos, tres, aut amplius, quousque luis suspicio evanescat.

Experientia etenim me docuit, quod ubi fiunt casu, vel arte incisiones, vel apertiones cutis, etiam ventosis applicitis sine incisione, ibi venefica materia confluit, atque antraces, & alia fiunt.

Magnam etiam vim habere comparii pro præservatione, si singulo manè summantur gr. x. circiter sulphuris cum haustulo aceti infusionis radice angelicæ vel carlinæ.

A magnæ fidei viro relatum est quod Gandavii milites Neapolitani, omnes fermè peste obijerunt, sed Germani milites, qui indusia pulvere pyrio (ut necarent pediculos) suffumigganda commiserant, nullus peste obiit ob sulphuris vim.



Certum est enim quod sulphurustum, ejusque odor, magnum antidotum pestis est. Atque rationi consonum est, acidum volatile sulphuris, repertum in aere alcali volatile pestis cum eodem congregari, & stricto facto amplexu ad terram cum eodem præcipitari, & sic aerem depurgari.

Quare qui per bellicorum tormentorum explosiones aere depurgare conantur, rationabili fundamento innituntur. Videmus etiam quod magnus Hippocrates in pestilentibus constitutionibus suorum temporum exhibebat in potu vinum sulphure suffumigatum.

Si verò sulphur ad gr. xxij. propinetur cum decoctione cardui benedicti, vel aqua ejusdem, sudorem etiam provocabis. Memini etiam quod Hippocrates viperis pulverizatis utebatur tempore pestis.

Valet adhuc pro præservatione assiduò in ore gestare nucem moscatam, cariophillos pro frigidioribus temperamentis, ac anni temporibus. Vel theriacam in nodulo chartaceo ore contrectare. Abstinento tunc temporis ab omnibus facile corruptibilibus piscibus, lacticiis, oleribus, fructibus & consimilibus.

Primaque ac præcipua semper sit ante oculos Galeni intentio proposita in *I. de diff. feb.* Videlicet corpus à superfluitatibus corruptibilibus vacet, & optimè perspiret in peste, ut sanari valeat.

Robertus Boile in pestilenti constitutione sui temporis notavit quod tum pro præservatione, tum pro curatione qui citò sumpsissent drach. s. vitrioli albi (Gille Paracelsi) ferè omnes sospites fuere, vel infecti feliciter evasere.

Paracellus de peste, super cætera omnia pro præservatione proponit mirram ad avellanæ magnitudinem summo manè, singulo die. Cui simplex displiceret, elixirem proprietatis summere poterit, vel vini spiritum, mirrhæ infusione saturatum, seu mirrhæ tincturam.

Quod si in hac tinctura theriacam dissolvas, & bis in hebdomada, aut ter summas, ab omni infectione immunem te servabis.

Formidulosi verò, ut omnis formido removeatur, ingens præservativum erit corallium rubrum pulverizatum ad drach. 5. in vino bis, vel ter etiam, & amplius epotum. Tum crocum in universis obsoniis, vel saltem cum vino assumant isti.

Frigidis temporibus, præservativa calefacientia, exhilarantia, aromatica sumantur. Fervidis verò temporibus, ea sint, ex frigidis adstringentibus, roborantibus cor parata, & quæ in naturalibus visceribus magnas, & caloriferas fermentationes inducere nequeant; imò attemperantia ac fervidas tenues biliosas particulas secum rapiendo, ad vias expulsionum ducant.

Hoc igitur peragere possunt emulsionem ex 4. sem. frig. cum pulveribus crustaceorum. Tum sorbeta ex acido citri parata, admixtis margaritis, vel conchis margaritifera præparatis, canphura, terra sigillata, vel samia.

Universaliter inter præcipua pestis alexiteria scordium est, dictamus Creticus ex compositis theriaca, mitridatum, diascordium, quæ sanguinis massam, corpusculis suis alexiteriis inficiunt. Atque novo veluti fermento imbuunt, eosdemque leniter, & naturali motu movendo, ac in



æquabili mixtione fervando, à coagulatione, atque ab omni corruptione immunes servant.

Ventriculum pariter, & intestina roborant terra sigillata, confectio hyacanthina, alkermes cum aquistotius citri, scorzonæ cordialis Saxonie spiritu vitreoli acidulis factis. Admixtis margaritis, cornu cervi.

Candellæ fumales à Scrodero propositæ cap. de troch. pro magnis viris plus, vel minus præciosæ parari poterunt ex benzoino ligno aloes, & consimilibus alexiteriis.

Violenta exercitia tempore pestis vituperanda sunt. Nam cutis poris ampliatis, ac patefactis contagioso miasmatis vias parare possunt. Quare mediocria tantum exercitia, & absque sudore, securiora erunt.

Ocium verò omninò evitandum est. Namque tempore pestillenti calor nativus liberam eventillationem habere debet. Non tamen per sudorifera exercitia, quæ poros nimis dilatando, calorem, liquores, & spiritus simul profundunt, exhauriunt, dissipant, & corpus debilius factum, magisque penetrabile, ac laxum, contagii prava fermenta promptius suscipit.

Cibus in toto morbo sit moderatus. Ne venenum in majorem materiæ pabulum plus damni ingerat. Parcus enim inutilis est; nam affectio hæc natura sua attemperatone gaudet, quæ per alimenti copiam fit. Cum enim à corruptione, & deterimo fermento procedat naturæ hostilli, per ciborum blandam mixturam retunditur, atque ita attemperatur, ut à natura vinciat pelli possit.

Sassamenta itaque pro his periculose febricitantibus parentur ex oxalidis succo, pimpinellæ, aceto sacca-

ro, & succo limonum. Panis coquatur in amygdalarum lacte.

Aquæ cordiales calibeari debent cum frustulis auri, instillando in eis vitrioli spiritum ad gratam aciditatem, hic enim ab auro spirituale quodam alexipharmacum potentius elicit, in quo fortè magis quam in auro potabili vulgi fidentum censeo. Ideoque consimiles aquæ calibeatæ adversus vermes & primarum viarum corruptiones multò validiores sunt, quam non calibeatæ.

In febribus etiam malignis, cum ingenti virium prostratione, singula hora exhibeatur extractum chinæ liquidum in vino malvatico, vel in fervidis condictionibus, in aqua cordiali Saxonie vel totius citri factum.

Si enim hoc in principio antequam malignitatem induat exhibeatur, sensim, & in pauca dosi, certum est febres earumque symptomata suppressi, ac tolli.

Detestabilis sit interim in his febribus abstinencia à potu. Cum enim febris affectio calida sit, & siticulosa, negato potu cruorem depopulatur, solidarumque partium alimenta cum viribus dejicit.

*Adversus Variolas, aliaque febrium malignarum symptomata Auxilia.*

**A**er temperatus procurari debet, æstuans enim respirationem accellerando, ac minus eventillando lædit; frigidus autem naturæ motum impedire, vel retardare potest.

Juscula succo citri acidiuscula facta, arcanam habere vim in hoc affectu creduntur. Prout gelatina cornu



cornu cervi acidiuscula per spiritum vitrioli.

Pro potu decoctum hordei exhibetur cum rasura cornu cervini, & radicibus scorzonæ. Vel in decoctione scordii nodulus cum terra sigillata rasura eboris, & cornu cervi imponatur, simul cum guttulis spiritus nitri.

In principio antequam appareant variolæ per emetica evacuentur ægri. In augmento viscera naturalia confortantibus ad expulsionem promovenda. In statu, & declinationis initio blanda diaphoresis procuranda, ut sanguis lenitèr ebulliat, & ad cutem excrementa sua deponere edoceatur.

Simulque guttur ne inflammetur stypticis ac frigidis defendendus est syrupo granatorum potissimum, vel eorum succo cum lambitivis. Vel aqua, & syrupo de papavere cum sale prunellæ.

Patentibus signis declinationis ad validiora diaphoretica accedendum erit, ad stybium diaphoreticum, bezoardicum minerale, cum lapide bezoardico, & salibus volatilibus cornu cervi, viperarum cum aquis cardui benedicti, cordialis Saxonæ, & similibus.

Tutius tamèn reputatur primis sex diebus à sudoriferis abstinere, atque per blanda diaphoretica videlicet per decoctum, vel tincturam florum papaveris, & per acidiuscula temperata aqueis spiritibus sudorem, seu ad cutem expulsionem promoverè, ut est aqua scabiosæ, vel betonice cum succo citri, vel spiritu nitri.

Transacta septima in octava & nona valiora bezoardica, & sudorifera propinari poterunt, ut sunt salia volatilia &c.

Verum circa diem quartum leviora tantum bezoardica exhibeantur, diascordium Fracastorii, viperarum pulvis ad grana aliquot, cum aqua cordiali Saxonæ, & syrupo de corallis, vel gemmato mixtura fiat coeleatim in horas summenda. Si etiam contrahiervæ, vel scorzonæ extractum admisceatur, cum theriacæ modica portione, stybio diaphoretico, & laudani gr. iij. in aqua florum aurantium dissolutis, mixtura efficietior, & jucundior fiet.

Ab initio faccarum Saturni in aqua totius citri dissolutum, & propinatum ad scrup. s. more lambitivi massæ sanguinæ effervescentiam, & lymphæ acidum mirè compescit. Cujus usum egregium in omnibus internis inflammationibus sæpius admirati sumus. Emulsionem etiam ex 4. sem. frigid. cum sale prunellæ ab initio profunt, admixtis etiam testaceorum pulveribus.

Postquam eruperint variolæ cardiaca etiam validiora exhibeantur, & alimenta sint magis nutrientia, & quæ vulgò calidiora dicuntur. Ut vigorata natura alacrior ad expulsionem insurgat.

Facta integra eruptione, & calore cum febre remittente, ut maturatio absolvetur cogitandum est, exhibendo myrrhata, ex gr. elixirem proprietatis vel myrrham ipsam ad scrup. s. cum coralliis, margaritis, cornu cervi, lapide bezoardico.

Ptialismus molestus hunc affectum semper concomitari solet. Quandoque verò salina adeò viscida fit, ut inviscato gutture de suffocatione periclitetur æger. Quare decoctum, tum syrupus florum papav. cum gutt. spiritus vitrioli eximium auxilium esse pro his experti sumus.



Si verò tale decoctum cum modico faccario ad uncias tres hora somni exhibeatur , per quietem felicius aget .

Pro faucibus etiã gargarismata ex mucilagine feminum cydoniorum succo cancrorum fluvialium , decocto balauſtiorum , cum diamorone valida auxilia ſunt .

Ad præſervandos etiã oculos, citò antequam erumpant variolæ , vel ſaltem ſtatim ab initio maderiat aqua plantaginis, ſolani, ebuli, roſarum, cum croco, mucilagine feminum cydoniorum , pulvere ſummachiorum in nodulo ligato ( ſi potiffimum eriam adſit rubor, ac inflammatio oculorum) cum ſale ſaturni , & modica tutia .

Si retrocedere obſerventur variolæ detur elixir proprietatis, cum ſalibus volatilibus cornu cervi, vel viperarum. Tum phenigmata, & cucurbitulæ, cum ſudoriferis.

Pro aliorum tandem præſervatione dentur myrrha, & myrrhata ; quæ in hoc caſu cæteris prævalere creduntur. Namque in omnibus auxiliis propinandis ſemper ante oculos medicus ſibi proponere debet, quod eſt affectus, in quo ſanguis ad coagulationes admodum pronus eſt, ideoque ſemper quæ ſanguinis fermentationem ac diſſolutionem moliuntur præſunt. Sic decoctio ſola ficuum plurimos ab extremo fato liberavit. Quot cornu cervinum à Læto eripuerit , non facile enumerabuntur .

Atque breviter omnia complectentes dicimus . Quod locetur æger in loco calidiuſculo, ut pori aperti ſerventur. Panis rubeis contegatur. In potu detur raſuræ eburis decoctum, vel cornu cervi, in principio etiã

Plus ſolito ab initio vigilant . Alexipharmacis pugnandum , ut in cæteris malignis contagioſis affectibus.

Inteſtina, & naturalia viſcera ( quæ ab iſdem variolis quandoque occupantur ) decocto , lentium præſervari poſſunt . Pectus verò, & pulmo decocto , & ſyrupo ex floribus papaveris .

Fauces , & guttur ( antequam erumpant ) gargarismate ex aqua plantaginis, ſucco granatorum pulvere balauſtiorum , & lapide prunellæ . Vel ſolo ſucco granatorum, mororum cum modica aqua plantaginis .

Oculi tueantur colyrio parato ex aqua euſſiæ , ſief albo , canphuræ granis, croci, & ſalis ſaturni globulo lineo incluſis.

Ad nares præcavendas , acetum frequentèr olfaciant . Ut vlcera ex malignis variolis orta citò citriſentur, curari debent unguento albo canphurato, vel baſſamo ſaturni ex ſale ſaturni, & oleo amygdalarum parato . Quod maculas etiã omninò relictas tolerare validum eſt .

Pro moleſta ſiti , & linguæ ſcabritie . Semina cotoneorum in aqua roſacea , & ſucco citri digerantur, atque ex eis mucilago expreſſa uſurpetur . Idem ex tragacantho fieri poſteſt . Numquam vero frigida pro ore abluendo denegetur . Vulgatumque erat apud veteres præceptum, cavendum eſſe ne ægri fauces exiccantur .

Emulſione feminum melonum , & papaveris cum tragacanthi , & gummi ceraſiorum mucilagine in aqua roſarum extracta , mixtura paratur cocleatim ſummenda , cui ſi ſal prunellæ, vel granula canphuræ admixceantur validior erit .



Hipp. de morb. pop. 29. Consilium est. Siti carentem facit, os claudere, tacere, ventum cum potu frigido inducere. In gargarismatibus actu, & potentia frigidis, aceti parum admisceatur, vel vini rubelli. Valet aqua hordei cum aceto. Valet lac naturale gargarizatum, modo acetositatem contraxerit, oxigala dictum. Valet & lac artificiale ex seminibus frigidis paratum.

Aer conclavis copiosa nive vel glacie, aut aqua de vase in vas transfusa ad frigidum alteretur. Rob de rhibes, acetositas citri, aliorumque fructuum acidiusculorum succus deliciose sitifuga sunt, si aqueis proportionatis maritentur.

Sic ore laminam mali citrii, aurantii frustulum, vel limonum, prius in aqua rosacea, & medico saccharo maceratam, utile his siticulosis artificium erit.

Quia verò omnibus acida non sic conveniunt, ideò stolones anguriæ, vel pepones, vel cucumeri, aut cucurbitæ modo saccharo perfundantur, & in ore diu detineantur, ac prioribus abjectis substituantur recentes. Inter mitiora acida cerasa erunt, sed potissimum amarenæ, & visciolæ. Tum pruna, verdacia, tamarandi aliique consimiles fructus osseum semen gerentes.

Tinctura rosarum multis rationibus convenire potest. Sic quamplurimæ lignorum ex gr. brasiliæ, vel sandalorum, &c. tum florum tincturæ aliquo acidulo spiritu elicitæ inter quas, quæ ex floribus papaveris erratici elicitur nulli secunda est, si potissimum in aqua florum papaveris cum guttulis spiritus nitri, vel salis pareretur, ac modico eorundem syrupo edulcoretur.

In clamosa, & valdè molesta siti, somnus omni arte procurandus (qui legitimus humectationis auctor reputandus est) ideò ad opiata confugere nocturno tempore satis rationabile erit.

Si autem febrilis calor ægro minus molestus sit quam sitis, neque doloris sensus, neque inflammationis aliqua indicia manifesta sint, tunc accipias julep violacei libram unam, aquæ vitæ uncias tres, aquæ rosarum uncias quatuor, moschi grana duo, spiritus vitrioli dracmam semis. Misce, & cocleatim vel frequentatis haustulis propinari poterit.

*Pro bubonibus vel carbunculis  
auxilia.*

**B**utyro antimonii (ex mercurio sublimato, & antimonio per retortam pulsus parato) maturatio, & apertio feliciter succedet, deinde post tertium vel quartum diem mundificare aggredieris per balsamum sulphuris succinatum, vel terebenthinatum.

Postmodum salæ saturni cum modico mercurio sublimato dulci uteris. Demum balsamo Peruano cicatrizabis.

*Pro infesta diarrhæa, atque symptomatica in febre maligna,  
vel pestilenti auxilia.*

**A** Zacuto Lusitano in primo loco lapis bezoar ponitur. Non etenim adstringentibus, sed alexipharmacis pugnandum esse judicat. Credibile est etenim, satisque rationabile est credere, materiæ pessimam conditionem, ante debitum expulsi-




cem irritare. In pauca verò quantitate *lib. 3. praxis admir. observat. 90.* in his febribus exhibendum non esse insinuavit. Ibi enim ostendit exempli, quod in multa copia *bezoardicus lapis, videlicet ad drach. j. circiter omnes sanavit. At qui in pauca quantitate illum sumpsissent omnes perire.*

Pro istis itaque alvi fluoribus, quia neque aquæ neque vina accommodata sunt. Ideo decoctum tamarindorum, tum amarenarum in aqua cordiali per filtrum percolatum, admixto syrupo de corallis, vel de rosis siccis, aut conserva rosarum antiqua magis proportionatum auxilium erit.

In *lib. 17. Riverius* theriacam ad drach. f. proponit cum gr. iij. laudani. Tum potiones diaphoreticas in magna dosi exhibitas. Sic enim fugato veneno, quod intestina, & glandulas abdominis vellicando fluxum symptomaticum efficiebat, intra pauca momenta alvi fluor cohibetur.

In hoc consentit pariter observatio Jo: Elmontii qui ab hoc maligno fermento, solvi sanguineam massam observavit, liquores infici, & in putrilaginem abscedere, diarrheamq; efficere. Videlicet bile ex vasis colidocis. Recrementis vero acidis succi albuginei nervei ex arteriis celiacis, & ex ductu pancreatico in duodenum sese exonerantibus. Quæ tamen omnia exhibito valido diaphoretico atque alexipharmaco sælici omine persanantur, vel præcaventur.



*Ad nimios sudores in febribus malignis auxilia.*

**A**Nte cetera externus aer arte corrigendus, ac refrigerandus, secus vires omnes deicientur. Facies, testes extremæ partes oxicato frequentè applicito madefiant. Frigida pariter epytemata adstringentia cordi, ac universo abdomini, super tenuem telam extensa frequentè immutentur.

Linimentum ex sale saturni, & unguento sandalino, vel infrigidante Galeni super universam dorsi spinam tenui tela iteratis vicibus applicetur.

Interiùs verò incrassantia, adstringentia, roborantia exhibeatur. Juscula instaurantia cum succo granatorum, agrestæ, pulvere corallorum, margaritarum, eboris, & speciebus diamargaritonis.

Opiatæ parentur sorbiciunculæ ex conserva rosarum, cum pulveribus crustaceorum, terra sigillata, & granis laudani nepentes.

*Galeni de arte curat. ad Glauc.* consilium est. *Quibus ob sudoris copiam animi defectu corripuntur, vinum actu frigidum exhibe, ac arte procurabis, ut aerem frigidum hauriant.*

Nos in aquæ naphæ unc. iij. confectionis alkermes drach. j. dissolutam cocleatim cum magno fructu propinamus.

Ad vires etiam valdè contractas recreandas alimentis cardiaca misceantur, juxta monitum *Riverii li. 8. cap. 3.* Confectionis alkermes, hyacinthi, cum jusculis, vino, aquis cordialibus, spiritibus, ac oleis, seu essentiis aromaticis citri, ambrae.



Restaurans cāponis vel vituli, aut gallinæ cum cinamomo, speciebus diambrae, & modico succo limonum. Succus carnis vervicinæ afflatæ cum pulveribus cinamomi, nucis moscatae, & expressus. Testes foveantur confectione alkermes in aqua naphæ dissoluta.

Liquor etiam cardiacus valdè efficax parari potest ex ambrae griseæ drach. ij. moschi scrup. ij. ligni aloes drach. j. benzoini optimi vnc f. Contusis, & simul mixtis affunde vini spiritum ad eminentiam quatuor digitorum atque leni igne extrahe tincturam. Quam collatam per cartam emporeticam, lento igne dimidiam partem spiritus vini evaporabis vel etiam amplius. Nam restitans, valida essentia erit, cujus cocleare in vino vel juscule, aut quovis liquore exhibitum vires omnes illicò reficere valet.

Vomitum in febris malignis tollere docuit *Riverius Cent. prima Observ. 15. sale absynthii scrup. j. in succi limonum cocleare uno dissoluto.*

Pro hepatis vero, & naturalium viscerum refrigerio aqua naphæ, rosarum cum aceto rosaceo speciebus tria sandalorum & canphura pro repetito fotu inservire poterit. Vel unguentum sandalinum cum canphura, & speciebus diarhodonis.

Simulve testes frigidè foveantur; illis enim refrigerantis totius corporis incendium, & præcipue viscerum admodum imminuitur. Hoc vero fieri poterit per aquæ naphæ, rosarum plantaginis miscellam, addito aceto rosato canphura, & sale saturni.

Extremis verò plantis manuum, & pedum cocleæ cum testis contusæ frigidae applicentur, atque ubi ni-

mium teporem contraxerint, (post horam circiter) recentes applicentur maximum enim afferre posse auxilium repetita experimenta edocuerunt; ob consensum quem habent, cum universo corpore, ob venas, arterias, nervos fræquentes qui ad has partes valdè spermaticas, & nervosas feruntur, in quibus sanguinis circulatio reflectitur. Neque timor esse debet, quod excrementorum distillationem impendant. Namque modica sunt quæ ex illius effluunt. Sed magnum est ex refrigerio isto juvamen.

*Pro doloribus dorſi, ac lumborum* factis à sanguine copioso, ac fervido in arteria magna, & vena cava effervescente, ac fermentescente. Emulsionem ex 4. sem. frig. ma. addito sale prunellæ & granis canphuræ propinentur.

Renum verò regio infrigidante Galeni cum succo sempervivi canphura, & sale Saturni inungatur. Vel unguento populeone, aut oleo ex feminibus papaveris expresso, & canphura.

*Adversus contumaces vigilias in febris malignis insistentes.*

**C**irca horas somni foveantur crura, & pedes decocto capitum papaveris cum feminibus, factis blandis frictionibus. Lætæ cantillænæ in distans aliquibus profunt.

Aliis verò aquæ ab alto cum strepitu cadentes. In robustioribus levis aliquis labor ex.gr. ardentem candelulam manibus detinere juvat, donec defatigatione illa fastiditi dormire cupiant.

Quibus capita deraſa sunt, & dolent-



lencia, irrigatio facta ex oleo seminum papaveris expresso, & decoctione radicum mandragoræ, ac folijs florum papaveris non minimum auxilium erit.

Si potissimum hac eadem decoctione spongia madefacta tepida naribus, & fronti applicetur. Imò necessitate urgente ad scrup. s. opii simul dissolvatur. Sufficere tamen solet oleum ex seminibus papaveris, cum unguento populeone, & canphura temporibus inunctum.

Ex Riverio autem lib. 17. cap. 2. Cataplasma plantis pedum, ex cucurbitis recentibus contusis, foliis lactucæ, portulacæ &c. tum fomenta frigida testibus sufficere possunt ad somnum conciliandum. Hac enim via apta frigiditas cerebro, placidus motus spiritibus per nervos communicari potest.

Qui ampliora desiderat, caput præcedens de Vigilia, vel de tuenda Val. in parte quarta consulere poterit.







D E

## M O R B I S

AD CHYRVRGIAM SPECTANTIBVS.

## PARTICULA SEXTA.

*Pro vulneribus, auxilia in genere.*

Imperatus aer procurandus, frigidiusculus æstate, hyeme verò tepens. Si tamen vulnus in capite sit, actu calens procurari debet (ob rationes infra dicendas) quocumque anni tempore.

Animi vel corporis motus, & quæcumque impetuosius sanguinem excitare possunt præcaveantur. Sic immodicæ vigiliæ quæ succos exacuere, commovere possunt.

Alimenta magna parsimonix dispensatione offerenda, & talia ac tanta solummodo, quanta vitæ non sine virium dispendio sufficere possint.

Vulneratis namq; ideò oblata alimenta nocent, quoniam copiosior sanguis, fluidiorque generatur, qui uberioris fluxionis materia fit, ac proinde inflammationis, & cæterorum symptomatum.

Parte namque imbecilliori existente, natura ad illam transmittit alimenti copiam majorem, quam fortè tempore sanitatis. Dum hæc ob imbecillitatem illud conficere nequit, per moram ac redinem adeptum, inflammationes, putredines, fœtorem concipere solet.

Et hæc potissimum in corpore cacochymo, vel pravo victu utente contingere solent; nam ad partem vulneratam, dum mali succi affluunt, nec concoquere, nec aliena expellere, neque aptam carnem generare valet, sed præternaturalitèr alterando corrumpit. Ideò Hipp. lib. de affect. ait: *Vulneratos fame affligito.*

In lethali bus itaque vulneribus ferula propinentur ex pane cum emulsione seminum melonum, in jure pullæ, vel vituli.

Vel æstivo tempore zupæ, & variola alibi indigitata cum granis omphacii, & succis acidiusculis fru-

ctuum,



etuum, à cholerum sic hordeata, aliaque morbis acutis à nobis destinata in parte prima.

In vulneribus dissita labia habentibus (& potissimum faciei) ut eadem ad mutuum contactum adducantur glutem paretur ex thure, sarcocolla, mastiche, myrrha ana, hæc in tenuissimum pulverem trita, cum ovi albumine subigantur.

Sed quia non ita citò exiccatur, ut ad placitum labia adduci possint, glutem excogitavi ex oleo abietino, ac pulvere mastice, & boli armeni orientalis ad ignem solutis ana. Fietque solidissimum, atque balsamica vi præditum glutem calidum applicandum, quod ubi refrigeratum fuerit, difficultè removeri poterit, neque enim affluentibus liquoribus cedit, aut humiditate dissolvitur.

Extendatur itaque super petiam novam, quam deinde in tenues longas lamellas secari debes. Has lamellas ita dispones ut una collocetur in parte vulneris dextera, altera verò in sinistra. Et sic vicissim absque eo quod una superponatur alteri. Hac enim arte, dum in parte opposita manu contrahuntur, labia adducuntur. Desuper deinde balsamum Pervanum, vel aliud imponere poteris. Et hoc modo dolorificas futuras prætermittere poteris, aliaque minoris notæ artificia.

Sollicitus interea eris ut in convenienti situ pars collocetur. Videlicet situs doloris expers sit. Et in eo vulneris orificium secundum aliquam sui partem deorsum vergat.

Ad inhibendam fluxionem, ac inflammationem, proximis partibus defensiva dicta apponenda erunt. Verum ne per medicamenta crassæ, ac terrestris substantiæ cutis porositates

obstruantur, ac densentur. Ideo eligibilia esse reputamus vel Galeni poscam ex aqua, & aceto, vel vinum austerum, aut vinum granatorum, vel succum plantaginis, portulacæ.

In quibus etiam liquoribus dissolvatur sal saturni, & canphura. Atque duplicata, vel triplicata lintamina madefacta locis vulneri conterminis applicentur, Æstate quidem frigida, hyeme tepida, donec fluxionis, ac inflammationis, periculum abesse videatur, quod intra primam hebdomadam esse solet, & potissimum circa quartam.

Vulnus interim ipsum usque ad perfectam agglutinationem tactum (si fieri possit) servandum est. Atque hic modus appellatur curatio per primam intentionem. In qua ab initio curatur vulnus, deinde solis applicitis quibusdam externis linimentis, defensivis & aliis, nunquam detegituros vulneris, neque quidquam ei amplius imponitur, nisi transacta saltem die quinta, in qua ut plurimum detecta vulnera agglutinata reperiuntur, nisi ab ægro delictum aliquod in sex rebus non naturalibus, aut à Medico commissum fuerit.

Rationibus enim validissimis, & fidis experimentis Cæsaris Magati, & aliorum innotuit, quod nihil est equè hostile vulneribus, ac aer externus, qui semper alterationibus, atque corruptionibus anhelat, potissimum in partibus, quas natura firmissimo cutis clypeo munivit, ne aeris iniuriis exponerentur.

Nec non irrationabile est manè, & særo contrectationibus repetitis commovere vulnus, atque turundis ejusdem os deducere. Dum integram quietem expostulat, & externis omnibus



nibus propulsatis, per nutritivæ potentia munus, sui veram agglutinationem exigit. Quod merum opus non impeditæ naturæ est. Per turundas verò impositas, oris vulneris inductiones, commotiones, aeri expositiones omnino impeditur ab operibus suis natura, sanatio prorogatur, & mala sæpè symptomata, imò mors accersitur.

Recta itaque ac sana Medici intentio debet esse, ut vulnus immune fervetur ab omni suppuratione. Vel si hoc impossibile videatur, ob aliquam contusionem, vel ob alia occurrentia, saltem omni arte procurare debet, ut quam paucissimum pus generetur.

Quare exiccare tentabit vulnus medicamento non molesto ex. gr. balsamo ex spiritu vini parato. Vel oleis multiplicium infusionum rerum sarcoticarum, atque exiccantium, ut est oleum Hispaniolæ, vel hyperici, pro certo ratus naturam esse quæ carnem generare debet per nutritionem, quam dum assequi nequit, pus conficit, excrementa, & hostilia pellit.

Medicum verò hoc tantum agere posse, quod occurrentia, atque externa impedimenta remove debet, rectaque in sex rebus non naturalibus instituta vivendiratione naturali facultati sese accommodare, atque partis læsæ concoctricem fovere, & amicabilibus auxiliis auscultari tenetur.

Pro his itaque intentionibus optima mixtura fieri potest ex oleo abietino, hyperici, & vini spiritu, in magnis, profundis vulneribus. Vel etiam addi potest oleum spaniolæ, vel opobalsamum, aut balsamum Peruvianum. Facta ut jam innuimus so-

lutione solummodo de tertio in tertium diem, vel de quarto, absque tamen orificii detectione integra.

QUANDOQUE MAGNA SANGVINIS A' VULNERE PROFUSIO NEGOTIVM FACESCIT. Irritis verò pulveribus ex simplicibus adstringentibus, pulvere sympatico, vitriolo ipso combusto, veluti ad sacram ancoram (omisso igne actuali) ad butyrum antimoni confugere debemus. Cujus etiam tanta vis stypticans est, ut miraberis de veloci postmodum vulneris sanatione, absque copiosa materia purulenta admissione.

Præterea refrigerantia styptica, calorem, & effervescentiam prohibentia in circumvicinis partibus administranda erunt, ut posca, vinum granatorum, succus plantaginis, sempervivi, portulacæ, aceti, onfacii, additis pulveribus ex bolo armeno, malicorio, & consimilibus, ovi albumine subactis.

Cibi & potus incrassantes, refrigerantes, & adstringentes sint atque onfacio, cydoniis, cicoreo, plantagine, acetosa, portulaca fructibusque modicè acidiusculis oblonga condiantur. Manus, pedes, testes, posca frigida foveantur.

Hora somni potio opiata, seu emulsio propinetur papaverina. Animi motus omnes arceantur. Summa quies procuretur. Et somnus super cætera ut concilietur curabis.

*Ad vulnorum infestantem dolorem* præter superius enarrata, externa olei ex seminibus papaveris expressi inunctio, vel ex succo lumbricorum, vel verbasci. Vel lac in quo verbascum, & flores camomelli incoquantur applicitum, cum croco canphura, & oleo hyperici, apta anodina vulnerum doloribus auxiliū esse poterūt.

DOLO-



**DOLORI VVLNERVM QVANDOQVE** *tumor* supervenire consuevit, ob succorum stagnationem, qui à tergo insequentes, affluentium priorum copiam adaugent, atque vasorum extensionem fibrillarum sensitivarum dilacerationem moliantur.

Ab impetu igitur circulantium succorum, quibus transitus ab obstructione denegatur, talis dolor fit; inde tumefactio. Quibus occurrendum blandè emollientibus, ac ressolventibus, ac liberum transitum procurantibus, ut ea sunt quæ pro arcenda cancrena usurpantur, ex. gr. spiritus vini canphuratus, aliaque auxilia canphurata. Cataplasmata ex croco lacte & floribus camomelli iuocotis, additis ovorum vitellis.

Quinimò si spasmus, vel saltem spasmodici quandoque motus insurgere observentur, ob magnam fibrillarum distensionem, quoniam vulnus in parte tendinosa sit, & valdè sensitiva. Tunc etiam validiora cataplasmata ex nervinis aromaticis parata, tum balsamica, castorina, succinata, cinabarina in usu externo, tum interno adhibenda erunt. Aliaque à nobis convulsio- num auxilia proposita suo loco adhibeantur.

Quandoque verò mera inflammatio occulta intus absque indiciis externis tumefactionis insurgit ab obstructis circumvicinis tubulis, vnde sanguis, & reliqui succi à motu circulari suo prohibentur, ac remorantur. Ob talem itaque obstructionem vulnus siccum fit, nam à repletis vasis, & compressis denegatur fluxus, & refluxus succorum.

Quamobrem in hoc casu omissis adstringentibus, atque incrassantibus, quæ obstructiones augere, &

succos acriores reddere possent, ut postmodum discisis fibris, & via spiritibus negata, ad gangrenam additus aperiatur.

Tutiùs idcirco erit uti vini spiritu canphurato, vel aqua Reginæ Ungariæ sale armoniaco admixto vel aqua calcis, aut aqua florum sambuci cum sale saturni. Aliaque consimilia, quæ pro inflammationibus alibi proposuimus.

Quandoque etiam in vulneratis febris insurgit, à turbata sanguinis mixtione, ob sanguinem in loco vulnerato appellentem. Ibidemque fermento acido, vel præternaturali alienam conditionem induente reperto. Quod circulando ad cor revertens, ibi præternaturalem fermentationem promovet.

Quare febrifuga antedicta propinari poterunt, tum oculi cancri cum aqua cardui benedicti, vel papaveris erratici. Cornu cervi cum syrupo de papavere errático, quæ omni bihorio ad coclare unum vel alterum exhibeantur, admixto etiam lapide prunellæ. China paritèr febrifuga non inutiliserit in pauca dosi sæpè repetita.

*Hyperfarcosis, seu carnis excrescentia* aliquando sanationis impedimentum esse solet. Cui occurremus potissimum vnguento egyptiaco inspissato. Vel alumine usto, aut præcipitato dulcificato. Spiritus etiam vinicum aqua calcis, sale saturni, & canphura, præstantissima sunt, inter leviora. Nam his fortiora butyrum antimonii est. Verum contenti ut plurimum erimus egyptiaco, atque mercurio præcipitato, qui carnem superfluam, & intemperiem simul tollere solent.

*Fælorem* quandoque contrahunt vulne-



vulnera, atque imperitum chyrurgum ore patenti declamant, & accusant docente Paracelfo, omnium chirurgorum facilè princeps, quod: *Si foetorem in vulneribus percipias, iudicabis illa, ob errata corrumpere suum nutrimentum.*

*Putredines itaque sordities corruptiones* supervenientes in malis curatis vulneribus tolluntur lixivio in quo ebullierint absinthium, marubium, carduus benedictus, scordium, myrrha, aloe, addito melle rosaceo, & egyptiaco. Vel cum terebinthina, & melle rosaceo admisce modicum mercurii sublimati. Vel spiritus vini in quo dissolutum Ægyptiacum sit, omnem putredinem sistere poterit. Si autem his sisti nequeat, ad balsamum causticum meum, vel ad oleum mercurii non incassum quilibet confugere poterit.

Evenit quandoque ut *turpis cicatrix* tollenda sit, sive turpitèr emineat, sive nimis concava sit. Tunc balsamo caustico meo aperiatur, vel aliquo igne potentiali, deinde aptior concinetur.

Vulneratorum dieteticæ regulæ penès Paracelsum sunt, ut aer externus cautè admodum præcaveatur. Acidum etenim inest aeri, vulneribus maximè insensum. Ad succi itaque nutritii aciditatem impediendam, vel ad jam factam tollendam, & humorum naturalem motum servandum oleum hyperici, seu Spaniolæ, balsamum sulphuris terebinthinatum, opobalsamum, vel balsamum Pervanum auxilia efficacia sunt.

Secus aer succos circulantes in-  
crassat, & hac ratione vulneris transpirationem impedit, atque nutritionem, coalitumque retardat. Vul-

nerarios cibos, cum simplicibus vulnerariis coquere jubet, obturato vase, ac in lebetè posito aqua pleno, ut coquantur.

Digestivæ virtuti ante omnia proficiendum erit. Quare cavendum erit, ut sepè, & modicè offeratur, ut sic repletio nimia, tum fames intensa, aut sitis clamorosa præcaveantur. A siti namque potissimum ar-cendi sunt vulnerati.

Cibos aromaticis aliquibus condimentis temperare licebit, & potissimum modico cynamomo; ventriculi namque actio in his ferè semper debilitatur, si potissimum magna sanguinis profusio facta sit; Tunc enim ad restaura carniū, juscula cum contusis, & alia ascendere licebit.

Circa initia potissimum, humido potius, quam sicco victu utendum erit, atque refrigerante. His etiam alius indurari consuevit, dum natura nimio sanguine profuso ad expulsionem impotens sit, motivis animalibusque spiritibus depauperata. Ideò etiam appetentia minoratur, & concoctio vitatur.

In potionibus vulnerariis confidit admodum Paracelsus, ejusque discipuli mira decantare observantur. Istæ verò non tantum ex simplicibus medicamentis parantur, sed ex alimentis. Ideòque cum cibis præparari, ac coqui possunt. Maximè verò horum vires, vino tradendæ sunt.

Harum vulnerariarum potionum effectus est, naturale temperamentum servare. Succorum pravas qualitates corrigere. Corpus alere. Atque vulneratæ parti, aptum nutrimentum adducere.

Inter usualiora, & facilè parabilia vulneraria recensentur pastinaca sativa.



fativa . Terra sigillata . Trifolium . Beta utraque , Dragunculus . Consolida utraque . Mumia . Buxi folia . Lillium convallium . Serpentina . Millesfolium . Persicaria . Betonica . Salvia . Verbascum .

Potiones itaque vulnerariæ fieri solent in vino albo tenui , in vase duplici , vitriato , commissuris optimè clausis (*juxta Paracelsum in chirurgia magna*) ex simplicibus etiam vulnerariis fieri potest tempore vindemiæ vinum fermentatum .

In abstemiis verò , vel pro vulneribus capitis , decoctio in aqua fieri debet . Decoctorum pariter loco uti poterimus succis .

Alimenta itaque vulneraria parantur , carnibus , vel pullis in aqua incoctis cum simplicibus vulnerariis , in duplici vase . Aut in vino incoquantur , & exinde facta collatura , ac expressione , gelatinæ parentur .

In albo vulnerariorum simplicium pariter myrrha est , mastiche , thus . Lumbrici terræ . Hipericon . Plantago . Aristolochia rotunda . Carabes . Quæ vulneraria majora appellare possumus , ad differentiam aliorum minorum .

Nunquam satis inculcatum sit , quod præcipua ratio habenda est , ne aeris causa ; sed potissimum frigidioris appulsu , vulneris porositates invertantur , atque sic inflammationibus , tumoribus , & gangrenæ etiam additus aperiatur .

Certa namque experientia constat , quod si recens vulnus citissimè operiatur atque claudatur , ita ut externi aeris appulsus omninò interdica-  
tur , citissimè sanatur , à succo albugineo nervorum nutritio , qui ex tubulis spermaticis disruptis ( gluten

magna ratione à veteribus dictum ) profluit . Qui ab aere externo præternaturalitèr alteratus , particulisque suis spirituosus evolutibus orbat-  
us , nutritioni ineptus fit .

Non solvantur igitur vulnera nisi post quartam , vel quintam diem , vel ulterius . Sed solum pro quadam ægri , & adstantium consolatione remotorum , ac externorum tegminum aliqua solvantur , & desuper infra dicendorum balsamorum aliqua illiniantur . Vel in profundo , & magno vulnere angustum foramen in parte declivi relinquatur , per quod pus prodire possit . Vel per quod sypho suctorius introduci possit , ad saniem hauriendam .

Omni studio optima in stomacho chylosis procuranda , ut ex probo chylo optimus succus albugineus nervosus haberi possit , nam legitimum vulnere omnium balsamum est , atque immediatum instrumentum , quo natura ad soluti consolidationem utitur , dum ad nutritionem spermaticarum partium , atque fibrillarum discisarum unionem semper conspirat .

Acida igitur , falsa , saccharata , & magnarum virium alimenta , magnam in corpore turbationem inducere potentia fugiantur . Dieta tamen modicè frigida instituatur , ne succi incrassentur , aut præ sua aquositate , aut alia conditione inepti , munia rectæ nutritionis obire possint .

Itaque vinum bibere assuetis , vinum non interdicator , quod sanguinem , & liquores omnes in bona , & naturali conditione servare potest . Nostri namque corporis succi singulari gaudent mixtura particularum vinolarum , quibus etiam sustentari



postulant. Neque enim in qualibet alia re nisi in vino activarum vinosarum particularum conditiones reperias.

Ideoque experientia ostendit quod vulnerati, vino generoso assueti, aquam bibere coacti, in magna vitæ discrimina delapsi sunt, consuetudine (quæ est altera natura) immutata, ac liquorum conditione inversa.

Excipiuntur tamen casus febrium, inflammationum aliorumque gravium symptomatum. Præterea vinum ipsum medicamenti alteratum propinandum erit, ut infra dicetur atque ab acore quantum fieri potest liberum esse, vel liberari debet.

Æger in latus læsum (si fieri possit) nunquam decumbat. Acidum absorbentia fræquentè exhibeantur. Hæc enim succos fluidiores quoque reddunt, si simul diaphoretica sint.

Inter hæc usualiora magis enumerantur, antimonium diaphoreticum, oculi cancri, tum martiales, tum saturninæ essentia, ac salia ex. gr. accipias stybii diaphoret. drach. f. oculorum cancri scrup. ij. sperma ceti scrup. j. salis saturni gr. iiij. misce, fiat pulvis, & dividatur in quatuor partes. Vel facta opiata cocleatim exhibeatur.

Tinctura pariter traumatica utilissima fieri poterit, concleatim propinanda, ex floribus hiperici, ac seminibus, myrrha, aloë, mastice, succino, oculis cancri. Fiatque digestio, & tinctura S. A. evaporanda ad medietatem circiter.

Oculi cancri sæpè soli sufficere possunt, in vino, vel alio consueto liquore potulento inditi, aut seorsim assumpti. Tum diureticorum,

ac diaphoreticorum potiones, ut decoctum lignorum cum stybio diaphoretico, vel pulvere viperino. Vel potus theæ.

Recentia, atque mediocria vulnera solis plumaceolis impositis sæpè sanantur, intinctis in aqua Regina Hungariæ, vel spiritu vini trinæ infusionis florum, & seminum hiperici, modica canphura admixta.

Obtegantur verò cerato ex. gr. opodeldoch, vel stybii, aut diapalmeo quod cutis munere fungatur, vulnusque ab externo aere defendat.

In magnis etiam, & periculosis vulneribus, ceratis varia cataplasmata superponenda erunt, ad partis temperiem servandam, & succorum stagnationem, gangrenamque arce dam.

Parari verò consuevere ex farina fabarum, seminum lini, rad. althææ flor. camomelli, absynthio, scordio, seminibus cumini, in vino coctis hyeme. Vel in aqua æstivis temporibus.

Naturam verò puris investigare pro legitima vulnerum curatione, magna lumina afferre poterit. Pus itaque est liquor albugineus nutritius nervorum. Seu albarum spermaticarum partium nutrimentum alteratum, cui pariter dilaceratorum tubulorum portiunculæ corruptæ, simul cum cruore admiscuntur. Cum hac distinctione, quod quando his variis naturis commixtum est, pus crudum, etherogeneum, illaudabile judicatur.

Ostendit enim per varia vascula dilacerata, diversas confluere materias. Quando verò album, crassum, sibi æquale fuerit, pus laudabile reputatur. Tunc enim ex mero succo



succo nutritio spermaticarum partium fit, qui jam proximè accedit ad fibras spermaticas agglutinandas quæ sunt aliarum partium vera stamina, ideòque ad glutinis naturam accedere observatur.

Si autem benignus hic liquor, ob æris appulsum externum, vel perperam adhibita medicamenta, aut ob malam victus rationem servatam, acorem contraxerit. Tunc præternaturalia crassamenta, circumvicinorum tubulorum obstructions parit, febres concitat, & loco consolidandi, ac uniendi, canaliculos ipsos, & fibrillas proximiores exedit.

Si autem aquosus, tenuis nimis, vel viscidus, inæqualis, foetidus fuerit, peioris adhuc notæ erit. Atque præsentiam obstructionum, impeditam perspirationem spirituum, atque caloris, bonorumque succorum carentiam. Putredinis, & à naturali statu recessum. Atque debitæ nutritionis defectum clarè ostendit.

Vulneris itaque consolidatio à fibrillarum albarum nervearum, seu spermaticarum partium coalitu primo facta per nutritivam potentiam exordium summens, mediante liquore albugineo, ad carnis deinde circumstantis generationem, sanguine interveniente procedit.

Hinc est quod perperam farcoticis medicamentis, & sine discrimine vulgus utitur. Legitima namque farcotica medicamenta ea dici promerentur, quæ succum hunc albugineum in suo naturali statu fovere, imminutum augere, atque ad locum vulneratum ducere, vel accedere posse procurant.

Dum enim hic, tubulis agglutinatis per partem vulneratam liberè pro-

fluere potest, secum spiritus vivificos, & calorem adducens, citissimè undique his staminibus affuso sanguine carnis globuli agglomerantur, atque citissimè vulnus consolidatur.

Verum si talis succus acorem, vel salinam naturam induat, prava subsequetur agglutinatio, nullaque recta nutritio, atque sic sanatio prorogatur. Nulla namque fieri consolidatio potest, nisi acidum prius tollatur, vel sal acre attemperetur, succusque albugineus nervorum nutritius, albarum, ac spermaticarum partium nutritioni aptus ad locum vulneratum demandetur, & foveatur.

Sed jam tempus est, ut præciosa nobis nota per experientiam balsama enumerentur exorsus à Chirurgiæ principe Paracello, qui jubet, ut prius vulnera vino laventur (naturæ legitimo balsamo) deinde aliquo artis oleo balsamico inungantur.

Hanc enim curandi formulam indigitasse videtur Jesus Christus in persona Samaritani descenditis de Jerico, à latronibus vulnerato.

Oleum verò balsamicum à Paracello indigitatum, tale est: Accipias terebenthinæ, & olei communis ana (ita ut eminere possint infra dicendis) florum camomelli, rosarum rubrarum, hyperici, foliorum cheledonii, centauriæ ana manip.j. atque soli exponantur æstivo per duos menses, iterata, vel etiam triplici facta infusione. Curat hoc balsamum ingentia vulnera absque mordicatione, procul à periculo inflammationis.

Sequenti anno si exprimatur oleum, cum terebenthina, atque recens ad-



atque novisque floribus imbuatur, atque soli ut prius exponatur balsamica vires ingeminabuntur, & sic deinceps &c.

Si etiam addideris lumbricos vino purgatos num. 100. plus minus, quoscunque dolores, ac coagulationes tolles. Addi etiam potest mumia, mastix, myrrha, thus, sed in pauca quantitate, & ex tempore, si potissimum majoris exiccationis intentiones urgeant. Nam legitima balsama potius floribus delectantur, & maximè hyperici, atque eius seminibus.

Robertus Boile cæteris balsamis antefert oleum terebenthinæ merum, tepens, recentibus vulneribus applicitum, eorum enim hemorrhagiam sanat, citam digestionem, ac sanationem promovet.

Nobile interim instrumentum ad pus è vulneribus educendum excogitarunt neoterici. Videlicet siphunculum quem vulneris orificio introducunt, ut pus à famulo exugatur. Ita verò aptatum est, ut in medio ventricosus sit, ad hoc ut pus exuctum in talem ventrem influens, ad fugientis os non perveniat cum nausea. Nec non ab ulteriori suctione, molestia illa arceatur. Et hac arte, magna profunda vulnera curari possunt absque incisione aliisque periculosis operationibus.

*Hemorrhagia* paritèr in vulneribus, plurimos in vitæ pericula adducit, dum vitæ thesaurus, & facultatum balsamus profunditur. Superponatur ergo bona quantitas vitreoli martialis canicularibus diebus calcinati. Tum peria eodem sanguine commaculata, sympathico eodem pulvere inspersa infra strata lectuli decumbentis servetur.

Per quinque circitèr dies ligatura vulneris non solvatur, ne crusta detrahatur, & sanguini fores iterum patentiores aperiantur. Hac enim arte, nullo alio adhibito remedio, vulnera sanata vidi.

Alii adstringentia austera, & liquida (si potissimum vas ruptum in profundo situm sit) ut tinctura gallarum, malicorii &c. Verum his dum hemorrhagia cedere recusat, applicito butyro antimonii, vel balsamo caustico meo, non secus ac per ignem actualem, dum tubulorum osculi crispati retrahuntur, in momento hemorrhagia omnis supprimitur. Cum hoc discrimine, quod tanta stypticitas per hoc balsamum introducit, ut profundius occlusis tubulis, escara decedente sanguinem profundere nequeunt; nec non pauco admodum genito pure, vulnus citissimè consolidatur.

Si autem vas sanguinem profundens in loco oculis obvio sit, & per compressiones claudi possit, pacta mercede aliqui convocari possunt, qui alternatim in excubiis sedentes, fauciatum vasis labia comprimant.

Sed revertentes unde digressi fuimus, dicimus, quod in balsamorum administratione, prius vulnus lavandum vino simplici, vel medicato est.

Quia verò multi mihi videntur peccare destillando terebenthinam, aliasque resinas, ac gummata, dum calidius medicamentum parant, magisque intemperatum, quam ut carnis generationem in vulneribus promoveri possit. Temperatum nostrum parabitur, ex olei olivarnm lib. iiij. tereb. lib. j. Florum hyperici quantum satis ad tenuem eminentiam olei. Vini albi veteris lib. iij. decoquantur



ad consumptionem vini, inde legitime insolentur. Quibus addendo vernicem, mastice pulverem, thus, myrrham, sal saturni, & canphuram efficax, & temperatum balsamum habebis, quod à suppuratione alienum, citissimam consolidationem olitur.

Nobis etiam pro efficaci balsamo inservivit spiritus terebenthinæ unc. iij. salis saturni unc. ij. canphuræ dr. j. commixta, atque in cineribus per diem digesta, invicem enim attemperatione gaudent.

Balsamum Hispaniæ propositum à Serodero cap. de balsamis, unum ex præcipuis enumerandum est, quoniam temperatum. Qui enim copiosa myrrha, viride æris ac simplicibus valde calorificis utuntur ad vulnera, dum nimis calefaciunt per valde activa, ac potentia, naturalis facultatis munus deturbant & partis robur infringunt, inde omnia invertentes, phlegmones, tumores, calores præternaturales, dolores pungitivos, putredines, ac fœtores accerunt.

Ideoque longè errare observantur, qui per aromatica incorruptibilia, aliaque magnarum virium vulnera sanare aggrediuntur, decepti ab auctoritate *Paracelsi* dicentis. *Vulnera curari debent per ea quæ putredini resistunt*. Ea etenim verè putredini resistere dicuntur, quæ nutritivæ potentia munera non impediunt, sed potius ejus impedimenta remonent, eique obsequuntur patièdo, & non imperant, neque opponuntur agendo.

Hinc est quod procurata virium omnium conservatio, & potissimum concoctionis stomachi semper utilissima fuit.

Atque notat Kergerus quod si ocu-

li cancerorum per noctem in vino infundantur, vinum vim, & saporem lixivii induit. Ideoque non est cur abhorreat medicus vini usum in vulnere, vel in febribus propinare, hac enim ratione vini vires, & proprietates (exuens nativam aciditatem) amisit, ut etiam vult *Elmontius*, & *Tachenius* in suo *Hippocrate chymico* sic: *Ideò nos vulneratis vinum prohibemus, non quia calefaciat, & ob id sanitatem impediatur; sed quia innata vini aciditate vulnus accessit, & ad putredinem promovetur. Si verò ad drach. s. lapillorum cancerorum pulverem exhibeas, tunc moderate vinum epotum, vulnus citò, tutò, jucundè, & absque febre cicatrizabitur. Tollitur enim hac arte acidum puris artificem.*

Doctrina est etenim *Elmontii*, quod pus ab idiotis dum bona vulneris digestio dicitur, à nobis rectius minus malum appellatur. Vulnus namque recens, dum balsamo imposito à corruptione munitur non advenit pus. Verùm quando fundus, vel labia acorem (putredinis indicem) contraxere, fit pus. In culinis namque si carnes corrumpi incipiant, earum juscula acescunt.

Hinc est quod vulnerariæ potiones, alcalicæ naturæ esse debent, ut aciditibus ex corruptione acoris ortis resistere possint. Sic lapides cancerorum diuretici sunt, & vulnerarii jure meritò esse dicuntur. Sic mercurius dulcis semper in vulneribus magnus auxiliator est.

Ego vidi (ait *Elmontius*) rusticum qui ingentia vulnera sanabat, potu lixivij ex tilia parati, videlicet cohibendo corruptiones acidas hac arte.

Ut verò ad particularia magis descen-



scendamus in vulneribus atque puncturis nervorum instillabimus medicamentum quod cum moderato calore maxima partium tenuitate præditum sit, ac vi exiccandi insigni, nativo calori ac nervorum temperiei amicum sit.

Hoc enim auxilio sperandum erit, ut vulnus prius agglutinetur, quam colligatur materia in ipso effatu digna, aut per moram virulentiam, & acredinem acquirat.

Tale auxilium esse posset oleum stillatitium terebenthinæ, vel de hyperico compositum cum spiritu vini. Cui si lumbrici terrestres incoquantur, & canphura addatur, multò præstantius erit. Mordax quidem prima impositione videbitur, ob suam activitatem, tenuitatem & calorem, & nerveas fibrillas valdè sentientes. Sed paulò post omnis mordicitatis sensus cessare observatur, ob eandem suarum partium tenuitatem, per quam undique diffunditur, ac dilatur.

Oleum paritèr Hispaniolæ, tum balsamum Peruanum cum spiritu ardente ad hoc opus inservire possunt.

Medicamenta verò sive actu, sive potentia frigida non admoveantur (frigidum enim vulneribus mordax) imò neque tepens, sed calens administrari debet.

Nobis familiarior mixtura est ex oleo terebenthinæ, hyperici, & vini spiritus cum canphura in nervorum puncturis, & partium nervosarum vulneribus.

Victus tenuis in his vulneribus servandus erit, ex *Celfo lib. 8. cap. 30.* quo mediante inflammatio inhibeatur, & febris procul arceatur. Sic acida universa nervis hostilia fugian-

tur. Et ea cuncta quæ liquores ad fermentationem concitare, vel eisdem coagulare valent. Vulneraria verò decocta magis fortè quam in aliis vulneribus necessaria sunt.

*Ad vulnera thoracis penetrantia* oleum Hispaniolæ per siphunculum injectum sufficere potest, & nisi post quintam diem detegatur vulnus, sed solum pro adstantium, & ægri solamine in vicinis partibus linimenta admoveantur, si etiam res urgere videatur, in ima vulneris parte, & per exiguum foramen immisso siphone suctorio pus si copiosum subsit hauriatur.

Itaque tutius est in expectorantibus, diaphoreticis, & aliis confidere, quam exitum puri per patefactum os vulneris quærendo, mortis ingressui minister fieri.

Fatemur, & nos quidem omnes hoc nostro medendi methodo sanare impossibile esse, sed aliquos præ dilaceratione vasorum majorum, atque succorum stagnatione perituros (ut nostra, & aliorum amicorum autopsia edocuit) qui ad puris educationem omnia dirigentes, naturæ medicatricis artem, cum ægri intermissione negligunt vulnus sæpius contrectando.

Sudorifera igitur decocta lignorum his propinare utilimum erit cum liquoritia semper. Tum stybium diaphoreticum, oculos cancri, pulverem viperinum, cornu cervinum, & alia consimilia.

Si aliqua indicia adsint de sanguinis grumis, dissolventia exhibeantur in aqua scabiosæ, cardui benedicti, oculi cancri, stybium diaphoreticum sperma cæti, coagulum leporis, cum syrupo de betonica. Ex quibus mixtura parari poterit, de qua  
capiat



capiat æger singulis tribus horis co-  
clearia duo.

Bechichia paritèr, & tussicularia  
consueta auxilia proderunt. Tum  
antepleuritica fermè univèrfa. Ideò  
elapso tertio, vel quarto die pulvis  
corallorum, stybii diaphoretici ad  
scrup. j., cum aqua florum papave-  
ris erratici singulo manè propine-  
tur.

Imò crustacea omnia, & univèr-  
fa, quæ acidum attemperare, & coa-  
gulationem impedire possunt opti-  
ma auxilia reputanda sunt. Tum  
diuretica alkalina potissimum oculi  
cancrorum primum occupare locum  
certum est.

Verum assiduum usum papaveri-  
norum usque ad diem septimum sua-  
demus. Non enim coagulandi liquo-  
res, sed dissolvendi vim habere, cer-  
ta experientia convincit, mediante  
sudore quem repetitis vicibus edu-  
cant; adversus verò pectoris inflam-  
mationes, quam strenuè pugnent pa-  
paverina, nemo est qui ignoret. De-  
coctum florum papaveris rheados,  
tum syrupus etiam cocleatim singulis  
horis propinari poterit.

Vulnus autem thoracis non pene-  
trans, curetur, ut vulnus simplex,  
absque magna dietetica cura. At in  
penetranti magna sit in victus ratio-  
ne cautio.

Nam in ferculis ptisana cum emul-  
sione quatuor sem. ma. admisceatur.  
Omniaque peragantur, ut inflam-  
matio quantum fieri possit arcea-  
tur.

Potus sit decoctum hordei, vel  
ex rebus pectoralibus. Si grumi  
sanguinis adsint posca tepida adhi-  
beatur. Acetum enim sanguinis  
concretiones mirificè dissolvit. Ad  
mensuram difficilis tussis, vel ma-

terierum crassarum, vel tenuium,  
lambitiva exhibeantur.

Quandoque evenit, ut per vrinam  
pectore contenta expurgentur, &  
tunc boli ex terebinthina, vel gut-  
tulæ olei terebinthinæ magno cum  
fructu exhibentur, vel tinctura cara-  
bes.

Si de vulnerato pulmone indicia  
constent, admodum sollicitus esse  
debes, ut per sanguinis missiones re-  
petitas tum apertis hemorrhoidibus,  
venarum tumor quodammodo conci-  
dat, minorque ad vasa magna pul-  
monum confluat sanguis, atque sic  
inflammatio, & extravasatio provi-  
ribus arceatur.

Ab initio medicamenta adstringen-  
tia, emplastica, sanguinem sistentia,  
inflammationem arcentia, ac gluti-  
nantia conveniunt. In progressu dis-  
solventia, expectorantia, ut jam  
inuimus.

Qui vulnerato thorace, ac pulmo-  
ne obiere postquam aliquot dies su-  
pervixerint, pectore disciso à nobis,  
& amicis nostris reperti fuere sfacel-  
latum habere locum vulneris. Nulla  
equidem alia ratione nisi quia per tu-  
rundas fræquentèr adhibitas admissio  
aere ad loca adversus aerem à natura  
munita, à sanationis via digredi co-  
gebantur.

Re namque vera thoracis vulne-  
ra, nostra hac methodo curata in-  
tra paucas horas ne dicam dies exi-  
tus sui indicia proferunt, loco fer-  
vido existente, ac cordi proximo, sa-  
nationem suam in longius differ-  
re recusans. Neque ejus sanatio  
nisi coactè, & cum periculo differ-  
ri potest. Si autem post sanatum  
vulnus quid in pectore supersit.  
Absque magna difficultate viribus  
vegetis, & affectu cronico non exi-  
stente



stente per anacatharsim purgantur.

*Pro vulneribus capitis, ejusque contusionibus*, omni arte, ac industria externus aer à vulnere arcendus, atque calidus procurandus est magisquam in alio quovis vulnere. Nam super cætera membra cerebrum à frigore læditur.

Interius verò cerebrum magis fervet, quam aer æstivis canicularibus diebus. Si verò post inflictum vulnus in momento operiri posset, atque externus aer ad cerebrum accedere prohiberetur, solius naturæ non impeditæ opera, intra brevissimum tempus consolidari observabitur. Si quis negat hæc in cane vel aliis bestiis recentè sauciatis, & ab aere munitis experiatur, ut nos fecimus, & tunc non amplius opinioni, sed nostræ autopsiæ favere gaudebit.

Vinum his sauciatis oligophorum exhiberi poterit ( nisi febris obstet ) in modica quantitate, & cui oculi cancri admisceantur. Quiescere his adeò conducit, ut à risu ipso etiam abstinere cogantur. Atque papaverinis somnum, & spiritibus quietem procurare studeant.

Si capitis vulnus, cum insigni contusione conjunctum sit, totis viribus annitendum erit ne extravasatus sanguis, vel serum nutritium albugineum nervorum in glandulis, vel in cerebri cortice concrecant. Ideòque sanguinis motus circularis in statu naturali servandus, per ea quæ acida coagulantia absorbent, ex gr. per lapides cancerorum, cornu cervinum, oleum succini, viperina, & essentias simplicium cephalicorum spiritu vini extractas, nec non spiritum vini theriacalem canphuratum. Quæ etiam cum aquis, vel

decoctis cephalicis, aut lignorum propinari possunt.

Maxima cura sit, ut capillis abradis, pars sacculis foveatur ex rebus cephalicis paratis, sed potissimum betonica, salvia, rosmarino.

Veletiam spiritu vini canphurato, vel tartarizato, vel crocato. Sed potissimum aqua Regiæ Hungariæ aut summitatibus betoniæ in vino decoctis. Vel lixivio ex simplicibus cephalicis parato.

Interim balsamus Peruanus cum ovivitello, & vini spiritu dissolutus vulnere applicetur. Si partes nervosæ, contusæ sint, oleum anisi inungatur. Sola etiam brionia in vino cocta Elmontio satisfacit supra contusionis locum diù in fotu adhibita.

Valet & radix simphiti. Per hæc enim auxilia cutis pori aperiuntur & extravasatus sanguis attenuatur, atque volatilizatur. Ut vasa iterum ingredi possit, vel per cutaneos poros insensibiliter egrediatur.

Si contusio gravior sit, jamque fibrillæ disruptæ liquores in interstitia, & cavitates evomant, inde ad necessarium acorem, & corruptionem festinent. Tunc suppurantibus reseragatur, abscessus aperiatur, atque mundificatus consolidetur.

Suppurata itaque contusio feliciter curatur per balsamum sulphuris, vel Pervanum. Digestiva agglutinantibus temperentur, videlicet terebinthina cum thure, mastiche, aloe, myrrha balsamo Peruano, hyperici &c.

Aer vulneribus capitis inimicitiæ adeò gerit, quia in se acidum nitrosum continet, quod causa est, ut sanguine à vena per phlebotomiam extracto statim coaguletur. Quamobrem



obrem dum capitis vulnera solvuntur, capiti admoventi debent vasa cum carbonibus accensis, nec non pulvere myrrhae, & thuris insperfo, frigus ambientis aeris aliquo modo attemperandus est ejusque acidum nitrosum corrigendum.

Cavendo ab omnibus medicamentis pinguibus in capitis vulneribus applicitis, hæc enim particulis suis ramosis, poros cranii, tubulosque obstruunt, & humores ad stagnationem, & acescentiam ducunt.

Sed quæ resinosa balsamica sunt, acidum pericranio, & fibrillis nervosis molestum corrigunt, atque ulteriorem succorum corruptionem præcavent, ut est balsamum Peruvianum.

At oleosa pingua capitis vulneribus idè inimica sunt, quia in sinu suo occultum acidum gerunt copiosum, nec non vinctuositate sua poros obliniendo, transpirationem liquoribus liberam non admittunt, sed stagnare permittunt, atque acescere.

Hanc itaque liquorum acescentiam attemperare studebis, fomentis ex herbis cephalicis in vino coctis, sacculo inclusis, & singulis horis calidè alternatis. Circa ceratorum superponendorum electionem Paracelsus placet ea quæ gummata, & letargium recipiunt. Rejicit verò ea quæ resinam, colophoniam, vel canphoram recipiunt.

Atque in conditionibus calidioribus, utendum refrigerantibus, in frigidioribus temperatiora &c. Spiritu vini cephalicis potissimum imprægnato, tum balsamo Pervano usus est Aquapendens felici cum successu, nam siccant, atque corruptionibus adversantur.

Usus potionum vulnerariarum ad vulnera capitis Quercetani summo-perè commendamus.

Quæ vulgus de sedula deligatione vulnerum capitis, per tot repetitas fascias, & Hippocrates libro peculiari de vulneribus capitis tradidit, cū neotericis experimentatoribus non approbamus; nam sudariolū sufficere potest. Pro aliis verò Hippocr. intentionibus fatus, aeris alterationes, aliæque cautiones sufficere possunt. Et interim, doloris, compressionis, incallescenciæ inflammationis, ac prohibente perspirationis pericula præcaventur.

Quibus tamen Hippocrates assentiri videtur inibi dicens: *Vulnus in capite nullo humore humectare convenit, ne vino quidem. Neque cataplasmate integere, neque linamentis curationem facere, neque vulnus comprimere in capite, nisi fortè in fronte fuerit, vel in loco pilis denudato. Talia enim vulnera cataplasmate, ac deligatione magis opus habent, quam in aliis capitis partibus. Neque etiam ea quæ in fronte sunt vulnera per omne tempus cataplasmate integere oportet, ac deligare, sed postquam inflammatio sedata est, & tumefactio minorata.*

Amicus meus oleo abietino semper felici cum successu usus, dicere solitus, quod pro capitis vulneribus vnicum destinatum auxiliū est.

In vulneribus autem abdominis, statim acidum absorbentia, sanguinem dulcificantia, atque succorum circulationem promoventia propinentur.

Inter quæ præcipua in hoc opere putantur lapides cancerorum, stybium diaphoreticum, sperma cæti, cornu cervinum. Quæ cum decocto lignorum, potione vulneraria



ria exhiberi poterunt.

Sic per diaphoretica grumi sanguinis evasati dissolventur, & humorum omnium naturalis circulatio promovebitur. Cocleatim exhibita aqua cardui benedicti cum syrupo de papavere, stybio diaphoretico, oculis canceri, sperma cæti validum auxilium est singulis horis.

Omentum diù æri expositum abscindendum post deligaturam. Intestina vulnerata consuenda, postmodum balsamo vulnerario illita, & pulvere cospersa myrrhæ, aloes, sacchari saturni, reponenda erunt. Deinde pars foveatur vini spiritu cum aloe & sale saturni, vel vini spiritu canphurato, aut aqua Reginae Hungariæ cum canphura.

Ad præcavendam internam inflammationem, & febrem, singulis quatuor horis duo coclearia aquæ menthæ exhibeantur, cum modica aqua Reginae Hungariæ, oculis canceri, canphura, & granis sacchari saturni admixtis.

Præter intentiones acida absorbendi, consolidandi vires habent oculi canceri, stybium diaphoreticum, mumia, terra sigillata, sal tum saturni, tum martis in vini spiritu solutum, nec non mastix, quæ cum decoctis lignorum, vel potionibus vulnerariis propinanda. Tinctura hyperici coeleatim sumpta efficax est.

Decocta vulneraria his magis accommodata parantur ex plantagine, summitatibus hyperici, & ejus seminibus, tum ligno lentiscino, radicibus tormentillæ, consolidæ, & succino.

Commendabilis est & aqua millefolii, tinctura hyperici, syrupus de corallis. Balsamica per siphuncu-

lum injiciantur, quæ vim acidi corrigendi habent; ut vini spiritus balsamicis tincturis imprægnatus, oleum juniperinum, spiritus ardens theriacalis, cum spiritu salis armoniaci.

Vel vini spiritus canphuratus cum sale armoniaco. Vel spiritus terebinthinæ cum balsamo Pervano. Aut aqua Reginae Hungariæ, cum tantundem ovi vitelli, & pulvere myrrhæ, & aloes.

Decumbat æger in partem vulneri oppositam ut hac ratione intestina minus impetum faciant ad foramen. Præter futuras, ego appono glutem meum ante descriptum, cum suis ansulis, exiguo foramine relicto in angulo inferiori vulneris, ut iniectiones, tum puris suctiones, si quandoque necessariae videantur fieri possint, absque vulneris detectione.

Quibus glutem minus arridet, pulveres inspergant ex mastice, sanguine draconis cum ovi albumine. Vel ceratum agglutinans, potissimum diapalmeum, vel stybii.

Ad futuras itaque conservandas glutem proponimus. Nullo etenim modo abdominis vulnus apertum detinendum est. Sed recta auxiliorum administratione extravasati succi interius contenti insensibilitèr evacuandi sunt, per rarefacientia, ac dissipantia.

Post futuras igitur intestinorum, repositio eorum fiat prius fomento facto ex vini spiritu canphurato tepido, & consperso pulvere mastiches.

Postmodum in abdomine futura fiat, ut aeris accessus ad internas partes omninò prohibeatur, & sic conclusus calor, & spiritus non expirantes, celeritèr intestina sanent.

Victus.



Victus ratio potius humectior sit, ne duræ fæces intestina irritent, ideo clysteribus fæces emollire consultum erit, & simul vulnus agglutinare studebis. Quod facies vino austero, cum pulvere masticeis. Vel jure pedum vituli, cum pulvere masticeis.

Agglutinatio etiam promoveri potest per os assumpto decocto caudæ equinæ, saccharo rosaceo antiquo cum bolo. Conserva cydoniorum sola, vel cum pulvere masticeis.

*Pro vulneribus verò punctim inflatis, veletiam partium nervosarum,* atque valdè sensitivarum balsamum paro ex thuris, myrrhæ, aloes, balsami veri ac solidi, benzoini ana vnc. j. ambræ moschi ana scrup. f. Aquæ vitæ vernicis dictæ lib. iij. stent in sole viginti diebus, vel in cineribus tepentibus aut B. M. octo, deinde evaporetur tertia pars spiritus vini, atque in residuo misceantur extracti florum, & seminum hyperici vnc. f. salis saturni unc. j. canphuræ drach. j. Hæc tepentia per siphonem injecta, omnem dolorem mitigant, & citissimam sanationem promovent.

Vel accipias vini spiritus rectificatissimi lib. iij. terebenth. vnc. iij. sang. drac. in lacryma vnc. ij. myrrhæ vnc. iij. stet in cineribus per octo dies, & post evaporationem tertiæ vel quartæ partis adhibeatur.

Decubitus interim in magnis & profundis vulneribus aptus eligendus est. Nam si supinum membrum teneat æger, periculum est ne gurgitem purulentum faciat, neque consolidetur æqualiter ab imò ad superficiem, membrum etenim vulneratum si pronum detineatur facilius est, ut ab imò exiccari, atque con-

solidari incipiat, quam circa os externum vulneris ad quod pus affluit.

Tempore tamen quo balsamus infundi debet, supinum decubitus possideat membrum, ut ad imum pervenire possit injectum balsamum.

*Vulnera autem quæ transeunt in fistulas* curentur, ut fistulæ balsamo caustico meo ad intemperiem, vel callositatem removendam, & magnum siccitatis gradum imprimendum, vel oleo vitrioli, vel butyro antimonii prius & per tres dies butyro, deinde balsamo sulphuris terebenthinato, vel luccinato sequentibus diebus utendum.

*Vulnera venenata ferarum*, magna ira percitarum, vel aliis rationibus virulenta facta, curari pariter debent butyro antimonii, vel balsamo caustico meo, vim ignis habente, atque virulentias omnes absumente. Vel etiam adhibito igne actuali. Vel podice deplumato pulorum prius applicito, deinde balsamo sulphuris terebenthinato ad integram sanationem deducuntur.

*Pro vulneribus sclopetorum*, inflammationi occurrendum erit omnibus viribus; atque curandum ne per victus intemperantiam humores ad fluendum invitent. Tenuis igitur, & refrigerans victus, ut in morbis acutis eligatur. Magna sit quies animi, & corporis. Validissimum est oleum hyperici part. iij. lumbricorum par. j. spiritus terebenthinæ, & spiritus vini ana unciam unam misce ac in cineribus digere saltem per aliquot horas.

Deinde lintamina balsamo saturni madefacta superponantur, primis diebus. In progressu verò cerato de stybio uteris tum in his, tum



in aliis vulneribus. Hoc enim miram exiccandi vim habet, & succos à corruptione defendit sua saturnina in-frigidatione.

Tectum quantum fieri potest servetur vulnus ad plures dies, curando tantummodò, ut per tenuem, & in imò loco aptatum foramen, materia purulenta exitum adinvenire possit.

Exteriùs interim saturni balsamum frequentari poterit. Tum locus vino, vel lixivio, ex rebus balsamicis incineratis ablui posset.

Sed potissimum inflammatio, & dolor omnis arcendus per succum ex vivis cancris expressum, tum per sal saturni aliaque multa adhibenda, quæ in combustionibus proficua esse insinuavimus alibi. In magna corruptione, nil melius unguento Ægyptiaco cum mercurio præcipitato. Videlicet Ægyptiaci uncias tres, mercurii præcipitati drach. j. misce. Vel in casu difficiliore ad butyrum antimonii confugiendum erit. Vel saltem ad mercurium præcipitatum dulcificatum, ad oleum antimonii, aut sulphuris.

Res tamen ita se habere solet. Si sclopeti vulnus sit proximè inflictum, videlicet in distantia unius circiter brachii, rari sunt qui ultra horam supervivant, nisi vulnus in parte ignobili, atque procul à magnis vasis sanguifluis sit. Nam sicuti ex nitro & vitriolo elicitur per retortam aqua fortis, quæ in vena aliqua immissa alicujus animalis intra pauca momenta universum sanguinem venefica acida ratione coagulat, & mortem affert.

Sic in tubulo sclopeti violenta ignis displotione ex nitro & sulphure (quod dat eundem spiritum quem dat vi-

triolum) veneficus coagulatur spiritus conflatur, qui si in aliquam venam sese insinuare possit, sanguinem coagulando mortem affert.

Sic verò rem se habere ostendit intensa nigredo quæ observatur in his hac ratione interfectis, & quod stertentes moriuntur dum sanguis in pulmonibus ipsis coagulationem suscipit.

At sclopetorum vulnus in dictans inflictum, habet quidem secum portiunculas aliquas hujus spiritus venefici; sed non adeò potentes, ideoque facilius curantur isti, quam priores. Mirum etiam dictu, (& nisi in vallis Clodiæ evidenti experimento mihi innotuit) quod pyrii pulveres alii de hoc venefico coagulatore spiritu plurimum continent, itaut uno vel altero globulo inflicto interficiantur illicò volatilia.

Alii verò minimum de hoc venefico spiritu continent, itaut neque multiplicibus globulis, etiam in vitalibus partibus inflictis, interficitur volatile animal, sed procul evolans moritur post aliquot dies, vel etiam sanatur.

Concludimus igitur quod in vulneribus sclopetorum certiores fieri debemus an procul an proximè vulnus inflictum fuerit. Nam quod proximè inflictum fuit indiget internis alexifarmacis sanguinem præservantibus à coagulatione, inter quæ salia volatilia viperarum, cornu cervi, cum modica theriaca, vel elixire proprietatis Paracelsi. Atque succo cancrorum expresso inflammationi (à succis extravasatis, atque coagulatis factæ & proximæ fieri) occurrendum, tum auxiliis ex succo & floribus sambuci, & aliis combustionibus interservientibus.



Postmodum cessato hoc timore inflammationis, curatio per balsama feliciter succedit.

*Ad Vulnera Auxilia.*

**Æ** Què in vulneribus, ac in ulceribus ad acidum eviscendum manus Medici pugnare debent. Nostrum idcirco balsamum admirabile, citissime vulnera, & ulcera consolidans proponimus. Paratur verò ex spiritu terebenthinæ lib. 5. oleo myrrhæ vnc. ij. oleo succini vnc. j. floribus sulphuris vnc. f. Reponantur hæc omnia per horas 24. in cineribus tepentibus, ut eliciatur à sulphure tinctura, quam miscebis cum tinctura extracta à floribus, & seminibus hyperici, & camomelliana vnc. j. salis saturni drach. ij. Canphuræ drach. j. spiritus vini lib. j. Hæc seorsim digesta, inde percolata, & mixta evaporetur vini spiritus ad remanentiam medietatis. Tantæ energię est, ut intra horas 24. universa simplicia vulnera recentia, vel ulcera absque intemperie persanet; remota omni inflammatione, & absque sanie.

*Ad vulnerum verò, vel ulcerum inflammationes* succus gammarorum expressus, vel lumbricorum terræ liquor in vino lotorum, & in olla cum suo operculo, pasta undique contacta in furno post coctum panem locata collectus, præcipui sunt.

Tum succus ex floribus, vel ex cortice viridi, ac mediana ebulli, vel sambuci, nec non florum, vel foliorum verbasci, aut plantaginis cum semibus suis, aut etiam camomelli, addita semper canphura & sale saturni.

Epythema itaque tepens applicetur ex spiritu vini canphurato, suc-

coque lumbricorum admixto, vel ebulli si dolor atque inflammatio vexet. Qui pravis vulceribus infestantur, & potissimum cum suspicione luis, ut liquores cum sanguine circulant, acres, mordaces corrigere possint, & ad excretionum loca deducant; ulcerumque sanationem accelerent mercurio dulci utantur, & decocto lignorum, vel saltem sassafras, & ligni indici cum stybio, vel rosmarini ligno.

Aut theæ potionem fræquentare non desistant, aliaque sanguinem edulcorantia, non prætermittant.

Acida universa ab horum mensis exulent. Vinum ob acidam suam naturam procul absit, sed medicatum summoperè commendabile est, vel hispanicum aptè attemperatum.

Tinctura traumatica, vulneribus æquè ac ulceribus afflictis mirè subvenit, si ejus aliquot coclearia manè jejuno stomacho propinentur. Paratur ex summitatibus floridis hyperici, myrrhæ, aloë, mastice, succino, oculis cancri. Quæ in lixivio cinerum betonicæ, dictami, hyperici digesta & postmodum evaporata ad medietatem circiter, propinetur.

Balsamus etiam sulphuris terebenthinatus tum applicitus, tum per os sumptus ad drach. f. circiter summo manè ad ulcera tum vulnera universa consolidanda plurimum confert. Sic & succinatus. Pulvis sympathicus ex mero vitriolo solaribus radiis mense Julii calcinato æquè ad vulnorum, ac ad ulcerum sanationem conspirat.

Æstivo tempore tinctura in aqua plantaginis spiritu vitrioli acidula facta, ex floribus verbasci, hypericonis, rosarum damascenarum betonicæ, salviæ, papaveris, sambuci, in usu



usu potulento frequentèr adhibita sanationem vulnerum, & vulcerum accelerat.

Vulcera magna vi mundificat, & à superfluitatibus liberat mercurius præcipitatus dulcificatus in vase stanneo videlicet tertia, vel amplius parte salis saturni admixta, & desuper duabus, vel tribus vicibus accenso vini spiritu rectificatissimo.

Multo verò minori molestia, sed minori etiam juvamine uti poteris mercurio sublimato dulci, vel aqua aluminosa Falopii.

A rebus verò pinguibus & oleis magis foveri universa vulcera pro certò habeas, nam eorum acidum auget, sordida, purulenta, ac foetentia reddit.

Sed acria, mordacia, absumentia, exiccantia vulcera, & fistulas sanant. Si negas hoc accipias arsenicum, sulphur, calcem, & cum sapone ad libitum linimentum efforma, atque auxilium adversus vulcera, & fistulas cæteris anteponendum habebis, citò sanans, & universa prava fermenta absumens.

Adversus quæ si quandoque pugnandum sit, vel balsamo caustico meo, vel butyro antimonii certam tibi pollicemur victoriam, nam certo certius omnis callositas, & omne prauum fermentum, ferro, & igne vehementius, ac felicius absumatur. Solo vero butyro recenti per aliquot dies adhibito, vel etiam sale saturni admixto, & canphura postmodum ad cicatricem festinabunt vtrò absque alio auxilio.

Post callositatem in fistulis, vel prava fermenta in vulceribus per antedictam oleum terebenthinæ, & myrrhæ destillatum misceantur, atque injiciantur, vel illiniantur.

Sed semper curandum est, ut acidum in his latens demulciatur per alcalica, tum per volatilia, decoctaque vulneraria, ex lignis, falsa, cineribus betonicæ, salviæ, rosmarini, liquiritia etiam admixta, cum oculis cancri, & crustaceis.

Atque omni arte annitendum, ut chylus dulcis, & non acidus celebretur. Valent idcirco absynthiaca, tinctura tartari, vel martis. Tum mercurius dulcis, aut saccharum saturni, quæ interius administrata, acida errantia corrigunt, & citam sanationem afferunt.

Sic potus theæ his temporibus pro his magno fructu invaluit, non minus ac decoctum lignorum. Aut si mavis (ut nos frequentèr utimur) cum decocto lignorum, theæ decoctum admiscemus cum fructu, & ægri voluptate.

In cronicis, & pertinacibus exulcerationibus pertinaci usu insistimus in tinctura antimonii ad scrup. s. cum decocto lignorum manè quatuor horis ante prandium. Summis autem laudibus ad mundificationem efferri pro meretur balsamus sulphuris terebenthinatus, & succinatus.

Imò ad horum consolidationem valet tinctura sulphuris, succini, hyperici.

*Dolores molesti* quandoque vulcerum sanationem procrastinare valent. Ideoque ad illos leniendos opiat, papaverinis, lacte incoctis anodinis quandoque utendum erit. Spiritus tamen vini canphuratus, cum myrrha, aloe, seminibus hyperici pro mediocribus doloribus sufficere soles; Vel aqua Reginæ, copiosa canphuram admixta.

*Pro vulneribus internis*, ut succi stagnantes acres, visceri, fluidiores,



res, & spirituosiores reddantur volatilia sudorifera fræquententur, nec non usus mercurii dulcis.

*Fistularum* topica curatio consistit in calli absumptione per balsamum causticum meum vel oleum arsenici, vel butyrum antimonii, aut oleum mercurii dulcis. A quibus prava fermenta obliterantur, inde mundificatio felici omine procedit, & consolidatio, atque sanatio subsequitur factis iniectionibus balsami sulphuris vel aquæ plantaginis admixto spiritu ardente, cum saccharo saturni, & mercurio dulci. Vel succo cancerum fluvialium cum flore sulphuris.

*Spinæ ventosæ* pertinaci usu decocti lignorum, vel vulnerarii etiam in mensa administrato, tum applicata aqua calcis, cum saccharo saturni sanatas vidi. Aliàs per obstinatum mercurii dulcis usum internum, tum externum cum aliorum supradictorum absorbentium consortio. *Scola Salernitana, pagina mihi 83. pro infallibili remedio reputat auri pigmentum, sulphur, & calcem, quæ sapone nigro mixta fistulis pro colyrio infundantur, vel turundis oblinitis immitantur.*

Quia tamen spinæ ventosæ curari nequeunt ut plerimum, nisi os desquametur, vel scalpello abradatur. Hanc tamen terribilem ignis operationem, dum æger recusat, balsamo caustico meo, vel butyro antimonii os attingatur, & paucis post diebus solo butyro recenti applicito desquamabitur. Atque ob siccitatis impressionem citissimè consolidabitur.

In universis verò cronicis, difficilissimis vulceribus, usum viperarum auxiliorum super cætera forte

efficacia proponimus, & potissimum jura viperata.

*In vulneribus sclopetorum* præcipuam intentionem primis horis esse, effugere vim malignam spiritus impressi ostendimus superiùs. Qui cum analogiam multam cum ignis impressionibus, atque combustis habeat. Ideò si primò per combustorum auxilia, sclopetorum vulnera curare aggrediaris, donec omnis calor, & inflammatio recesserint, deinceps felici auspicio uti poteris balsamis antedictis, tum infradicendis.

Accipias igitur succum solani, sempervivi, & gamarorum fluvialium, atque eos per syringam injice. Vel eluatur universum vulnus ranarum, astacorum, ac lumbricorum succo.

Omnium tamen potentissimus censetur gamarorum succus, cum modico aceto rosaceo. Ipse super cætera validissima auxilia hoc expertus sum. Accipias mellis lib. ij. succi gamarorum, & semperviviana lib. 5. aceti rosacei litargirio imprægnati vnc. iij. bulliant ad ignem per horæ quadrantem. His uteris donec calor atque inflammatio recesserint, ut diximus antea.

Postmodum aliquo ex antedictis balsamis uteris. Vel instilletur oleum terebenthinæ cum balsami Pervani modico, & elixire proprietatis Paracelsi.

Valet, & tinctura florum, & seminum hiperici, cum oleo succini, & terebenthinæ.

Itaque in potionibus vulnerariis, pulveribus absorbentibus insistendum erit. Pugnandum etiam internis aduersus calorem, ac impressionem ustionis exhibendo potiones ex succis simplicium refrigerantium, ac modi-



modicè adstringentium. Vt decocta prunorum, & fructuum subadstringentium. A vino interim, & à rebus sanguinis circulationem accelerantibus abstinendo.

*Paracelsus capite de hipericone* scribit, quod ex femine hipericonis conficitur oleum per expressionem. Cui addatur oleum olivarum vetustum. Vinum nigrum austerum, & terebenthina. In his decoquantur summitates cum floribus hiperici, donec vinum totum absumptum sit. Facta expressione insoletur per mensem, & postmodum addatur mastich, thuris, myrrhæ, & mumix pulvis.

Hoc mirabile balsamum universa vulnera interna applicitum non solummodò, sed etiam per os cum potione vulneraria exhibitum sanat.

In vulneribus itaque sclopetorum peculiari industria ad carnes, & fibrillas confractas, contusas, & venefico miasmate infectas, quorum causa succi stagnare coguntur, atque internæ mortiferæ inflammationes fiunt, optima remedia erunt attenuantia, & quæ succos ad circulationem promptos reddunt, ut elixir proprietatis Paracelsi, aloes, myrrha, aqua Reginæ Hungariæ, sal saturni, spiritus salis armoniaci, calidè cum plumaceolis applicita. Spiritus vini canphuratus, vel sambuci instillati.

Quibus addi potest crocus, ovi vitellum, balsamus Parvanus. Aqua theriacalis canphurata, stybium diaforeticum, oculi cancri, quæ ad acida errantia edomanda cocleatim exhiberi possunt.

Vulceribus autem communiter vnguentum rationale dictum, ex co-

pio mercurio præcipitato paratum accommodatum auxilium est.

Istorum corpora ad sudorem semper disponenda sunt decoctis lignorum, salibus volatilibus, ac viperatis.

Super locum verò affectum valeat aqua calcis lib. j. mercurij dulcis drac. iij. sacchari saturni vnc. i. mixta ac ebullita pro fotu.

*Vulcus cum ossis carie* non sanatur, nisi ipsa prius sanetur, secus Luxurians caro excreset, quæ postmodum luxurians repullulat. Ideo caustico meo, vel butyro antimonii, aut oleo mercurii ad cariosum os usque devenire debemus, ut absedat.

Deinde hæc vulcera aqua Reginæ Hungariæ addita canphura, & spiritu salis armoniaci eluantur. Pro quibus valet & vinum cum stybio crudo, & saccharo saturni.

*Si dolores pertinaces* adsint, admisceatur canphura vel opium (universalis dolorum domitor) cum myrrha mastich, & cerusa. Valet ad hoc, & balsamus Peruanus cum mercurio dulci, & canphura facto linimento. Maximas etiam corruptiones moderatur aqua Reginæ Hungariæ, cum canphura, & mercurio sublimate.

*Calx viva pro sordidis ulceribus* ingens auxilium est. Nam acida universa in se absorbet inspersa, sordes & acidum vulnorum fermentum obliterat. Simulque dilaceratos tubulos consolidat. Ideò inter cicatrizantia primas occupat sedes, & ex ea aqua benedicta à chirurgis dicta paratur pro universis ferme externis cutis affectibus auxiliatrix. Mercurius pariter dulcis quolibet modo adhibitus magni est auxilii.

*Vulcerum labia dura* emolliuntur spi-



spiritu salis armoniaci, aqua Reginae Hungariae, alumine usto, vel mitioribus causticis illitis.

Sudorifera acres ichores, & ferofas superfluitates assidue ad locum affectum affluentes eliminare valent. Inter quæ sal viperarum volatile. Pro hac indicatione valent & diuretica, & salia fixa.

*Sinus callosos fistularum*, & consimilia curare solet mercurius dulcis in spiritu vitrioli vel sulphuris solutus. Tum oleum mercurii. Vel aquam Reginae Hungariae ad vnc. j. cum mercurii sublimati drach. f. & canphuræ gr. xv. spirit. salis armoniaci scrup. ij. misce ac injice.

An fractuosos pariter sinus sanat unguentum Ægyptiacum ad vnc. f. cum myrrha vnc. f. mercurio dulci drach. j. coctum ad unguenti consistentiam.

*Vulcera ad cancerum tendentia* sanat, succus cancerorum, cum mercurio sublimato. Vel balsamus sulphuris terebenthinatus, cum sale saturni.

Ex saturno validissima auxilia adversus vulcerum malicias eliciuntur, ut jure merito à quibusdam quarta chyrurgiae columna appellari possit. Absorbendo etenim potentè acida, proximam causam vulcerum omnium destruit.

Flos sulphuris, cum pulvere viperino ad gr. vij. pro singula vice valdè commendatur. Si etiam externo fotu ex alumine, sale, & paucis sulphure, intra paucos dies sanationem moliaris.

Balsamus sulphuris terebenthinatus, vel succinatus nullis cedit. Spiritus terebenthinae, oleum succini, oleum saturni egregia auxilia sunt.

Suffumigia facta loco exulcerato, ex gagate, mastice, thure, galbano, celeri pede vulnerum sanationem promovent.

Super cætera cogitandum est de auferendo fermento corruptivo, per auxilia tum interna, tum externa. Quod obtinere solemus per venena inversa, ac fixata, quæ jam mitia reddita, fermentum ulcerum fabricum, & corruptorem enecant, quod erat veluti venenum nutritiorum liquorum corruptivum. Semel verò ablato, ac extincto corruptore, caro deinceps spontè è fundo succrescit, dum nutritio partis non impedita feliciter munere suo fungitur.

Prava ergo qualitas virus, ac contagiosum fermentum ulceris fundo potissimum insitum, quod nutritium succum vulceratae parti dispensatum pervertit, ac corrumpit, omni arte tollatur, per sceptica jam proposita. Nec non ad sanguinem, & succos emendandos per universalia prospiciendum erit.

Hoc luis celticae infelici sæculo, in quo pertinaces affectus, sub larva ignotorum quandoque morborum, sed potissimum fistularum, ignis Persici, vulcerumque omnifariorum medicos illudunt; adhibendo decocta lignorum cum dieta sudorifera, nec non viperina, mercurialia, tum antimonialia auxilia, certa sanationis spes affulgebit.

Nisi verò ulceris fundus mundus procuretur, frustra consolidatio tentabitur. Post hanc verò mundationem per balsamum sulphuris terebenthinatum applicitum, tum per os sumptum vulcera, & vulnera universa sanabis.

Vulcera etiam pungitivo dolore molesta, sanat terebenthinae spiri-



tus, balsamo Pervano, oleo Hispaniolæ canphura spiritu vini, ac sale saturni admixtis.

Balsamum etiam Pervanum, cum oleo myrrhæ pulvere aloes, & myrrhæ, unum ex egregiis artis sarcoticis, vulnerum, & ulcerum auxilijs esse mecum fateberis.

*Pro tumoribus externis vel inflammationibus* in principio succus plantaginis, cum aceto, & sanguine draconis linimenti forma applicitus. Vel portulacæ aut sempervivi succus cum ovi albumine, & salis modico. Aut ovi albumen cum aqua rosacea, & sale saturni. Succus etiam solani, semper vivi, gamarorum fluvialium expressus. Aut gamarorum succus, & plantaginis cum sale saturni sufficere possunt.

*Pro tumefactionibus dolorosis ad suppurationem festinantibus*, pro singula vncia olei amygdalarum, salis saturni drach.j. admisceatur. Atque in mortario plumbeo optimè misceantur, stupisque imbutis imponantur. Locus etiam aqua calcis vivæ madefiat, deinde saturni sale aspergatur. Hippocraticum fomentum est pro inflammatis tumefactionibus dolorosis dissolvendis, ac resolvendis, furfures aqua benè salita, & aceto subactæ in sacculo alternatim applicitæ.

Hac enim arte sæpè intra horam incipientes pleuritides evanescere vidi, dum materia attenuata, ac fusa à stagnatione cohibetur, & pars imbecillis à confortante auxilio vigoratur, ac firmatur.

In statu verò, ac declinatione incipiente inflammationum, vinum convenire potest, ad humorum coctionem, & expulsionem magis promovendam, ac resolutionem in

parte moliendam.

In principio succus granatorum solus, vel cum aqua, succo, aut decocto florum sambuci, aut corticis viridis seu medianæ ipsius sambuci, inter validiora auxilia reputari promeretur. Succus etiam cydoniorum in laxis, ac debilibus partibus cum aceti rosacei modico permixtus efficax est.

Inflammationes verò internas, & acutem liquorum quaslibet inflammationes foventem moderari valet, serum in copia, & potissimum asinum pluribus diebus manè quatuor horis ante cibum exhibitum. Tum vnciæ duas, vel tres succorum endiviæ, borraginis, malvæ, acetosæ depuratorum cum eorundem decocto in jure facto tantundem. Aquæ etiam stillatitiæ pimpinellæ, capillaveris, malvarum cum aliquo vehiculo diuretico ex gr. succo limonium vel spiritu vitrioli præberi poterunt. Nec non emulsionem ex 4. sem. frig.ma. cum lapide prunellæ, spiritu salis vel nitri.

Si à bile flava nimis exaltata inflammationis fervorem venire reputaveris, in obsoniis splenis bovis decocta, vel in substantia adhibeantur. Nam ob sui succi acidi contrarietatem, imbibentis alkali bilis, admirabiles effectus in progressu observabis.

Cibi interim & potus dulces vitentur, nec non valdè acres, aliaque insigni qualitate præditos. Atque ad insipidos, & aqueos potius accedere expediet.

Decoctum ranarum contritarum. Vel earum hepatum combustorum, bilem ultra quam credi potest frænant. Atque hac via inflammationum progressus omnes arcentur. In



victu etiam attenuante ranarum usus commendatur.

*Pro inflammationibus genericè, documentum Galeni est in lib. de meq. intemp. Si in nostra potestate esset, optimum esset efficere in inflammationibus, ut arteria quiesceret, vel tardius pulsaret. Ob motum enim art. riarum in inflammationibus dolor vehementior fit. Omne verò inflammatum integram quietem desiderat, secus invicem partes atteruntur, fluxio major fit, dolorque augetur.*

Quo fundamento innixi ad opiatotum, ac papaverinorum exhibitionem alacres accedimus, atq; emulsionem ante somnum magno cum fructu exhibemus.

*Idem Galenus lib. 12. meth. insinuat: Incipiente inflammatione frigidis, & adstringentibus uteris. Sic enim angustiantur pori, & robur parti donatur, ut priusquam influant, & extravasati coagulentur exprimantur, & non recipiantur liquores fluentes.*

E contra Neotericorum plurimos reperies, qui methodicam hanc Galeni doctrinam spernentes conclamant. Absit à nobis (ait Elmontius) timor panicus de interna inflammatione aut augenda per calorifera. Non est enim calor morbi causa, neque calida intemperies. Sed acidi, visceri coagulati liquores dissolvendi, ad circulationem promovendi, obstructionum fores ipsis recludendo.

Quæ quidem indicationes per in-frigidantia neutiquam perfici poterunt. Valent idcirco diaphoretica, cornu cervinum, stybium diaphoreticum, decoctum lassæ, lassafra, bezoardicum minerale, oculi cancri. Potus theæ.

Extrinseci verò fofus ex foliis absynthii, scordii, rosmarini, & ex

simplicibus cephalicis & aromaticis seminibus cumini, coriandri, &c. modico sale armoniaco admixto bulliant in vino, atque facto sacculo alternatim tepentia applicentur, ac sæpius repetantur.

Hac enim arte tumores resolvuntur. Inflammationes, & dolores tolluntur. Valent etiam simul commixta, calx viva, cineres clavelati, sal armoniacum, & nitrum.

His etiam efficacius est lixivium ex cinere absynthii, & lumbricorum, cum canphura, & saccharo saturni, calidè, ac sæpius applicitum. Aut vini spiritus canphuratus, seu aqua Reginae Hungariæ cum aqua, vel decocto calcis vivæ, sale armoniaco, & aqua florum sambuci. Hæc enim citissimè inflammationes, ut radii solares, nives, abijcere solent, & tumores dissipant.

His tamen non obstantibus à recto methodo recedendum non est. Qui fortè elucescet, si attentius ad Galeni verba in lib. de arte cur. attendamus. *Ait imbi: In inflammationibus sine fluxione, calefacere, imò eas scari- ficare nil prohibet. Quod facere non licet præsentè fluxione, ut plurimum verò inflammationum causa communis solet esse fluxio. In pletorico itaque cavendum erit à fomentis calefacientibus super locum inflammatum, priusquam totum evacuatum sit, secus fluxio, & tumor augebitur.*

Totum ergo negotium versatur in magna, vel parva fluxione, facta, vel quæ sit in via. Absente etenim ea rationabile, ac methodicum auxilium resolvens calefaciens jure meritò dicendum erit, secus non; ob rationes satis manifestas.

Ob quas etiam mea magna admiratione Bixantii vidi Arabum quo-



rundam Avicennæ discipulorum, barbarum tumentibus membris auxilium, Ad libras enim sex, septem, & ultra sanguinis, scarificationibus factis à tumefacta parte eliciunt. Eventus autem hic est. Quod si evacuari contingat universa materia peccans, fluxa, & quæ fluere potuisset, intra pauca momenta sanantur. Secus novo facto materiæ affluxu, atque imbecilliori facta parte, & toto, sævis obortis symptomatibus pereunt.

Tutiùs erit ergo Galeni methodo parere, qui sic (*incipientibus inflammationibus circa artus, tutò medicamentum actu frigidum administrari poterit. Non sic si viscera jecur, vel ventriculus inflammetur*) de arte curat. In principio itaque adhiberi poterit sanguis draconis cum succo plantaginis, vel sempervivi, & medico aceto subactus. In principio namque externarum inflammationum vasa, & porositates laxæ constringendæ, ac roborandæ.

Pinguia verò ad inflammata non conducunt. Docebit ex altera parte Hippocrates in lib. de affect. A quo tamen chyrurgorum vulgus dissentire videtur, oleosa, & pigua perperam inflammationibus adhibens. Ideòque non mirum si ad cancrenas aliaque gravia mala rapiantur malè curati agri.

In qualibet inflammatione optimus dieteticus ordo requirit, ut vivendi ratio instituat, quæ superflui sanguinis generationem prohibeat, genitumque imminuat, atque præternaturalem ejus motum impediat, imò tardigradum & minus fluxilem reddat.

Eligatur ergo victus refrigerans, & incrassans. Eaque adhibeantur quæ

æstuanti fermentationi adversantia, præcipitant impura & eadem cum ferositatibus evacuant. Panatellæ itaque cum emulsionibus 4. sem. frig. ma. Fercula cum onphacio, crespini fructibus, rhibes, amarenis, prunis accommodata erunt. Portulaca plantago, saxifraggia, papaver quocumque modo adhibita proderunt.

Vinum interdicendum erit, acidum etiam in se gerens acidorum fermentantium vim auget, & acuit. Aqueorum potus commendabilior est, quo mediante culinarum sassa eluantur.

Aer frigidiusculus potius eligatur, vel temperatus. Somnus prolixior fugiatur hic enim sanguinem magis fundere valet. Moderatus tamen sit. Vigiliæ etenim sanguinem ad præternaturales motus concitare, & acuerre possunt. Alius lubrica serve-tur.

Externa fomenta ex furfure, floribus camomelli, cum aceto, vino nigro austero, & aqua salita, in principio, & augmento inflammationum adhibita validissima sunt.

Balsamus saturni ex oleo amygdalarum dulcium, & aceto litargiro imprægnato universis inflammationibus dolentibus efficax auxilium esse consuevit.

Tumoribus autem discutiendis inservire potest sal armoniacum, minium, canphura, stybium, & gummata. Tum sal tostum cum sale armoniaco in sacculo applicitum. Insensibiliter etiam tumores evacuat aqua calcis applicita.

Tunc verò potissimum resolvuntur tumores, quando nativus calor partis robustior fit, adeò ut attenuare, materiamque in halitus vertere possit



possit ; & humidum densatum eliquare . Quod fieri poterit per spirituosam , tenuium partium , calorificam , vini spiritu præparatam , atque nostro calori congeneam .

Vel contraria ratione per ea quæ nostro calori innato partis adversantia , atque stimulantia , animales spiritus , & influentem calorem in subsidium accersunt , & sic valida commissa pugna , naturæ hostes in fugam vertuntur , & excrementa eliminantur .

Hoc negotium felici auspicio peragitur per balsamum causticum meum plurimo butyro dilutum , tumoribus ac inflammationibus applicitum . Vel per butyrum antimonij eadem ratione adhibitum , aut oleum arsenici . Quæ tumores , ac inflammationes aliàs difficiles celeriactione vincere solent , ac resolvere . Et potissimum si à fluente materia non foveantur .

Sine verò affluxu materiæ raræ sunt inflammationes , ac partium tumefactiones . Ideòque mortuorum corpora fustibus verberata , in nulla parte intumescunt . Quare conijcimus quod eadem ratione , qua sana pars percussa intumescit , eadem quoque in membris singulis tumor , vel inflammatio fit .

Causamque universalem cognoscimus liquorum stagnationem , atque interruptum cursum circulationis massæ sanguineæ in eadem parte .

Hinc est quod in principio antequam extravasati liquores à circulari motu desistere cogantur , si per auxilia adstringentia , exprimentia , in venas ingredi cogantur , inflammationum , ac tumorum exordia , & augmenta tolluntur , ac prohibentur .

Ut igitur ad pristinam fluiditatem liquores deducantur , sudorifera exhibeantur , & potissimum quæ opiatam naturam habent , ut quiete liquoribus , & somno spiritibus procurato , felicem diaphoresin in his affectibus sortiantur , acidisque coagulatoribus opponantur .

Salia etiam volatilia sanguinem ob stagnationem suam ab acido concrecentem , iterum solvere valent , suaque agitatione subigere solent .

Sudori namque comes solet esse pulsus frequentior , major , & robustior . Dum scilicet sudoriferum ad ventriculum cordis dexterum devenit , per sal verò volatile rarefit sanguis , & cordis motus accelleratur , & sic stagnationes , & sanguinis concretiones tolluntur .

Vbicumque æstus magnus in aliqua parte inflammata persentiatur , omninò à pinguibus atque inflammabilibus cavendum erit . Et potius posca , sempervivi succus , portulacæ , vel solatri his erit auxilio .

Ideò namque detestabilia sunt pingua , oleosa , ac vnguenta , quoniam loca tumefacta , ac inflammata magis constipant , eorumque poros claudunt , quos apertos esse deceret . Proinde interius humorum major effervescentia calor , & partis dolor fit .

Breviter itaque ostendimus quod incipientibus inflammationibus in qualibet parte , convenire possunt vomitoria ad primas vias liberandas deinde opiatæ . Refrigerantiæ . Repellentia . Papaverina . Saturni præparationes tepidæ . Lapis prunellæ . Oculi cancri . Flos sambuci .

Ad jam factas verò , & absque fluxionis fomento inflammationes vini spiritus canphuratus , aqua Reginae Hun-



Hungariæ. Diuretica. Diaphoretica sanguinem exagitantia. Cornu cervinum stybium diaphoreticum. Radices brioniæ. Folia absynthii. Flores camomelli. Crocus. Canphura. Animalium stercorea, & potissimum columborum. Aqua calcis cum saturno, vel cum sapone. Suffitus gagates, vel fuliginis camini, aut salit armoniaci tumefactas quascunque partes sanare valent.

Sic sal commune tostum cum sale armoniaco pro fomento applicitum in sacculo, si potissimum addantur folia absynthii, scordii, sabinæ, rosmarini, semen cumini.

Potentior adhuc est calx viva cum cineribus cribratis, sale armoniaco, & nitro. Vel lixivium ex cinere absynthii, & lumbricorum, cum canphura, & saccharo saturni, calidè, & sepius applicitum.

Item sapo forma emplastri solus, vel cum cerusa, oleo amygdalarum, & canphura.

Vel balneum in aqua calcis vivæ, & decocto florû, vel corticû sambuci.

Tumefactas partes cum doloribus inveteratis resolvendo sanat stercus columbinum in oleo olivarum ebullitum, ac applicitum.

Aqua lumbricorum cum sale armoniaco, & aqua calcis. Validissimum est & suffitus ex cinabari, cum resinis balsamicis. Aut vapor ex accenso spiritu vini canphurato.

Fermentationem itaque in succis frigidis, immotis atque stagnantibus excitare valent cataplasmata ex scordio, absynthio, stercore columbino, sale armoniaco, radice brioniæ, seminibus cumini, tartaro, & urina.

Innatum calorem fovendo, ac vigorando ad expulsionem dirigunt. Ca-

tuli, vel pulli vivi dissecti, atque appliciti. Castoreum. Verbascum, euphorbium, vini spiritus, aqua maris, aquæ thermarum sulphurearum, oleum vitrioli, de lateribus, aqua Reginæ Hungariæ succus ex lumbricis in clybano exceptus.

Resolventia itaque calida, tenuium partium esse debent. Ut facilè penetrare, cutis poros dilatare, humores attenuare, & in vapores convertere possint, ac per diaphoresim evacuari disponantur. Talia sunt absynthium, majorana hyssopus, ruta, semina dauci, cimini, fœniculi anisorum, bacca juniperi, piper, flores stecados, camomelli.

Ex quibus parari possunt etiam emplastra addito vino, melle, sapa, cerusa, myrrha, succino, hyperico, croco, fermento veteri, stercore columbino, sulphure vivo, nitro, castoreo, lumbricis, lixivio.

Quorum multa volatilibus partibus constantia, poros penetrant, tubulos aperiunt, & succos stagnantes, ac quiescentes ad motum, suarum activarum partium agitatione impellunt, & obstructions ac impedimenta remonent.

Suppurantia verò, à veteribus etiam concoquentia dicta, moderatè calida, & humida esse debent, & parti similia. Præterea emplastica esse debent. Videlicet tenaciter cutis poris hærentia. Ut hac ratione illis clausis, halituosi caloris transpiratus cohibeantur, & sic calor si non in qualitate, saltem in quantitate augeatur, & spiritus avolare inde non possint, nisi difficultè. Innatus interim partis calor foveatur, ac augeatur.

Hinc est quod æquè à laceffentibus nimis, atque à valdè intemperatis



ratis abstinendum sit. Nec non à valdè tenuibus, atque à rarefacientibus.

Sed inter legitima suppurantia enumerantur pinguedines, caricæ, fermentum, adeps gallinæ, farina triti, malva, butyrum, esipus altheæ radix brionæ, liliorum, crocus, lini, semen, resina gummi.

Blandè emolliens, & nonnihil etiam ressolvens cataplasma paratur, ex floribus camomelli, croco, lacte, & vitellis ovorum.

Quia verò suppurantia ejusdem temperiei esse debent cum corpore illo humano, seu cum illa parte, in qua pus moveri debet, ut ejus innati caloris vim augere possint.

Qualis enim est calor natus operans illius partis, tale esse debet calor suppurans medicamento quod adhibetur.

Ideò in corpore calidiore, calidius medicamentum requiritur. Unoque verbo singulis hominibus singulare, ac proprium suppurans medicamentum desiderabile esset. Quod emplasticum sit, videlicet poros cutis obstruens, iusta planam, ac evidentem Hippocratis in primo Epid. doctrinam: *Quæ concoqui oportet, conclusa esse oportet. Contraria verò siccari, & aperta esse.*

Quamobrem ad suppurationem promovendam validum emplastrum semper fuisse experti sumus, paratum ex capis albis sub cineribus coctis num. ij. Absynthii, malvæ, altheæ, sumit. scordii, florum camomelli, salis armoniaci ana vnc. f. cum hydromele coquantur ad consistentiam cataplasmatidis conterendo, cum medulla panis.

Temperiem etiam partis servat, & cancrenam arcet cataplasma ex fari-

na fabarum, seminum lini, radicibus altheæ, floribus camomelli, absynthio, scordio, seminibus cumini in vino coctis hyeme, vel in aqua æstate.

Facta postmodum tumoris quomodocumque apertione balsamus sulphuris terebinthinatus instillatus proculdubio sufficere poterit vsque in finem, ad mundificationem, incarnationem, cicatrizationem.

Si tamen ad hæc tardiùs procedere videatur ad vulnerum mundificantia prænarrata ascendendum erit, tum ad balsama sarcotica, carne replentia, & citò cicatrizantia alibi descripta.

### *Doloribus auxilia.*

**I**N re chyrurgica frequens est mitigandorum dolorum exurgens intentio, in vulneribus æquè, ac in variis tumorum, ac inflammationum generibus, fracturis, luxationibus, & aliis.

Quare generalia auxilia mitigandorum dolorum proponere hoc loco non inutile pensum erit. Hæc itaque anodynorum nomine Græco veniunt delineanda.

Quorum alia sunt propriè talia. Alia verò impropriè. Propriè talia modicè calida sunt, & partium tenuitatem coniunctam habent. Ut hac ratione molestas, ac irritantes materias evacuare, atque digerere possint, rarefaciendo, extenuando, concoquendo, æquabile reddendo. Quidquid in partibus dolore vexatis reperitur humorum acrium, vel crassorum, lentorum, aut multorum in tenuissimis tubulis infarctorum. Vel qui admodum frigidi, torpentes, neque exitum commodum inve-



invenire potentes adhærent.

Hæc itaque anodyna nil adstrictionis habere debent. Qualia sunt anethum, althea, malva, camomellum, Castoreum. Fanugracum, carica, lini semen, vitella ovorum, pinguedines.

Impropriè anodyna narcotica dicuntur, seu stupefacientia, quæ soporem conciliant, spiritus torpidos ad motum, & sensum reddunt, nervosæque partes blandis suis particulis demulcent, imò spirituum motu suppresso, sensus stupefaciunt.

De mixta verò alterutriusque facultate participat lac applicitum cum quarta parte olei ex seminibus papaveris expressum. Vel emulsio seminum papaveris cum succo sempervivi. Aut tinctura croci cum spiritu vini preparata vnc. iij. commixta canphoræ, & opii ana drach. j.

Sic oleum ranarum, atque succus expressus à gammaris, cerusæ, vel saturni sale admixto, insigne dolorum in parte inflammata lenitium constituunt.

In aqua paritèr, vel decoctione florum sambuci, litargiri, cerusæ, & calcis vivæ, si ebullitione facta, atque collatura, dissolvas canphuræ drach. s. omnem in externis partibus dolorem sui applicatione compesces.

Ad dolores autem valdè sensitivarum, ac nervosarum partium, spiritus vini crocatus, cum spiritu terebenthinæ magnarum sunt virium. Si verò etiam aquam, seu liquorem lumbricorum, cum aqua calcis sale armoniaco, & canphura dissoluta addideris efficaciores reddes.

Facto sacculo ex fursuribus irroratis aceto, & sale calentibus appli-

citis, intra breve tempus profundi dolores, ac sepulti, à succis incrasatis, & stagnantibus orti tolluntur. Semina papaveris albi contusa cum lacte muliebri applicata, dolores omnes leniunt, imò temporibus iilita capitis cephalalgias tolluntur, & somnum conciliare valent.

Quandoque medica intentio est acrimoniam salis lixiviosi, & spiritus acidi attemperandi, ut dolorum causæ, & contractionum corrigi possit, ac demulceri. Ideoque oleum ranarum, vel anguillarum eximium esset, quia tamen porositates obstruere solent, ideò cum vini spiritu crocato, & canphurato omnem exple-re possunt indigentiam.

Interim supra partem dolore, ac fluxione conflictatam æger jacere non debet. Summum remedium semper est, atque tutum, aperto vivorum animantium, & potissimum pullo- rum volatilium, vel catulorum quadrupedum, eorumque supra locum dolentem applicatio. Tali namque cruento veluti sacrificio, evolantibus vitæ spiritibus facto iratum archeum placari posse observamus.

Communi quadam ratione dolores tum externi inflammatorii, tum interni ac profundi mitigari consuevere per sacculos frequentèr repetitos calentes, repletos ex fursuribus manip. xij. flor. camomelli manip. iij. sem. lini contus. lib. 5. sale marino vnc. iij. aquæ & acet. ana ciathos tres. Hæc ad ignem calefacta, inde sacculo inclusa applicentur, atque alternatim uno refrigerato, alter calens imponatur.

Hoc etenim artificio stagnans, & incrasata materia dolorum attenuatur, funditur, & ad naturalem suum circulationis motum disponitur, in-

trodu-



troductis mobilibus particulis fluidis, aquosis, spirituosus. Tum oleosis subtilibus, vel salinis volatilibus. Aliquibus etiam particulis acidis tenuissimis, viscositates solventibus, ac incidentibus materia coagulata, fluidior facta, debite mixta, & agitata, ad circulandum cum sanguine iterum impellitur.

Quo fit ut tubuli laxentur, & dum à materia activiori, acutiori, tenuiori jam partes sentientes liberantur, sensim postmodum fibrillæ fortiores factæ, reliquias crassiores de se excutere valent, ut dolor omnis tollatur.

Incipiente etiam dolore cum calore locus foveatur petiis in aqua communi madefactis, in qua sal dissolutum sit cum aceto. Atque locus frigidè foveatur, ut docet *Gal. 12. meth.* *Incipiente inflammatione ac dolore circa artus, tutò medicamentum actu frigidum administrari poterit.*

Hoc tamen præceptum desumpsit ex Hippocrate 5. *aph. 25.* *Torpor modicus frigida applicatione introductus, dolores solvendi vim habet.*

Aliis verò magis arrident albumina ovorum duo quassata cum aqua rosarum, & modico succo citri, sale, alumine, & nitro panno lineo excepta, & loco dolenti applicita. Alterum eligas, incipientibus doloribus validum, ac præsentaneum auxilium erit.

*Pro fracturis auxilia.*

**P**ost debitam coaptationem, ac repositionem &c. saturnina auxilia applicentur, quæ inflam-

mationem arceant, & potissimum sal saturni, cum aqua, vel decocto florum, aut corticum sambuci, & vini spiritu canphurato.

A pinguibus verò, & oleosis omnibus penitus abstinebis, quæ transpirationem cohibere, inflammationes, dolores augere possent, & pruritus intollerabiles concitare.

Tertio quoque diè fasciæ solvendæ erunt. Si verò vesiculæ appareant, vel pruritus ingens, aqua calcis locus abluatur primò, deinde spiritu vini canphurato foveatur, sale saturni conspergatur.

Dolore transacto, nec non inflammationis suspicione priorum dierum decem circiter. Deinceps optimis cibis nutrire patientem expedit, sed in modica quantitate, ut facilius agglutinatio nutritivæ facultatis opera subsequi possit.

Aut in principio victus ratio tenuis, ac refrigerans, quæ in acutis morbis servari solet, tutior est, ob metum ut febrilis calor accendatur.

Plurima absorbentia ab auctoribus proponuntur, me iudice communia acidis, & incerta. Verum certi auxilii semper esse vidi Ostiocolam, lapidem insipidum, ubique venalem, pulverizatum ad drach. j. cum decocto li-

gnorum, vel vulnerario propinatum quotidie quatuor horis ante prandium.

(.)



*Pro luxationibus auxilia.*

**P**ost factam repositionem &c. ante deligationem, ut inflammatio omnis, & dolor removeatur, confluxi humores exprimantur, ac in venas influere cogantur, recentes vero ab influxu arceantur, adstringentia primò apponantur.

Hæc enim præter antedictas intentiones habent, ut laxata ligamenta contrahere, & fibrillas omnes firmare valeant, & sic partem roborando, ad aptam nutritionem disponunt, ac integram sanationem. Talia sunt posca Galeni, vinum granatorum, vinum potens nigrum austerum.

Postmodum ovi albumen cum bolo armeno, cerusa, sanguine draconis, mirtillis, mastice, cum stupis superponantur.

Ab vinctuosis, aut oleosis omninò abstinere expedit. Sed si dolor urgeat, & ad se curativas indicationes convertat, aliquo ex antedictis auxilio in totu uteris. Quantum fieri poterit, immobilis fervetur pars, per tres, vel quatuor dies saltem.

Si inflammatio vexet, mitigabitur aqua Reginae Hungariæ, vel vini spiritu canphurato, aut aqua calicis vivæ, addita semper canphura. Vel facto suffitu ex succino, thure, mastiche, aliisque ressolventibus. Aut fomento ex scordio, absynthio, rosmarino, baccis juniperi, seminibus cimini. Liquor lumbricorum cum aliis ressolventibus magni momenti reputandus est, nam ad coagula solvenda validissimus est.

Fomenta pariter sacculis parata ex floribus camomelli, sambuci, seminibus lini in lacte coctis.

Per os verò absorbentia fixiora propinentur stybium diaphoreticum, oculi cancri, & crustacea.

Somnus largior procuretur, & membro post repositionem integra quies. Postremò linimenta nervina acida coagulata dissipantia in usu ponenda erunt, ex oleo succini, myrrha, castoreo Mastiche, olibano, oleo nucis moscatae, & cera.

*Pro ictibus, contusionibus, & delapsis ab alto auxilia.*

**S**i ictus, & contusiones non admodum ingentes sint, contusionis locus petiis statim in aqua puteali frigida, vel in posca Galeni, seu aquæ quarta parte aceti admixta foveatur, ut sic incalescentia, extravasatio, coagulatio, dolor, & Archæi furor omnis præcaveatur.

Monente Hippocrate §. aph. 25. *Quod frigida affusa levat, attenuat, & dolores solvit. Torpor enim modicus doloris solvendi vim habet.* Hac itaque ratione humorum affluxum, extravasationem, liquorum coagulationem inhiberi in praxi observamus.

Quare nullus tumor subsequetur, & nulla nigredo manifestabitur.

Post hoc sufficiens contusæ partis fomentum (siquidet donec pars frigoris sensum acquirat, & dolor recedat) postmodum vnguento cerusæ canphurato, vel balsamo saturni per tres dies sequentes inungatur.

Deinde ad accellerandam ressolutionem reliquiarum incrassatarum in magna contusione, liquore lumbricorum terræ utemur.

Vel succo brioniæ, aut brioniæ ipsa contusa post quartum diem duplicatis linteolis applicita, quæ in-



tra paucās horās omnem sanguinis coagulationem, ac nigredinem sub- tus cutem tollere, ac inhalitum, vel in sudorem reſſolvere valet. Pulvis ad uſum Auguſtanorum validiſſimus eſt.

*Pro delapſis ab alto.* In detracta pelle vervicis, vituli, vel canis tota vino tepente, ac melle illita involvatur patiens, atque hoc repetatur.

Interiùs verò exhibeantur oculi cancri, cornu cervi, ebur. Fomentum fiat ex aqua Reginae Hungariae, aqua calcis, vel ejus decocto cum vini ſpiritu. Vinum nullum propinetur, niſi oculis cancri mixtum. Potus caſſei potius, vel theae aut lignorum decoctum accommodatum erit.

Tranſactis primis diebus omne genus ſudoriferorum, tum ſanguinis grumos diſſolventia, ac ipſum fluidiorem reddentia cum magno fructu offeremus.

Sperma cati, oculi cancri, cum decocto ſorum papaveris erratici, vel ſorum ſambuci quocumque tempore commendantur.

Contuſiones in parte carnoſa ſanat vini ſpiritus canphuratus cum croco & cum decocto calcis vivae, tepens linteis duplicatis applicitus.

Contuſiones verò nervoſarum partium baſſamus Pervanus cum ovi vitello, & vini ſpiritu canphurato tollere valet. Vel aqua Reginae Hungariae, cum myrrha, canphura, & tepens in fomento adhibita.

Quia verò in magnis contuſionibus inflammatio metuenda eſt, inde gangrena, ob vaſorum dilacerationem, fruſtratam partis nutritionem, ac ſpirituum impeditum influxum. Ideò ad hæc mala arcenda uteris ſum-

mitatibus abſynthii, ſcordio, ſcori- bus camomelli, ſambuci ana pug. iij. Coque ad formam cataplaſmatis miſce cum farina hordei, & ſeminum lini quantum ſatis. In fine addendo ſalis armoniaci vnc. ſ. vini ſpiritus canphurati vnc. ij. miſce cataplaſma tepidè applicandum. Si autem dolores vrgeant canphura addatur. Tum in uſu interno ad papaverinorum, & opiatorum exhibitionem devenies veſperi hora ſomni. Pulvis ad uſum Auguſtanorum valdè commendatur vbique.

*Pro obefitate minoranda auxilia.*

**Q**ui obaeſi corporis moleſtam mole- lem minuere deſiderant, digeſtionem ventriculi infirmare debent, & inſenſibilem corporis tranſpirationem augere.

Ventriculi digeſtio infirmatur per ea quæ ventris deſjectionem procu- rant. Vel per ea quæ acido ſtomachicho ingrata ſunt, imò repugnancia per longam experientiam ſibi nota; & quæ inſtrumenta nutritionis ad expulſionem concitant.

Corporis autem exhalatio, cele- ri exercitio augebitur, curſu, fric- tionibus, vnguentis evaporatoriis. Poſt duras fric- tiones balneum ingre- diantur. Poſt balneum cibum non aſſumant, ſed quieſcant. Deinde balneum iterum ingre- diantur, at- que exigui nutrimenti cibi offe- rantur in copia, ad ſatu-

rationem, ut minus  
non coqui, mi-  
nimè nu-  
tri-  
re poſ-  
ſint.



*Adversus gracilitatem  
auxilia.*

**D**Ropaces, tum frictiones molles, ad ruborem ante balneum, his magno sunt auxilio. Tum mediocria exercitia, ac repentes inunctiones.

Intentiones etenim in his esse debent probum sanguinem generare. Nutritivam potentiam firmare. Attractum alimentum ne exhalet prospicere.

Firmatur itaque nutritiva potentia, calore in carnibus excitato. Non exhalabit, si oleo inunxeris. Nisi verò ætas prohibeat, vel anni tempus, à frigida lotionē (post balnei calorem) plurimum juvabitur.

Ea verò in cibis usurpanda sunt, quæ acidum stomachicum sui familiaritate vigorare valent, quæque per experientiam patientis sibi nota sunt.

Qui autem his ampliora desiderat, addeat libellum meum de cons. valet. in part. 5.

*Ad ambusta auxilia.*

**I**N magnis combustionibus cauta vivendi ratio servanda est, ad imminuentia symptomata vitanda.

Alimenta igitur quæ exhibentur refrigerantia sint, quæ in proprio loco in appendice prima exaravimus, ut cucurbita, acetosa, aceto respersa, & alia consimilia.

In adustionibus à pulvere pyrio factis, in quibus suspicari debemus, ne per unionem sulphuris & nitri (ex quibus aqua stygia resultat) veneficus spiritus introducatur, magnorum symptomatum auctor.

Nec non in valdè penetrantibus combustionibus, & profundis, validiora refrigerantia humida exhibenda sunt, ut cancerorum succus, vel sempervivi, portulacæ, copioso sale saturni admixto. Quibus si fieri possit illicò adusta pars foveatur frigide per horam, ad doloris cessationem.

Sal etiam saturni cum succo cancerorum fluvialium validum auxilium est in vulneribus sclopetorum in paucā distantia factis, ob rationem venefici spiritus, prout superius de vulneribus ostendimus.

Nam si immittatur per syringam in vulnus, intra paucas horas cessat cum dolore incendium, quo sopito postmodum, nullum accidens metuendum erit.

Zeferiel Bovius concivis noster Veronensis, illicò petiis applicitis in vino nigro potenti, vel atramento, vel cæparum succo, statim ab initio intra paucas horas ambusta feliciter curavit.

Validæ etiam sunt duplicatæ petiæ applicitæ cum lixivio frigida illicò ab inustione facta. Si verò etiam cum lixivio calx immixta fuerit, validius operabitur.

Uno verbo universa, quæ ignis acidum spiritum, in se assorbere valent analogiam cum ipso habentia, ad hoc opus inservire possunt. Quorum catalogum recensere non pigebit.

Sunt ergo succus plantaginis, vel portulacæ cum albumine ovi. Sal saturni, quacumque ratione cætera auxilia superare creditur. Succus solani, vel sempervivi, tum ex gamaris expressus cum myrrha, & vitriolo rubificato modico.

His igitur statim ab initio uteris fri-



frigidis, repetitis, ne fibræ, aliæque partes combustæ, & laceræ incinationes & crispationes transeant, inde invicem divellantur, ac abscedant.

Si etenim hæc statim applicita fuerint duplicatis linteis vexiculæ ipsæ, & cutis à subiecto paniculo carnosio non elevabuntur, neque divellentur, atque dolor omnis arcebitur, inde inflammatio, & liquorum affluxus prohibebitur. Inde benè cuncta procedere solent.

Ad vexiculas etiam frænandas, valet aqua maris, vel communis cui sufficiens sal admisceatur. Vel sapo niger linimenti forma cum vini spiritu dissolutus.

Valet eximiè decoctum ranarum, sed magis succus ab iisdem expressus, vel epatum earum.

Atramenti scriptorii spongiam illico applicitam vestigium combustionis reliquisse duabus, vel tribus vicibus observavi in mediocribus combustionibus.

Albumen ovi, cum aqua rosarum, & sale saturni. Liquida verò, ut decoctum calcis, vel ejus aqua, cum spiritu vini canphurato plus valere reperies, quam quodlibet vnguentum, vel linimentum usuale.

Hoc potissimum inculcamus, ut statim per ea quæ actu, & potentia frigida sunt, & humida, humorum confluxus præveniatur, & dolor sedetur.

Vbi verò cutis contracta fuerit, ad fortiora auxilia transeundum erit, ad aquam calcis cum aqua Reginæ Hungariæ, & canphura.

Mucilago seminum cydoniorum cum aqua plantaginis extracta addito sale saturni, & canphura, quolibet tempore usurpari poterit.

Transacto tamen principio universa auxilia, quæ parti administrantur, tepida applicari debent. Semper verò aer omninò arcendus, potissimum frigidior. Sæpè enim ob aeris frigidioris noxas, vlcera maligna facta fuere.

Sapo Venetus omni modo adhibitus egregium auxilium est. Ab ejus enim oleosis tenuissimis particulis, cutis fibrillæ contractæ laxantur, ac demulcentur.

Acidæ verò falsæ particulæ ab introductis igniculis provenientes, alcalicis calcis particulis imbibuntur, ac attemperantur. Jecor devorans fibrillas subtus contentus, ut effluere possit curandum est, parato situ declivi ad exitum.

Si circa oculos sit combustio, doloris ratio potissimum habenda est. Ideò lac muliebre supra oculum sæpiùs emulgatur, & post aliquod tempus abstergatur; nam facilè acescit. Valet & mucilago seminum cydoniorum aqua rosarum albarum extracta addito saccharo saturni, & canphura.

Primis diebus vesperi post horam unam circitèr à cœna, laudano nepentes ad tria, vel etiam quatuor grana, in magnis, profundis, & dolentibus combustionibus feliciter usus sum.

Magnas etiam combustiones appello factas pice, oleo accenso, & consimiles, quæ quandoque in capite, & valdè sentientibus partibus contingunt. Pro quibus etiam omnium validissimum auxilium esse expertus sum hoc. Acceptis melle ad lib. ij. succis gamarorum fluvialium & sempervivi ana lib. 5. Aceti rosacei litargiro imprægnati vnc. iij. Hæc bulliant ad ignem per horæ quadrantem.

Qui



Qui autem compendiosiora, ac magis validiora cupit accipiat succum à gammaris expressum cum sale saturni, & canphura.

Vel ut Otto Tachenius jubet, priusquam vesicula elevetur, statim ardor extinguatur, quod fiet si petiæ sæpius frigide apponantur in aqua rosacea, vel alia cui tantillum spiritus vitrioli instilletur, ut vix aciditas percipi possit.

Qui autem in loco fuerit, in quo his careat, posca Galeni utatur, videlicet partibus tribus aquæ, & una aceti, namque si doloris, vexicæ elevationis, caloris, ruboris atque affluxus liquorum symptomata per hæc remove sataget, certam sibi victoriam polliceri a primè poterit citissimam.

### *Erisipelatis Auxilia.*

**I**Nurgente erisipelate circa caput, & cervicem, vivendi ratio tenuissima esse debet, res est enim plena periculi, ob corticum, & glandularum cerebri viciniam. Tunc etiam cautè topica auxilia administranda sunt, ne ad nobilem partem, peccans materia recurat.

Verum testibus, & hepatis regioni tutò admoveri poterunt duplicata lintea madefacta, in succo lactucæ, endiviæ, aqua rosarum, naphæ cum modica canphura, & aceto rosaceo. Syrupi, ac potiones propinentur, ex papavere potissimum. Tum ex endivia, portulaca, lactuca, acetosa, plantagine, hordeo. Si adhuc conditiones calidiores adsint, serum in magna quantitate exhibeatur.

Videlicet ad libras tres, vel quatuor, cremore tartari dejectorum, vel succo limonum, & ocu-

lis canceri diureticum factum.

Caveant interim ab ambiente frigido, ne lymphæ, & serum nutritium nervorum, (quod est hujus affectus legitima atque materialis causa) in glandulis cutis miliaribus incrassetur, magis ace scat, & stagnare cogatur.

In ceteris locis summoperè commendamus diaphoretica, tum absorbentia, quæ poros aperiendo, succos acidos pessundare valent, ut cornu cervinum, essentia viperarum, stybium diaphoreticum, oculi canceri.

Tum diuretica magnificiendâ sunt, per quæ coagulata lymphæ dissolvitur, & stagnans serum agitur, ac commovetur. Quod peragi potest per succinata, per salia potissimum absynthii, anonidis, & oculos canceri.

Topica ressolventia, acidum destruentia, coagulatum serum, & stagnans dissolventia erunt universa alkalina, absorbentia, canphurata, aqueis temperata.

Sola sæpè aqua calidâ cum sapone Veneto calidè applicita. Vel vini spiritus canphuratus, aut crocatus. Vel aqua calcis vivæ. Quibus omnibus semper sal saturni, & canphura admisceri poterit.

Valet & scordium, & absynthium cum lixivio ex cineribus cephalicis, vel urina & sale armoniaco ebullitum, & applicitum.

Volatilia etiam poros penetrantia, tubulos aperiunt. Succos stagnantes ad transfluxum invitando & obstructions tollendo calidè applicita profunt.

Cataplasmata etiam ex creta diluta, corticibus viridibus interioribus sambuci, vel aquam ex hujus flori-



floribus, saccharo saturni, & cerussa, nulli auxilio palmam cedere observabis.

Sit aer frigidus & humidus, qui nisi naturalis sit arte paretur. Vivendi etiam ratio universa ad frigidum, & humidum inclinare debet.

Si de bile admodum tenui suspicio sit, incrassantibus frænanda. Exhibendo animalium quadrupedum extremitates, caput, pedes, gelatinarum potius forma, pisces optimæ notæ, & potissimum saxatiles.

Ex holleribus utantur lactuca, endivia, malva, cucurbita, ptisana, pane in aqua gelida macerato, cum modico aceto. Potus sit aqua hordei, vel stillaticia endiviæ, acetosæ cum modico vino granatorum.

Universa pingua, oleosa, dulcia, vinctuosa vitentur. Quies eligatur animi, & corporis. Aluus lubrica fervetur, & somnus opiat, ac papaverinis procuretur.

*Pro Herpete, ac igne Persico auxilia.*

**A**Nte cætera tollendæ sunt universæ suspensiones, de lue Venerea, præmissis saltem per viginti dies consuetis auxiliis, quæ hujusmodi alexipharmaca esse diximus.

Postmodum lac asini per quadraginta dies propinetur. Decoctum itaque cum sudore, ac dieta sudorifera in graviore casu proponimus.

At in leviori decoctum trium dierum, cathartici stybiatis, ac mercurialibus intermixtum sufficere posse observavimus. Videlicet exhibendo in debilioribus pulverem Cornacchini. Vel mercurium dulcem, in ro-

bustioribus turpètum Paracelsi vel, herculem Bovii.

Exhibenda sunt etenim, quæ salinam acrimoniam obtundant, poros glandularum miliarium cutis referent, cuticulæ angustiores poros patentiores faciant, & lymphæ penum augendo, culinarum universarum excrementa elvant.

Intemperies sanguinis acida, salsa, per alimenta, atque medicamenta acredinem tollentia auferenda erit. Atque potissimum per chinæ decoctum, aliisque interius usurpatis medicamentis insistendum erit; quibus solis hic affectus sæpè tollitur.

Plurimosque sanatos vidimus, quibus viperarum, & theriacalium usum commendaveramus, & quorum obliti eramus, qui post annos se sanatos fuisse meis monitis gloriabantur, suæque patientia.

Ex topicis verò externis, quæ selectiora, magisque fidelia auxilia esse experti sumus, sincero calamo exarabimus.

Flores antimonii modico butyro recenti admixti, secretum Ballestræ domus nobis communicatum fuit, cum magno multorum sanatorum emollimento, plusquam luero.

Mercurius præcipitatus, sale saturniana, cum vini spiritu desuper accenso in vase plumbeo admixtus, intra breve tempus sanat.

In conductionibus valde biliosis, lac virginale. Vel sal saturni in aqua plantaginis solutum, ac linteis duplicatis applicitum efficacissimum est.

Pulveres etiam inspergantur ex cerussa, tutia, oculis cancri, sale saturni. Valent quinimò universa, quæ scabiem extirpare solent saturnina, aluminosa, sulphurea, mercurialia.

Ut



Ut mercurius sublimatus officinarum, vel dulcificatus in aqua plantaginis solutus, modico alumine crudo admixto.

Valet equis portionibus admixtis olei mercurii, & saturni.

Oleo tartari per deliquium parato, in quo sulphur vivum ebullierit locus manet, & vesperi foveatur.

Cum mercurio precipitato, sulphure vivo, & sale saturni butyrum recens, vel unguentum populeonis, celebre his auxilium constituit.

Externa fomenta fiant in contumaciori affectu, ex decocto calcis vivæ, salis armoniaci, cum sale saturni, absinthio, aloe, myrrha canphura. Vel solo oleo tartari per deliquium parato, inde balsamo Peruvano inungantur, aut oleo viperino.

Recta interim vivendi norma instituat, à salitis omnibus abstinendo, & à carne suilla, atque ab edulibus crassæ substantiæ.

Nisi tandem his cesserit affectus in vnc. f. butyri recentis misce drach. f. balsami caustici nostri pro linimento, & salus in foribus erit.

*Pro scabie, & affectibus pruriginosis cutis.*

**C**ardanus lib. 5. de subtilitate admiratur sulphuris energia in linimentis, scabiem, lepram, luem veneris à confinibus cutis propellentem.

Cui favet Jo: Elmontius in se ipso expertus, quod purgantibus, & aliis incassum adhibitis, tandem sulphuris inunctione sola convaleuit. Accipiendo sulphuris vivi pul. vnc. f. salis

communis drach. j. & butyri recentis vnc. ij. & optimè miscendo.

Methodica tamen ratio vult, ut prius vitiosi succi deturbentur, tum internis auxiliis, tum salubri dieta. Et potissimum instituta dieta sudorifera per decoctum lignorum, si delue Cætica occulta, aliqua indicia supersint. Deinde ad topica tutò accedere poterimus.

Vel saltem jus pullæ cum salsa, & china, præmisso pulvere viperino ad scrup. j. per quindecim dies summantur. Et post horam descendant in balneum paratum ex decocto malvæ, radicum althææ, furfurum.

In usu hujus balnei insistant septem diebus. Mox intermittatur, & cucurbitulæ plurimæ parvulæ scarificatæ, universæ cuti apponantur, deinceps in decocto, & pulvere viperino pluribus diebus insistant.

Corporibus autem extenuatis, etiam lac asininum (vel salē artificialem ex quatuor sem. frig. ma. in jure pullæ) cum modico saccaro, & pulvere cornu cervi, vel cum decocto viperarum propinetur per 40. dies.

Serum etiam caprinum in largā copia, cum succo borraginis, & balneatione in aqua dulci inservire his poterit, minori auxilio indigentibus.

Caro autem viperæ, tum testudinis nemoralis à proprietate in his affectibus prodesse observantur. Verisimile autem est hoc contingere, quoniam impurum sanguinem alienis salibus inquinatum dulcificant, alcalica ratione attemperant, modificant, atque ad exitum, & transpirationem per poros cutis dilatatos disponunt.

Impuro autem existente corpore, diaphoreticis ad cutem pellere, &

per



per eam evacuare velle, non licet medico methodico, quare per emetica antimonialia, vel mercurialia si quis prius totum evacuaverit, rectè ad affectus hujus sanationem procedet.

Tunc enim alternis diebus sumptis in ovo forbilli gr. vij. florum sulphuris, tribus, vel quatuor vicibus, absque alio longo auxiliorum apparatu plurimos me sanatos vidisse bona fide testor, qui multis annis cum hoc insuperabili affectu luctabantur.

Cum mercurio etiam dulci, sale saturni, sale marino, sulphuris pulvere, admixto vnguento florum aurantiorum, limentum efficax si quod aliud parabitur.

Aut si ab inunctione abhorreant, in aqua florum aurantiorum lib. 5. bulliat mercurii sublimati dulcis pul. vnc. j. neque ulteriori auxilio indigebunt; interim ab ambiente frigidiori se cautè munire patientes velint.

Scabiosorum sagacissima industria varios saponem excogitavit, quibus sordidarum manuum saltem tabo madentium immunditiem removeri posset.

Inter quos magis expertos recensabo. Accipias saponis Veneti vnc. j. sulphuris vivi drach. j. f. salis armoniaci scrup. j. canphuræ drach. f. mercurii sublimati dulcis scrup. j. misceantur, ac dissolvantur hæc omnia in lixivio calcis, & cinerum optimo, deinde ad debitam consistentiam coquantur, & sensim exiccari permitte.

Si autem in forti lixivio ex cineribus simplicium cephalicorum, aromaticorum, vel saltem ex cineribus sarmentorum vitis cum calce viva parato, inde ebullias modicam sulphuris quantitatem, addendo sapo-

nem Venetum quantum dissolvere possit ( seu ad crassitiem mellis ) & modicum olei tartari per deliquium factum, habebis perfectum saponem quo decantatissimus Scaramuccia circulator Bononiæ & in locis ubi plurima scabies grassabatur ditatus est.

Si autem vini spiritum canphuratum, cum sale armoniaco, & vnguento florum aurantiorum cum dicto sapone dissolvere volueris, non ingrati odoris, & efficacissimum limentum, ad quamlibet abigendam scabiem obtinere poteris.

Imò pro virginibus aulicis, atque decori studentibus, varii saponem odorati his formulis confici poterunt. Videlicet ex sapone Veneto, styrace calamita, radice ireos, floribus sulphuris, benzoino mercurio dulci, oleo tartari per deliquium parato, cariophyllis, mosco, & ambra.

Duriorum corporum flagellum pro abijcienda contumacissima scabie ad menses, & annos durante, balneum est ex lixivio in quo sulphur decoquatur cum modico alumine, & sale.

Vel loca scabiosa attingantur lixivio in quo copiosus mercurius sublimatus incoctus fuerit.

Memorabilis hoc loco pulvis Doctoris Gambelli est, qui paratur ex cinere clavellato, sulphure & sale, qui postmodum in oleo communi ebullitus; adeò efficax est, ut à canibus ipsis foetidissimam scabiem (Italicè dictam la stizza) abigere valeat.

Si itaque lixivium paretur, communi ratione, ex dicto Gambilli pulvere, addendo mercurii dulcis drach. j. salis saturni vnc. f. dissoluti in



spiritu aceti litargiro imprægnati, & cum ana olei amygdalarum dulcium hæc coagulaveris in linimentum molle, perfectum habebis adversus hunc pessimum contagiosum affectum, auxilium.

Ruriculæ Jebeti cum sulphuris pulvere & calce ana vnc. ij. sale marino vnc. j. & farina siliginea, duobus ovibus quassatis hæc subigunt, & placentulas efformant. Quas butyro frixas abijciunt, & solo butyro pro inunctione utuntur felici successu.

*Pro Lepra seu Elephantiasi  
auxilia.*

**L**eprosos affectus (nam legitima lepra antiquorum, Dei miseratione à nostris confinibus propulsa est), fædos, valdèque pruriginosos à causa Venerea quandoque nobis videre contigit. In vanum verò pro his abijciendis medicos laborasse recordamur, nisi alexipharmacis suis decoctis, & optimis mercurii præparationibus insuperabilem secus hostem aggressi fuissent.

A purgantibus igitur mercurialibus, ac antimonialibus exordiendum erit, atque à dieta lignorum sudorifera in tali casu.

Aer frigidior, & humidior magis desiderabilis est. Atque aeris assidua mutatio, seu peregrinatio per quam animus in his valdè mæstus distrahitur, vires recreantur, & spiritus ad insurgendum expulsionibus vigorantur.

Quandoque maneant in aere aperto, & aprico. Ruraque fræquentare non desistant, ubi aer perspirabilior est, & venationes paratæ. Prodest etenim moderatus motus ad sudorem usque deinde vestibus mun-

dis induantur.

Torpida in his alius blandè, ac humidè solventibus sollicitanda est.

Coitus super cætera fortè his insensissimus est. Experientia namque edocuit, quod qui coitu usi non fuerint, leprosi non fiunt ex.gr. eunuchi, virgines, in quibus nervosus albugineus liquor superabundare solet.

Quod benè ab aliquibus pensitatum, eos in suspicionem venire fecit, luem Cæticam originem traxisse à leproso, & menstruata foemina, albaque gonorrhea laborante. A quibus certè liquor albugineus nervorum nutritius contagione inficitur, inde cutis nostri corporis spermatica pars, pessimi sui nutrimenti penas luere compellitur.

Est igitur præcipua, & legitima leproforum affectuum causa, liquor albugineus nervorum, & spermaticarum partium nutritius. Omniaque auxilia ad eundem emendandum, rectificandum, nutritionique aptum reddendum diriguntur, ut fusiùs postmodum Deo dante in mea praxi ostendam.

Quibus præmissis concludere possemus, quod castratio sicuti dementiæ aliquibus fuit unicum auxilium, ita leprosis certum, & singulare remedium esse, atque rationabile. Quia tamen hoc in remediorum jucundorum catalogo venire non potest. Ideò hinc procul abesse jurebimus.

Sufficiat pro infallibili ostendisse quod Veneris ludi, his affectibus incrementa donant, dum à massa sanguinea serosum, albugineum, nervorum nutritium succum emulgendò, sanguinem suo butyro depauperatum, acribus salibus, ac muraticis liquoribus prægnantem relinquunt.



Hinc certa experientia monstrat, quod salacia animalia, (& canes) plus iusto cœuntia scabiosa fiunt, atque ad leprosos cutis affectus disponuntur.

Longo tempore insistere debent in tinctura antimonii singulo manè ad scrup. f. circiter.

Sivero altæ subsint obstructiones, etiam in obstinato usu martialium insistendum erit, & potissimum salismartis, & absynthii ana gr. v. cum decoctis aperientium simplicium.

Aurum potabile pro his redimendis captivis Hermeticorum turba profundere non desistit. At præciosiorem suo auro potabili, legitimam antimonii tincturam nostram, pronunc sua pace reputabimus.

Sic viperata, & usum vespertinum theriacæ, ac opiatorum commendare non desistimus. Prout tincturam granorum, juniperi, spiritu vini hyeme elicitam; vel spiritu eorundem granatorum, spiritu nitri admixto in aliis anni temporibus.

Summoperè in vivendi ratione lacticia à nobis commendantur. Ideò multiplicia quæ lacte parantur à nobis fercula his accommodata sunt.

Carnes teneræ, & optimi succi exhibeantur. Vinum album dulce. Uno verbo universa quæ liquorem nutritium albugineum nervorum augere possunt. Inter quæ lac eminere certum est.

Quamobrem lactea dieta cum balneo, his adaptari debebit. Penitus abstinendo à rebus salitis, ab aceto, & rebus acetosis. Succos enim melancolicos fermentant, & augent, & dulcem luccum nutritium depravant.

E contra jura, seu decocta viperarum, & viperata (quæ mirè alca-

lica pro massa sanguinea edulcoranda primum fortè occupant locum) cum carne testudinum, hepatibus, ranarum, exaltatos acidos succos melancolicos enervant, & attemperant. Sic millepedum pulveris, cornu cervini universa præparata auxilia magnificianda sunt.

Balneum itaque ex smegmaticis simplicibus abstergentibus, post propinatum lac administretur. Post balneum molles frictiones. Post has inungantur oleo arsenici copioso butyro recenti admixto, nec non nitro & oleo tartari.

Vel accipias butyri recentis vnc. iij. salis saturni vnc. j. butyri antimonii drach. ij. canphuræ drach. j. misce optimè, & inunge crustas quas sanare optas, nam post tertium diem decedentes, oleo postmodum viperarum loco inuncto non repullulant, jam extirpato pessimo fermento.

Pro qua indicatione felicius obtinenda bibant potissimum quatuor horis ante prandium, & quatuor ante cœnam, decoctum vnius viperæ in die, per duos menses, & ultra.

Memini quod tempore quo celeberrimus D. Jo: Baptista Silvestrinus (theriacæ & mitridati confector ultra decem millium librarum singulo anno) viperarum decoctioni allaborabat, meis intercessionibus favens, multis miserabilibus, cutaneis omnis generis affectibus conflictatis, hac dispensatione opem tulit. Tres hebreos quadam die hac decoctione potata intra mensem convaluisse meo magno risu audiui. Nam ex his duo sanationis impatientes, cum ad libras fortè quatuor, & ultra semel haussissent, per omnem viam eodem die purgati, absque alio remedio convaluisse audiui, qui se in foribus mor-



tis præ magna turbatione repentina crediderunt.

Qui verò tum decoctione usus viperarum ad vnc. vj. circiter in die, tum etiam eadem decoctione loca cutis fovit felici omine ad sanitatis portum devenisse notavi.

Tempore quo hæc haberi nequeant viperarum pinguedo inuncta validissima est imò eadem pinguedine copioso butyro admixta uti quilibet poterit cum magno proventu in cibis.

Sulphur etiam inunctum more antedictorum scabiosorum, tum lac sulphuris, vel etiam flores sulphuris ad gr. vij. in ovo sorbilli manè pluribus diebus epotum efficacissimum est.

Sale interim viperarum in usu continuo mensæ vtantur isti. Lacte verò virginali dolorosæ partes, si quæ sint molestæ inungantur.

#### *Adversus gangrenas, & sphacelos auxilia.*

**T**Vbuloꝝ obstructio tollenda ante omnia erit. Atque stagnantibus acribus succis liberior transitus procurandus est. Quamobrem perspirantia, atque diaphoretica magni sunt usus, quæ insimul coagulantia acida absorbeant, & massam sanguineam dulcificando, nutritioni aptam efficere possint, excrementis remotis.

Inter hæc validum est antimonium diaphoreticum, quod inane alkali est. Tum bezoardicum minerale, oculi canceri, & alia fixiora alcalica sudorifera.

Cordialia etiam interna, quæ cor à putridis miasmatis tueantur dum sanguis ad cor per venas redux

à loco sphacelato horrido tabo infectus pervenire potest) necessaria sunt, eaque spirituosa, aromatica, fragrantia; ut aquæ theriacales.

Elixiria quæ alibi varia proposuimus, & pulveres præciosiores, margaritarum, fragmentorum hyacinti smaragdi. Vini spiritus canphuratus. Aqua Reginae Hungariæ. Guttulæ balsami Pervani. Tinctura myrrhæ, & aromaticorum ad drach. j. bis in die.

Theriaca cum grano laudani hora somni. Tum salia volatilia viperarum, vel cornu cervi ad gr. vij. repetita bis etiam in die.

Topica verò auxilia partis, erunt fomenta facta cum aqua calcis vivæ, in qua ebullierint flores sambuci, scordium, absinthium, carduus benedictus, sabina.

Vel lixivium fortissimum paretur ex cineribus simplicium cephalicorum vel sarmentorum vitis, & cum ana vini spiritus canphurati, calidè applicetur.

Vel adhuc efficacius auxilium erit spiritus salis armoniaci tepens applicitus. Sæpè vero aqua calcis sola, vel cum aqua Reginae Hungariæ sufficere solet, aut etiam admixto copioso mercurio dulci, vel supra locum affectum eodem consperso cum urina humana.

In casu difficiliore, si dissolvas Ægyptiaci portionem, & tritum salem armoniacum admisceas, potentissimum remedium habebis, quod ulteriorem progressum morbi semper inhibet, & duorum dierum spacio mortuam portionem à viva absque doloribus separare solet.

Si denique ad sphacelum devenisse videas affectum, veluti ad sacram ancoram ad balsamum causticum meum



meum accedes ; vel ad butyrum antimonii , aut ad oleum mercurii , aut denique ad optimum spiritum salis armoniaci illitum , atque escaram butyro recenti separare contendes .

Postmodum balsamo sulphuris terebenthinato citissimè locum carne replebis , & ad cicatricem oleo Hispaniolæ , vel balsamo Pervano deduces , aut insperso sale saturni .

Victus ratio optima servanda ; electis , atque nutrientibus esculentis . Pro potulentis summant decoctum lignorum , sassafras lentisci , chinæ , salsæ . Vel potum theæ , aut aliud , quod alcalicam naturam sortiatur , acidis averfam .

Scorbuticis puerorum gangrenis in ore ortis , os spiritu vini eluatur canphurato , & myrrhato . Vel spiritu salis copiosa myrrha admixta locus attingatur . Aut spiritu salis armoniaci .

Verum nisi mineram à qua morbus initium summit eruere prius validis auxiliis aggressus non fueris interiùs , invanum laborans , oleum , & operam perdes , invalida fuisse auxilia perperam decantabis .

*Adversus Cancros , seu Carcinomata auxilia .*

**A**Nte cætera cogitandum est , ut acida corrosiva infrænentur , atque attemperentur alcalicis . Nec non diaphoreticis sanguis ab impuritatibus liberandus est .

Quæ sanguinem , & succos nostros incrassant coagulant , atque ineptos ad circulationem faciunt arcenda sunt .

Quæ calida nimis , ac fermentativa , sanguinis fermentationem nimiam , ac præternaturalem promo-

vent vitanda . Ut potè quæ tenues , volatiles particulas resolvant , & crassioribus relictis , pro sanguine legitimo , sanguinis crassamentum procreant .

Quamobrem alimenta calidiora vitanda , & quæ crassi succi sunt . Lacticiniorum usus his admodum conducibilis est , & post debitas expiationes lac asininum , vaccinum , vel caprinum pro variis exigentiis , & conditionibus .

In lacte vero si cancri , vel ranæ , vel testudines incoctæ fuerint , in duplum virtus augebitur . Quibus lac minus convenire videbitur , serum cum succo expresso cancrorum , ranarum , vel testudinum ad vnc. vj. singulo manè exhibeatur , per 40. & ultra dies .

Universa alimenta , tum potulenta , sint alkali , & sale oleoso volatili referta .

Acida , vero vel viscida , terrestria , aut sale corrosivo prædita vitentur . Hæc enim sanguinis massam incrassant , torpidam , atque minus circumstantem reddunt .

Motus his magis conducit quam quies & ocium . Experientia etenim docet , quod potius mulieres , & genus hominum vitam sedentariam degentium à cancro corripuntur , quam exercitati viri , validisque laboribus dediti , in quibus anhelationibus factis , atque pulsationibus cordis accelleratis , universa sanguinis massa fluidior fit .

Eligantur optimus aer , optimæ aqua , optimi cibi . Frequens loci mutatio animi levamen , corpori solamen esse consuevit , pro istis afflictis .

In motu tamen , & somno moderatè se gerere debent . Ab aceto , & acidis abstemii vivant , ne per hæc fer-



fermentescere ; ac ebullire cogant atrambilem. Vel stimulos acribus salinis particulis exaltatis addant, & sic dolores augeant.

Dieta interim sudorifera lignorum per quam correctio, ac per insensibilem transpirationem evacuatio excrementorum impetrari possit commendabilis est, decoctis salsæ, chinæ &c.

Cordialia, seu potius antimelancolica auxilia, summoperè prodesse poterunt. (Eademque absorbentium catalogo adnumerabimus) videlicet margaritæ, cornu cervi, lapis bezaar, corallia, ebur, os de corde cervi, lapides cancrorum cum confectionibus hyacinti, alkermes, & consimilibus.

Riverius se cancos sanasse gloria- tur aqua papaveris erratici. Eadem tamen usum fuisse pro potione suspi- cor, quam pro usu externo.

Convenientissimus est ab initio usus mercurii dulcis, ut potè qui optimus est acidi corrosivi domitor. Qui etiam diaphoreticis, ac sanguinem purifi- cantibus interponendus est, videli- cet viperinis, theriacalibus, canphu- ratis auxiliis, nec non à cornu cervi- no desumptis.

Inter attemperantia adhuc corrosi- vam acidam acrimoniam, sunt oculi cancri, tartarea, tum saturnina au- xilia, nitrosa, testacea, atque cali- beata, quæ pro re nata, & juxta varias ægri, anni temporum, ætatis conditiones, varianda erunt.

Sal itaque tartari vitriolatum, vi- triolum martis, salia volatilia tartari, vel cornu cervini, aut viperarum efficacissima erunt.

Si dolores intensi vexent, & repen- tinæ igneæ flammæ, opiata, tum

canphurata interiùs ; tum exterius adhibeantur.

Vnguenta universa, & ex farinis confecta cataplasmata quævis unctuo- sa, post te abijce, ut potè quæ em- plastica vi poros obstruendo, calo- remque natium exasperando, in- fluentem augendo, ad suppuratio- nem invitando, dolores, aliaque symptomata adaugent, ac exaspe- rant,

Topicorum auxiliorum alia vulce- ratum cancrum respiciunt, alia non vulceratum, sed dolentem, pro quo oppugnando methodicè à levioribus incipiemus ex. gr. à lacte non ebuty- rato, vel à lactis cremore in morta- rio plumbeo agitato, & applicito, admixto etiam modico sale satur- ni.

Oleum paritèr ranarum eodem modo agitatum cum sale saturni ele- gans ac utile incipientibus cancris auxilium donat. Adhibita interim per os decoctione chinæ, salsæ, flo- rum papaveris, scordii, admixto cornu cervi, & stybio diaphoreti- co.

Succus expressus à cancris fluvia- libus quocumque modo adhibitus, validissimum lenitium in inflamma- to, ac dolente cancro semper ex- titit.

Cui tamen nihil cedit oleum re- cens ranarum (& potissimum viri- dium) ex quo, & ex succo prædicto camarorum, & cerusa, & canphura certum fit doloris cancrorum leni- tivum.

In decocto etiam sempervivi, plan- taginis, si coquantur contusi gamari, & dissolvas salis saturni bonam quan- titatem, sufficiens doloris mitiga- tium habebis.



Summant interim vinum calibeaeum in usu mensae quotidiano. Saccharum vero borraginatum, vel antheros, aut violarum in quotidianis deliciis sit.

Si nocturna quies, & somnus non benè procedere videantur ad opiata, atque papaverina ne verearis accedere paulò ante ingressum lecti, nam præter somni ac quietis impetrationem, acidorum vires infringunt, & melancolicos succos moderantur.

Emulsiones itaque papaverinae. Quandoque & jusquiami semina cum croco, in aqua florum papaveris accommodata auxilia erunt.

Fatemur tamen, quod quandoque ad discutientia descendendum erit, per vices, inter quæ securius auxilium theriacam, viperinum pulverem, sed potissimum viperarum decoctum, longo tempore adhibitum recensemus.

Pro cancro verò exulcerato balsamus saturni in primo loco tentandus est. Paratur vero ex sale saturni drach. j. & olei amygdalarum vncia una; Hæc pistillo ligneo optimè mixta, imbutis stupis imponantur. Deinde super has stupas, alias in vini spiritu canphurato madefactas collocabis, ut resolvi, ac discuti possint aliqua sanguinis particulae, quæ sua mixtione sanguinis crasim alterant, ac conturbant.

Tum nonnullas alias, quæ in proximis tubulis ab acidis retardatae stagnant, & præmora, & corruptione corrosivam naturam induunt.

Aqua calcis vive, sale saturni prius supra vulceratum cancrum dolentem insperso, dat auxilium facile, sed nulli secundum.

Calidè etiam quater, & amplius

in die linteis duplicatis vel stupa applicita aqua Reginae Hungariae, (vel vini spiritus canphuratus) cum aqua calcis vivæ, & balsamo Pervano, preciosum fomentum his affectibus adhibebis.

Interea stybium diaphoreticum, ut potè evacuatum, & inane alkali frequentetur, ad acida potissimum melancolica absorbenda. Eoque magis si prædominentur aciditates putrefactivæ, ac escaroticæ.


Ad acidum etiam acre attemperandum, duritiem, ac obstructionem cancerosam tollendam, & incuneatam materiam, durum tumorem efficientem resolvendam, in spiritu terebenthinae vnc. iij. imponantur flores sulphuris vnc. s. opij crudi in spiritu terebenthinae dissoluti dr. j. & tepidè applicentur.

Vel cum ana sulphuris, & salis saturni & canphura pulvis paretur inspergendus. Desuper imposita duplicatis linteis aqua calcis cum aqua Reginae Hungariae.

In oleo tartari vnc. iij. si ebullierit vncia semis sulphuris vivi, fetorem à cancro aperto, & immunditiem omnem ab eo removebis.

Imò aliquibus tanto auxilio fuit, ut ejus usu diuturno præter spem sanitatem recuperare potuerint.

Monemus etiam hoc loco, quod medicamentorum mutatio in cancro necessaria est. Nam assueta medicamenta ab hoc morborum pessimo, ac cervicoso contemni solent, & semper ad nova medicamenta in melius procedere videtur.





*Adversus Carbunculos  
auxilia.*

**S**uccrescenti carbunculo pulli galinacei, podice deplumato applicentur, atque recentes iterum applicentur, donec amplius non moriantur (aliquando enim ad 5. & 6 imò ultra moriuntur).

Atque hoc idem in aliis omnibus tumoribus tempore pestis agendum est.

Utile etiam monitum sit hoc tempore pestilenti super cetera curam gerere, ut domi pullorum copia suppetat, non tantum ob prædictam adeò necessariam rationem. Sed etiam quia dum pulli adsunt, tum ova, carnes panis biscoctus, & optima cella vinaria, servi non compelluntur ad vivendi necessaria conquirenda huc illuc vagari, & pestem ferè semper secum ducere, ac introducere.

In carbunculo interim pestilenti nil deterius somno, qui calore retracto, igneum ejus ardorem adauget.

In victu exhibeantur ea, quæ sale volatilem in se contineant. Optima itaque juscula accommodata erunt. Acida coagulantia, tum acria corrodentia vitentur. Potus theæ, tum decoctio radicum scorzonæ, vel scordii, aut lignorum utiliter usurpabuntur.

Volatilia alexipharmaca, his coagulationibus adversantia, & vires cordis vigorantia, atque undique exolventia, dissolventia, ressolventia, in usu ponantur.

In primis valent theriacalia, canphurata, scordium, cornu cervinum, fixiora antimonialia, bezoardicum mi-

nerale, lapis bezaar. Viperina universa auxilia. Margaritæ, oculi cancri.

Progrediens carbunculus eadem ratione curari debet ut cancrena, quæ ad sphacelum tendit, (de qua suo loco curationem insinuavimus) scilicet omni studio escara separanda erit. Inde optima mundificatio, ac suppuratio procuranda.

Quamobrem si balsamo caustico meo, vel butyro antimonii circumliniatur, pars sana à syderata, per hæc acida generosiora separari cogetur. Suarum ignearum particularum agitatione liquorum motus in parte sana augebitur. Prava fermenta tollentur. Inde nutritio non impedita rectè munus suum obire poterit, & sanatio superveniet.

Aperto jam carbunculo turunda imponatur potissimum cum balsamo sulphuris terebenthinato & vini spiritu myrrhato. Aut aqua calcis cum spiritu vini canphurato, aut aqua Reginæ Hungariæ.

Si autem liquida jcorosa materia profluat, his addatur balsamus Peruvianus, vel hiperici.

Ex aloe etiam myrrha, canphura, sale saturni, croco, vini spiritu tinctura paratur, qua carbunculus per spongiam diu foveri utiliter poterit. Vel ex scordio, myrrha, olibano, croco, canphura, & aqua

Reginæ Hungariæ obtinebis auxilium, & quod cum cæte-

ris de primatu certa-

re potest. Sed

sceptico au-

xilio

prius pugnandum

est sicuti innui-

mus.



*Adversus panaritium  
auxilia.*

**C**orrofivi succi stagnantes aciores facti in summitate digiti corrigendi, ac emendandi sunt per absorbentia, & sudorifera, anodynismaritata.

Quæ succorum acrimoniam attemperent, & coagulata dissolvant, ad motum invitent, ac per sua vasa iterum refluere faciant.

Hujus farinæ sunt viperinæ, stybium diaphoreticum, cornu cervinum, decoctum lignorum, lumbricorum terræ pulvis, lapis bezaar, bezoardicum minerale.

Anodyna symptomati doloris, & acrimonie succorum obviam ire possunt. Quamobrem circa horam somni vespertinam, seu nocturnam commodè propinari poterunt, ut laudanum nepentes, theriaca recens, philonium Romanum, emulsio ex 4. sem. frig. ma. in aqua florum papaveris, decoctum eorundem, aliaque papaveracea, & opiata.

Topica verò præstantiora à Paracello chirurgiæ facilè principe celebrata sunt terræ lumbricus linteo exceptus viuis ac dolenti parti applicitus in ibique spacio 24. horarum detentus, veletiam ulterius, donec moriatur. Quo emortuo morbum curatum esse decantat ipse, tum discipulus ejus Elmontius.

Valet præterea ad dolorem mitigandum vini spiritus canphuratus, crocatus cum castoreo.

Digitus verò statim ab initio, in panem filigineum calentem à furno extractum immissus, ad extremam ægri tollerantiam, plurimis salutem reportavit.

Ex pulvere vero lumbricorum terræ, cum stybio pulverizato, & laudano. Vtilissimum supra cætera huic affectui ceratum parabitur.

Riverius centuria quarta varias historias eorum adducit, qui in aurem fellis immissa summitate dolentis digiti, intra paucas horas à dolore liberati sunt. Et quod cum risu admirationem parit tanti viri testimonium est quod dolor in fellis aure transplantatur, cum indiciis manifestis.

Topica ex legitimis indicationibus decerpta sunt quæ succos in digito stagnantes, ac jam evasatos, viscidos, ad refluendum in vasa sua ineptos factos resolvant.

Quamobrem præmissis internis absorbentibus volatilibus, & sudoriferis superius enarratis, lintea duplicata madida applicentur cum spiritu vini, oleo sabinæ, spiritu salis armoniaci, & canphura ana. drach. j.

Si hoc minus valere videatur, accipias aquam seu liquorem lumbricorum terræ in clybano procuratum, cum sale armoniaco, & aqua calcis.

Dolorem lenit balsamus Pervanus exterius tepidè applicitus. Difficultas solummodo est, quod in levi ac initiantе panaritio, supra recensitis auxiliis certè proficies.

Verum plurimum accidit, quod medicus in progressu convocatur, quando generosa quæque remedia incassum adhibentur. Et ratio est quia jam profundius malum hæret, & jam ad ossis cariem processit. Ideoque vel statim ferro aperiatur.

Vel balsamo caustico meo, aut butyro antimonii, aut alio validissimo acido tunc attingantur, nulla ex-



pectata suppuratione. Ne ossis labes major serpat, & partium nervosarum affectio ulterius increseat.

*Adversus Strumas  
auxilia.*

**Q**Uoniam strumarum parens ordinarius, malum in victu regimen esse consuevit. Mater vero acida in primis viis cruditas. A quibus coagula hinc inde procreari passim observantur.

Quamobrem inter prima & præcipua auxilia, optima vivendi ratio servetur, in attenuantibus insistendo. Fercula verò aromaticis condiantur. Mutatio aeris, & aquæ plurimum valet ad sanitatem inducendam.

Ob aquas enim de aliquibus mineris participes, variis in regionibus endemici affectus strumosi fiunt.

E contra notavit Paracelsus quod præ aquarum probitate penès Helvetios, in Valle Engadina nulli unquam strumosi fieri observantur.

Aer itaque optimus ille pro his affectibus judicatur, qui acido nitroso admodum repletus non sit. Aromatica, aperitiva, diuretica in ferculis commendantur, & moderatè salita.

Potus sit vinum medicatum lignis, tum cephalicis simplicibus, & amaricantibus, ut absynthium, carduus benedictus.

Siautem loco vini per mensem, & ultra lignorum decocto usi fuerint cum radicibus scrofulariæ, enulæ, anonidis, majorem sanationis confidentiam habere poterunt.

Decoctum etiam theæ, vel scrofulariæ seorsim adhibitum semper proderit.

Ne facilè ace scat chylus in primis viis omnis alea tentanda est, per fixiora absorbentia, per oculos cancri, stybium diaphoreticum, bezoardicum mineralem, per testaceorum pulveres, per spongiam combustam, & similia.

Sed præ cæteris multis feliciter successisse observavi antimonii tincturam longo tempore usurpatam ad scrup. f. duabus, vel tribus vicibus summò manè cum decocto aperitivo.

Aliis verò usum decocti viperarum, vel carniū & frequenti theriacæ sumptione, tempore somni.

Amara verò univèrsalitèr, smegmatica sua vi his affectibus generosa sunt auxilia.

Exercitia moderata, tum utilia, tum necessaria sunt, & quæ sanguinis fermentationem alacrem promovent.

Regis Gallorum benedictio, supernum auxilium naturæ leges ordinarias excedens est. Quo pro veris Christi fidelibus firmitèr credentibus, nec tutius, neque citius, neque jucundius esse potest.

Zacutus Lusitanus, strummas sic sanare aggreditur. Primò induratas nec apertas emollit brioniæ radice in oleo communi cocta, & more unguenti applicita. Secundò postmodum apertionem molitur. Tertiò insperso mercurio præcipitato, pessimum fermentum abolere satagit. Demum sulphure in lixivio forti (ex cineribus & calce parato) ebullito, & facto fomento mundationem ab omni earum inquinamento procurat. Et Pervano balsamo cicatrizat.

Si quis horum loco balsamo sulphuris terebenthinato usus fuerit, fortè felicius procedet. Et apertionem loco ferramentorum, vel fe-



pticorum post se pessimam qualita-  
tem relinquentium, & partis imbe-  
cillitatem foventium, si quis causti-  
co balsamo meo usus fuerit, vel bu-  
tyro antimonii, aut oleo mercurii.  
Victoriæ spem certiores concipere  
poterit.

Magnæ fidei viri, tum Elmontius  
testantur pro infallibili auxilio; quod  
ter manu mortui longa tabe infecti  
confricata certò sanet.

Multos audiui, qui longo tempo-  
ris curriculo singulo manè urinam  
propriam bibentes, se ab his gullæ il-  
laqueatoribus morbis liberarunt.

Aliis profuit sapo niger Venetus  
in forti lixivio solutus, & in vnguen-  
tum percoctus, applicitus ut vel res-  
solvantur, vel citò ad maturationem,  
ac apertionem deveniant.

Ad fermentationem pariter in suc-  
cis stagnantibus excitandam, cata-  
plasmata ex scordio, absynthio, ster-  
core columbino, sale armoniaco,  
radicibus brionæ, cimini cum tar-  
taro & urina efficacissima sunt.

Ceratum verò de ranis Jo: de Vico  
cum quadruplicato mercurio duri-  
tiem omnem emolliendo, sui pene-  
tratione removet, glandulasque ab  
omni infarctu liberat, earum tubulis  
undique refferatis, ut circulantibus li-  
quoribus aditus pateat.

*Pro bubonibus auxilia.*

**P**estilentibus bubonibus incipien-  
tibus applicandos esse pullos de-  
plumato podice, donec moriantur  
superius de febribus pestilentibus  
docuimus.

Iuxta vero Paracellsum buffo exic-  
catus applicetur, qui cum intumue-  
rit, ad confluentium venenatorum

liquorum concursum, alius appli-  
cetur.

Sed quia exiccati buffones non sem-  
per haberi possunt. Ideò commen-  
dabiliores sunt buffones exiccati pul-  
verizati, & cum aqua dissoluti tra-  
gacanthi in trochiscos concinati. Aut  
ex tempore cum melle misceatur  
pulvis buffonum, forma cataplas-  
matis.

Archeus etenim hujus hostis pro-  
pulsandi occasione, omnem pestis  
acrimoniam causticam validè insur-  
gens expellit, & ad locum buffonis  
demittit.

Post hæc tentata, vix caustico  
balsamo meo meliora auxilia ab arte  
obtinebis. Citissimè namque matu-  
rationem molitur, & apertionem  
Quo deinceps aperto ad mundifica-  
tionem balsamus sulphuris tereben-  
thinatus inservire poterit, postquam  
diutino tempore solo butyro escaræ  
calum, doloris mitigationem, &  
emollitionem tentaveris.

Vel accipias calcis vivæ vnc. j. vi-  
ni spiritus canphurati, succi hype-  
riconis, plantaginis ana vnc. s. salis  
saturni drach. j. misce, atque plu-  
maceoli his imbuti imponantur.

Fotus itaque ex volatilibus aro-  
maticis, aqua calcis, spiritu vini  
canphurato, carduo benedicto,  
scordio, distamo efficax esse consue-  
vit.

Per os verò tinctura bezoardica  
propinetur, ex radicibus angelicæ,  
zedoariæ, myrrhæ, croco, macis, can-  
phura.

Nec non diaphoretica ex cornu  
cervino, ex viperis, ex succino, &  
ex alexipharmacis. Vinum medica-  
tum proderit ex herbis, & radicibus  
aromaticis, volatilibus.

Sed vino præstantius erit decoctum



ex china falsa, saffrafras, stybio integro, & cineribus ex herbis aromaticis, quo coagula sanguinis, & aliorum succorum impediuntur, & circulatio promoveatur, stagnationesque in glandulis remoueantur. Jucundius verò parabitur cum saffrafras, falsa, china, & herba theæ, si saccharo edulcoretur, & corticibus citri aromatizetur, illudque ex parvis scutellis calens absorbeatur.

*Pro parotidibus auxilia.*

**E**Adem fermè quæ pro bubonibus auxilia proposuimus, pro parotidibus inservire possunt.

Nam balsamo caustico meo, vel butyro antimonii, aut oleo mercurii velocem maturationem, ac apertionem obtinebis.

Nec non mediante volatili, penetrante, ac tenuissimo hoc medicamento, tubuli omnes glandularum circumscripti adaperiuntur, deobstruuntur, neque diù stagnare permittuntur, & etiam prava fermenta extinguuntur.

Post talem maturationem, & apertionem, per quatuor, quinque, & ultra dies solo butyro uteris, deinceps balsamo sulphuris terebenthinato, & demum aliquo balsamo ex nostris vulnerariis ad cicatrizationem obtinendam.

Rei verò summa præcipua locata est, in maturatione, & apertione celeri, quæ absque validis prædictis medicamentis difficultè impetrari possunt; inde prorogata stagnatio liquorum pravorum cerebri proxima, plurimis est causa extremi Fati, ac necis.

Ab initio igitur parotidis sal cornu cervi volatile, vel viperinum ad

grana septem circiter cum decocto sudorifero valebit.

Prout tinctura succini, & quæcumque alexipharmaca diaphoretica reputantur. Quæque cordialia vires cordis, ejusque fermentationem adaugere, ac stagnationes propulsare possunt.

*Adversus tumores edematosos auxilia.*

**A**D serositates in toto redundantes evacuandas. Et pituitosas materias attenuandas, liquandas, sudor provocetur, vini spiritu accenso in instrumento caprea dicto, vel etiam undique stragulis circumpositis, per horam circiter.

Prius tamen decocto sudorifero lignorum propinato, more consueto, &c.

Aer prohis ad calidum inclinans eligatur. Diutiùs vigilare proderit, atque vberius exerceri ad sudoris provocationem. Universa victus ratio, moderatè calefacere, non valdè exiccare, sed mediocritè attenuare debet.

Frigida crassa excrementa in toto, & in capite (pituitæ metropoli) redundantia eliminanda. Et eorum proventus inhibendus.

Quod potissimum obtineri poterit per optimè institutam dietam sudoriferam, decocto lignorum, falsæ, radicum chinæ, saffrafras, stybio, & cineribus simplicium cephalicorum, aromaticorum, quadraginta diebus continuato.

Deinde per quindecim circiter dies adhibita theriaca ad scrup. ij. cum scrup. s. olei succini noctu eundo cubitum.

In his enim multo magis confiderem,



rem, quam in mero decocto, seu jure galli in cujus ventre simplicia cephalica confuta ebulliant.

Annitendum est itaque per os auxiliis exhibitis, ut succi frigidi, crudi, corrigantur. Obstructiones aperiantur, ac particulae in sanguine introducantur, quae impedimenta sufficientis sanguinis motus tollant. Et debitam per singula membra sanguinis circulationem inducant.

Cibos aromatibus condire licebit. Vinum pro usu mensae sit medicatum lignis decoctorum, tum simplicibus cephalicis. Verum si pro vino, decocto secundo lignorum, seu bochetto utantur magno cum aegri emolumento fiet.

Sorbiciuntulae etiam quandoque voluptuosae herbae theae, & sassafras quae his proficuae esse possunt non interdiciantur.

Nec non amaricantium usum. Ut cortices aurantiorum conditae, conserva absynthii, betonicae. Elixir proprietatis Paracelsi.

Frequens etiam usus viperarum, theriacalium, elixirium, ad vigorandam cordis fermentationem, admodum inservire potest.

Nam lympham intrassatam, & stagnantem attenuare, & ad motum progressivum invitare valet.

Pro qua intentione executioni mandanda mercurialia auxilia primum occupare locum certum est. Nam ad deobstruendas infarctas glandulas lymphae, ac feri albuginei nutritii receptacula, & incernicula, super caetera artis auxilia palam reportant aequè intrinsecus propinata, ac extrinsecus admotata.

Arcanum itaque corallinum Paracelsi, vel Hercules Bovij. Aut no-

ster praecipitatus mercurius per ignem solum Muriani ad grana tria circiter singulo die, donec salivatio compareat, sufficere poterit, quae purgante per inferiora exhibito illic cessabit.

Exterius vero fomenta ex lixivio, sulphure, & modico aceto valida sunt. Sed validiora fortè, quae ex aqua sola marina parantur, ac reposito membro in eo situ, ut declive non sit, nec non fascia, aut valida compressione ligatum. Est enim Galeni documentum in 12. meth. Si pars aliqua (potissimum extrema) edemate tentetur, post fomenta deligetur incipiendo inferius desinendo superius. Ea tamen ratione, ut strictior inferius, mollior superius ligatura sit. Emplastrum etiam ex farina lentium, calce viva, & aqua salita cum eadem deligatura inservire poterit.

Spongia etiam alligata aqua, aceto, & sale imbuta, noctu tempore somni. Vel lixivium ex cineribus cephalicorum simplicium, & calce viva paratum, cum aqua salita, & nitro, valida admodum auxilia sunt. Validiora etiam, si & sulphur incoquatur.

Verum sicuti non admodum difficile erit per hujusmodi medicamenta, attenuare, resolvere materiam in edemate contentam, vel (quod plerumque accidit) per situm declivem venis resorbentibus lympham, & serum stagnans, ac edema constituens trudere, ut iterum ad vasa majora pergens circulationis, motui restitatur.

Ita difficilior provincia est, ut crasforum humorum generatio inhibeatur. Quamobrem ante caetera optima ventriculi concoctio procuranda est,



est. Per antidota magna theriacæ, mitridatum, tum per viperata, succinata, & decocta lignorum, quæ stomacho, ac capiti prospiciant, ut tum emendationi superflue lymphæ, inepti feri pro nutritione spermaticarum albarum partium sufficere possint.

*Adversus Syrrhum  
auxilia.*

**G**alenus monitum est in 12. meth. quod in syrrhosis affectibus nullum vehementer calefaciens, & siccans medicamentum aptum est. Talia enim, subtilia digerunt, & quod reliquum est multo magis impingunt. Sed admoveantur ea, quæ emolliendo digerere possunt.

Valeat ergo decoctum brionie radicis, quod tum epotum, tum radix ipsa applicita, sæpè sola sufficere potuit.

In syrrho non admodum indurato, neque indolente decoctum absynthii, cum spiritu salis armoniaci sufficere nobis non semel; & herba pro cataplasmate applicita cum sale armoniaco, & gummi ammoniaco dissoluto.

Fotus, balneationes partis, nitro, sulphure, cineribus vitis, sale armoniaco, absynthio floribus camomelli in vino, vel urina, aut lixivio coctis summopere valent.

Absynthii summitates cum sale marino copioso, in sacculo calentes efficaces sunt.

Sed his non minus, radix brionie, cum seminibus cumini, sale nitro, gummi ammoniaco forma emplastri adhibita.

Minus inveterati syrrhi resolvuntur vini spiritu canphurato, vel

spiritu salis armoniaci.

Ceratum verò ex gummi armoniaco, galbano, cum terebenthina, & mercurio, duos, & inveteratos sanat. Quo etiam efficacius esse expertus sum ceratum de ranis Jo: de Vico cum quadruplicato mercurio.

Si autem his validis auxiliis cedere velle non videatur, balsamum causticum meum ad drach. f. butyri drach. f. optimè mixtum, illiniatur manè, & vespèri. Nam ad motum ac fermentationem provocatis succis immobiliter stagnantibus, concoctionem, apertionem, vel insensibilem transpirationem, ac transudationem eis donabit.

Idem (sed aliquanto ignavius) butyrum antimonii, vel oleum mercurii operabitur.

Sed legitima curandi ratio exigit, ut externæ causæ frigidorum incraslatorum, stagnantium liquorum ante cætera tollantur. Victusque tenuis ad calidum, & humidum vergens instituitur.

Aer crassus, nebulosus vitetur. Vitetur prolixior somnus, otium, & tristitia. Vinum album, tenue lignis medicatum sit.

Dieta sudorifera lignis procurata super cætera fortè auxilia efficacior erit, cum pulveribus, & decoctis toties decantatis. Ac in usu mensæ ordinario bochetum, seu decoctum secundum pro 40. dies.

Celebratur usus martialium, tum vitriolatorum & potissimum salis vitrioli, tum panacea Ambaldina ex sale capitis mortui vitrioli.

Tum tinctura vitrioli, nec non tartari, longo tempore adhibita.

Vinum medicatum enula, bac-



eis juniperi . Salia in mensæ usu viperina volatilia , vel cornu cervini .

*Adversus varii generis tumores ,  
generalia , tum peculiaria  
auxilia .*

**A**D ganglion , sufficere poterit ceratum de ranis Jo: de Vico , cum duplicata portione mercurii , & oleo viperæ . Adhibita desuper lamina plumbi .

Interiùs verò exhibeantur quæ fermentativa volatilia , fluiditatem humoribus conciliare valent , ut sunt decocta sudorifera lignorum cum pulveribus cornu cervi , viperini . Potus theæ .

Exterius verò decoctum calcis viæ cum urina , & sale armoniaco . Tum vini spiritus canphuratus per modum vespertini fomenti .

His nisi ganglion cedat , cogitandum erit , ut admixta drach. s. balsami caustici mei cum vnc. s. butyri aliqua ratione solvatur , ac dissolvatur . In cujus loco butyrum antimonii , vel oleum mercurii subrogari poterit .

*Talpam capitis* , absque manuali operatione numquam benè sanatam vidi . Quare post incisionem factam , vel apertionem per balsamum causticum meum , aut butyrum antimonii , aut lapidem inferni , postmodum balsamum sulphuris terebenthinatum usque ad finem sufficere poterit .

Nisi pro cicatrizando amplo vulcere oleo Hispaniolæ , vel balsamo Pervano uti velis .

*Pro polypo extirpando narium* , nullum unquam aptius medicamentum mihi videre contigit balsamo caustico meo . Quo non solum radi-

cibus eruitur . Sed ejus pessima fermenta relinqui solita averuncantur .

Optimum tamen consilium fuerit semper per decem , & ultra dies prius uti dieta sudorifera lignorum , etiam cum suo bochetto seu secundo decocto in mensa .

Atque cerebrum omni arte , theriaca , viperatis , & succinatis ab excrementis quantum fieri potest liberabis .

Talisque vivendi ratio instituitur , quæ humorum acrimoniam attemperet , eorum generationem inhibeat . Quare attenuans eligibilior erit .

Deinde si incommoda dolorifici auxilii vitare cupias , & mitiora tentare velis , aqua aluminosa Fallopii uteris in qua mercurii dulcis copiam dissolvas .

Vel Ægyptiacum inspissatum , rectificatissimo vini spiritu dissolutum , cum portione præcipitati dulcificati per mixtionem salis saturni deflagrati .

*Pro debellandis verò agnoscis tumoribus* , ante cætera ad intemperiem sanguinis salsam acrem . Seu potius ad serum albugineum nutritium nervorum , cum massa sanguinis circumstantem , ad naturalem statum reddigendum te convertes . Quod potissimum peragetur decoctis lignorum falsæ chinæ consuetis .

Additis etiam viperinis , theriacalibus , succinatis . Nec non validioribus diaphoreticis salibus volatilibus cornu cervi , viperarum , succini .

Tum stybio diaphoretico , sale vitrioli , oculis canceri , & aliis , absorbentium titulo venientibus .

His etiam conferunt sorbitiunculae



læ herbæ theæ, tum amarorum conservæ, & parata auxilia aromatica, cephalica, stomachica.

Quibus, mediantibus humiditas ista serosa, seu serum nutritium nervorum impurum, etherogeneis salibus prægnans simul cum lymphâ à capite potissimum proveniens, & à toto corrigi, & ad exitum disponi possit.

Ideòque ab humectantibus, & potulentis quantum fieri potest abstinendum erit. Atque dieta exiccanti utendum.

Topica deinde super partem affectam aquoso tumore erunt, aqua calcis cum spiritu salis armoniaci, ac spiritu vini canphurato.

Lixivium forte cum sulphure, oleo tartari, sale saturni, & canphura.

Per os verò tincturâ tartari, vel stybii longo tempore adhibita efficax est. Tum cremor tartari, tartarus vitriolatus. Cum decoctis aperientibus, diureticis, diaphoreticis.

Quod si his non cedat affectus locus, scarificandus, aut tubulo aquarum eductore (in paracentesi) liquoris hujus exitus procurandus erit.

*Pro tumoribus tunicatis, seu cysticis  
ut atheroma, steothoma,  
melliceris.*

**F**erro aperiendi sunt, deinde mercurio præcipitato, dulcificato tentare debemus, ut cystis, seu folliculus integer abscedat.

Si autem patiens à ferro abhorreat, vel sit in loco periculoso, caustico nostro, vel aliis infradicendis

aperiatur, deinde balsamo sulphuris terebenthinato integra mundificatio peragetur, & tandem balsamo Pervano cicatrix perficiatur, semper adhibito cerato de stybio desuper.

*Pro tumoribus ficosis, mariscis,  
condilomatibus.*

**A**tingantur gossipio madefacto in oleo caustico meo, deinde tribus sequentibus diebus solo butyro communi innungantur ad integram escaræ separationem. Postmodum unguento de tutia uteris, usque ad finem.

Qui oleo caustico balsamico meo caret utatur butyro antimonii, vel oleo arsenici, seu mercurii, & hac ratione pessima fermenta averuncantur, quæ per solam incisionem difficultè avelluntur.

Quia verò lues Cæltica ut plurimum subest, ideò dieta sudorifera lignorum, & aliis recensitis luis alexipharmacis debellanda erit.

Sic enim sanguis crassior, impurus, stagnationibus pronus attenuari, volatilizari, & ad exitum disponi poterit, viperatis, succinatis, cornu cervino adhibitis.

Sic Vinum medicatum antedictis alexipharmacis diaphoreticis. Vel bochetum, seu decoctum secundum inservire poterit. Secus enim vina austera, tum crassarum partium alimenta, ac potulenta fugienda erunt.

Pro delicatulis verò, & illis qui levia incerta potius auxilia, sed non molesta, quam valida, & verè sanantia; sed dolorosa remedia amplectantur, suffitus ex cinabari per quatuor, quinque, vel amplius dies



tentandus est, admixto antimonio, & sale decrepitato, donec salivatio apparere incipiat, quæ purgante per inferiora exhibito illic cessabit.

[Deinceps super locum affectum fons fiat, ex spiritu salis armoniaci cum calce viva, vel aqua calcis, & spiritu florum sambuci.

Epythemata etiam ex floribus camomelli, verbasci, baccis juniperi, sale tartari, & sale armoniaco tepide applicita valebunt.

Verum levioribus non juvantibus (ut ordinariè fieri solet) ad fortiora accedendum ut diximus, videlicet ad balsamum causticum meum, vel ad oleum arsenici mercuriale, quibus nunquam palmam, ac horum pessimorum affectuum victoriam denegatam fuisse recordor.

*Adversus flatuosos tumores, emphismata Græcè dictos.*

**A**ER calidus, tenuisque eligatur. Cibi verò calidi, attenuantes, flatus discutientes, ut sunt carnes sylvestres assæ. Flatulenta, tum aromata vitentur.

Vigiliæ immoderatae, & quæ calorem innatum, spiritusque animales prosternunt fugiantur. Imò ad calorem imminutum roborandum, cibi optimi succi offerantur. Et in potu vina, ac potulenta aromatica,

Fercula condimentis, ac speciebus aromaticis condiantur. Tinctura idcirco cinamomi, macis, oleum anisorum, essentia citri, cariophyllorum, commendantur. Tum aqua fœniculi, in qua decoquantur flores camomelli, cum spiritus nitri guttulis. Sic tinctura corticum

aurantiorum, vel florum camomelli.

Topica verò externa supra locum affectum erunt sacculi ex floribus camomelli, sambuci, seminibus anisorum in vino coctis, ac calide impositis. Vel etiam forti lixivio incoquantur baccae juniperi, summitates scordii Cretici, flores camomelli, semina cumini, & baccae lauri, sacculoque inclusa fervide fontui inserviant.

Lixivium etiam ex cineribus vitis, vel simplicium cephalicorum aromaticorum, cum copiosa calce viva, spongia applicitum sufficere pro omnibus solet, si tumor superficialis sit.

Verum si profundus, extemporaneum auxilium magna cucurbitula applicita esse consuevit.

*Pro ani procidentia auxilia.*

**S**UPERFLUI liquores serosi, icorosi hujus affectus causæ, dieta sudorifera lignorum, absumendi sunt.

Vel saltem validioribus diaphoreticis salibus volatilibus viperarum, cornu cervini, succini, & consimilibus. Validisque pugnandum excitantibus, & potissimum balsamo caustico meo plurimo butyro admixto, sic enim ignis siccitatis vim imprimere, & non cauterizare locum poterit.

Sed in leviori affectu, ac recentiori, post repobtionem intestini recti digito indice, oleo mastichino, & pulvere mastichis illito, æger aliquo tempore supra ventrem jaceat.

Ut vero firmetur oleo hyperici illi-  
Rr linia-



liniatur, pulvere gallarum, & florum hyperici confuso.

Insidat etiam sacculo parato ex floribus, & foliis verbasci pulvere mastice, olibani, succini, atque in vino facta ebullitione, tepens adhibeatur.

Suffitus etiam ex olibano, mastice, gagate, thure, myrrha efficaciter operatur.

Oleum mastichinum destillatum in quo verbasci flores incoquantur, cæteris auxiliis palmam surripere consuevit. Est enim flos verbasci, & ejus planta, pro intestini recti affectibus universis. Super cæteras plantas auxilium magis accommodatum, & specificium.

*Ad venas varicosas  
auxilia.*

**A**cidum incrassans, in sanguine delitescens eumque ponderosum, minusque mobile reddens, attemperandum. Et sic sanguinis coagulatio quædam, ac stagnatio impedienda, tum venarum dilatatarum tunica adstringenda, & quantum fieri potest earum circulares fibrillæ coarctandæ.

Acidum corrigentia, seu imbibentia huic negotio apta erunt cornu cervinum, lapides cancrorum, corallia, perlæ, & testaceorum omnium pulveres, tum boli præciosiores.

Sed in casu graviore ascendere licebit & ad sudorifera decocta lignorum, & ad pulveres diaphoreticos, salium volatilium; cornu cervi, viperarum, succini.

Topica sint exiccantia, terrestria, bolus armeni subacta cum succo gra-

natorum & onphacio, & gallarum pulvere, mitillorum sumachiorum. Atque desuper imposita lamina plumbea, fascia apta deligetur.

Sed supra cætera solliciti sint ægri de recta victus ratione. In cibis tenuis, ac mollis substantiæ insistant.

Vino utantur lignis medicato. Omniaque tentent quæ massam sanguinis à particulis acidis, & viscidis liberare possint.

*Adversus varias hernias  
auxilia.*

**I**N hydrocele, seu hernia aquosa. Primò alimenta universa aquosa interdiciantur, nec non potus largiores.

Dietaque sudorifera instituenda per decoctum lignorum sassafras lentisci, chinæ per 40. dies. Adhibito etiam bochetto, seu decocto secundo pro usu potulento in mensa.

Postmodum ad topica deveniendum, facto fomento ex lixivio sale communi, & cinino. Tum iis adhibitis, quæ pro tumoribus aquosis superius insinuavimus.

In enterocèle seu hernia intestinali, quæ per quatuor dies nullis auxiliis intromitti potuit *Riverius Cent. 3. observ. 82.* vocatus per fotum vini spiritus calentem per duas horas continuatum, ægrum restituit. Stagnantibus enim liquoribus circumstantibus, qua duritiei, ac tumoris erant causæ, motu procurato, & regressu in venas facto omnia sedata.

Si herniæ intestinalis recens sit prolapsus in scrotum illicò curetur applicitis petiis in aqua frigidissima in-



intinctis, tum alia omnia quæ in dolore colico adhibeantur & felicissime repositio subsequetur ut ipse tribus vicibus vidi.

Si autem de curatione absoluta, peritonei lacerati, vel relaxati loquamur, in adultis ut plurimum irrita esse solent administrata auxilia, in pueris frequentèr feliciter succedit, si morem gerere velint, atque subligaculis strictis ut opus est pareant.

Si itaque inveterata sit hernia, annitendum saltem erit ne perfecta evadat, cum intestini prolapsu in scrotum. Quod fiet accommodato cingulo gestato cum cerato meo sine oleis parato. Accipiendo pro uncia una lacrymæ abietinæ vnciam, & semis mastice pulverizati, & dracmas sex sanguinis draconis in lacryma, & dracma una gariophyllorum pulverizatorum, quæ ad ignem liquata miscentur, ac extenduntur super alutam applicandam.

Abstinentum etenim censeo ab omnibus oleosis à quibus nunquam bonam operam observare mihi contigit.

Caveant ægri huiusmodi, ab universis flatuosis, tum ab aquosis vinis, vell albis tenuibus, aut fæci proximis. Sed vina potent generosa vetera, austeriuscula, in bonis locis nata, non lapidosa, neque crassa, turbida, recentia musta.

Post cibum semina anisorum confecta summant, vel alia flatus pellentia alibi insinuata. Aer frigidus angue pejus vitetur, tum pedum frigus, quod herniæ est insensissimum. Multosque invenias ab ingenti pedum frigore, vei colicos, vel herniosos factos.

Moderata sint exercitia, nulla verò anhelosa, aut in quibus spiritus contineri debeat amplectantur. Sternutamenta fugiantur.

A tussi vehementi, à clamoribus, à secum violenta expulsionem, a salibus, ab onerum gestatione, & similibus abstinere debent.

Quando de sanatione spes est, longus in dorsum decubitus, & pedibus retractis fiat. Quæ de castratione, infibulatione cum anullis, & alia multa proponuntur, ut injuncta ab hoc loco expungimus, ac Norfinis relinquimus.

Monemus tantum quod ab actu frigidis, tum à rerum frigidarum assumptione semper abstineant. Unoque verbo, ab omnibus illis, quæ in peritoneum repentinum impetum facere possunt se contineant.

Sic ab omnibus acidis, austeris, frigidis, salinis viscidis caveant. Spiritus tamen salis cum vini spiritu anisato ad guttulas mixtus propinatus, magnæ est efficacis ad intestini repositionem procurandam; flatus enim potentèr absumere valet.

*Adversus cutis aliquas defædationes  
& mala, cosmetica  
auxilia.*

**A**D thimos, verucas, seu porros extirpandos par balsamo caustico meo auxilium non invenies. Vel saltem aqua regia optima in qua copiosum sal armoniacum dissolutum sit.

His mitius operatur; sed minori molestia sapo niger subactus cum alumine usto, & vitriolo rubrificato.

Vel Ægyptiacum igne inspissatum,  
R r 2 &



& multo mercurio præcipitato admixto. Aut etiam simplici spiritu salis armoniaci tangantur.

Postmodum aqua calcis fræquenter locus foveatur, ac abluatur. Deinde oleo de lateribus admixto pulvere sabinæ fiat linimentum.

Si vero ante hujus applicationem, locus foveatur petiis in lixivio intinctis, in quo copiosus sapo niger dissolutus sit, melius ages.

Validissima sunt sabinæ folia in vino macerata, & applicita. Vel oleum euphorbii, cum pulvere synapis, sulphuris, & salis. Postquam eosdem extirpaveris per aliquod tempus spiritu vini, admixto copioso saturno locus attingatur, ne fortè repullulare possint.

Pro fungosis, duris excrescentiis ubicumque ortis, aut cornibus dictis extirpandis, balsamum causticum meum valere poterit, vel oleum de arsenico, cum halonitro detonato, per deliquium collectum sufficiens erit.

Decocta interim exhibeantur fudorifera ex lignis, ut in lue Cætica. Sunt etenim hujusmodi affectus adinstar tophorum venereorum. Ideoque & viperatis, & alexipharmacis pugnare optimum consilium erit, pro certa salute.

Post topicorum causticorum usum, sal saturni cum canphura, calce viva, tutia, succino pulverizentur, atque inspergantur, remota jam escara. Vel suffitus fiant ex succino, & sabina, deinde oleum mercurii illiniatur. Aut alia mercurialia in magis perstinaci usurpentur.

### *Adversus callos scisuras*

**C**allos ubicumque locorum tollit talleola fucci limonum apcita, tribus, vel quatuor noctibus repetita, factaque scalp pro abrasione.

Vel sæbo, canphura, sperma cæti, sale saturni rigidiores fibræ emolliantur, deinde scalpello callus abradatur.

Adversus scisuras, pellemque duram, scabram sapo paretur, quo manus abluantur, ex sapone Veneto in lixivio forti dissoluto, amygdalis, benzuino, canphura, & cocto ad debitam consistentiam.

Ad callos verò tollendos procurabis, ut tubuli aperiantur, ampliores fiant, atque flexibiles reddantur, vini spiritu crocato, & canphurato. Vel gummi ammoniaco in spiritu vini dissoluto, atque iterum inspissato, & applicito.

Prius tamen immergantur manus vel pedes in decocto emollienti, ut calli postmodum abscindi possint.

Quod felicius obtinebis per saponem nigrum in lixivio ex cineribus, & calce facto, instar linimenti soluto, petiis excepto, & noctu applicito, expectata emollitione, ut abscindi ac extirpari possint.

Ego (ait Riverius) felicissime eos curare soleo, callo profundè inciso, deindè oleo lini imposito gossipio imbuto, & hoc rarè fallit. Vel cum galbano, resinâ, pice, & sale armoniaco medico, fiat ceratum applicandum. Aqua verò calcis vivæ semper proficua est.



Aliis auxiliis nisi cedere velit affectus, ad butyrum antimonii, ad lapidem ignis, & nobiliora caustica accedendum erit, deinde post casum escaræ mediante butyro, balsamum sulphuris adhibeatur, demum sarco- ticæ pulveres inspergantur.

Ex auripigmento etiam, sulphure, & nitro ana, cum cera, & amoniaco ceratum molle paretur, & applicetur.

In callosis duritiibus communiter post emollitionem tentatam sapone in lixivio soluto, & ad instar linimenti igne incrassato, callus inciditur, postmodum resina apponitur, vel amoniacum cum euphorbio, & nitro solutum.


*Adversus ranulam linguam, paganam dictam.*

**O**ptimo oleo sulphuris bis in die tangatur inde os abluatur frequenter vino granatorum in quo dissolutum sit sal, & alumen.

*Adversus impetiginem, pustulas rubras, & alias minutas defædationes cutis.*

**F**requentèr abluantur calcis vivæ decocto & hoc sufficere consuevit. Vel ex oleo tartari, canphura, cerusa, cinabari, & sale saturni linimentum efformetur, quo eundo cubitum patiens utatur.

Si his cedere nolint, cogitandum de decoctis lignorum, & viperinis, nam lucem Cælticam subesse sanationem impredientem suspicaberis.



*Adversus maculas albas, & alias cutis nitorem tollentes.*

**V**nguento rosaceo cum mercurio præcipitato canphura, cinabari, & balsamo Pervano pro linimento uteris. Semel verò in die oleo tartari per deliquium parato locum affectum abluet.

Vel efficacius lacte virginali inunges. Quod si pervicax affectus his cedere nolet, decocto calcis cinerum vitis, & floribus sulphuris, aqua Reginae Hungariæ permixto per plures dies uteris.

Pro domicillis verò, & aliis delicatioribus, uteris vnguento pomatæ dicto, vel etiam florum aurantiorum, balneum florum dictum vnc. ij. sulphuris flores, nitri, salis armoniaci, mercurii dulcis ana drac. j. misce & cum speciebus diambra, nobile linimentum, ac efficacissimum ad omnes cutis defædationes constitues.

*Adversus escaras & repentinas in cutem efflorescentias.*

**M**assa sanguinis à salinis acris bus particulis ante omnia per sudorifera, tum diuretica liberanda erit. Quod potissimum per lignorum decocta, & viperina impetrari consuevit; tum per cornu cervini præparationes, per tincturam tartari in aqua cardui benedicti, vel Saxonie.

Lotiones affectæ partis fiant lixivio, & nitro copioso soluto. Vel lixivio ex cineribus vitis, & calce parato, in quo stybium crassè contusum ebullierit.



Oleum tartari, oleo amygdalarum dulcium, & aquæ Reginæ Hungariæ, pro his affectibus nobile dat auxilium.

Cujus viribus par est illud quod paratur ex aqua plantaginis, saccharo Saturni, mercurio dulci, spiritu vini canphurato, aqua calcis, cum oleo tartari, & oleo amygdalarum admixtis.

*Pro stygmatis fœtui à matre inditis.*

**I**nter comedendum id quod fuit in causa stygmatis, saliva locus stygmatis frequenter, & longo tempore illiniatur. Elmontius verò jubet, ut locus tangatur manu demortui, longo tabifico morbo interempti, atque permittatur, ut frigoris sensus in eadem intromittatur.

*Pro maculis hepaticis dictis* quæ scilicet inæquali rubore, tumore, vultum afficiunt. Optima instituitur dieta, ad refrigerans inclinans. Deinde in aqua florum sambuci, & aqua calcis bulliat lytargiri, & cerusæ ana vnc. j. facta colatura, in eadem dissolve canphuræ drach. f. quæ manè, & vesperi pro ablutione vultus uteris.

*Pro foveis, & maculis à variolis relictis.* Inungantur balsamo saturni, facto ex sale saturni drach. j. & pinguedine viperæ, & ac oleo myrrhæ drach. f.

*Adversus varos* (& sunt veluti scabiosi exigui tumores faciei) manè post lotam faciem aqua communi, abluantur succo limonum, & aqua florum sambuci, vel decocto

in quo solvatur tantillum aluminis.

Si validius remedium ex optes. In succo vnius limonis, solve drach. ij. mercurii dulcis, & drach. j. salis Salis saturni. Quæ cum vnc. ij. olei amygdalarum admiscebis.

Vel manè pars attingatur spongiola succo limonum, vel citri, & tartari admixto. Noctu verò eundo cubitum illiniatur facies unguento pomata dicto, vel etiam admixto vnguento florum aurantiorum, hac enim arte fiet alba facies, exposita, ac valdè nitida.

*Adversus maculas, & defædationes omnes sive faciei, sive manuum.* Prædictum artificium invire poterit, ex succo limonum, & oleo tartari. Vel lac virginale paratum ex aceto destillato lib. ij. in quo stet infusum litargyrum ad vnc. v. Quo uteris cum ana olei tartari per deliquium parati. Dum enim ei commiscetur candissimum lac constituit, cutem eximè dealbans, & morbidam reddens.

*Adversus scissuras manuum pedum.* Pinguedo recens gallinæ, commixto sulphure pulverizato eundo cubitum, celeriter sanat.

*Pro frigore læsis.* Theriaca soluta in vini spiritu canphurato propinetur. Si pars verò de sphacello periclitetur, lixivio, vel urina tepida cum vini spiritu prius lavetur, deinde balsamus hyperici superponatur.

*Adversus perniones* (buganze vulgo dicuntur) Penès Italos vulgares proverbium invaluit eos medicos ignavos appellare, qui perniones curare caluerint. Cum tamen penès sollertes, & magni ingenii viros,



viros, curandorum pernionum legitima ars, magni viri, ac judiciosi reputanda sit.

*Ex Hippocratis itaque doctrina in lib. 5. Epid. elycimus, quod: Perniones sunt tundendi, atque calefaciendi.* Cui sententiæ inhærentes, nos applicitis supra perniones hyrudinibus, factaque inunctione balsamica, & chyrotecis ex pellibus agninis propulsato frigore, voti compotes sæpius sanationis fuimus, potissimum si vesperi ante lecti ingressum per horæ quadrantem in balneo seu fomento ex simplicibus aromaticis, calefacientibus, balsamicis manus, vel pedes imponantur.

Intentiones præcipuæ sunt, ut stagnantes coagulati præ frigore liquores, dissolvantur, & naturali suæ circulationi restituantur. Præ stagnatione verò acriore s facti, demulciri, ac attemperari postulant.

Primò itaque lenitèr fricandi, ut calor, & motus iisdem liquoribus sensim restituatur.

Deinde validiora deobstruentia usurpentur, in quorum albo erunt vini spiritus canphuratus. Oleum terebenthinæ, vel juniperi. Quinta essentia rosmarini. Oleum seu potius liquor lumbricorum. Spiritus salis armoniaci. Balsamus Peruvianus. Oleum canphuræ.

Foveantur decoctione in vino albo facta, ex scordio, absynthio, radicibus brionæ, seminibus anisoforum, cum sale armoniaco, & tartaro, addendo in fine quartam partem vini spiritus.

Rapæ coctæ calidæ pernionibus vesperi applicitæ, vel earum decoctum pro fomento, vel balneo administratus efficax auxilium est.

Sapo niger cum æqua parte vitelli ovorum applicitus, pernionum exulcerationem prohibet, & repetita applicatione sanat. Anseris vero pinguedo à pernionibus præservat. Potissimum si cum oleo canphuræ admisceatur.

Suffitus vero ex cinabari, & resinis balsamicis, ac potissimum myrrha validissimus est.

Ulceratis autem pernionibus oleum terebenthinæ, & alia quæ pro vulceribus superius proposuimus adhibenda sunt. Si potissimum dolor urgeat, vini spiritus cum croco, & oleo terebenthinæ adhibeatur. Vel oleum succini pro omnibus sufficere poterit.

Sed his efficaciorẽ esse experieris vini spiritum canphuratum, crocatum, cum liquore lumbricorum sale armoniaco, & aqua calcis vivæ, quæ tepidè foveantur aliquandiu, tum applica relinquantur.

Toto autem curationis tempore, externus frigus quantum fieri potest arcendum est. Secus si locum aqua frigida humectaveris, & aeri libero exposueris, sanationem consequi posse des-

perabis, & reclamantis vulgi irri-

fioni subij-

cieris,

ne

quidem sanandis pernio-

nibus urilem medi-

cum te esse

posse.

(?)

Can-



*Causticorum auxiliorum pra-**culiares prepara-**tiones.*

**N**ihil est in arte Chyrurgica aequè desiderabile, ac auxili-  
lium, notitia, ac propria  
experientia accommodatum posside-  
re, quo mediante in hoc valdè de-  
licato saeculo, sectionum ac incisio-  
num operationes terribiles, ac do-  
lorosae tollerabiles, & non admo-  
dum molestae reddi possint. Potis-  
simum in pueris, & in foeminis, &  
in his, quibus fortia pati insolitum  
est.

In hoc igitur postremo loco ali-  
qua caustica auxilia concinabimus  
partim nostrae experientiae, partim  
amicorum communicatione nota,  
quibus mediantibus absque scal-  
pellis, & syringotomis universam  
fermè artem Chyrurgicam exercere  
possis.

Universis namque fermè inten-  
tionibus variis auxiliis admixta in-  
servire poterunt confortando reffol-  
vendo, mundificando, incarnando,  
cicatrizando, prava fermenta ab-  
sumendo, omnia denique peragen-  
do. Quibus natura opus habet, &  
ars medica exigit. Quae juxta Hip-  
pocratis sententiam in additione, &  
detractione consistit.

Alibi etenim de meo balsamo  
caustico naturam, modum ipsum  
conficiendi, & varias adhibendi  
formulas declarabo. Ut in usu po-  
situm dicta mea, Veritati corres-  
pondere per experientiam fateri pos-  
sis. Interim istaec inutilia tibi futu-  
ra non esse speramus.

Causticum ita sine dolore, quod

cutē intra vigintiquatuor horas per-  
vadit obtinebis, si locum primo ace-  
to acerimo frices, deinde saponem  
subactum cum ana calcis vivae appli-  
caveris, modico acerimo lixivio prius  
emollitum. Quod si lixivium, ex  
caulae, brassicae incinerato conficiatur,  
efficacius erit; ejusque sale.

Inter caustica maturantia, & abf-  
que multa mordicatione cauterizan-  
tia est stercus columbinum, cum sul-  
phure, & praedicto lixivio subactum.

Numeratur & sapo niger cum ana  
caricarum subactus.

Septicam vim habent universi aci-  
diores spiritus ut est oleum sulphu-  
phuris, aqua regia & consimiles de-  
stillatione elicti spiritus.

Carnes absumens, & excrecentias  
omnes absque dolore tollens auxilium  
est, pulvis summitatum fabinae con-  
spergus in casu levi. Sed si efficaciora  
exigantur, accipias cum dicto pulve-  
te summitatū fabinae vitriolum ustum,  
& alumen ustum cum unguento  
Ægyptiaco inspissato.

Vel alumen ustum in aqua vitae so-  
lutum, & cum Ægyptiaco mixtum,  
atque ad ignem inspissatum ad cra-  
sciunculam consistentiam.

Fermentum acre, cum modico sul-  
phure, atque columbino stercore, for-  
ti lixivio cinerum vitis subactum, in-  
dolens, & cum maturatione aperiens  
causticum est.

Lapidum infernalium varias de-  
scriptiones invenies. Quolibet suum  
patrocinatorem habentes. Nos quem  
magis facimus subnectemus.

Septica etenim alia acida sunt, alia  
alcalica fixa, quae ex lixivio saponar-  
iorum, vel cinerum diversarum plan-  
tarum igneam vim magis continen-  
tium, vel ex similibus elyciuntur, quae  
ideo



ideò penès aliquos , minus usualia sunt, quoniam facilè liquefciendo, locum exulcerationis mutant.

Sed potius his auxiliis ad maturandos duros tumores , atque ad supurationem promovendam utuntur.

Præferenturque acida, quorum tria præstantiora judicamus .

Primò cristalli lunares ( ex quibus legitimus lapis infernalis dictus paratur . Secundò butyrum antimonii . Tertiò aqua regia in qua opium dissolutum sit .

Christallorum lunarium præparatio talis est . Accipias argenti vel æris quantum tibi sufficere videtur de aqua regia quadruplum & amplius ut argentum , & æs optimè solvi possit . Post solutionē abstrahatur per retortā aqua regia . Nam id quod in fundo remanet ad modum capitis mortui , cristalli lunares sunt, quos validiore igne exiccabis . Atque canphura conspersos loco canterizādo applicabis te præsentē per dimidiam circitèr horam , ne ultra exigentiam vis septica diffundatur . Inde butyro applicito escaræ casum expectabis .

Butyri antimonii præparato, scilicet ex antimonii pulvere , & mercurio sublimato adeò vulgaris est, ut superfluum sit eandem hoc loco recensere . Monemus tantum, quod id quod in collo retortæ hæret validior est . Sed si cum tenuiori parte liqueat in cella , inde lento igne rectificetur , & parte magis volatili, ac aqueiformi prius exeunte separata , id quod in fundo retortæ liquidum adhuc restat

servetur, tunc nobile septicum , copiosa canphura admixtum obtinebis.

Aqua verò forti qui uti voluerit, addat singulis dracmis ejusdem , opii scrip. s. circitèr .

In mitiori hiperfarcosi auxilia erunt alumen astum , vel mercurius præcipitatus, vel Ægyptiacum in vini spiritu dissolutum & ad ignem inspissatum . Vel oleum mercurii . Pulvis sabinae . Valet ad idem spiritus vini cum aqua calcis , sale saturni , viride æris & canphura , si locus sit partibus nervosis, ac dolorificis proximus .

*Defensiva etiam auxilia dicta, quæ mihi magis accommodata visa sunt hoc loco subnectam duo: Accipias igitur cerusæ, stybii pulverizati, succi cancrorum, plantaginis, & tutiæ præparate portiones in molle linimentum adaptandas .*

Vel succum ex floribus ebullorum, aut ex viridi mediana eorum cortice elicatum cum copioso sale saturni & ovi a lbumine .

Hæc pro nunc Laconicè à meo calamo exarata, grato animo accipias rogo , ampliora suo loco expectaturus, quando integram praxim meam evulgare datum erit à summa conditoris bonitate , qui in hoc sanè fluctanti universæ Europæ statu , meliori sorte vellificare jubeat, procul ab Euripo in quo voluntati meæ vim inferri singulis momentis persentio .

Te autem procul à procellis legentem Deus in littore sedere jubeat, tuæque vota secundet, gratisque donet, ut me amare pergas.

F I N I S.



## I N D E X

## C O N T E N T O R V M.

## P A R T I C U L A I.

*De morbis mulierum.*

<b>P</b> Ro menstrua purgationis suppressione, vel imminutione auxilia.	pag. 1.
Pro virginibus clorosi laborantibus auxilia.	3
Ad menstruum fluorem immodicus.	5
Uteri fluorem albus,	9
Sterilitas.	11
Uteri praefocatio.	14
Furor Uteri.	18
Mola uteri.	19
Uteri procidentia.	20

## P A R T I C U L A II.

*De morbis Capitis.*

<b>D</b> olor in genere dolor capitis.	23
Vertigo.	27
Phrænitis.	29
Lætargus.	31
Vigilia.	34
Incubus.	36
Apoplexia.	38
Affectibus somnolenti Coma.	Caros.
Vigiliae morbosae.	40
Paralysis.	41
Convulsio.	43
Epylepsia.	46
Catarrhus.	50
Podagra.	51
Affectibus melancolici mania,	59
Hypocondriaci affectus.	61
Hæmorrhagia.	71
Morbi oculorum.	74
Affectus aurium.	78
Memoriae læsiones.	81

## P A R T I C U L A III.

*De Affectibus Thoracis.*

<b>A</b> ngina.	84
Tussis.	86
Asthma.	89
Pleuritis.	94
Peripneumonia.	97
Inflammationes genericæ.	99
Sputum sanguinis.	101
Phtisis.	104
Atrophia.	106
Empyema.	114
Cordis palpitatio.	115
Lypotymia.	116
Syncopes.	118

## P A R T I C U L A IV.

*De Affectibus Abdominis.*

<b>C</b> ardialgia.	124
Fames morbosæ.	127
Innappetentia.	129
Singultus.	131
Sitis.	133
Vomitus.	136
Læsæ ventriculi concoctis.	136
Cholera.	143
Diarrhea.	146
Dysenteria.	151
Lienteria.	157
Fluxus hepaticus.	158
Hæmorrhoides.	159
Jæteritia.	161
Cachexia.	163
Hydrops.	167
Syrrhus lienis.	171
Colicus dolor.	175
Illiæcus dolor.	181



Volvulus.	182
Lumbrici.	185
Nephritis, ac Lythiasis.	187
Dysuria. Iscuria. Stranguria.	197
Diabetes.	ibid.
De Venenis in genere.	201
Lues Venerea.	205

## PARTICULA V.

<b>F</b> ebrium causæ in universali, ac symptomatum.	212
Continua.	213
Intermittens.	213
Ephemera.	218
Hæctica.	219
Maligna.	220
Pestillens.	244
Variolæ.	253
Febrium symptomata.	256

## PARTICULA VI.

### *De morbis ad Chyrurgiam spectantibus.*

<b>V</b> ulnera.	260
Symptomata vulnerum.	262
Vulnera capitis.	272
Vulnera punctin inflicta.	ibid.
Vulnera sclopetorum.	275
Vulcera.	277
Tumores.	282
Inflammatione.	ibid.
Dolores in genere.	287

Fracturæ.	289
Luxationes.	290
Contusiones Delapsi ab alto	ibid.
Pro obæsitæ minoranda.	291
Ad gracillitatem.	292
Ad ambusta.	ibid.
Elisipelas.	294
Herpes.	295
Scabies.	296
Lepa.	298
Gangrena.	300
Cancer.	301
Carbunculus.	304
Panaritium.	306
Strumæ.	306
Bubones.	307
Pro parotidibus.	308
Edema.	ibid.
Syrrhus.	310
Tumores varii.	311
Ganglion.	ibid.
Talpa.	ibid.
Aquosi tumores.	ibid.
Cystici tumores.	312
Ficosi tumores.	ibid.
Condilomata.	ibid.
Flatosi tumores.	313
Ani procidentia.	ibid.
Venæ varicosæ.	314
Hernia.	ibid.
Cosmetica.	315
Callus. Pernio.	316
Caustica varia.	320

**F I N I S.**




22415











RHXX

3

QHA

\$ 125.00



